

سرائیکی ادب وچ

# معنی دا پنڈھ

اسلم رسولپوری





اسلم رسولپوری سرائیکی ادب دے ذہین تے باشعور نقاد ہن۔ انھیں سرائیکی ادب وچ جدید تنقیدی روایت دامنڈھ بدھن وچ بنیادی کردار ادا کیتے۔ ہک باعلم نقاد ہون پاروں انھیں جدید نظریات دے سوجھلے وچ تنقیدی لکھتیں نال سرائیکی ادب دی آبیاری کیتی اے۔ جدید سرائیکی ادب دے ارتقاء تے تشکیل وچ اسلم رسولپوری دیاں تنقیدی تے تحقیقی خدمات بے پناہ ہن۔ ایں سانگے انھیں کوں جدید سرائیکی تنقید دابانی آکھیا ونج سگدے۔ ویسے تاں اسلم رسولپوری دی کتاب "سرائیکی ادب وچ معنی دا پنڈھ" ادبی تنقید بارے ہے۔ تاہم ایندیں تمام لکھتیں دی بحث ادب دی علمیات دے گرد گھمدی اے۔ ادب دی علمیات ادب کنوں ملن والے علم، ادبی علم دے ذرائع تے اوندی صحت دے تجزیے دا ناں اے۔ روسی نقاد بیلنسکی دی پیروی وچ اسلم رسولپوری کہیں فن پارے دے اسلوب دی بجائے اوندے معنی و مفہوم تے ڈھیر توجہ ڈیندن تے ادب پارے دی بہتر تعبیر وچ کوشاں رہندن۔ ایں کتاب وچ سرائیکی شاعری دی تاریخ بارے تحقیقی مضمون وچ سرائیکی شاعری دی نویں درجہ بندی کیتی گئی اے تے اینویں مضمون "نویں سرائیکی کافی دایمی فیضو" سرائیکی شاعریں واسطے تحریک دا باعث بنی۔ اسلم رسولپوری سرائیکی ادب دی تحلیل نفسی کریندیں ہوئیں ادب دے لاشعوری محرکات دی نشاندہی کیتی ہے اتے ایندے ذریعے ادب دی ماہیت تے تخلیق دی وضاحت وی کیتی اے۔ ایں کتاب دے ہر مضمون وچ اسلم رسولپوری ہک صاحب رائے نقاد دے طور تے سامنے آئدن۔

"سرائیکی ادب وچ معنی دا پنڈھ" کوں ساڈے ادب دا Opinionated تعارف آکھیا ونج سگدے۔ اینکوں پڑھ تے قاری نہ صرف سرائیکی ادب دی ٹور دا اندازہ لاسگدے بلکہ اسلم رسولپوری دے فکری ارتقا کنوں وی آشنا تھیندے۔ اسلم رسولپوری سرائیکی ادب تے تنقید کوں جدید دنیا نال ہم آہنگ کرن دا عمر بھراہر کیتے۔ انھیں دا مقصد سرائیکی ادب دی Modernization کرن ہا۔ انھیں دی پوسٹ ریڈیکل تنقید دی روح قوم پرستانہ شعور ہے۔ اچکل اسلم رسولپوری مابعد جدید تے مابعد نوآبادیاتی نظریات دے مطابق تنقید لکھدن تے انہاں نظریات کوں ترقی پسندیت دا فکری وارث سمجھدن۔

سرائیکی ادب وچ

# معنی دا پنڈھ

اسلم رسولپوری

سرائیکی پبلی کیشنز رسول پور

**Voyage of Meaning in Siraiki Literature**  
**by**  
**Aslam Rasoolpuri**

سارے حق راہگوں کو

سرایکی ادب و صحیح معنی دا چنڊھ	ناں کتاب:
اسلم رسولپوری	لکھاری:
شیر احمد بلوچ	کیوزنگ:
اپریشن آف فیس اینڈ فروٹ ڈش آن اے سچ ساڑ ڈالی	تکھہ پناں:
500	تعداد:
2014ء	سال اشاعت:
999/- روپے	مئل:
سرایکی پبلی کیشنز رسولپور	بھپنڈر:
حاجی حنیفہ اینڈ سنز پبلی کیشنز پریس لاہور	چھاپہ خانہ:



تحلیل نفسی  
دسے نائویں

عظیم ادب معنی نال ممکنہ حد تاں میں مملو زبان اے۔

ایڈرا پاؤٹ

فن شعور تے لاشعور دا ملاپ اے۔

واں کوکتو



## تسذیر

8

پیش لفظ: خبردار! اگو تے قاری فعال ہے

## شعری ادب

- 32 • سرانگی کلاسیکی شاعری دا تحقیقی مطالعہ
- 101 • سرانگی کلاسیکی شاعری دیاں فلسفیانہ جواہاں
- 111 • سرانگی شاعری دے نمایاں رجحانات..... سرسری مطالعہ
- 122 • سرانگی ڈوہڑے دا چھوٹا جیہاں جائزہ
- 134 • شاہ لطف دی سرانگی شاعری
- 148 • لطف علی: حیاتی آتے شاعری
- 155 • خواجہ فرید، اقبال آتے نیٹھے
- 164 • خواجہ فریدی غیر صوفیانہ تشریح
- 176 • خواجہ فرید: اہم تے کل دا شاعر
- 182 • کیا خواجہ فرید پنجابی زبان دے شاعر دین؟
- 188 • ڈوہڑہ جات فریدی
- 193 • دیوان فریدی ماسٹر کاپی
- 198 • غلام محمد و اصف دی سرانگی شاعری دا تعارف
- 202 • حاجی احمد نگار تے روشن ضمیر دا قصہ
- 207 • لطف علی: روایت پسند شاعر
- 209 • محمد حسین شاد تے شاعری دی زبان
- 219 • شاکر تونسوی دی شاعری
- 222 • غلام حسین زارودی ترقی پسندانہ شاعری
- 227 • حسن رضا گریزی: حاشیہ نشین موضوعات دا شاعر
- 245 • اقبال سوکڑی دا شاعرانہ مقام
- 252 • عاشق بزداری شاعری
- 259 • آکھیں وچ دوزخ بارے مختصر گالھ

- 261 • ظلم دے اہگوں ہتھیار نہ سٹٹن والا شاعر
- 266 • بلندیں رشتیں تے کھڑا شاعر
- 275 • خدا کرے کوئی ہال رووے
- 279 • شاعری وچ شاعر دیکھس
- 282 • آساں شاعر لوک بچارے تیں
- 287 • سرانگنی ادب وچ نثری شاعری
- 291 • سرانگنی غزل اچ انقلاب
- 297 • ڈومعاصر شاعر
- 300 • تراہے دے شہر وچ پیرورائی تریمت
- 305 • اُداس کھسیں واسطے مرجات
- 311 • منفرد شاعری دی گویا اچ
- 314 • مابعد نوآبادیاتی عہد دا بیانیہ
- 335 • کون اسراڈے پیر پھسی
- 343 • حبیب اللہ طارق دی ہک غزل دا سیکھی مطالعہ
- 347 • نویں سرانگنی شاعری آتے ثقافتیں دے درمیان مدافعتی عمل
- 352 • نویں سرانگنی کافی دا مینی فیسٹو

## نثری ادب

- 358 • سرانگنی کیوں؟
- 362 • سرانگنی قومی تحریک آتے سرانگنی ادب دا فیذا
- 364 • سرانگنی رسم الخط دا دفاع
- 369 • نئی محمد حسن دا وطن
- 372 • سرانگنی گلاسری وچ نویں کلام: پوچھی
- 376 • سرانگنی نثری ادب وچ حقیقت نگاری
- 381 • چھوٹی زبان وچ وڈے ادب دے امکانات
- 383 • غلام حسن حیدر رائی دیاں سرانگنی ادبی خدمتاں



- 391 سراینکی ادب وچ اسماعیل احمد آئی دا حصہ •
- 399 سراینکی ادب دا منفرد سفر نامہ •
- 404 پکھی واس تے ہک جھات •
- 406 سراینکی ادب دا اگواٹا افسانہ نویس •
- 410 جھہ دا سنیہا وچ سراینکی وسوں •
- 412 مسرت کلا نجوی: تانیثیت کنوں اہکاں •
- 417 ویندی رت دی شام وچ حقیقت تے ترقی پسندی •
- 422 سراینکی افسانے دا فنی ویورا •
- 426 سراینکی افسانے وچ عورت دے مسائل •
- 432 سراینکی ادب وچ تریہیتیں دا حصہ •
- 437 سراینکی ڈرامے دا المیہ •
- 442 سراینکی دے پہلے چار ناویں دا تنقیدی جائزہ •
- 445 کیا بستی اہم ناول ہے؟ •
- 448 اسلم میلا دے سراینکی انشائیے •
- 451 م۔ی۔ قیصر آئی بطور سراینکی محقق •
- 454 سراینکی ثقافت ہک نظر وچ •
- 458 ”مختصر تاریخ زبان و ادب: سراینکی“ دے بارے کچھ کھ لھیں •
- 464 سراینکی وسیب وچ صلواتاں تے ہدے •
- 471 وادی پنجند وچ صحافت تے تبصرہ •
- 475 گم شدہ باب تیں رسائی •
- 478 ادبی تنقید آتے پس سائنسیات •
- 480 حملہ آوریں دی فکر دے سراینکی ادب تے مبنی اثرات •
- 488 آثر لفظ: سراینکی ادب دی تحلیل نفسی •

## خبردار! اگوتے قاری فعال ہے

لکھتیں دا ایہ مجموعہ میڈے چالھی سال کنوں زیادہ سرائیکی ادبی پندھ دی کہاٹی ہے۔ ایہ اس عرصے وچ سرائیکی ادب دے ارتقاء دی تاریخ دی ہے۔ جیندا ناصر میں اکھیں ڈٹھا گواہاں بلکہ فعال قاری تے لکھاری وی رہیاں۔ جنس لہ لہ ایہ منظر نامے کوں تحقیقی آتے تنقیدی ادبی مضمونیں، تبصریں وغیرہ دے ذریعے محفوظ کیجے۔

میں نکلے لاء کنوں لکھدا آیاں، شاعری وی کیتی اتے نثر وی لکھی۔ جیڑھی مختلف رسالیں تے اخباریں وچ چھپی وی رہی لیکن اوپر امری تعلیم اپنی زبان وچ نہ ہووٹ دی وجہ کنوں ہک گم کردہ راہی وانگوں اُردو وچ ہی۔ ات واسطے میں اپنے سرائیکی ادبی مجموعیں وانگوں اتھاں وی اُردو دی کوئی تحریر شامل نہیں کیتی۔

ایہ 1970ء کنوں کجھ سال پہلے وی گالھ ہے۔ میں ڈل سکول اللہ آباد ضلع ڈیرہ غازی خان وچ پڑھیدا ام۔ لیکن سیاسی طور تے چوری چھپے نیشنل عوامی پارٹی دیں میٹنگیں وچ حصہ گھندا ام۔ اس دلچسپی اتے ذوق شوق دے علاوہ مطالعے دی وجہ کنوں میں اوں وقت دے وڈے وڈے قوم پرست اتے ترقی پسند رہنمائیں مثلاً مولانا عبد الحمید بھاشانی، جی۔ ایم۔ سید، اجمل خٹک، رسول بخش پلیجو، میجر اسحاق محمد، قسور گردیزی، عطاء اللہ ملک اتے انھیں ہوں ساریں نال ملن شروع کیتا اتے انھیں دے اثرات دے تحت مظلوم قومیں اتے طبقیں دے حقوق دا شعور حاصل کیتا۔ بعد ازاں اس موضوع تے مارکس تے لینن دیں تحریریں دا بغور مطالعہ کیتا۔ تے ول سرائیکی قومیت دیں محرومیں بارے سوچن لگب گپوم۔ ایندے نتیجے وچ اُردو دی بجائے سرائیکی (ماء پولی) وچ لکھن دا فیصلہ کیتا اتے ول سرائیکی دے وڈے وڈے



لکھاریں نال لکھن پڑھن دا سلسلہ جوڑیا۔ جنھیں وچ ڈاکٹر مہر عبدالحق، بشیر احمد غلامی بہاول پوری، پروفیسر دلشاد کلانچوی، مولانا نور احمد فریدی، میرحسان المجیدی، محمد اسماعیل احمد اٹھی، اختر علی بلوچ، کیفی جام پوری آتے غلام حسن حیدر اٹھی شامل ہن۔ ایندے نال اپٹے ہم عصر شاعریں وچ سرور کربلائی، قیس فریدی تے اقبال سوکڑی وی شامل ہن۔ بزرگ شاعریں وچ ملک غلام رسول ڈڈا، نور محمد سائل، سفیر لاشاری، یتیم جتوئی، جانابز جتوئی، غلام حسین زائر تے ریاض رحمانی نال تعلقات دا سلسلہ بٹیا۔

نثر نال چونکہ میڈا پہلے دا تعلق ہا۔ ات واسطے سراپنکی دے وڈے نثر نگاریں نال کافی قریبی تعلق بٹیا۔ دل میں مستقل طور تے سراپنکی وچ نثر خصوصاً ادبی تحقیق تے تنقید دی کمی ڈیکھ تے انہیں شعبیں وچ کم کرن دا فیصلہ کیا۔ (توڑے جو تھوڑے عرصے واسطے شاعری وی کہتی۔ جیڑھی چھپدی رہی) ایندے علاوہ نثر دیں انہیں اصناف نال وی تعلق رکھیا۔ مثلاً تھوڑے جہیں افسانے لکھیے لیکن کافی سارے غیر ملکی افسانیں دا ترجمہ کیا۔ اینویں تنقیدی مضامین دے وی کجھ ترجمے کیے جیرھے چھپدے ریہے۔ میں ڈرامے وی لکھیے جنھیں وچوں ڈورڈیو پاکستان ملتان توں نشر تھئے۔ ترجمیں وچ ڈو مستقل کتابیں ارسطو دی ”بوطیقا“ آتے ماؤزے تنگ دی ”فن و ادب دے مسائل“ کوں وی سراپنکی وچ ترجمہ کیا۔ لیکن وسائل نہ ہون پاروں او چھپ نہ سکیاں۔ ایں عرصے وچ میں تحقیق والے پاسے کافی رُخیا رہیم۔ آتے ہوں سارے رُلیے ہوئے ادیبیں آتے شاعریں دی گول پھول شروع کر ڈتی۔ جنھیں وچوں کجھ بارے سہ ماہی ”سراپنکی“ بہاول پور آتے ماہنامہ ”سراپنکی ادب“ ملتان دے وچ مضمون چھپن پئے گئے۔ بعد وچ ایہ کم درگھر گیا۔ میں اپنے سنگتیں اشرف بزدار، اعجاز ڈیروی، احسن واگھا آتے ابن قیصر نال رل تے تونہ وچوں نکلن والی

کتاب لڑی ”سنیہا“ دے بندھیوں دے بعد ڈیرہ غازی خان وچوں ول کڈھی۔ کجھ عرصہ بعد رسول پور وچوں کتاب لڑی ”سوچاں“ کڈھی آتے طلعت محمود، بشیر بلوچ، امتیاز فریدی، ملک منظور، نسیم فریدی، شفیق صابر نال رل تے سرائیکی سنگت رسول پور دی بنیادوی رکھی۔ جنیں ہوں سارے مشاعرے آتے سیمینار کرائے۔ آتے سرائیکی پہلی کیشنز دی بنیاد رکھی۔ جنیں اسماعیل احمد اٹی، محمد حسین شادا تے کجھ میڈیاں کتاباں چھاپیاں۔ تاحال سرائیکی سنگت تے سرائیکی پبلیکیشنز کم کر بندی پئی ہے۔ ایں پورے عرصے وچ وسیب دے وڈے وڈے اہل قلم نال تعلق قائم رہیا۔ آتے میں انھیں دی تحقیق وچ مدد کیتی۔ پروفیسر دلاشاد کلاںچوی دی خواہش تے میں نور محمد ساکھ دا انٹرویو کیا آتے ول انھیں دی زندگی تے شاعری تے ہک تفصیلی مضمون لکھیا۔ جیڑھا دلاشاد کلاںچوی سہ ماہی ”سرائیکی“ بہاول پور دے شمارے اکتوبر 1975ء وچ چھاپیا۔ اینویں مولانا نور احمد خان فریدی دے دیوان فرید (مترجم) وچ مدد دتی آتے انھیں کول دیوان فرید دے قلمی نسخے فراہم کیے۔ جنھیں وچ غلام مصطفیٰ خان کشکوری محمد پور دیوان دا قلمی نسخہ وی شامل ہا۔ جیندی بنیاد تے مولانا صاحب کافی نمبر 17 وچ ایہ تبدیل شدہ شعر شامل کیتا۔

راتیں روندیں ٹپدیں کھپدیں، کئی ہم پرہ باکھ

کیوں گل نہیں لاناودا

ایندے علاوہ اوں دیوان وچوں لپٹے دیوان دی کافی نمبر 4 وچ ایں شعر دا

دوہارا کیے۔ جیڑھا پہلے کہیں قلمی نسخے وچ موجود نہ ہا۔

زہد عبادت عادت تہیڈی پیا کیتو کشف قلب

تاں وی کیا تھی پیا

مولانا صاحب ایں سلسلے وچ میڈا ذکر وی کیا آتے شکر یہ وی ادا کیتا میں

کتاب لڑی ”سنہیا“ دے سلسلے وچ وڈے لکھاریں نال انھیں دے کم دے سلسلے وچ انٹرویو کیتا۔ جنھیں وچ خصوصی طور تے خامی بہاول پوری تے ڈاکٹر مہر عبدالحق شامل ہن۔ آتے انھیں دے انٹرویو کتاب لڑی ”سنہیا“ دے شمارے نمبر 14-19 وچ شامل تھئے۔ پاکستان دے انھیں سکالرز دے علاوہ باہر دے سرائیکی زبان دے ماہرین نال وی میڈیا تعلق بٹیا رہیا۔ جنھیں وچوں سوویت یونین دے یو۔ اے۔ سرنوف وی ہن۔ انھیں نال میڈیا باقاعدہ خط و کتابت ہئی۔ انھیں اوٹھی کتاب The Lahndi Language میڈیا ناں لکھتے میکوں بھیجی۔ آتے میڈیے ایس نئے کتوں سرائیکی ادبی بورڈ، ملتان ایس کتاب کون ول چھاپیا آتے دیباچے وچ یو۔ اے۔ سرنوف بارے معلومات وی میڈیے کالم کتوں گھدیاں۔ جیڑھا ہفت روزہ ”بلال“ ڈیرہ غازی خان دے 18 اگست 1979ء دے شمارے وچ چھپیا ہا۔ انھیں ساریں گالھیں دا اظہار کتاب دی نویں اشاعت وچ شامل نہیں کیتا گیا۔

مباش منکر غالب کہ در زمانہ ثقت

تاہم ایذا اعتراف شوکت مغل اوٹھی کتاب ”کتاب دی گال کتاب دے نال“ وچ وڈی فراخ دل نال کیجے۔

ڈاکٹر کرسٹوفر شیگل نال ڈاکٹر مہر عبدالحق دے ذریعے آتے ول براہ راست میڈیاں ملاقاتاں رہیاں۔ انھیں میڈی خواہش آتے عمر کمال خان دی گزارش تے میڈیاں کتابیں ”پچل سرمست“، ”حمل لغاری“ آتے ”بیدل سندھی“ واسطے پٹے مضمون ڈتے جیڑھے انھیں کتابیں وچ شامل ہن۔ اینویں میڈیے کتابچے ”سرائیکی رسم الخط کی مختصر تاریخ“ واسطے وی اپنا مضمون ڈتا۔ جیڑھا اوندے وچ شامل ہے۔ بعد وچ انٹرنیٹ دے ذریعے ہوں سارے ماہرین لسانیات نال میڈیا رابطہ بٹیا جیڑھا آپ تائیں جاری ہے۔ انھیں ماہرین لسانیات وچ ترکی زبان

دے ماہر پولیٹ کایا (Polat Kaya) آتے تامل زبان دے ماہر لوگا ناتھن (Loga Nathan) دی شامل ہن۔ سرائیکی زبان نال انھیں زبانیں دے رابطے بارے تفصیل میڈی کتاب ”لسانی مضامین“ وچ شامل ہے۔ ویسے زبان بارے میں کئی سوالیں بارے نوم چومسکی نال وی رابطہ کیجئے جیدہ انھیں فراخدی نال جواب ڈتے۔ اینویں کئی پے وی امریکن ماہرین لسانیات شامل ہن جنھیں نال مختلف لسانی مسائل تے رابطہ راہندے۔ انھیں وچ ڈیوڈ ہیرسن آتے گوگلبن شامل ہن۔

نیدر لینڈ زکون سیاسی پناہ دے سلسلے وچ ہک خاندان دی زبان بارے مسئلہ درپیش ہا۔ او پناہ گزین خاندان آئٹی زبان کون ”قدھاری ملتانی“ آہدا ہا۔ اس سلسلے وچ نیدر لینڈ دے ماہرین لسانیات دی ہک تنظیم نے کافی عرصہ سرائیکی زبان دے حوالے نال میڈے نال رابطہ رکھیا۔ میں انھیں دی مدد کیتی آتے اس سلسلے وچ خود وی تحقیقی کم کیا۔ ول ہک مضمون لکھیا جیدہا قدھاری ملتانی بارے ہے۔ ایہ مضمون ول مختلف سائنس تے لگا۔ ایہ مضمون میڈی کتاب ”لسانی مضامین“ وچ وی ہے پیا۔

ڈاکٹر کرسٹوفر شیکل اپنے تحقیقی کم دے سلسلے وچ اکثر سرائیکی وسیب دا چکر لیندے رہندے ہن۔ او 1975ء دی سرائیکی ادبی کانفرنس دے موقع تے وی آئے ہوئے ہن۔ ایہ کانفرنس 1962ء دی اوں کمیٹی دے بعد جیدے وچ سرائیکی کون اوندا موجودہ ناں ملایا، سرائیکی ادبی تاریخ دا ہک اہم واقعہ ہا۔ اس کانفرنس دے دوران میں ہوں فعال ہم آتے سرائیکی افسانے بارے مضمون وی پڑھیا۔ اس کانفرنس دا ہک اہم واقعہ سرائیکی رسم الخط کمیٹی دا قیام ہا۔ اس رسم الخط کمیٹی دے ممبران وچ سیٹھ عبید الرحمن، ڈاکٹر مہر عبدالحق، مولانا نور احمد خان فریدی، دلشاد کلانچوی، میر حسان الحدیدی، عطاء محمد حامی (سندھ)، ظفر مرزا (دیرہ اسماعیل خان) آتے راقم الحروف شامل ہن (میں انھیں سب کنوں جونیئر ممبر ہم)۔ میں بعد وچ اس ادبی

کانفرنس دی تفصیلی رپورٹ لکھی۔ جیڑھی مولانا نور احمد خان فریدی اپنے مزاج مطابق  
 بھن تر وڑتے ماہنامہ ”سرائیکی ادب“ ملتان دے شمارے اپریل 1975ء وچ  
 چھاپی۔ ایندے علاوہ میں ہک کتابچہ ”سرائیکی رسم الخط کی مختصر تاریخ“ وی لکھیا۔ جیڑھا  
 بزم ثقافت ملتان چھاپیا۔ عمر کمال خان میڈے ناں نال شوقیہ طور تے اپٹا ناں وی لکھ  
 ڈتا۔ رسم الخط کمیٹی دے فیصلے دی نقل ایں کتابچے وچ شامل ہے۔

رسم الخط کمیٹی وچ سندھی نمائندے پورے کوشش کیتی جو سرائیکی واسطے  
 سندھی رسم الخط اپٹا گھداونجے۔ میرحسان الحدیری وی انھیں دے حمایتی بن مگر ایہ  
 تجویز قبول نہ تھی۔ ایندے واسطے سندھی لکھاری ہمیشہ میڈے اُتے ناراض رہیے۔  
 ایں کمیٹی دی اہم گالھ ایہ تھی جو اضافی حرفیں تے تقطیں دا اضافہ کیتا ونجے یا دائرے  
 دا۔ میں تقطیں دا حامی ہم۔ لیکن مولانا نور احمد خان فریدی اُتے ڈاکٹر مہر عبدالحق نے  
 کمیٹی تے دائرے بارے دباؤ دھایا۔ اُتے دائرے دے حق وچ فیصلہ تھی کیا لیکن  
 کڈا ایں وی لکھاریں کوں ایندی حمایت نہ ملی۔ ایں فیصلے کنوں عدم اطمینان دی وجہ  
 نال کافی عرصہ بعد کجھ ٹینگر لکھاریں اپنے طور تے ملتان وچ ہک ہی رسم الخط کمیٹی  
 سڈی ایں کمیٹی وچ سندھیں دی بجائے پنجابیں اپٹا رنگ ڈکھایا۔ اُتے شروع کنوں  
 سرائیکی دے متفقہ ”ن“ کوں رد کرتے پنجابی دائرے قبول کر گھدا کیا اُتے بعد وچ  
 میں ایں ”ن“ دی مخالفت وچ تقریباً سو لکھاریں کوں خط لکھیے۔ احسن واگھادی  
 کتاب ”تھل کرن دریا“ ایں ”ن“ نال چھپی۔ اُتے بھٹے واہن کنوں ممتاز حیدر  
 ڈاہر دی ادارت وچ نکلن والا رسالہ ”سو جھلا“ دا ہک شمارہ وی۔ لیکن ”سو جھلا“  
 دے ایں شمارے وچ ”ن“ دی مخالفت وچ میڈا خط وی چھاپیا کھڑے۔ ول ایہ  
 ”ن“ مسٹر تھی کیا۔ میں سمجھداں ایندے وچ میڈی کوشش وی شامل ہے۔ بعد وچ  
 ”ن“ دے ہک پرجوش حمایتی میکوں آکھیا اساں تاپاڈا ”ن“ من گھدے۔ (کیا

خوب ہے جو ایہ میڈا 'مٹ' ہے۔)

سرائیکی ادب دے ارتقاء دے دوران میڈے نزدیک ہمسایہ زبانیں دے لسانی آتے ادبی ارتقاء تے نظر رکھن ضروری ہئی۔ ات واسطے میں مختلف زبانیں دے لکھاریں نال تعلق دے علاوہ انہیں دیں لکھتیں کنوں وی باخبر رہن دی کوشش کیتی۔ ات لیوں میں معروف سندھی سرائیکی شاعر چکل سرمست، حمل لغاری، بیدل سندھی، محسن پیکس دے سرائیکی کلام دا انتخاب مرتب کیا اتے شاہ لطیف دے سرائیکی کلام دی ہول پھول کرتے اوکوں شائع کیا۔ ایندے علاوہ سندھی، سرائیکی دے لسانی رشتیں بارے مضمون لکھیا۔ سندھی دانشوریں عطاء محمد حامی، عبد الجبار جو نیو، شمشیر الحمید ری، قاضی علی اکبر درازی آتے رسول بخش پلجوناں میڈے گوڑھے تعلقات ریے۔

بلوچی زبان آتے ادب نال وی مسلسل دلچسپی رہی۔ بلوچی آتے سرائیکی دے لسانی روابط آتے بلوچی تے سرائیکی ثقافت دیں مشترکہ قدریں بارے مضمون لکھیے۔ چیزھے ماہنامہ ”بلوچی دنیا“ ملتان وچ چھپے۔ میڈا چا کر خان بلوچ نال ہمیشہ دوستانہ رہیا۔ آتے میں ہن تائیں ماہنامہ ”بلوچی دنیا“ دا مستقل قاری ہاں۔ عبداللہ جمال دینی نال وی میڈیاں کئی ملاقاتاں رہیاں۔ میں بلوچی نظم ”شہ مریدی یاد“ کوں سرائیکی وچ نظم کیا۔ میں پنجابی ادیبیں دی سرائیکی بارے غیر علمی آتے غیر تاریخی رویوں کوں ہمیشہ نشا بر کیا۔ انھیں بلھے شاہ آتے خواجہ فرید کوں پنجابی شاعر قرار ڈتا۔ میں ”بلھے شاہ دی زبان“ ناں دے مضمون وچ اوکوں سرائیکی شاعر ثابت کیا۔ ایہ مضمون میڈی کتاب ”تلاوڑے“ وچ شامل ہے۔ این مضمون آتے محمد آصف خان کوں کاوڑ لگی آتے شفقت تنویر مرزا مرحوم میڈے آتے ناراض تھیاتے اوندے نال میڈا تاحیات مناظرہ (Polmics) شروع تھیا۔ اتھاں اُردو داوی ذکر کر ٹے۔ اوتاں ہمیشہ ساڈے گل دا گیز ہے۔ ات واسطے چوی گھننے اوندے نال رابطہ



رہندے۔ میں اوندادوب ہر ویلھے پڑھدار ہنداں۔ ایندے علاوہ سرائیکی زبان نال کہیں نہ کہیں حوالے نال تعلق دے طور تے کئی چھوٹیں زبانیں تے وی نظر رکھی ہے۔ بروشسکی، پالی، اجڑی، قندھاری ملتانوی وغیرہ بارے میڈے مضامین ”لسانی مضامین“ وچ شامل ہن۔ انگریزی دے بغیر تاں گزارہ نہ ہا۔ میں انگریزی ادب تے تنقید وچ تھیون والی ہر تبدیلی تے نظر رکھی۔ اینویں روی آتے فرانسیسی ادب آتے تحریکیں کوں انگریزی یا اردو دے ذریعے پڑھیا۔ عربی، فارسی آتے افریقن ادب وی میڈی نظر وچ رہیے۔ ایڈورڈ سعید، فرانس فینن آتے نجیب محفوظ تے اچے دے علاوہ میں درجناں غیر ملکی ادیبیں دا مطالعہ کیتے۔ لاطینی امریکہ دے ادب وچ پابلونرو داتے گارشیا مارکیز کوں پڑھدار ہیاں آتے انھیں وی فکر کوں متاثر تھی تے سرائیکی ادب دے معیار کوں بہتر بناون دا خواہشمند رہیاں۔

معاصر ادب دے علاوہ میں سرائیکی ادب دے ماضی تے وی نظر رکھیم۔ ات واسطے این پندھ کوں ماضی نال جوڑن واسطے سرائیکی کلاسیکی شاعری دا مختصر جائزہ 1976ء تائیں گھدم۔ ایہ پُراٹھا مضمون ایں کتاب وچ شامل ہے۔ ایندے نال سرائیکی ادبی رجحانات کوں سمجھن واسطے 1985ء تائیں ایہ مضمون تحریر کیتم تاکہ ماضی کوں حال تائیں سرائیکی شاعری کوں بہتر طور تے ڈٹھاؤن سگے۔ ایہ مضمون وی ایں کتاب وچ شامل ہے۔

میں خصوصی طور تے نظر انداز تھئے ہوئے موضوعات تے شاعریں کوں سامنے رکھیا تاکہ اتاریخ دی دوز وچ کھائیں گم نہ تھی وئجن۔ انھیں بارے نکلے نکلے مضمون درحقیقت ہک قسم دی ڈاکومنٹیشن ہے۔ انھیں موضوعات وچوں سرائیکی ناٹک آتے اوندی شاعری، ہندو شاعریں دا کلام (نتارے) آتے سرائیکی ہجو یہ شاعری (نتارے) وغیرہ شامل ہن۔ نظر انداز تھئے ہوئے شاعریں وچوں سیف اللہ امیر،

نبی بخش غافل، امام بخش دسوز، پیر رسول پوری، عبداللطیف لطفی، محمد ظریف خوشدل، محمد حسین شاد آتے کئی بے شامل سن۔ اس حوالے نال محمد حسین شاد جی پیا۔ اوند اکلوم سرایکی پہلی کیشنز رسول پور ”پیٹ دی سک“ (مرتب بشیر بلوچ) دے ناں نال چھاپے۔ ایہ لپٹے موضوعات آتے دیہاتی زندگی دی عکاسی دے حوالے نال منفرد شاعر ہا۔ اہ اے شاعر سرایکی زبان دے ایف۔ اے دے نصاب وچ وی شامل ہے۔ اینویں 1970ء دے نیڑے تیرے میں اللہ بخش عارض دی ہیر گولی۔ اوندے آتے میڈے نال مشتاق صوفی لاہورٹی۔ وی سٹیشن توں پروگرام کیتا۔ میں ہیر عارض بارے مضمون وی لکھیا۔ جیڑھا بعد وچ تھپیا۔ اللہ بخش عارض دی ایہ خوش قسمتی ہے جو اہ سرایکی خاتون لکھاری نسیم اختر کافی گول پھول دے بعد عارض دادیوان چھاپ ڈتے لیکن میڈے مضمون تک رسائی نہیں کیتی حالانکہ او مضمون اس تحقیق اچ بنیادی حیثیت دا حامل ہے۔

ہن ایہ نظر انداز تھے ہوئے حاشیہ نشین موضوعات پوسٹ مارڈن ازم دی فکر دے نال سامنے آئین آتے ہن وی میں اس حوالے نال لکھداں۔ حقیقتاً ایہ موضوعات میڈی ترقی پسندانہ سوچ دی وجہ کنوں میڈی دلچسپی دا موضوع بیٹے سن۔ انھیں وچوں ہک مزدور طبقہ وی ہا۔ ات واسطے ایہ ہمیشہ میڈے سامنے راہندا ہا۔ نذیر فیض، عبدالعجید ذوق آتے غلام حسین زائر دے شاعری بارے میڈے مضمونیں وچ ایہ سب کچھ نشا بر ہے۔ نذیر فیض دی شاعری بارے مضمون ~~مضمون~~ وچ جتھاں عام طور تے روایتی ترقی پسندانہ نظریہ ملدے۔ اُتھاں ایندے وچ مابعد نوآبادیاتی فکر دا اہنجا تصور وی موجود ہے جیڑھا عالمی سامراج دے استحصال دی بجائے مقامی استحصال (Domestic Imperialism) کوں نشا بر کریندے۔ اس موضوع تے عاشق بزدار آتے جہانگیر ظلم دی شاعری وی اکیدی ہے۔ عاشق

بزداروی کتاب ”قیدی تخت لہور دے“ دے پہلے ایڈیشن تے لکھیا ہویا میڈا پیش لفظ  
 این انتخاب وچ شامل ہے۔ ہُن تان این قافلے وچ خورشید بخاری آتے غیور بخاری  
 وی شامل تھی، مگین۔

ایندے علاوہ میں اٹجھے موضوعات تے وی گول پھول جاری رکھی  
 جیندے بارے میڈے مطابق کجھ غلط فہمیاں پاتیاں دیندیاں ہن۔ جیویں جو چراغ  
 اعوان دی جائے پیدائش آتے مزار بارے، جیکوں عام طور تے سراہیکی محقق کیفی جام  
 پوری آتے نصر اللہ خان ناصر ”کھڑوی“ لکھدے آئین حالانکہ او ”درگزی“ ہے۔ ایندا  
 ذکر ”لیکھے“ دے مضمون ”سراہیکی شاعری دا ارتقاء“ وچ موجود ہے۔ ایویں  
 ”نورنامہ“ دی تصنیف بارے اونداسن تصنیف آتے مصنف بارے ہمیشہ غلط فہمی موجود  
 رہی ہے۔ میں این بارے کالجھ تفصیلی طور تے ”نورنامہ“ والے مضمون وچ کہتی ہے۔  
 ایہ مضمون کتاب ”لیکھے“ وچ شامل ہے۔ میں پہوں پہلے خواجہ فرید دے ڈوڑھیں  
 بارے لکھیا۔ جو ایہ خواجہ فرید دے کاسی۔ ہُن عام طور تے ایہ حقیقت من گھدی گئی  
 ہے۔ میڈے این مضمون دے حوالے نال حنیف چودھری اپنٹے مقالے ”خواجہ غلام  
 فرید کی سراہیکی کافیوں پر سندھی اور پنجابی کے لسانی اثرات“ وچ وی خواجہ فرید دے  
 ڈوڑھیں کوں مستر دیکھتے۔ میڈا ایہ مضمون ماہنامہ ”سراہیکی ادب“ ملتان دے شمارے  
 اگست 1978ء وچ چھپیا ہا۔ ہُن این کتاب وچ وی شامل ہے۔

سراہیکی تحقیقی کم وچ میڈے ڈوڑھیں مقصد رہ گئیں۔ ہک تان اٹجھے بیانیے دی  
 درستی جیڑھے منڈھے لاکنوں غلط ڈھریندے آئے ہون آتے ڈوڑھیا کوئی نویں دریافت  
 ۔ این سلسلے وچ میں اللہ بخش عارض دی ہیر دے علاوہ غلام محمد واصف دا کلام وی گولیا  
 ۔ جیندے آتے مضمون چھپیا۔ این عرصے وچ ہکے محققین وی سامنے آئیں جنہیں اپنٹے  
 طور تے کم کہتے۔ جنہیں وچ ڈاکٹر طاہر تونسوی، پروفیسر شوکت مغل، حفیظ خان،

نصر اللہ خان ناصر، جاوید چانڈیو، ڈاکٹر سجاد حیدر پرویز، محترمہ نسیم اختر، حمید اُلقت ملغانی تے ڈاکٹر اسلم عزیز درانی شامل ہن۔ ہن تاں سرانیکسی وچ لکھن والیں دی کھیپ آگئی ہے۔ میں پڑائے لکھاریں دے نال نال نویں لکھاریں نال وی اپنے رابطے رکھیے آتے انھیں دے کم کنوں مسلسل باخبر رہیم۔ ول ہوں ساریں نویں لکھاریں دے کم دا جائزہ وی گھنہ ارہ گیاں۔ جنھیں دے بارے کجھ تحریراں ایں کتاب وچ شامل ہن۔ آتے ایں طرح میں نویں آتے پڑائے لکھاریں دے درمیان ہک کڑی دی حیثیت رکھداں۔ نویں شاعریں کجھ نویں مفاہیم نال نویاں علامتاں درتیاں آتے میں انھیں کول بچھن تے سمجھاؤں دے عمل وچوں لکھن۔ جینویں رفعت عباس دی کتاب ”جھومری جھم فرے“ بارے وی مضمون لکھیا جیڑہا نتارے وچ شامل ہے۔ میڈے واسطے ایہ خوشی دی گالھ ہے جو ایں مضمون کول پڑھ تے محمد اسماعیل احمدائی میکوں آکھیا جو میں ایں مضمون کول پڑھ تے کتاب ولا پڑھی ہے۔ آتے میکوں اوندی بہتر تفہیم تھی ہے۔ انھیں لکھتیں وچ وی کجھ اتجھے لیکن تاثراتی مضمون شامل ہن جیڑہے عام طور تے ادبی مضمونچ دی شکل وچ لکھیے گئے۔

اتھاں عام طور تے ادبی تنقید دے حوالے نال تحسین دی امید کیتی ویندی ہے کہیں ویلھے اگر ایں کنوں ہٹ تے کہیں تخلیق دا کڑا جائزہ گھد او نچے تاں رسیما پیدا تھیندے۔ ات واسطے بعض اوقات میں فرضی ناں نال وی لکھدا رہیاں۔ جیویں قاضی رازی دے ناں نال ڈاکٹر مہر عبدالحق دے عمر خیام دے منظوم سرانیکسی ترجمے ”مئے گلغام“ بارے کئی مضمون لکھیم۔ جیڑہے ماہنامہ ”سرانیکسی ادب“ ملتان وچ چھپدے رہے۔ آتے ڈاکٹر مہر عبدالحق صاحب کئی واریں میں کنوں قاضی راضی بارے پچھیا وی ہی لیکن میں لاعلمی دا بہانہ کر گھدم۔ اینویں ہفت روزہ ”اختر“ ڈیرہ غازی خان وچ رحیم ضیائی دے ناں نال ”علامہ اقبال دے تصور حسن“ بارے ہک مسلسل

مضمون دا تنقیدی جائزہ گھدا۔ فرضی نال نال لکھیئے ہوئے میڈے ایہ مضمون کہیں کتاب وچ شامل کائی۔

میں پورے عرصے وچ سرائیکی ادب تے کم کرن لیوں نویں لکھاریں واسطے خودکوں آتے آہٹی لائبریری (جیڑھی ایں علاقے وچ سب کنوں وڈی ذاتی لائبریری ہے) کوں وقف رکھیئے۔ انھیں محققین وچ ظفر حیات ملک وی ہن۔ جنیں محمد اسماعیل احمدائی تے اپٹا ایم۔ فل دا مقالہ مکمل کیتا۔ اینویں طاہر مسعود باری وی ہن۔ جنیں مستشرقین دی سرائیکی بارے تحقیق دا تنقیدی جائزہ بارے ایم۔ فل دا مقالہ لکھیا۔ نازک شہزاد سرائیکی ادب وچ علامہ اقبال بارے وی میڈی لائبریری وچوں اپٹا ایم۔ فل دا مقالہ مکمل کیتا۔ ایندے علاوہ آہٹی لائبریری وچوں بعض نایاب آتے نادر کتابیں دی فوٹو کاپی وی سکالرز کوں مہیا کیتن۔ جیدے وچ اینڈریو چیوکس دی ڈکشنری، یو۔ اے۔ سرنوف دی ”دی لہندی لنگوتج“ او۔ برائن دی ”گلاسری آف ملتان لنگوتج“، ”گریسن دی لنگوسٹک سروے آف انڈیا“ آتے رچرڈ برٹن دی سب کنوں پہلے سرائیکی گرائمر بارے لکھی ہوئی کتاب شامل ہے۔ انھیں کتابیں کنوں فائدہ چاؤن والیں وچوں پروفیسر شوکت مغل، ڈاکٹر صاعقہ امتیاز آصف آتے ڈاکٹر انوار احمد شامل ہن۔

فریڈیات دے حوالے نال میں منڈھ کنوں کم شروع کیتا۔ سب کنوں پہلے میں ”فریڈیات..... ایک نیا موضوع“ دے عنوان نال اردو وچ مضمون لکھیا۔ جیڑھا ماہنامہ ”کتاب“ لاہور دے شمارے اگست 1978ء وچ چھپیا۔ ایہ مضمون کجھ اضافیں نال سرائیکی وچ میڈی کتاب ”لیکھے“ وچ شامل ہے۔ میں خواجہ فرید بارے بے شمار تخلیقی تے نظریاتی مضمون لکھیں جیڑھے مختلف اخباریں آتے رسالیں وچ چھپیں۔ انھیں وچوں کجھ ”ملاوڑے“، ”لیکھے“ آتے ایں کتاب وچ شامل ہن۔

انہیں دامقصد خواجہ فرید دی درست تعبیر پیش کرن ہے۔ میں فریدیات تے خصوصی طور تے کم کرن والیں مولانا نور احمد خان فریدی آتے ڈاکٹر مہر عبدالحق دی مدد کیتی۔ سندھی لفظیں کوں سمجھن آتے ”لغات فریدی“ مرتب کرن واسطے میں ڈاکٹر مہر عبدالحق کوں ہک نادر سندھی لغت ڈتی۔ جیڑھی انھیں ولانہ ڈتی۔ اگرچہ او اپنیاں کتاباں میوں آپٹے ہتھ نال لکھ تے ڈیندے رہ گئے۔ اس سلسلے وچ میں جناب مجاہد جتوئی، سیم طاہر محمود کورجیہ آتے خواجہ فرید فاؤنڈیشن میوزیم نال تعلق وچ رہنداں آتے ضرورت ویلھے مدد گھنداں۔

اس تقریباً گزشتہ چالیس سالہ سرائیکی ادبی ارتقاء دے سلسلے وچ سارے سرائیکی نثر نگار آتے شاعر ہک نیم دی شکل وچ حصہ گھندے پے ہن۔ انھیں ساریں نال قدم رلاتے وقت ونجائے بغیر میں وی اس تاریخی عمل وچ شامل رہ گیاں آتے ایہ تنقیدی تے تحقیقی مضمونیں دی کتاب (جیندے وچ تہا کوں کمپوزنگ دیاں کئی غلطیاں میڈئیں ہمیں کتابیں داگوں ملسن چونکہ میں ہمیشہ ڈھلا پروف ریڈر رہیاں) اس سارے سفر دی کہانی بڈی اے۔

میں لکھن دے علاوہ سرائیکی ادبی آتے ثقافتی پروگرامیں وچ مسلسل شامل رہیاں۔ مہرے والا وچ عاشق بزدار دی قیادت وچ تھیوٹن والے سرائیکی ادبی ثقافتی میلے وچ کجھ ناغیں دے علاوہ اکثر حاضر آن تھینداں۔ میں اوں ویلے دے پہلے پروگرام وچ سرائیکی وسیب دے ماضی دی تاریخ بارے ہک تفصیلی مضمون پڑھیم۔ انھیں میلیں وچ کئی دفعہ میڈے کٹھے محمد اسماعیل احمد آئی، امتیاز فریدی تے پروفیسر وقار اسلم شامل رہیے۔ انھاں گا ہے بگا ہے ڈاکٹر مہر عبدالحق، فداحسین گاڈی، عبدالرشید اشتر، ارشاد تونسوی، ڈاکٹر احسن واگھا، مظہر عارف، اشوالال، رفعت عباس، شمیم عارف قریشی، ناصر عباس رضوی، عبداللطیف بھٹی، ابن قیصر آتے کئی



ہمیں دانشوریں نال سرائیکی ادب، ثقافت اے سیاسی صورت حال تے مکالمہ کیا۔

سرائیکی ادب دے نال نال سرائیکی آرٹ نال وی میڈیا قریبی تعلق ہا۔

میڈیا کتاب ”لیکھے“ وچ آرٹ واسطے ہک حصہ مخصوص ہے۔ میں سرائیکی کلاسیکی موسیقی اے گائیکی دے علاوہ فقیرا بھگت تے پٹھانے خان دے بارے مضمون لکھیے۔

پٹھانے خان بارے مضمون کتاب ”لیکھے“ وچ شامل ہے۔ شاعری وانگوں موسیقی کون سمجھن واسطے میں انھیں دے میٹرز اے مبادیات نال شناسائی رکھی۔ ایندے علاوہ

Musicology دے بارے مغربی لکھاریں دا مطالعہ کیا اے کجھ موسیقی چاٹن

والے لوکیں کتوں مددوی گھدی۔ میں واسطے مشاعریں وانگوں موسیقی دیں محفلیں وچ

شامل تھیدا آیاں۔ نجی محفلیں دے علاوہ مہرے والادے سالانہ موسیقی دے پروگرام

سمیت میں فقیرا بھگت دی سالانہ برسی تے روہی ویندا ہم۔ اے اتھال سٹیج تے فقیرا

بھگت دے فن بارے کالج مہاڑ کیتی۔ کیوں جو میں اینکوں سرائیکی ادبی تے ثقافتی سفر

دا حصہ سمجھداں (کہیں ویلیھے میکوں لگدے اے اہ ساکوں ادب کتوں ڈھیر سنجیدہ موسیقی

دی ضرورت ہے)۔ ایہ سارا دور ہک طرح تے تاریخی حیثیت رکھدا ہا اے سرائیکی

زبان اے ادب کوں انج سچاؤن ڈیندا پیا ہا۔ ایں دور وچ سرائیکی قومی شعور دا منڈھ

وی بدھیندا پیا ہا۔ میں سیاسی عمل وچ وی سرگرم رہیاں اے سرائیکی صوبہ محاذ دا کلچرل

سیکرٹری تے بعد وچ پاکستان سرائیکی پارٹی دا نائب صدر تے جنرل سیکرٹری رہ

گیاں۔ اے وی میں اوندا مرکزی عہدیدار ہاں۔ سرائیکی قومی مسئلے تے میڈیا کتابچہ

”سرائیکی قومی سوال“ اپنے موضوع تے پہلی تاریخی حوالے نال دستاویزی تحریر ہے۔

میں سرائیکی ادبی ارتقاء دے حوالے نال ایں دور کوں تر اے حصیں وچ ونڈ

سکداں۔ پہلے نمبر تے ایں دور دا کم فاؤنڈیشنل ہا۔ جیڑھا سرائیکی زبان تے ادب

دیاں بنیاداں بنیندا پیا ہا۔ ایں حوالے نال سرائیکی وچ میڈیے کم ”سرائیکی رسم الخط کی

مختصر تاریخ“؛ ”سرائیکی زبان کا قاعدہ“؛ ”سرائیکی کے بارے میں سوال و جواب“۔  
 ”سرائیکی زبان اور انداز رسم الخط آتے آوازاں“ (ایہ کتاب اسلامیہ یونیورسٹی  
 بہاول پور دے ایم۔ اے سرائیکی نصاب وچ شامل ہے)۔ ”لسانی مضامین“،  
 ”سرائیکی زبان دیاں پچکار آوازاں“؛ ”سرائیکی زبان آتے لسانیات“ سرائیکی زبان  
 کوں اوندی شناخت ڈیواوٹ وچ بنیادی مدد دیتی ہے۔ ادب وچ تحقیقی کم دے حوالے  
 نال ”پچل سرمست، حمل لغاری، بیدل سندھی دے سرائیکی کلام دی ترتیب تے  
 انتخاب نال تفصیلی دیباچے آتے فرہنگ نستعلیق رسم الخط وچ سرائیکی ادب وچ اضافہ  
 کیا آتے سرائیکی وسیب دے محققین تے طلباء کوں علمی سہولت حاصل تھی۔ میڈے  
 تحقیقی کم دے علاوہ تنقیدی ادبی کم وچ میڈیاں کتاباں ~~میں~~ ”مارکسی نقطہ نظر  
 تے ساڈا ادب“؛ ”تلاوڑے“؛ ”نتارے“ آتے ”کیکھے“ وی اپنا حصہ پاتا۔

ڈوجھے نمبر تے ایں دور دا سرائیکی ادبی تے لسانی کم گراؤنڈ بریکنگ  
 (Ground Breaking) دی ہا۔ پنجابی جیڑھے مسلسل سرائیکی کوں پنجابی دا  
 لہجہ آہدے کھڑے ہن۔ اوندے بارے ظامی بہاول پوری، ڈاکٹر مہر عبدالحق،  
 پروفیسر دلاشاد کلانچوی نال میں وی قدم زلاتے کم کیا۔ بعد وچ پروفیسر شوکت مغل  
 تے ناصر عباس رضوی وی آن شامل تھئے۔ پنجابی کنوں سرائیکی دی انج شناخت  
 بارے مواد میڈیاں اکثر کتابیں وچ موجود ہے۔ میں ایں سلسلے وچ پنجابی لکھاریں  
 نال وی مہڈا اڈتا۔ شفقت تنویر مرزا مردے دم تاں سرائیکی کوں پنجابی دا لہجہ آہدا  
 رہیا۔ آتے خواجہ فرید کوں پنجابی شاعر۔ میڈے نال اکثر اوقات او مباحثے وچ رہیا  
 ۔ اوندے نال ایہ مباحثہ ماہنامہ ”پاکستانی ادب“ کراچی دے شماریں اپریل تا جولائی  
 1975ء کنوں شروع تھیا۔ ایں دور دی مشترکہ جدوجہد دے نتیجے وچ سرائیکی کوں  
 پنجابی کنوں انج زبان قرار ڈتا گیا۔ جیہدی بنیاد تے اکیڈمی آف لیٹرز نے سرائیکی

ادیبیں واسطے انج خواجہ فرید ایوارڈ دا اجرا کیتا آتے اسلامیہ یونیورسٹی بہاول پور وچ سرانیکسی شعبہ کھلیا۔ بعد وچ سرانیکسی شعبہ دا اجراء زکریا یونیورسٹی ملتان وچ دی تھیا۔ جیندے واسطے ڈاکٹر انوار احمد خصوصی کوششیاں کیتیاں۔ ظہور احمد دھریہ سرانیکسی روزنامہ ”جھوک“ دے چیف ایڈیٹری ایس سلسلے وچ انتھک محنت کیتی۔

اپنے ادبی آتے تنقیدی کم دے علاوہ میں عملی جدوجہد وچ حصہ گھدے تے مختلف سیمیناریں آتے پروگرامیں وچ مسلسل حاضر رہیاں۔ میں انجمن ترقی پسند مصنفین دی گولڈن جوبلی دی تقریب 1986ء منعقدہ کراچی وچ شامل تھیم آتے ڈوجھے دوستیں وچ فدا حسین گاڈی، مظہر عارف، چاکر بلوچ، نذیر لغاری، مشتاق گاڈی، احسن داگھا، عاشق بزدار، انجم لاشاری تے انھیں سنگتیں دی حصہ گھدا۔ اُتھاں سرانیکسی زبان دی انج شناخت دے حوالے نال صرف میں مضمون پیش کیتا۔ آتے کئی اجلاسیں دے صدارتی بورڈ وچ شامل رہیم۔ اُتھاں شوکت صدیقی، محمد علی صدیقی، زاہدہ حنا، سبط حسن، غلام ربانی تاباں، شمیم اشرف ملک، جون ایلیا، راحت سعید، سوبھ گیان چندانی آتے کئی وڈے لکھاریں نال ملاقاتاں تھیاں۔ آتے بعد وچ بہوں ساریں نال سنگت بن گئی۔ میں سرانیکسی زبان بارے جیڑھلے مضمون پڑھ تے آئٹھی سیٹ تے آپٹھم تاں اُتھاں سوویت یونین دا قونصلیٹ آ گیا۔ آتے تھوڑی دیر واسطے میکوں پاہرگن گیا تے پچھیس جو کیا سرانیکسی زبان واقعی پنجابی زبان کنوں انج زبان ہے یا صرف انھیں ڈوجھ علاقیاں وچ سماجی ترقی دے فرق دی وجہ کنوں ایہ فرق محسوس تھیندے۔ میں جان بچھ تے اوکوں ڈاکٹر کرسٹوفر شیکل دی کتاب دا حوالہ ڈتے بغیر سوویت یونین دے ماہر لسانیات یو۔ اے سرنوف دی کتاب ”دی لہندی لنگوتج“ دا حوالہ ڈتا۔ تاں اوکھ حیران تھیاتے ول چپ تھی گیا۔ اوہدے کجھ عرصہ بعد سوویت یونین دے اوں قونصل خانے وچ

ہک ادبی کانفرنس تھی۔ سرائیکی لکھاریں وچوں نذیر لغاری تے میکیوں دعوت ڈتی گئی۔ میں ایں کانفرنس وچ ”سرائیکی وچ ترقی پسند ادب“ دے حوالے نال مضمون پڑھیا۔ اُنھاں حبیب جالب، شوکت صدیقی تے نہیں ترقی پسند لکھاریں نال ملاقاتاں تھیاں۔ ایندے علاوہ کراچی یونیورسٹی وچ وی ہک سیمینار تھیا۔ ایں سیمینار دا موضوع ہا ”پاکستانی معاشرہ اور ادب“ جیندے وچ ہرزبان دے لکھاری شامل ہن۔ بلوچی وچوں عبداللہ جمال دینی، سندھی وچوں شمشیر الحیدری، پنجابی وچ احمد سلیم آتے سرائیکی وچوں صرف میں ہم۔ مضمون پڑھن دے بعد سوال جواب تھے۔ ڈاکٹر فرمان فتحپوری آتے نہیں لکھاریں میڈے آتے سوال کیٹے۔ میڈے مضمون کوں پسند کیتا گیا آتے بعد وچ عبداللہ جمال دینی میڈے مضمون دی ہوں تعریف کیٹی۔ بعد ازاں یونیورسٹی دی طرفوں ایں موضوع تے کتاب چھپی آتے میڈا مضمون وی شامل کیتا گیا۔ اُنھاں یونیورسٹی دے وائس چانسلر ڈاکٹر جمیل جالبی میڈے کمرے وچ آتے ملاقات کیٹی آتے کافی دیر میڈے کٹھے رہیا۔ ایں مضمون دا سرائیکی ترجمہ میڈی کتاب ”نثارے“ وچ شامل ہے۔ ایں طور تے ایہ دور گراؤنڈ بریکنگ وی ہا۔ جیندے وچ سرائیکی ادب تے زبان تے خود ساختہ پنجابی دعویٰ ٹرٹا۔ پڑاٹے خیالات تے تصورات دا خاتمہ تھیا۔ آتے سرائیکی زبان تے ادب ہمسایہ قومیتیں دے ادیبیں تائیں رسائی وی کیٹی۔

ترجیحے نمبر تے ایہ دور کمانڈنگ (Commanding) وی ہا۔ جنیں آواٹن والیں لکھاریں دی رہنمائی کیٹی۔ انھیں دا حوصلہ ودھایا۔ انھیں واسطے رستہ ٹٹایا تے راہ دے کئی کنڈے کنڈھ تے اوکوں سدھا کیتا۔ جیندے نال نویں لکھن والیں دیاں صلاحیتاں اُجاگر تھیاں۔ آتے انھیں اپنے واسطے کئی بے رستے گبولیئے۔ آتے آہٹی آہٹی اصناف وچ نویاں نویاں تبدیلیاں کیتیاں۔ ایہ تبدیلیاں سفر نامے وچ اسماعیل

احمد اٹنی (ایہ بزرگ لکھاریں وچ شامل ہن) کیتیاں تے شاعری وچ ارشاد تو نسوی، ممتاز حیدر ڈاہر، رفعت عباس، اشولال، سحر سیال آتے زیر احمد وغیرہ۔ میں انھیں تبدیلیں کرن آلیں دی تائید کیتی۔ جڈاں جو بعض لکھاریں دی طرفوں انھیں دی مزاحمت تھئی۔ میں نویں تبدیلیں کوں کجھن سمجھاواں واسطے کئی مضمون لکھینے۔ آتے بحث کوں اہگوں تے ٹوریا جیویں جو اسماعیل احمد اٹنی دے سفر نامے ”پیت دے پندھ“ دے خلاف فرحت نواز لکھیا تاں میں سرانگیکی ادب وچ جواب ڈتا۔ اینویں ”چھولیاں“ دے خلاف ر۔ر۔ع (رفعت عباس) آتے دلاشاد کلا نجوی لکھیا تے امر کہانی دے خلاف ارشاد تو نسوی لکھیا۔ انھیں دا جواب وی میں ڈتا۔ مگر میں انھیں سطحی اعتراضات دے باوجود اسماعیل احمد اٹنی کوں ”پیت دے پندھ“ آتے ”چھولیاں“ تے خواجہ فرید ایوارڈ ملیا۔ میں ممتاز حیدر ڈاہر، رفعت عباس آتے اشولال دی شاعری دی تفہیم واسطے خصوصی طور تے مضمون وی لکھینے۔ جیڑھے ”نارے“ آتے ”لیکھے“ وچ شامل ہن۔ سرانگیکی وچ کجھ شاعریں دی طرفوں ”غزل“ دی مخالفت تھئی۔ میں غزل دا دفاع کیتا آتے ”سرانگیکی شاعری وچ غزل دے امکانات“ بارے مضمون لکھیا۔ جیڑھا ”تلاوڑے“ وچ شامل ہے۔ غزل ہر حال جیدی رہی آتے اوندے وچ ممتاز حیدر ڈاہر تے رفعت عباس دے علاوہ کئی بے وڈے شاعر پیدا تھئے۔ میں ہر ویلھے نویں اصناف دی حمایت کیتی۔ نثری شاعری دے خلاف رولا اٹھیا تاں میں ایں کوں موقع ڈیون دا آکھیا۔ ایں سلسلے وچ میڈا ہک پرائیڈ چھاپا ہویا مضمون ”سرانگیکی وچ نثری شاعری“ ایں مجموعے وچ شامل ہے۔ جیڑھا کتاب لڑی نمبر 2 ”سانجھ“ تو نسوہ وچ چھپیا۔ اینویں پرائے شاعر جیڑھے ڈوہڑے، قطعے آتے رُباعی دا فرق نہ سمجھدے ہن میں ایں سلسلے وچ ”رُباعی دا وزن“ دے نال نال مضمون لکھیا۔ جیڑھے آتے نور محمد ساکھل میڈے نال بحث کیتی۔ او چونکہ پڑھینے لکھنے نہ ہن۔ ات

واسطے میڈی بحث دے نتیجے وچ چپ تھی گئے۔ میڈا ایہ مضمون ”تلاوڑے“ وچ شامل ہے۔ میں سمجھداں جو ایں مضمون دا ضرور کجھ نہ کجھ اثر تھیا ہوسی۔ ہُن تاں تقریباً تمام شاعر زبانی لکھن چھوڑ گھین۔ اینویں سرانیکی شاعری وچ تلفظ دا مسئلہ موجود ہے۔ اکثر شاعر لفظیں کوں ٹھیک نہیں پدھدے بلکہ ضرورت مطابق تبدیلی کر گھندن۔ ایندے بارے وی میں مضمون لکھیا۔ جیڑھا ”تلاوڑے“ وچ شامل ہے۔ تاہم ایہ مسئلہ حالی تاں موجود ہے۔

میں سرانیکی وچ درست املا دے بارے وی لکھیں۔ ایں سلسلے وچ پروفیسر وادشا دکلا نجوی وی لکھدار ہے۔ ایں مسئلے تے پروفیسر شوکت مغل وی ہک کتابچہ لکھیں۔ میں اول کتابچے تے تفصیلی تبصرے وچ اہٹی رائے دا اظہار کیتے۔ بعض جہیں تے اتفاق آتے بعض جہیں تے اختلاف کیتے ایہ مضمون ”نتارے“ وچ شامل ہے۔

یقینی طور تے ایہ سارا کم اوچتر مارن والا ہا۔ نویں رستے بناوٹ آسان نہ ہن۔ تاہم ساریں رل مل تے ایہ رستے بٹائے۔ ایں سلسلے وچ میڈی بزرگیں جیڑا میں اُتے ذکر کر آیاں، کوں کافی مشکلات پیش آئیاں ہوسن۔ تاہم میں وی انھیں مرحلیں وچوں گزریاں۔ ایہ مرحلے غیریں دی طرفوں وی ہن تے اہٹیں دی طرفوں وی۔ مخالفین دے حوالے نال میں شفقت تنویر آتے محمد آصف خان دی گالھ کر آیاں۔ شفقت تنویر مرزا جیڑا ہلے خواجہ فرید دادیوان چھاپیا تے میڈے بارے وی کاوڑ بھریا فقرہ بلاوجہ لکھ ڈتا۔ ایندے علاوہ اہٹی وفات کنوں کجھ ڈینہ پہلے میڈی کتاب ”لیکھے“ اُتے روزنامہ ”ڈان“ انگریزی وچ تبصرہ چھاپیا تاں ایہ لکھیا جو خواجہ فرید پنجابی شاعر ہن لیکن اسلم رسول پوری انھیں کوں سرانیکی شاعر آہدے۔ اوندا جواب ایں کتاب وچ شامل ہے۔ اینویں پنجابی ادبی بورڈ میڈی کتاب ”ساڈی کائنات“ دی سرانیکی زبان تبدیل کرتے پنجابی زبان وچ چھاپ ڈتی۔ میں خود



اٹھٹی ایس کتاب تے تبصرہ لکھیا تاں ساری صورت حال بیان کیتی آتے اٹھٹی ایس کتاب کوں Disown کر ڈتا۔ میڈا ایہ تبصرہ ماہنامہ ”سرائیکی ادب“ ملتان دے شمارے وچ چھپیا۔ اینویں کئی سرائیکی لکھاریں نال تھیا۔ مگر انھیں کوں کالھ نہ کیتی۔ مخالفین دے علاوہ اپنئے دوستیں دی طرفوں وی ایس قسم دا معاملہ جاری رہیا۔ ڈیرہ غازی خان دے روزنامہ ”جنگ“ دے ہک نمائندہ میڈے خواجہ فرید بارے ہک مضمون کوں ہو بہو اپنئے نال نال چھپوا ڈتا۔ حالانکہ او مضمون پہلے 20 جولائی 1999ء وچ ہفت روزہ ”نیلاب“ جام پور وچ چھپیا ہا۔ اتھاں کئی انتہیاں معاصرانہ چشمک دیاں کہانیاں ہن۔ جیڑھیاں ذاتی دین۔ انھیں کوں چھوڑوتا ہم تھا کوں خود بعض سرائیکی کتابیں وچ ایہ نا انصافیاں نظر آویں۔ ایندے نال میں ایہ اعتراف کرن ضروری سمجھداں جو پہوں ساریں لکھاریں دی طرفوں میڈے کم دی پذیرائی وی تھی۔ آتے انھیں دیں کئی تحریریں وچ میڈے کم دے حوالے موجود ہن۔ کئی دوستیں میڈے کم بارے مضمون لکھئے۔ جنھیں وچ، رانا غلام یلین، پروفیسر علمدار حسین بخاری، خالد اقبال، مسعود باروی، باسط بھٹی وغیرہ شامل ہن آتے رب نواز احمد اٹھی دے میڈے کم بارے ایم۔ ایڈ دا تھمیز لکھیا۔ ~~.....~~ تے اشوالل جہیں لیجنڈ شاعر میڈی محبت وچ اعزازی نظم لکھی۔ جیڈے آتے میکوں فخر ہے۔

میں ساری حیاتی کہیں لالچ آتے طمع بغیر رضا کارانہ طور تے اپنا کم کریندا رہیاں میں کڈا ہن اٹھٹی کتاب خواجہ فرید ایوارڈ واسطے اکیڈمی آف لیٹرز کوں نہیں بھیجی۔ آتے نہ انھیں یا مقتدرہ دے ذریعے کوئی کتاب چھپوائی۔ نہ کہیں قسم دی امداد گھدی۔ بلکہ ہک دفعہ نذیر ناجی دے عہد وچ اوسیں دے ہک ترانے رکنی وفد نال میکوں فرانس دے دورے دی دعوت ملی تاں میں او قبول نہ کیتی۔ میں نہ سرکار دی طرفوں

ڈتے ہوئے پراجیکٹ تے کم کیتے آتے نہ انھیں دی مرضی آتے سرائیکی زبان تے ادب دی تشریح کرتے پیسے کماون دی کوشش کیتی ہے۔ میں چپ چاپ اپنے کم کوں جاری رکھیے آتے اہنی ترجیحات تے کم کیتے جیندے وچ میکوں سرائیکی زبان، ادب آتے قوم دا قاعدہ نظر آئے۔ تاہم سرائیکی ادبی بورڈ ملتان آتے جھوک پبلشرز اہنی مہربانی نال میڈیاں کجھ کتاباں چھاپیاں۔

فرانسیسی مصنفہ جولیا کرسٹیوا بجا طور تے اہدی ہے جو ہک تحریر داہی تحریر نال تعلق ہوندے۔ ات واسطے میڈے انھیں مضمونیں رکتا میں کوں میڈیں انھیں مضمونیں تے کتابیں نال رلاتے پڑھنا چاہیدا اے ول سرائیکی ادبی سرائے آتے اوندے وچ آون والیاں تبدیلیاں بہتر طور تے سمجھ آوسن۔ آتے ایندے نال میڈے بدلدے اسلوب آتے ذہنی ارتقاء دی صورتحال وی نشا برتھی سکسی۔ ایس توں علاوہ اگر ایس عرصے دے اہم سرائیکی لکھاریں دیں تحریریں کوں میڈیں تحریریں نال ملاتے ڈٹھا ونجے تاں صورتحال دے مختلف (جدلیاتی تے مکالماتی) پہلو وی سامنے آ سکسن (میڈیاں تمام لکھتاں بالزاک دے ناولیں وانگوں ہک وسیع منصوبے دا حصہ ہن)۔ ایس مطالعے دے نتیجے وچ تحریریں دا مزاج تے سماجی پس منظر وی واضح تھیسے توڑے جو متن وی آزاد حیثیت ہر دور وچ قائم رہندی ہے۔

تاہم ایہ کتاب کوئی تاریخ نگاری کئے نی بلکہ جدید عہد دے ادبی سفر دا غیر مسلسل منظر نامہ ضرور ہے۔ ادبی تاریخ نگاری دے باقاعدہ اصول ہن۔ آتے ایندے نال کئی طرح دے ادبی مسائل وی وابستہ ہن۔ مثال دے طور تے کیا ادب وچ ارتقاء ممکن ہے۔ میڈے نقطہ نظر دے مطابق کم از کم سائنسی فکر دی طرح ادب وچ ارتقاء نہیں ہوندا۔ ستم ظریفی ایہ ہے سولے نینس (جیندے خیالات نال میکوں ہمیشہ اختلاف ریہے) اپنے ہک ناول وچ آہدے جو ادب وچ ارتقاء ممکن کائنی۔ تاہم ادبی

تاریخ وچ جدلیاتی عمل کنوں میں انکار نہیں کر سگدا۔ ماضی توں میڈی خواہش رہی ہے۔ میں سرانیکی ادب دی تاریخ لکھاں لیکن ایہ خواہش ادھوری رہ گئی ہے۔ اس کتاب وچ ہوں ساریں جاہیں تے تہا کوں صرف ڈاکومنٹیشن ملسی۔ ایندے نال نال جا بجا ادیبیں تے شعراء نے میڈے تنقیدی کمنٹس وی نظر آسن۔ لہذا میں انیکوں سرانیکی ادب دی تنقیدی تے تحقیقی کتاب آکھ سگداں۔ میں سرانیکی ادب دی فکری تاریخ وچوں میں نتیجے اخذ کرن توں گریز کرینداں۔ میں سمجھداں ادبی تاریخ وی سبق آموز تھی سگدی اے۔ اس کتاب کوں غور نال پڑھو تے ایندے وچ مخفی Lesson موجود ہن۔ اس کتاب وچ میڈے فکری آتے دلچسپ دے حوالے نال میڈیاں ترجیحات موجود ہن۔ تعصب، معاصرانہ چشمک آتے جانماری کنوں بچن دی پوری کوشش کیتی گئی ہے۔ تاہم اس کتاب وچ نویں مضمونیں دے نال کجھ کتابیں کیجے لکھیے ہوئے دیباچے وی شامل کیجے گن۔

میڈے ادبی تنقیدی تجزیے وقت دے نال نال مختلف مکاتب فکر دی روشنی وچ دن۔ شاید کجھ لوک انھیں کوں ڈوسمتی آکھ سگدن۔ بک تاں فنی سطح تے پوسٹ سٹرکچرل ازم دے حوالے نال آتے ڈوجھا معنوی سطح تے پوسٹ کالونیل ازم (Post Colonialism) دی فکر دے حوالے نال۔ ایہ کالج شاید جزوی طور تے درست تھی سگدی ہے۔ لیکن میں سمجھداں جو لفظ وچ کوئی مستقل معانی نہیں ہوندے۔ ہر دور دے حالات آتے سماجی تبدیلیں نال لفظیں دے معانی بدلدے رہندن۔ آتے اوہر دور وچ خود کوں نشا بر کریندن۔ اپنے وقت دے فعال قاری یا نقاد دا ایہ فرض ہوندے جو اونویں معنی دریافت کرے۔ کیوں جو اکثر اوقات معنی لفظ تلوں slip ویندن۔ ادب دی تنقید معنی دے پندھ دی داستان سٹیندی ہے۔

اپنے اس نکتے نظر دے حوالے نال میڈے ادبی تنقیدی مضامین وچ کہیں

وی تخلیق دے لفظیں دے نویں معنی دے دریافت دی کوشش ہی۔ اینکوں تساں میڈی رد تکلیلی قرأت دانہجہ وی آکھ سگد و۔ ایں قسم دیاں کوششاں تساں خواجہ فرید بارے میڈے مضامین دے علاوہ کئی ہنھیں شاعریں دے کلام آتے نثر نگاریں دی تحریریں دے نتیجے وچ نظر آؤسن۔ خواجہ فرید بارے ظاہر ہے جو میں پرانے لکھاریں دے برخلاف خواجہ فرید دی شاعری وچ اوندی Beauty گولٹ دی کوشش کیتی ہے۔

جبرھی فکری آتے فنی سطح تھی سگدی ہے۔

پسی واک (1942ء.....) دا خیال اے کہیں کتاب دا کمپلیمنٹ

دیباچہ ہوندے کیوں جو اوہک لفظ وانگوں ہوندے آتے کتاب اوندے معانی وانگوں۔ ایں حوالے نال میں ایں پیش لفظ وچ جو کجھ آکھیے اوندے معانی (وضاحت) اہگوں موجود ہن۔ مزید برآں ایہ پچھلی سب تفصیل ات واسطے وی ہی جو گزشتہ چالیہ سال کنوں زیادہ عرصہ وچ جبرھی صورتحال رہی او اتہاس دے ہنیں وچ کھائیں اوڈھرنہ تھی ونجے۔

امریکی نقاد پال ڈی مین (1919ء-1983ء) دی کتاب

Blindness and Insight دے تعارف دا عنوان ہے۔

Caution! Reader at work ”خبردار! اہگوں تے قاری فعال ہے“۔

یقیناً ایں کتاب دے تعارف دا عنوان وی پال ڈی مین دی کتاب کنوں مستعار گھدا

گئے۔ میں یقین رکھداں ہک قاری فن پارے کوں سمجھدے ہوئیں فعال ہوندے آتے

میڈیں لکھتیں کوں پڑھن والا فعال مؤرخ قاری خود فیصلہ کریسی جو سرائیکی ادب دی

تفہیم تے سمت دا تعین کرٹ وچ میڈا کتنا کردار ہے۔

اسلم رسو پوری

20-3-14

شعری ادب

## سرائیکی کلاسیکی شاعری دا تحقیقی مطالعہ

ساری تاریخ انکار دی تاریخ ہے۔ (کروچے) لکھ چھن پئے گئی لیکن سرائیکی وچ کئی ہنھیں زبانیں وانگوں نثر کنوں نظم پہلے چھن پئے گئی لیکن ایہ ڈسن ہوں اوکھا ہے جو سرائیکی شاعری دامنڈھ کڈاں کنوں بدھیا۔ کیوں جو جیویں ایہ آکھن غلط ہے جو فلاں زبان فلاں سن وچ پیدا تھی۔ ایویں ایہ آکھن وی درست کانتی جو شاعری فلاں سن کنوں شروع تھی اے۔ صرف ایہ آکھیا دہن سگدے جو شاعری ہر وقت تھیدی رہی ہے تے اسا کوں ایندا تحریری یا زبانی ثبوت فلاں سن کنوں ملیے۔ ات واسطے میں سرائیکی شاعری دامنڈھ سرائیکی زبان دے منڈھ کنوں گنزینداں۔

سرائیکی شاعری دا پہلا زمانہ منڈھ کنوں 1575ء تائیں: اسا کوں سرائیکی دی ابتدائی شاعری دا جہذا نمونہ ہتھ آئے اوہک بھجن ہے جینکوں جنی دت گندے ہن۔ ایں بھجن وچ اوہک جنگ دا حال بیان کریندن جیندے وچ انہیں امام حسینؑ دی شہادت دا بدلہ گھدا۔

☆ ابتدا وچ سرائیکی زبان دیاں حدال ہوں وسیع ہن تے ایکنوں مختلف ثانویں نال سڈیا ویندا ہا۔ اول وقت ایندیاں حدال پنجاب کنوں بلوچستان پورا دھڑ ودھلی، اُٹھے ڈو پشاور آتے لے ڈو لاڑکانے تائیں ہن۔ لیکن پھیلے کئی سو سالیں دیاں سیاسی تے سماجی تبدیلیں دے نتیجے وچ ایں زبان دیاں حدود گھٹ گئیں۔ مگر لڑائی تائیں پورے پاکستان وچ بھئی تہو دی ویدی ہے۔ ایندے علاوہ ہندوستان تے ڈو جھے ملکیں وچ ایندے بولن آئے موجود ہن۔



سُدھ جھو جھا کی انش میں دت نام سلطان      سُدھ دیوگ جو پیر جی عرب کیواستھان  
 رائے بن دهن آمتی کریں دیں جو دھیان      دھارو میر وجودت ہیں عرب کیواستھان  
 جئے دت جو پیر سار دو ٹوک سجائی      سب شتر و کو مار بیچ رن بھرے دہائی  
 بچے بھیر کوں چوٹ فتح میدان جو پائی      بدلا لیا دهن دهن کرے لوکائی  
 (ترجمہ: سدھ جھولاناں دا حکمران جھو سدھ یوگ دی اولاد وچوں ہے۔)

عرب وچ دہج دیرہ لائیس۔ نیک صفت رائے بن اہٹی شاہی دادھیان رکھن والا  
 دھاروتے میرو جیرھے دت دهن۔ انھیں عرب کوں اپٹا وطن بٹا گھدا۔ دت اہٹی  
 بہادری نال دشمنان کوں کوہ کراہیں انھیں کوں ڈرا کنا ڈتا۔ جڈاں انھان فتح پاتی  
 تاں جنگی نغارے وچائے۔ حضرت امام دا بدلا گھدا تے دنیا واہ واہ کرٹ لگی)

کچھ لوکیں انہیں شعریں کوں سراہیکی کلام آکھیے لیکن میکوں شک ہے جو ایہ  
 سراہیکی ہے۔ بلکہ ایہ کہیں پڑائی اپ بھرنش دے شعر دهن۔

میڈے نزدیک سراہیکی شاعری دے باقاعدہ نشانات فرید الدین گنج شکر  
 (1173ء-1266ء) دے کلام وچ ملدن۔ انھیں دی ہک نظم فارسی سراہیکی  
 دے رٹن دی دلچسپ مثال ہے۔

وقتِ سحر وقتِ مناجات ہے	خیز در آل کہ برکات ہے
نفسِ مبادا کہ بگوید ترا	خیز چہ پشما اچن رات ہے
چوں تن تنہا روی زیر زمیں	نیک عمل کن کہ اہا ڈات ہے
ہند شکر گنج بدل جان شنو	ضائع لکن عمر کہ ہیہات ہے

ایں دور وچ سراہیکی شاعری دے بے کئی جزوی نمونے وی ملدن۔ جیویں  
 جو روایتا حضرت زکریا ملتانی (578ھ-661ھ)، (1183ء-1262ء) نے  
 حضرت گنج شکر کوں لکھیا جو تساں ایں سال پیر نہیں پٹھیے تے حضرت گنج شکر جواب

وچ ایہ شعر لکھ پٹھیا:

ہتھریں وٹوں ہتھریں، پیریں وٹوں پیر  
تساں نہ مٹیاں گا جراں، اساں نہ مُتے پیر

پتن منارا (رحیم یار خان) جہڑا سمر قوم دادارا الخلفہ ریہے اُتے جیندے  
اُتے ہیر 1451ء تائیں حکومت کیتی ہے۔ اوندے عہد وچ ہک چرن دے گھوڑے  
چوری تھی گئے تے اوں ہیر دی ہجو لکھی جی رہی اوں دور دی سراہیکی زبان دی، جہودا نمونہ  
قرار ڈتی وچ سگدی ہے:

دھاڑی دھاڑا رانے جئیں چرن سا نکھیا  
پتن پٹچو تھیو، تیج وٹا یو راہ  
ہیر لورا راج نہ کندا سمر

ایہ نظم سندھی رلوڑ ہے۔ اتھاں ”نورنامہ“ دا ذکر کرکٹ وی ضروری ہے۔  
جینکوں محمود شیرانی 1554ء دی تصنیف قرار ڈتے۔ لیکن ”نورنامے“ دے ایس  
مصراع

پنج سو سال جو گزرے آہے ہجرت پاک رسولوں

کنوں بعض محققین اینکوں تقریباً پارھویں صدی عیسوی دی تصنیف قرار  
ڈیندن لیکن میڈا خیال اے جو ایہ نظریہ درست کاسی۔ ایندی زبان ہوں بعد دی زبان  
ہے تے محمود شیرانی دی گالھ نسبتاً ٹھیک تھی سگدی اے اُتے میڈے خیال وچ ایندا  
مصنف نور محمد وی کاسی۔ بلکہ ایہ لفظ ”نور محمد“ (حضرت محمد صلی اللہ علیہ وآلہ وسلم دا نور)  
ہے۔ جتھوں نور محمد مصنف داناں فرض کر گھدا گئے۔

سرائیکی شاعری دے ایس پہلے زمانے دا سب کنوں وڈا تے آخری

شاعر حضرت شیخ ابراہیم ثانی ہے۔ آپ حضرت فرید الدین گنج شکرؒ کی ہارہوں پشت  
وچ بہن۔ آپ 1575ء وچ فوت تھئے تے مزار پاک پتن وچ ہے۔

شاعری وچ حضرت ابراہیم فرید ثانی دے ایات کافی مشہور ہن۔ انہیں  
دی تعداد وچ اختلاف ہے۔ ڈاکٹر لاجپتی دے خیال موجب انہیں دی تعداد  
130 ہے۔ گرنہ وچ جیرھے اشلوک شامل ہن۔ انہیں وچوں کئی حضرت ابراہیم  
فرید ثانی دے ہن۔ شیخ ابراہیم فرید ثانی دی زبان پچھلے شاعریں دی زبان کنوں نسبتاً  
نکھری ہوئی تے صاف اے۔ جیدے وچ فصاحت تے بلاغت پائی ویندی ہے۔  
حضرت فرید ثانی دی زبان وچ سرائیکی دے علاوہ ہندی دے لفظیں دی آمیزش دی  
ملدی ہے۔ اب کل اگر چہ انیکوں پنجابی وچ ڈھال گھدا گئے۔ لیکن پرانے نسخیں وچ  
ایہ زبان سرائیکی زبان نال ہوں ملدی ہے۔ کجھ بیت ملاحظہ ہوں۔

فریدا کالے میڈے کپڑے کلامیڈا اویس	گناہاں بھریا میں پھراں لوک آکھن درویش
اٹھ فریدا ستیا، جھاڑو ڈے میت	توں ستار بجا گداسیڈی ڈاڈھے نال پریت
کھا فریدا زکھی سکھی ٹھڈا پاٹی پی	ڈیکھ پرائی چوڑی نہ ترساویں جی
پہلے پیریں پھلواتے پھل ہے پچھلی رات	جو گن سولہن سائیں توں برات
اٹھ فریدا ستیا دنیا دکھن جا	جے کوئی بخسیا آٹے توں بھی بخسیا جا
اٹھ فریدا ستیاں وضو ساز نماز گزار	جے سر سائیں نہ بھکے سو سر کپ اتار
کانگا رنگ نہ چھوڑیو چن چن کھا بیڑاں	دونیاں مست کھائیو پیا ملن دی آس

سرائیکی شاعری دا ایہ دور اگرچہ کافی لمبا ہے۔ مگر حقیقت ایہ ہے جو ایں دور دی

شاعری زمانے دی دست برداں کا تھی گئی ہے۔ کیوں جو ایہ دور سیاسی انتشار دا دور ہے۔ ☆

☆ 1218ء وچ چنگیز خان مغربی ترکستان تے حملہ کیتے اپندے بعد ترانے سوسالیں تائیں ملتان دا علاقہ مغلیں  
دیں حملیں دا نشانہ بنارہے۔ ایں کنوں پہلے 1210ء وچ شمس الدین اتش لوچ کون فتح کرن دے بعد ملتان تے  
دی قبضہ کر گھدا۔ لیکن کجھ عرصہ بعد ایہ اندے ہتھوں نکل گیا۔ لیکن ایں عرصے وچ (باقی اگلے صفحے تے)

تے اکثر بادشاہیں دے دور وچ اقتدار دی جنگ تھیندی رہ گئی ہے اُتے ایں افراتفری دے زمانے دا جیرھا کجھ ہتھ آئے او تقریباً مذہبی شاعری تے مبنی ہے۔ ویسے عام طور تے مصیبت بھریے دور وچ لوکیں دا رجحان وی نسبتاً مذہب ڈوڈھیر تھی ویندے۔ دت حسینی دے بکت، ہوون یا فرید الدین گنج شکر دی شاعری، نورنامے تے معراج نامے یا ووت حضرت فرید ثانی دے ابیات سبھ مذہبی تے اخلاقی شاعری وچ آئدن۔ ویسے ایں ابتدائی زمانے وچ مذہبی شاعری دا ہک بیا حوالہ وی بیٹے او ایہ جو مسلمان برصغیر وچ نویں آئے ہونے مَن۔ ات واسطے او تبلیغی شاعری نال اُٹھی تعداد ودھاوٹ دے ذریعے سیاسی ضرورت وی پوری کریندے مَن۔ (میڈا خیال ہے جو ایں عرصے وچ ہندو وی سرائیکی جیندی اُٹھی زبان ہئی۔ شاعری کریندے ریپے ہون مگر افسوس اے کوشش دے باوجود اوندے نمونے نہیں ملیے) صوفیا کرام دی شاعری وی ایہ ضرورت پوری کریندی ہئی۔ میڈا عام خیال ہے جو اوں وقت وی رومانوی شاعری تھیندی ہوسی۔

اصناف دے حوالے نال وی ایں دور دی شاعری اُٹھی ابتدائی شکل وچ ہئی

(بچھلے نال واہستہ) لیکن سیف الدین حسین نامی ترک غزنی وچوں نکل کراہیں ملتان تے قبضہ کرن وچ کامیاب تھی گیا۔ ایں عرصے وچ اوج تے کبیر اُٹھی حکومت قائم کر رکھی ہئی۔ 1257ء وچ غیاث الدین بلبن دا پتر سلطان محمد ملتان دا حاکم بنیا۔ 1284ء وچ ماریا گیا۔ 1305ء وچ ایک خان دے ماتحت مغلیں حملہ کیا مگر انھوں دے حاکم غازی بیگ انھیں کول گلست ڈتی۔ 1321ء وچ غازی بیگ دہلی تے قابض تھی گیا۔ اوں ملتان دی ہک جامع مسجد تے کتبہ لویا جیہدے وچ لکھوایا جو اسان 26 دفعہ مغلیں کول گلست ڈتی ہے۔ 1359ء کونوں 1396ء تا مین ملتان دے مختلف حاکم ریپے۔ 1405ء وچ اتھان خضر خان حاکم ہا۔ دہلی دین فوجیں اوں تے حملہ کیا۔ لیکن خضر خان دہلی تے قبضہ کر کے خاندان سادات دی بنیاد رکھی۔ تے ایں خاندان نے 38 سال حکومت کیتی۔ ایہدے بعد ملتان دی حکومت انتشار دا شکار تھی گئی۔ ایں انتشار دے دوران رائے سہرہ ملتان تے قبضہ کر گھد اتے قطب الدین لنگاہ دے ناں نال حکومت شروع کر ڈتی۔ اوندے بعد اوند پتر حسین خان لنگاہ تخت تے بیٹھا۔ لنگاہ خاندان دا آخری بادشاہ 1525ء وچ مری گیا تے ملتان کول ول انتشار دے حوالے لے کر گیا۔

۔ دت حسینی دے بکت کون مرثیہ دی بالکل ابتدائی شکل آکھیا وچ سگدے۔ ہجو دا نمونہ وی ضرور ملدے۔ لیکن اووی ذاتی غم غصے دے اظہار تے مبنی ہے۔ عام طور تے نظم دی شکل زیادہ مقبول نظر دی ہے۔ دت حسینی دی ابتدائی وارر مرثیہ، گنج شکر سیں دی فارسی سراپکی آمیز نظم تے نور نامے وغیرہ نظم دی قبولیت دا ثبوت ہن۔ تاہم لوک کہتیں بارے میں کچھ نہیں آکھ سگدے۔ ادبلا شبہ ہر دور وچ ہوندا مگر ایں دور دے لوک گیت میڈے ہتھیں نہیں آئے۔ آتے ویسے وی ہوں گھٹ اندازہ لایا وچ سگدے جو کیرھے لوک گیت کیرھے دور دے ہن۔ جے تاں ایں دور وی زبان دا تعلق ہے او اچھی ابتدائی شکل وچ ہے۔ حیدرے وچ سنسکرت، عربی، فارسی دار لیا ملیا اثر ہے۔ آخر وچ میں ایں دور دے سب کنوں وڈے شاعر حضرت ابراہیم ثانی بارے ایہ آکھن مناسب سمجھداں۔ جو او ایں پہلے آتے ڈو جھے دور دے درمیاں پل داکم ڈینداں۔ ایں پہلے دور دی شاعری جیرھی شعری آتے اخلاقی تبلیغ دی حیثیت رکھدی ہے آتے اہلگے دور دی شاعری حیدرے بنیادی خصوصیت تصوف ہے (جیرھی خود مذہبی شاعری دا ہک حصہ ہے) حضرت ابراہیم ثانی دے نال ہک بے کون، گلگودی پیندی ہوئی نظر دی ہے۔

سراپکی شاعری دا ڈو جھا دور (1576ء کنوں 1901ء تاں) : سراپکی شاعری دا ایہ ڈو جھا دور سنہری دور ہے۔ سراپکی دے تقریباً سارے وڈے شاعر شاہ حسین <sup>☆</sup> سلطان باہو، چراغ اعوان، بلھے شاہ، علی حیدر، لطف علی، عبدالحکیم اچوی، شاہ لطیف (سراپکی وچ شاعری کہتی) چکل سرمست، اکبر شاہ، نبی بخش لغاری، بیدل سندھی، حمل لغاری تے خواجہ فرید وغیرہ ایں دور وچ پیدا تھیں۔

☆ موجودہ پاکستانی پنجاب دیاں حدوں جغرافیائی، تاریخی یا لسانی ثقافتی بنیادیں تے قائم نہیں کیتیاں ہیاں۔ بلکہ ایہ انتظامی حدوں ہن۔ سٹھیں دے دور کنیں پہلے بلکہ ایں کنیں وی زیادہ پرانے عہد وچ (بانی اہلگے صفحے تے)

اس دور وچ اگرچہ پچھلے دور دی شاعری دا اثر رہ گئے۔ جیویں جو مولانا عبداللہ عبدی دیاں کتاباں ”نص فرائض“، ”خیر العاشقین“، ”درزی دی کتاب“، ”اخبار الاخرۃ“، ”عبدالکریم دی کتاب“ ”نجات المؤمنین“ حاجی نور محمد شیر گڑھی دی کتاب ”میت نامہ“ (لکھیل 1727ء) کنوں ظاہر تھیندے۔ لیکن بنیادی طور تے ایہ دور تصوف دا دور ہے۔ تاہم ایہ دور مثنوی دا وی اہم دور ہے۔ اس دور وچ صوفیانہ شاعری وچ مرکزی خیال وحدت الوجود دا رہیے۔ وحدت الوجود دے نظریے کوں عام طور تے اسلامی تصوف نال جوڑ ڈتا گئے۔ (حقیقتاً تصوف آتے مذہب ڈوالگ الگ عقیدے دین آتے علامہ اقبال وی ایکنوں اسلام وچ اجنبی پودا آکھے۔ 1240ء۔ 1165ء کنوں پہوں پہلے ایہ ہندو وید آنت نال کجھ قدیم یونانی فلسفین کنیں وی موجود ہا۔ ویسے وحدت الوجودی تصوف خاص قسم دے سیاسی آتے سماجی حالات وچ پروان چڑھدے۔ چونکہ اس عہد وچ سماجی حالات وحدت الوجود دے نظریے واسطے مناسب ہن۔ ات واسطے اس نظریے

(پچھلے نال وابستہ) موجود پنجاب وچ مرکزی حیثیت لاہوردی بجائے ملتان کوں حاصل ہی۔ آتے اتھاؤں دا حاکم لاہور دا حاکم وی ہوندا ہا آتے اتھوں تے لاہوردی ہکا پو لی ملتان (سرائیکی) ہوندی ہی۔ ایہا وجہ ہے جو ابو الفضل آئین اکبری وچ اس علاقے دی زبان ”ملتان“ لکھی ہے۔ اکبر اعظم (وفات 1606ء) دے دور کنوں لاہور کوں سیاسی حیثیت ملن پے گئی۔ حیدری وجہ کنوں اتھوں دے سیاسی سماجی حالات وچ تبدیلی آئی۔ آتے انھیں اثرات دے تحت زبان دی شکل وی بدلن لگی۔ تے اہل لاہوردی زبان پنجابی، ملتان آتے بہاول پوردی زبان سرائیکی قطعی طور تے انج زبان بن گئی اے۔ چونکہ ابتداء وچ لاہور تے ملتان دی زبان ہکا سرائیکی (ملتان) ہی۔ ات واسطے اوں ویلھے لاہور دا شاعر شاہ حسین، اوچ دا پیدائشی کجھے شاہ، ملکہ ہانس دا شاعر عبداللہ عبدی، آتے شورکوٹ دا سلطان باہو سرائیکی شاعر بنن۔ البتہ اوں دور دے بعد دے شاعر مثلاً لاہور دا شاعر میاں ہدایت اللہ، ملکہ ہانس دا شاعر وارث شاہ، سرائیکی دے جین بلکہ پنجابی دے شاعر بنن۔ جیرمی سرائیکی کنوں انج زبان ہے۔ پنجابی آہنی موجود شکل اکبر اعظم دے دور کنوں بعد تقریباً ساڑھے ترانے سوسال وچ بنائی ہے تے آردو وانگوں تے اوندے نال نال آہنی انج شناخت گھدی ہے (جیرمی آردو دے حامی وانگوں شعوری کوشش دا نتیجہ ہے۔ تاہم سرائیکی آتے پنجابی دی صلحگی وچ انھیں زبانیں دے بعض بنیادی خصوصیات دا فرق وی شامل ہے۔ حیدرے وچ صوتیات آتے گرائمر کوں اہم حیثیت حاصل ہے۔ ات واسطے لسانی حوالے نال ایہ انج زبانیں دین۔

صوفیانہ شاعری وچ خاص پرورش پاتی۔ میڈا خیال ہے جو مناسب ہو سی اگر سرسری طور تے ایں دور وچ شاعری نال سیاسی حالات کوں سامنے رکھ کے اہگوں تے ودھیا ونجے۔

سرا نیکی شاعری دا ایہ دور جتھوں شروع تھیندے او ہندوستان تے اکبر اعظم دی حکومت دا دور ہے۔ ایں عہد دی وڈی خصوصیت ایہ ہے جو ہندو مسلم اتحاد کوں اہمیت ڈتی وگئی تے بادشاہ تے اوندیں درباریں ہک زلیا ملیا عقیدہ اختیار کیتا (جینکوں عام طور تے دین الہی دانان ڈتا ویندے۔ جیرہا حقیقتاً اینویں نہ ہا) ایں عرصے وچ وحدت ادیان دے نظریے کوں تقویت ملی۔ شاہ حسین ایں دور دا سب کنوں وڈا سرا نیکی شاعر ہے جیرہا اپنے دور دا سچا نمائندہ وی ہے۔ شاہ حسین شریعت تے زور ڈیون دی بجائے طریقت تے زور ڈتا۔ تے اپنی شاعری کوں تبلیغ واسطے استعمال نہ کیتس۔ شاہ حسین دے کلام وچ فنا فی المرشد ہونڈ والا صوفیانہ نظریہ واضح طور تے ملدے۔

مائے نی میں کینوں آکھاں درد وچھوڑے دا حال  
دھوآں دکھے میڈے مُرشد والا جاں پھولوں تاں لعل  
سولاں مار دیوانی کیتا برہوں پیا ساڈے خیال  
ڈکھاں دی روٹی سولاں دا سالن آہیں ڈا دھواں ہال  
کہے حسین فقیر نماشاں شہ ملے تاں ہوواں نہال

صوفیاء دے نزدیک عشق کوں ہوں وڈی اہمیت حاصل ہے۔ شاہ حسین دی شاعری وچ عشق بھر پور انداز وچ ملدے۔ رانجھا کوں صوفیاء نے علامتی طور تے محبوب دے معنی وچ گھدے۔ شاہ حسین دے کلام وچ وی ایہ علامت اہیں مفہوم وچ استعمال تھیدی ہے۔

بچن بن راتاں ہویاں وڈیاں  
 ماس جھڑ جھڑ پیجرا ہویا ، کڑکن لکپیاں بڈیاں  
 عشق چھپایاں چھپداناہیں برہوں تئاواں گڈیاں  
 رانجھا جوگی میں جوگیائی ایہ کی کر چھڈیاں  
 کہے حسین فقیر نماٹاں تیڈے دامن لکپیاں

صوفیاء کرام وچ وحدت الوجودی مقبولیت دانتیجرا یہ نکھتے جو اکبر اعظم دے  
 دور وچ شیخ احمد سرہندی اپنا نظریہ وحدت الشہود پیش کیا۔ لیکن او اتلا مقبول نہ تھیا۔  
 کیوں جو ایہ نظریہ اول وقت دے سماجی حالات دے مطابق نہ ہا۔ اکبر اعظم دے بعد  
 سراہیکی دے کئی وڈے وڈے شاعر اور نگزیب دے زمانے وچ پیدا تھے۔ اور نگزیب  
 ہک کٹر شریعت پسند انسان ہا۔ او نڈے زمانے وچ صوفیاء واسطے کھل تے اپٹے  
 نظریات دی تبلیغ مشکل ہی۔ ات واسطے سلطان باہو (1691ء-1631ء) اپٹے  
 ایبات وچ محتاط طریقہ اختیار کیتی رہ گئے۔ کیوں جو انھیں صوفیاء کرام دے مخصوص  
 نظریہ ”فنا فی المرشد“ کوں اپٹے کلام وچ بنیادی اہمیت ڈتی ہے۔

ن ناہیں جوگی ناہیں جنگم نہ میں چلا کمایا ہو  
 نہ میں بھج مسیتیں وڈیا نہ تسبیح کھڑکایا ہو  
 جو دم غافل سو دم کافر سانوں مرشد ایہ پڑھایا ہو  
 مرشد ساکوں سوئے باہو اکو مل بخشایا ہو

صوفیاء آتے ملئیں دے درمیان باطنی تے ظاہری علوم دے تنازعے تے  
 چیرھی جنگ جاری ہے سلطان باہو اس سلسلے وچ ملئیں تے طنز کریندے ہوئے  
 آہدے:

مذہب دے دروازے اچے راہ ربا ناں موری ہو



پنڈتاں تے ملوانیاں کولوں چھپ چھپ لکھیئے چوری ہو  
اڈیاں مارن کرن بکھیڑے درد منداں دیاں گھوری ہو  
باہو چل اٹھائیں ویسے جتھے دعویٰ نہ کسے ہو

ایں دور دا ہک بیا شاعر بلھے شاہ نسبتاً جرأت تے ہمت نال اپٹے نظریات دا  
اظہار کیا۔ بلھے شاہ دی پیدائش اوچ دی ہی۔ اوند اوالد بعد وچ تصور منتقل تھی گیا۔  
بلھے شاہ، شاہ عنایت دا مرید ہاتے اوندے کلام وچ اپٹے مرشد بارے کافی ذکر  
ملدے۔

بلھے شاہ سٹو حکایت ہادی پکڑیا ہوگ ہدایت  
میرا مرشد شاہ عنایت او لنگھائے پار  
ہندوستان دے بعض صوفیاء دے کلام وچ انسانی ذات دی نفی دا تصور  
ملدے۔ ایہ اصل وچ غیر ملکی حکمرانیں دے سیاسی حربے دے طور تے ایرانی تصوف  
دے اثرات دے طور تے جاٹن بچھ کے داخل کیا گئے۔ حالانکہ ایتھوں دے صوفیاء  
ایں نظریے دے خلاف ہن۔ بلھے شاہ دا ایہ شعر دراصل اپٹے ہووٹن دا سبق ڈیندے۔

بلھے شاہ اساں مرٹا ناہیں گور پیا کوئی ہور  
ویسے وی وحدت الوجود دا نظریہ انسانی وجود دی کڈاہیں نفی نہیں کریندا۔ نفی  
دا تصور وحدت الوجود دے عقیدے دے وی خلاف ہے۔ وحدت الوجودی صوفیاء دا  
نعرہ تان ”انا الحق“، ”سبجانی ماء اعظم شانی“ ہا۔ انسانی ذات دی نفی ایتھوں دے لوکیں  
کوں کمزور کرتے حکمرانیں کوں اٹھی حکومت دا جواز ڈیندا ہا۔ بلھے شاہ دے علاوہ سچل  
دی انسانی ذات دی نفی دی بجائے اوندی عظمت دا اظہار کریندے۔

چھوڑ گمان گدائی والا۔ پکا چادا ہدھ شاہی  
علامہ اقبال دی شاعری وچ خودی دا تصور جنیں اوکوں ہک فلسفی شاعر دا رتبہ

ڈتے۔ دراصل اوں ایہ تصور ”خودی“ بلھے شاہ آتے سچل کنوں گھدے۔

بلھے شاہ ہک ہی جاہ تے انسانی اثبات دا اظہار ایں کریندن:

اول آخر آپ نوں چاٹی      نہ کوئی دو جا ہور پچھاٹی  
میں توں ہور نہ کوئی سیاٹاں      بلھا شوہ کھڑا ہے کون  
بلھیا کی جاٹاں میں کون

علی حیدر (1690ء-1785ء) دا دور اورنگزیب دا آخری زمانہ ہے، آتے اورنگزیب دے جانشین دا انتشار نال پُر زمانہ وی۔ ایں انتشار دے دور وچ انسان کوں اونٹنی بے معنویت دی اصل سمجھ آندی ہے تے دنیا تے اپنٹے وجود دی بے ثباتی دا احساس تھیندے۔ ات واسطے اچھے دور وچ صوفیاء دے کلام وچ انسانی بے ثباتی دا موضوع عام ملدے۔

کوڑا گھوڑا کوڑا جوڑا کوڑا شاہ سوار

کوڑے باشے کوڑے شکوے کوڑے شیر شکار

کوڑے ہاتھی کوڑے لشکر کوڑے موج کنار

کوڑے کوٹھے کوڑے سٹ کوڑا ایہ سنسار

حیدر آکھے سبھ کجھ کوڑا سچا ہک کرتار

دوا نبی محمد سچا ، سچے اُس دے یار

علی حیدر دے کلام وچ اوندے دور دے سیاسی انتشار آتے غیر ملکی لوٹ

کھسوٹ دا ذکر وی آندی۔ حیدر دے وچ ڈکھ تے کاوڑ پاتی ویندی اے۔ او اتھوں

دے حکمرانیں بارے انتہائی سخت الفاظ وچ آہدے۔

(ب) بھی زہر کھا مرٹ کجھ شرم نہ ہندوستانیوں نوں

کیا حیا انہاں راجیاں نوں کجھ لُح نہیں تورانیاں نوں

بھیڑے بھر بھر ڈیون خزانے، فارسیاں نوں خراسانیاں نوں  
 وچ چھاوٹیاں دے پائی نک پڈ ونچے ہونہ دوھیا پاٹیاں نوں  
 ایں دور وچ سندھ وچ وی وڈے سرائیکی رسندھی شاعر پیدا تھیں۔ جنھیں  
 وچ سچل سرمست (1739-182) نبی بخش لغاری (1863ء-1776ء) قادر  
 بخش بیدل (1873ء-1814ء) حمل لغاری (1875ء-1815ء) تے روجل  
 فقیر کافی مشہور ہن۔ ایہ سندھ وچ کلہوڑی تے تالپوریں دا دور ہے اتے کجھ شاعر  
 انگریزیں دے ابتدائی دور وچ حیدرے ہن۔ ایہ دور سندھ وچ زیادہ تر انتشار دا دور  
 ریے۔ سیاسی رقابتاں، قتل و غارت، ہک پے دے خلاف سازشاں تے خانہ جنگی  
 کنوں سندھ نسبتاً زیادہ گزرے چیرھی وجہ کنوں ذہین افراد تصوف وچ پناہ گھدی۔ ایہا  
 وجہ ہے جو سچل سرمست دا سارا کلام تصوف نال بھریا ہویا ہے۔ سچل کنوں پہلے شاہ  
 لطیف (1707ء-1690ء) دا ذکر ضروری ہے۔ شاہ لطیف اگرچہ بنیادی طور تے  
 سندھی دا شاعر ہے لیکن اوں سرائیکی وچ وی شاعری کیتی ہے۔ انھیں دے کلام دا  
 نمونہ ملاحظہ ہووے۔

راجھن والا زہر پیالا، گھمڑی آیم بھاجی  
 دل وی قضا دل جاٹے، توں کیا جاٹے قاضی  
 ماء پیوتوں چوری پٹم، کیتم روح کوں راضی  
 وحدت الوجود سچل سرمست دا خصوصی موضوع ہے۔

میں خدا خدائی اپنی خود وچ آ پیوسے  
 ایہ سب حسن اساڈا ہویا جھاں وچ آ کھڑیوسے  
 چار مکان ریے وچ کتھاں، کتھ مکان کتوسے  
 لا مکان، مکان اساڈا، سچل نام گویوسے

پچل سرمست دی شاعری وچ علامات دا استعمال عام ملدے، او آپٹیاں  
علامتاں لوک رومانیں کتوں گھندن، ایں کافی وچ اوفتانی اللہ ہووڻ دے نظریے کوں  
ایں پیش کریندن۔

رائجھو کھیڑا ڈوہیں میں نہیں ہیر رہی وچ کتھے کتھے  
جھنگ سیال تے تخت ہزارہ ڈوہیں ڈٹھم اتھے اتھے  
اساں پیو سے وچ اتھائیں ناں نہ کہیں دا تھے تھے  
گم ہوئی بھی ہیر اتھاپیں موج ڈڑھی آ جتھے جتھے  
چھو صاحب بو آ ہا دل نہ کائی و تھے و تھے

پچل دے کلام وچ ہک صوفی وانگوں انسان دوستی آتے رجائیت پسندی  
دا اظہار وی ملدے لیکن ہوں صوفیا دے برخلاف چیرھے انسانی ذات دی نفی  
کریندن۔ آتے اپٹے ہووڻ دے احساس کوں مریندن، پچل انسانی ذات دی نفی نہیں  
کریندا بلکہ او ”خودی“ کوں منفی مطلب وچ گھنٹ دے بجائے اوند ااثبات کریندا۔

پچل نفی اثبات کریندا

ڈیکھو سیر سپاہی دا

ایںدے علاوہ اوانسانیں کوں نسل آتے ملک دی بنیاد تے وی نہیں وٹھیندا:

نہ وت ہندی سندھی شامی نہ وت زنگی رومی

اینویں اوانسان کوں مذہبی فرقیں وچ وی نہیں وٹھیندا:

نہ میں شیعہ نہ میں سنی نہ میں ڈوہ ثواب

قادر بخش بیدل ٹالپوریں دے آخری تے انگریزیں دے ابتدائی دور دا

شاعر ہے۔ ایں دور وچ ٹالپوریں دی شکست دے تکلیف دہ مناظر لوکیں دے سامنے

ہن تے ہک اٹن سو نہیں قوم دے ظلم تم دے نقشے وی لوک آپٹیں اکھیں نال ڈہدے

پئے ہن۔ ایہا وجہ ہے جو بیدل دادنیا داری دی بجائے تصوف نال تعلق ہا۔ ویسے وی وحدت الوجود صوفی شاعریں دا ایہ من بھاؤ کا موضوع ہے۔ (تصوف برائے شعر گفتن خوب است)

ذات صفات ہکا کر جاٹی ہی کوئی بھول نہ بھلیں  
جیسے ویس بھیس میں ویکھیں چال ادب دی چلیں  
وحدت دی وادی وچ آکر دل نہ پچھوتے ویس

عشق دی بیدل دی شاعری دا ہک اہم موضوع ہے۔ انھیں دا عشق ہمہ گیر ہے۔ اوندے وچ صرف ذاتی ڈکھیں دردیں دا اظہار نہیں ملدا۔ بلکہ اوں وقت وی پوری سیاسی تے سماجی زندگی دے نتیجے وچ ابھرن والے کرب دی عکاسی وی تھیدی ہے۔

عشق لگا تدیراں چکیاں بار غماں سر آیا  
درد فراق سُنڈے ہاسے سینے سوز سمایا  
بیدل برہ دے ہا جھوں جگ وچ جیوں محض اُجایا

ایہا وجہ ہے جو بیدل اپنے مذہبی نظریات دے اظہار واسطے وی اوہ لفظ استعمال کریندے جیرھے جنگ جدل تے ”ذوالفقار“ دی یاد تازہ کر ڈیندن۔

جنگ جدول مذہب والی سالک خُٹ سٹیدی  
ذوالفقار برہ دی ہتھ کر ہستی مار سٹیدی  
بے خودی دی مئے پی بیدل ”میں“ دی پاڑ پٹیدی

عشق اساڈے سرتے سیاں ڈاڈھا کٹک چڑھایا  
ابرو چشم تے خالی زلف دے چٹکے تاب وکھایا

حسن دی فوج دی ڈیکھ سیاست میں تاں ہوش گنوا یا  
 اتھاں بیدل دے کلام وچ حسن دی فوج، تے سیاست دا ذکر اوں وقت  
 دے سیاسی حالات دا عکس ہن۔ ہک ہی جاہ تے او محبوب دے نین کوں سپاہی نال  
 تشبیہ ڈیندن۔ جیرھا مغل فوج دا نگوں کو پیندے۔

نین سپاہی سر سردا ہی مغللاں دا ننگ مریندے  
 نبی بخش لغاری (1863ء۔ 1776ء) دا کلام دی تصوف نال بھر پور ہے  
 لیکن حمل خان لغاری دی آواز نسبتاً مختلف ہے۔ او ندے کلام وچ تصوف دے حوالے  
 نال وی شعر ملدن۔ لیکن میں سمجھداں او صرف اوں وقت دے مقبول نظریے دی رسی  
 طور تے تقلید کیتی گئی ہے۔ ایں شاعری کوں حمل خان دی بھر پور شاعری نہیں آکھیا  
 وچ سبدا۔ حمل خان لغاری (وفات 1879ء) دی شاعری بنیادی طور تے حسن عشق  
 دی شاعری ہے۔ جیندے ذریعے او اپنے دور دے کرب کوں بھلاؤن چن دے۔

ہک ساعت دی صحبت کیجے دل کوں درد لیوسے  
 دم دم دل کوں یاد ایہو دم ، بیا کم دسر گیوسے  
 عشق اٹا ننگا سٹندے ہاسے ، اکھیں نال ڈٹھوسے  
 حمل ہتھیں نال آپے وچ ، ستا ہینہ جلیوسے

ایندے علاوہ اوندی شاعری وچ سب کنوں زیادہ جان اوں ویلھے پئے  
 ویندی ہے جیرھلے او اپنے دور دیں اخلاقی کمزوریں تے بھر پور طنز کریندے تے  
 بدلیں ہونیں سماجی قدریں دا داویلا کریندے۔ حمل کوں سمجھ نہیں آندی جو ایہ کیا پیا  
 تھیندے تے اہج دی نوجوان نسل کیوں ”گراہ“ تھیندی ویندی ہے۔

ڈنگی ٹور تے ڈنگا پکا ہتھ وچ پنج چھی چھلے  
 آکڑ شاکڑ نال شہر وچ ٹور ٹورن کر نلے

لکھ روپے دی لوڈ کرن تے گھر وچ ٹھکر ٹھلے  
 گھم گھم تے گھر آون سا نچھے پیسہ نول نہ پلے  
 اگوں آکھن کیا کھٹ آپو، ولدی دات نہ ولے  
 زالاں اگوں زور، سے ڈاڑھی کھوند مریندیاں کھلے  
 منتاں کر کر ماء چھڑیندی اگھ اگھ اکھاں ملے  
 گھر وچ کھلا بجا، باہر شیر بہادر بلے  
 حمل جنھیں گھر حال ایہو سو آکھ کیوں گھر بکے

حمل خان لغاری دی شاعری دراصل اوں وقت دیں ترندیں ہوئیں سماجی نظام نال وابستہ مردیں ہوئیں اخلاقی قدریں داماتم ہے۔ انگریزیں دی آمد نال سماج وچ تبدیلی تے خیالات وچ انقلاب نے حمل خان کوں پریشان کر ڈتا۔

ایں عبوری دور وچ پڑھے لکھئے دانشور لوکیں تے ڈ و طرح دا اثر پندے۔ دروں بین لوک تصوف ڈ و ماہل تھی ویندن تے اپنے آپ وچ سمٹ کر اہیں دنیا دی بے ثباتی داماتم کریندن۔ اگرچہ انھیں دے اندر ہک قسم دی بیروں بنی دی رہ ویندی ہے۔ جیرھی انھیں دی انسان دوستی، مذہبی رواداری تے بے تعصبی دے روپ وچ ظاہر تھیدی رہندی ہے۔ لیکن اولوک جیرھے بیرون بین ہوندن۔ او اپنے مخصوص مزاج دی وجہ کنوں دنیا دیں تبدیلیں نال زیادہ دلچسپی رکھدن تے بعض غیر پسندیدہ نویں تبدیلیں تے ناراض وی تھیندن۔ انھیں دا ایہ پیش از مرگ دا ویلا ہوندے۔ حمل لغاری دی شاعری دا ہک پہلو انھیں دی ایں سوچ دی نمائندگی کریندے۔

ملتان وچ ایہ دور نسبتاً انتشار دا دور ریہے۔ حافظ جمال (1811ء)۔  
 1747ء) ایں دور دے شاعر ہن۔ انھیں دے کلام وچ ایں دور دے انتشار کنوں پیدا تھیون والی دنیا دی بے ثباتی دا تصور بھر پور طریقے نال ملدے۔

س۔ سوداگر لڈ گے سے کر کر وٹج و پارے  
 کئی سوداگر لالاں دے تے کئی لاکھی صد ہزارے  
 لاتھے رہے بار تہاں دے نحوں سوٹھ ہزارے  
 رہے کنگال جمال وچارا کھڑا ہتھ پبارے

.....  
 مان نہ کر سہاگ داتے بہہ نہ ہانہہ درگھیر  
 چوڑے والی کئی کئی ہٹی ، ہانوں پٹیاں ڈھیر  
 اتھاں پاء نہ کیتا ای ، اتھاں منکسن سیر  
 آون نہ ڈسین پیکڑے تے کتھن نہ ڈسین ڈھیر

حافظ جمال دیاں علامتاں اپٹیاں ہن ، آتے انھیں دے صوفیانہ خیالات  
 کوں سوہٹپ نال پیش کریندن۔ منشی غلام حسن گامٹھ (1787ء-1848ء)  
 سندھی دے صوفی شاہ عنایت دا نگوں اونٹی دھرتی تے قربان تھیون والے ہک صوفی  
 ہن۔ انھیں سراہیکی وچ کافیاں وی لکھیں۔ انھیں سراہیکی شاعری وچ ہک نویں  
 صنف ”گامنن“ وی ایجاد کیتی جیڑی کافی مقبول تھی۔ کلام دانمونہ ملاحظہ ہووے۔

اماں ژی کوئی جو گودا آیا کوئی صاحب حسن جمالے  
 تخت ہزارے نوشہ ملیا مینوں بھل گئے تخت ہزارے  
 گامنن ہاجھ جمال الہی بھلا کون میڈے غم نالے

ایں عرصے وچ راجن پور دے علاقے وچ ڈو صوفی شاعر پیدا تھئے۔  
 جنھیں وچ عاقل محمد جوگی (1893ء-1853ء) آتے گل محمد چشتی (1897ء-  
 1835ء) کافی مشہور ہن۔ ایہ ڈوہیں خواجہ فرید (1901ء-1848ء) دے  
 ہم عصر ہن۔ عاقل محمد جوگی دا خواجہ فرید نال خصوصی تعلق ہا۔ ایہا وجہ ہے جو عاقل محمد



جوگی دی کافی اُتے خواجہ فرید دی کافی دا اثر وی کافی ہوں ہے۔ البتہ ایں دورہ داسب کتوں وڈا شاعر خواجہ فرید ہے۔ اوہک وڈے صوفی شاعر ہووٹ دے علاوہ وڈے رومانی شاعر وی ہن۔ اگرچہ انھیں دی صوفیانہ شاعری کوں زیادہ اہمیت ڈتی گئی ہے۔ مگر انھیں دی عاشقانہ شاعری بھر پور جذبے تے داخلی واردات دا اظہار ہے۔ اُتے انھیں دی منظر نگاری وی کمال دی ہے۔ اوندے وچ کلچرل تے ثقافتی رنگارنگی سرائیکی وسیب دی سوہٹی پینٹنگ وانگوں ہے۔ خواجہ فرید دی شاعری دے موضوعات وسیع ہن۔ انھیں وچوں ہک تصوف ہے۔ تصوف وچ خواجہ فرید دا موضوع وحدت الوجود، عشق مرشد اُتے انسان دوستی ہے۔ وحدت الوجود کوں اوائلی شاعری وچ مختلف انداز وچ بیان کریندن۔

سوہٹا یار پُتل دا ، ہر جا عین حضور

اڈل آخر ظاہر باطن ، اُس دا جاٹ ظہور

آپ بٹے سلطان جہاں دا ، آپ بٹے مزدور

وحدت الوجود دے حوالے نال مذہبی رواداری اُتے ہم آہنگی وی انھیں دا

ہک خاص موضوع ہے۔

رکھ تصدیق نہ تھی اوارہ کعبہ قبلہ دیر دوارہ

مسجد مندر بکڑو نور

ایویں ملائیت دی تنگ نظری اُتے تعصب بارے وی انھیں دے شاعری

وچ کئی شعر ملدن۔

ملا پٹھو دے معنی کردے آیت درس حدیث خبر دے

صرف صداتے تھئے مغرور

خواجہ فرید دی شاعری دا ایسا وڈا پہلو عشق و محبت ہے۔ ایہ مختلف رومانس دے

حوالے نال اپنے جذبات دا اظہار کریندن۔ منظر نگاری انھیں دے شاعری وچ جاہ جاہ تے ملدی ہے۔ ساوٹ تے بارش بارے ہک بہوں مشہور کافی دا مطلع ایس ہے۔

آئے مست ڈیہاڑے ساوٹ دے      واہ ساوٹ دے من بھاوٹ دے

روہی دی منظر نگاری نال انھیں دی شاعری بھری پئی ہے۔ ایندے علاوہ عام انسانی زندگی دی انھیں دی شاعری دا مضمع ہے۔ عورتیں دا بیہوش چٹن یا گاہے کٹیاں چراوٹ تک دی خواجہ فرید دی شاعری دا موضوع ہن۔ انھیں دا موضوعاتی وژن بہوں وڈا ہے۔

عام طور خواجہ فرید دی شاعری کوں تصوف تائیں محدود کر ڈتا گئے۔ اُتے حسن عشق، عام انسانی زندگی، منظر نگاری کوں نظر انداز کر ڈتا گئے۔ حالانکہ تمام تر شاعرانہ حسن انھیں دی ایس شاعری وچ ہے۔ اُتے خواجہ فرید دے ہک حقیقی تے وڈے شاعر ہووٹ دا ثبوت وی ایس شاعری توں ملدے۔ خواجہ فرید کوں اپنے وقت دا سیاسی شعور وی ہا۔ ریاست بہاول پور وچ انگریزین دی مداخلت کنوں اونارا ض ہن۔ اُتے نواب بہاول پور کوں ہک شعر وچ ایس خطاب کیا۔

اپنے ملک کوں آپ دساتوں

پٹ انگریزی تھائے

خواجہ فرید دی کافی شعریت نال مالا مال ہے تے فن خطابت دے اثر پیٹھ ہے۔ اُتے اوندے وچ موسیقی دی اپنے سارے سُرین نال موجود ہے۔ ہنٹ تائیں جیڑھی صوفیانہ شاعری دا ذکر تھیدا آئے۔ او عام طور تے کافی دی صنف دی شاعری ہی۔ لیکن ایس دور وچ مثنوی کوں دی عروج ملیے۔ مثنوی لکھن والیں شاعریں وچوں پیارے لال، چراغ احوال، لطف علی، عبدالکلیم اوچوی، اکبر شاہ، نبی بخش لغاری تے کئی ہے وی بہوں مشہور ہن۔ مثنوی وچ کہیں قصے کوں خواہ انداز ہی ہووے یا غیر

مذہبی نظم کہتا دیندے۔ تاکہ کچھ دیر واسطے کتھارس وی تھیوے۔ اُتے دنیا داری دا غم  
بھل ونجے۔

پیارے لال شاہجہاں دے زمانے دا شاعر ہے۔ اول ہک مثنوی سراپ  
(بدوعا) لکھی۔ جیرھی ہندوؤیں وچ ڈاڑھی مشہور تھی۔ آخری بند ملاحظہ ہووے۔

لکھیا اینویں لکھن ہار	جو ہے ہر دا پالٹن ہار
چھٹیا دیں ملیا پردیس	متھے ایہ کیتس کلیش
دیں تے ڈٹھا ایتا چار	ٹریا اُتھوں ہا پروار
جام پور آ کر کیتا داس	ڈینہاں راتیں بھی اُداس
ستارھاں سو چوراسی سن	لکھیم کتھا من موہن
ساں شاہی شاہجہاں	لله گوت ، ساڈی چاٹ
دیں اساڈا ہا کر نال	نانواں میڈا پیارے لال

چراغ اعوان (1732ء۔ 1679ء) دی مثنوی ”ہیر رانجھا“ سرائیکی

شاعری وچ خاصی اہمیت دی حامل ہے۔

ایہ مثنوی 1709ء وچ لکھی وگئی۔ ایندا ہک بند ملاحظہ ہووے جیندے وچ

زیورات دا تفصیل نال ذکر ہے۔

کھیڑیاں شوق کھیڈن دے کنوں آکھریاں بن پریاں  
چوڑ کھوڑے مینیاں دست کنگن ہانہہ جریاں  
چوہب کلی کٹھالے ڈوڈن رنگ بھریاں مہل جھڑیاں  
ہار چندن چکار کرن سنگار وڈے پنج لڑیاں  
منز کے والیاں مہل کنڈالیاں انزوٹ پیریں کڑیاں  
پوپٹ مار چکلی پائن کنی چڑیاں کھڑ جھڑیاں

ٹھم ٹھم قدم ٹھکارن سوہیاں دست آلاون دھڑیاں  
 سوہے رول ستارے بوہمن پاند کنارے زریاں  
 سرماہوں گل سوہے جولی بھاگ وکجن بھریاں  
 خوش زیب تعجب صورت حور نژادی جڑیاں  
 بریاں باغ ارم دا سٹ کر جھنگ سیالیں وڑیاں  
 پھیر مثال چندن دی واہ نکائن دھڑیاں  
 نین گوڑے شوالے رم جھم ناز کریندیاں کھڑیاں  
 بھل وین چراغ عشاقاں دیاں اتھ کون چھڑاوے آڑیاں

چراغ اعوان کول وی بعض اوقات صوفی سمجھیا ویندے۔ لیکن اوندی مثنوی  
 ”ہیرا، نجھا“ تصوف کون ہٹ تے ہک خالص رومانی نظم ہے۔ مثنوی لکھن والے  
 شاعر عام طور تے عشقیہ شاعری کرن والے ہونن۔ اتجھے شاعر عام طور تے سیاسی  
 بے چینی دے دور کون لاطلق یا مایوس تھی کراہیں اوشی دنیا آپ آباد کریندن تے  
 اوندے وچ مست رہنن۔ ایہ شاعر تصوف دے مابعد الطبیعیاتی خیالی فکر کون ہٹ  
 تے مجازی عشق نال تعلق رکھن تے مادی دنیا کول اہمیت ڈیندن۔ انتشار نال بھریے  
 ہوئے دور وچ مایوس تھے ہوئے لوک وی ایس شاعری نال دل بہلیندن چونکہ تصوف  
 عام لوکیں دا مسئلہ نہیں ہوندا۔ ات واسطے اتجھے دور وچ ایہ عاشقانہ مثنویاں لوکیں وچ  
 مقبول تھیندین۔ لطف علی دی مثنوی سیفل نامہ دی مقبولیت دا ہک ایہو سبب ہے  
 توڑے جو کجھ لوکیں اوندی صوفیا تشریح وی کہتی ہے مگر او مقبول نہیں تھی۔

لطف علی (1810ء-1713ء) بہادر پور ضلع رحیم یار خان وچ جایا۔  
 لطف علی اگرچہ ڈوڑھے وی لکھین تے کوئی بیباں نظماں وی مگر اوندی شہرت دا سبب  
 اوندی مثنوی ”سیف الملوک“ ہے۔ ایہ مثنوی لفظیں دی بندش تے کلام دے زور دی

وجہ کنوں مشہور ہے۔ عربی، فارسی لفظیں دی کثرت کنوں زیادہ کتھائیں کتھائیں بوجھل  
تھی ویندی ہے۔ عام طور تے ایہ صاف ستھری تے رواں ہے:

ڈھلی رین سروں آ ٹلی کیتی صبح صفائی

قاصد کل مشاقتاں دی جوں صبح صبا دی آئی

خوشبو باد صبا دے شوقوں عاشق غمگین پائی

گزری واٹ سیفل دے راہوں، درد سنبھڑے جائی

دردوں باد صبا کوں عاشق، روز فریاد سُٹائی

ڈے پیغام پری کوں میڈا کر میں نال بھلائی

اہیں روش وُچ آکھیں، آکھے روسیفل سودائی

بہر خدا لہہ خبر میڈی چند جان لباں تے آئی

جان کندن دی تلخی توں میں سخت پکھی تلخائی

دل غم ناک بدن بے طاقت عیٹاں نندر وُچائی

سختی دے وُچ مراں متاں میں کر آوٹ دی کائی

آتش عشق میڈے تن اندر نہیں جگ جوجگ جگائی

تیں کارن تھی جوگی جگ وُچ پھراں بھصوت رمانی

ہک دم میں تیں دور نہیں جنیں رمز میڈے تن لائی

چھوڑیم دیس ملیم آتھل بھر ہیبت جان جھکائی

لطف علی مسکیناں کوں رب ڈیندا رزق ہوائی

عبدالحکیم اوچوی (پیدائش 1747ء) دی مثنوی ”یوسف زلیخا“ کوں وی

سرائیکی ادب وُچ اُچا مقام حاصل ہے۔ ایں مثنوی دا موضوع اگرچہ مذہبی ہے لیکن

عام لوک اینکوں رومانی قطعے دے طور تے وی گھندن۔ ایہ مثنوی مولانا جامی دی مثنوی

کوں سامنے رکھتے تلکھی گئی ہے۔ ایندی ترتیب تے بحر وی بالکل اُہا ہے۔ ایں مثنوی  
 وچ اگر چہ شعریت دی کمی دا احساس تھیندے لیکن بعض شعر بہوں مشہور ہن۔

بھلا زلفاں ایانے ناگ کالے

جھاں دے ڈنگیاں جیون محالے

مثنوی دی ابتداء ایں تھیندی ہے:

چلو عبدالحکیمیاں تاں چلائیں زلیخا دے جھن دی گل کرائیں

اہا ہک شاہ وچ مغرب زمیں دے جو سچے شاہ ہن تابع تھیندے

تلے فرمان اُس دے روم تاروں جے پکھیں اُس دا ناں کیوس

آہی اُس دی زلیخا نام دختر جو شرمادان اُس توں روشن اختر

عجب زلفاں جو عنبر مُشک پرور عجب موئے سپاہ گیسو معنبر

بھلا زلفاں ایانے ناگ کالے جھاں دے ڈنگیاں جیون محالے

ایں دور دا ہک پیا مشہور شاعر اکبر شاہ وی ہے۔ اگر چہ اکبر شاہ دا جنگ نامہ

نسبتاً زیادہ مشہور ہے۔ لیکن اوندی مثنوی ”سستی پون“ کوں وی کافی مقبولیت ملی

ہے۔ ایہ مثنوی 1834ء وچ مکمل تھی ہی۔

کر سایو سڈوایا یارو آیا اہو جوسی

آ پہنچا وچ محل دے کرنال ادب پا بوسی

آئی دائی بھجدی مائی ڈیکھ نجومی پوتھی

ڈس ڈیکھاں یکس بے وس نال سسی کیا ہوسی

اے سخت مصیبت اُس دی کنیں کنیں جا کھلوسی

کیا لکھیا کیا ملسی متک بے تقصیر بے واسی

درد مصیبت اُس دا مینوں جیندیں تائیں کھوسی

ماء دا کھیر نصیب نہ ہو یا غم دا گھٹ بھر پوسی  
 دائی دا ہتھ نصیب نہ ہوئیں گھٹی سول لہوسی  
 سولاں کاٹ جانی میں سسی نازک کلھی فردوسی  
 نازک بدن تے وقت ایٹاں سولاں ساگ پیوسی  
 بھڑکی آگ تن ماسی ، دی عیش آرام ہگیوسی  
 اکبر شاہ دفتر درو منداں دے دھوون والا دھوسی

شاعری دے این دور وچ تقریباً ساریں اصناف ترقی کیتی۔ کافی تے مثنوی  
 دے علاوہ ڈوہڑے، سی حرفی، بارہ ماہ سے ہفت روز، ہشت پاس، مرثیہ آتے گھڑولی  
 وغیرہ وی شامل ہن۔ لیکن انھیں اصناف دی ترقی تریجھے دور وچ وڈے زور شور نال  
 جاری رہی ہے۔ ات واسطے انھیں دامطالعہ اوں دور وچ مناسب ہوسی۔

جینویں جو این ڈوہڑے دور وچ سراہیکی شاعری فی طور تے وڈی ترقی کیتی  
 ہے۔ اینویں زبان دی حیثیت نال سراہیکی اہٹی صحیح صورت اختیار کر گھدی۔ اہج  
 جیرھی زبان الائی ویندی ہے۔ ایندی اصل صورت ڈوہڑے دور وچ بنی ہے۔ این دور  
 وچ ہر اٹے لفظ متروک تھی گئین۔ ہوں ساریں عربی، فارسی لفظیں یا تاں اہٹی جاہ بٹا  
 گھدی یا اہٹی شکل بدل کراہیں سراہیکی رنگ اختیار کر گھدا۔ دراصل ایہ دور زبان دی  
 صفائی دادور ہا۔

ایہ دور سراہیکی شاعری وچ علامتی شاعری دادور وی ہا۔ اکثر صوفی شعراء  
 لوک رومانیں دے کردار اپنے مخصوص معانی وچ استعمال کیتن۔ رانجھاتے پنوں محبوب  
 دے معنی وچ استعمال کیے ویندے رہ گئین۔ جڈاں جو ہیر آتے سسی عاشق دے  
 مفہوم وچ ورتیندے رہ گئین آتے عشق دا اظہار انھیں دی زبانوں تھیندا رہ گئے۔  
 انھیں دے علاوہ بعض جاہیں کوں وی مخصوص مفہوم وچ گھدا گئے۔ جینویں کچھ کوں

محبوب دے وطن دے مفہوم وچ استعمال کیتا گئے تے ایں کنوں منزل وی مراد ہی۔  
 کچھ ڈوٹز ساں جیہ تا میں جیساں جے ول ولساں کافر تھسیاں  
 بگل وچ پائیم پریت مہار  
 اینویں ”رنگ پور“ شہر کوں وی علامتی طور تے ورتیا گئے۔

رنگ پور دے ہن پنٹھ نیارے ہک نوں بوڑے ہک نوں تارے  
 ہک پیا جیتے ہک پیا ہارے تلدے ماسے تولے  
 لیکن انھیں دے علاوہ بعض دنیاوی کمیں کاریں کوں اگلی دنیا دے حوالے  
 نال ڈٹھا گئے۔ پر نہ جن ہک دنیاوی رسم ہے۔ لیکن اتھاں ایں کنوں مراد ڈوٹھے جہاں  
 داسفر ہے۔

الف اٹھی دھتیا ہک پلک نہ جنین ڈیندے  
 ڈولی وچ گھت کوڑے تیکوں گھن سویلے دیندے  
 چولی چٹی پور تیور ماء پیو ڈاج گھتیندے  
 بھین بھراتے خویش قبیلے کھڑے وداع کریندے  
 ایں بند دا تقابلی مطالعہ امریکی شاعرہ ڈکنسن دی نظم ”کیوں جو میں موت  
 کیتے نہیں رُک سگدی“ نال ہوں دلچسپ تھی سگدے۔

اینویں ستر کتن ہک بنیادی عمل ہے۔ لیکن ایں کنوں اگلے جہان واسطے عمل  
 کرن مراد ہے۔ خواجہ حافظ جمال اللہ دی مشہوری حرفی دا بند پڑھو:  
 د دعائی سٹ دھتیا ، دل لا کتن تے سچی  
 ڈیکھ سییاں نت کوٹھوں جیڑے بھر بھر پہندیاں کچھی  
 آدھتیا لگ مت تو مپڑی ، نہ بن چھو ہر کچی  
 ڈیکھ جمال احوال تمھاں دا ، نیت جمھاں دی سچی



سرائیکی شاعری دا تر تبحھا دور 1902ء کنوں 1976ء تائیں: خواجہ فرید (1901ء-1845ء) دی وفات ویلھے انگریز پورے برصغیر تے قابض تھی چکے ہن تے اُپنے مخالفین کوں تقریباً ختم کر چکے ہن۔ ایں دور وچ اگرچہ جاگیرداری اُپنے عروج تے ہی لیکن نت نویں سیاسی تبدیلی کنوں لوکیں دی جان اُٹھٹ چکی ہی تے اویسیاں انتشار دی بجائے سیاسی استحکام دے وچ حیاتی گزریندے پئے ہن۔ ایہا وجہ ہے جو ایں دور وچ لوکیں وچ اگلی زندگی دی رغبت اُتے موجودہ زندگی دی بے ثباتی دا تصور اتلا شدید نہ ہا۔ جیرھا عام طور تے سیاسی تے سماجی انتشار دے عہد وچ ہوندے۔ ایں عہد وچ لوک اُٹھی موجودہ زندگی کوں جائز اہمیت ڈیندے پئے ہن۔ تے اُنھیں دے نزدیک مادی ضرورتیں دا لحاظ وی ضروری ہا۔ کیوں جو اوں دور دے شاعریں دے نزدیک افلاطونی عشق (جیرھا عام طور تے صوفیا کنیں لہدے) دی بجائے جسمانی عشق دا نسبتاً زیادہ ذکر ملدے۔ ایں دور دا سب کنوں وڈا شاعر محمد بخش نوروز ہے۔ جیرھا پچھلے تے موجودہ دور وچ اگرچہ ہک کڑی دی حیثیت رکھدے۔ مگر حقیقتاً ایں تر تبحھے دور دا نمائندہ ہے۔

محمد بخش نوروز کوں اگرچہ اُچ وی کجھ لوک صوفی سمجھن لیکن اصل وچ ایہ پہلا شاعر ہے جنہیں شاعری دا پچھا تصوف کنوں چھڑائے تے خالص عاشقانہ شاعری کہتی ہے۔ ایندے علاوہ نوروز ہی شاعری وچوں داخلیت کوں کڈھ کراہیں اوندار رحمان خارجیت ڈو کہیتے۔ محمد بخش نوروز بیک وقت ڈو ہڑے، کافی تے مثنوی دا شاعر ہے۔ لیکن اوں حقیقتاً ڈو ہڑے کوں معراج تے بچائے۔ ڈو ہڑے اگرچہ پچھلے دور وچ اُٹھی اہمیت قائم رکھی ہے لیکن حقیقتاً او دور کافی تے مثنوی دا دور ہا۔ ایہا وجہ ہے جو اوں دور وچ کافی تے مثنوی دے قد آور شاعر پیدا تھیں۔ لیکن ایں دور وچ کافی دے نال نال ڈو ہڑے وی وڈی اہمیت حاصل کر گھدی ہی۔ ایندی

ہک وجہ تاں اول دور دے سماجی حالات ہن۔ کیوں جو کافی تقریباً تصوف نال وابستہ تھی، گئی ہی۔ تے ڈوہڑا زیادہ تر عاشقانہ جذبات دے اظہار واسطے وقف ہا تے عام لوکیں دے مزاج تے سمجھ دے مطابق ہا۔ ایندے علاوہ خواجہ فرید کافی کون اتلا اچے رتے تے گھن گیا ہا جو ہوں سارے شاعر باوجود ریس دے کافی کون اول مقام تیں نہیں بچا سگے جتھاں خواجہ فرید بچا ڈتی ہی۔ ایندی وجہ نال ڈوہڑے ڈو توجہ زیادہ ڈتی گئی۔ ایہ دور ڈوہڑے واسطے مقبولیت دا دور بن گیا تے محمد بخش نوروز ایندے وچ رنگ بھر ڈتا۔

رت ساوڻ دی آس ملن دی آساں آن بچاویں نہ چر لاویں  
 سوہٹی رت تے سوہٹیاں تاں گھاں سوہٹے منہ ڈکھاویں نہ چر لاویں  
 دست ونگ تے رنگ نویں، چڑھ سچ تے سنگ سہاویں نہ چر لاویں  
 چولے تنگ بنوے گل پا، بغلیں انگ چا لاویں نہ چر لاویں  
 قول پچاویں، ڈیکھیں وت متاں رت رواویں نہ چر لاویں  
 دل سکدی نوروز تھیوے آ ابر مہر برساویں نہ چر لاویں

ساوڻ آیا روہی وٹھری گھاہ لوارے کھاون پنے من بھاوڻ  
 تھی امبولس جھڑیاں وس کڑیاں ریت پساوڻ تاں گھاں لاوڻ  
 ٹوبھے پلر پائیاں تے پنے جھوکاں لوک بٹاوڻ من پرچاوڻ  
 تھی بے تاب اڈیکاں کھڑساں پار سندھو چڑھ آوڻ آگل لاوڻ  
 نوروز ایہے ڈینہ منھے، بن جٹاں گزر نہ جاوڻ کئی سکھ پاوڻ

نوروز دی ہک کافی دی ملاحظہ ہووے:

مُول نہ چُھدے حال

بے پرواہ دلدار اساڈے

عیش آرام امن سب کھنڈے	فخر وڈائیاں ماٹ ترٹے
بگل گئے ہار سنگار اساڈے	ڈکھاں کیتا پامال
بٹھ سرحی بٹھ، مانگاں دھڑیاں	بٹھ، چوڑے بٹھ کنگن کڑیاں
کجلے دھار اساڈے	اچوے بچوے وال
کتھ جرحہ کتھ پوٹیاں چکھساں	سنگیاں مُول نہ بھاون اچھیاں
زل گئے کم کار اساڈے	وسر گئے سب گال
سر پاہیں منہ دھوڑ سوائیں	نکلن دھاہیں ٹھڈڑیاں آہیں
ڈیکھن مال خوار اساڈے	کردے لوک مقال

نوروز دی شاعری سدھی سادی رومانی شاعری ہے جیندی نال تصوف  
دیں بھول بھلیں دا قطعاً کوئی تعلق کائیں۔

جان محمد گدازیں دور دایا وڈا اسرائیکی شاعر ہے، اون ڈوہڑے، سی  
حرفیاں ہفت روز، ہشت پاس، تے بارہاں ماسے لکھیں۔ لیکن ڈوہڑا اوندی  
شاعری دی جان ہے۔ تے بھر پور اثر رکھدے۔ لفظیں دی بندش تے جذبات دی  
شدت گدازدے ڈوہڑے دی بنیادی خصوصیت ہے:

جیون جو گاجگ وچ جینویں ڈس کیرھے سکھ ڈکھلائے نی ہٹ ہنڈوائے نی  
چھیکو باقی ہتھوں میڈے چھلے زور لہائے نی لوک رکھلائے نی  
کھارے چڑھدے ساڑے ڈے کر سارے سکھن لچائے نی  
اوسن تیڈے پیش گدازا جو جو ظلم کمائے نی زور آزمائے نی

عشقوں محض نہ ہاریں کسی مٹاں مارن طعنے لوک ندانے  
 کچھی کولوں کچ نہ تھیسسی سمجھیں نال ایمانے عالی شانے  
 ہک ڈیند آن ویسی پئل تیڈے ملک ویرانے قول شہانے  
 ہک نگاہ گداز نہ ڈیویں عوض ڈوہیں جہانے کہیں بہانے

گداز دے ڈوہڑے دی تصوف دے اسرار رموز کنوں عام طور تے بے نیاز  
 گوشت پوست دے بیٹھے ہوئے محبوب نال عشق و محبت دے عکاس ہن۔  
 عام طور تے ایں دور دا ڈوہڑا عاشقانہ جذبات دا بھر پور نمائندہ ہے۔  
 اتے ننگر لوک راتیں کول جنگل وچ آپٹے جذبات دے اظہار واسطے مستومست ایہ  
 ڈوہڑے پڑھدے ہن۔ لیکن ڈوہڑے دے کجھ شاعر اچھے وی ہن جیدے  
 اتے پچھلے دور دے اثرات باقی ہن تے او اپنے مذہبی خیالات کول علامتی انداز  
 وچ ڈوہڑے دے ذریعے پیش کریندن۔ اللہ ڈیویا پرجوش (1942ء  
 -1875ء) اگرچہ کافی دا شاعر ہے لیکن او ندے ڈوہڑے دی کافی مقبول تھیں۔  
 تساں ڈیکھسو جو پچھلے دور وچ خواجہ جمال اللہ سترکتھن دیاں علامتاں اپنے مخصوص  
 مذہبی خیالات دے اظہار واسطے استعمال کیتیاں ہن۔ لیکن اللہ ڈیویا پرجوش  
 جاگ لاوٹ تے کھیر ولوٹن دیں علامتاں کول اپنے نظریات دے اظہار واسطے  
 استعمال کیتے۔

رب جھاں کول کھیر ڈیوے کیوں مفت رلاوٹ پائی  
 کر کر جوڑ رلاوٹ دے پیاں مارن مفت مندھائی  
 جاگ بغیر نہ ہمایا ہرگز توڑے ہونویں گھٹ سیائی  
 پرجوشا ہن رہبر دے ہی سارا پائی پائی

ایں دور دا ہک جواں مرگ شاعر سیف اللہ شاہ اسیر (متوفی 1952ء) ڈوہڑے دا سوہٹا شاعر گزریے۔ اکبر شاہ دے ڈوہڑیں وچ سوز گداز تے ہجر فراق دا اظہار پورے جذبے تے مستی نال ملدے۔

جے کر پاس علاج نہ ہادی بیمار کرن دا مطلب؟

کہیں بے وس دی دل ڈلڑی کھس لاچار کرن دا مطلب؟

سکھدیں دھوکے بازی دے ایں پیار کرن دا مطلب؟

غرض اسیر نہ ہادی جے اقرار کرن دا مطلب؟

ایں دور دے شاعریں دی تندرہ ہوں لمبی ہے۔ جیرھے کافی تے ڈوہڑے لکھدے رہ گئیں مگر کوئی شاعر کافی کوں خواجہ فرید دی کافی دے مقام تیں نہیں گھن گیا۔ البتہ ایں عرصے وچ نصیر الدین خرم (وفات 1951ء) وڈی محنت نال کافی لکھی۔ اے تے عوام وچ اوکوں مقبول وی کیتس۔ لیکن ایہ گالھ حقیقت ہے جو اوندی کافی بھر پور عاشقانہ جذبات دے اظہار تے فنی بلندی دے باوجود خواجہ فرید دی کافی دا مقابلہ نہیں کریدی۔

تھیا جل تھل سارا چھلو چھل	نہیں رُکدے رت دے نیر دو
ایں چھل کوں کوئی نہیں سہدا جھل	کھڑے ڈیکھن پیر فقیر دو
چار چو پھیر ڈسن روہ کالے	ڈلڑی سول عذابے جالے
تیڈی پیت دا پاتم مہل	لوں لوں چڑھم سریر دو
جھہ کتھہ چٹنگ چنگاری لایو	جن کن کھڑا چال کھنڈا یو
تیڈے جو بن دی ہر جا تھر تھل	کیا دی کیا کشمیر دو
زوریں تال تے ڈھا پلویا	خرم مونجھاں مار مکایا
نک توں چھلکے سول مٹھل	تیزی کوں تقدیر دو

اِس دور دا ہک ہندو شاعر پنڈت من موہن بہوں مشہور تھی گزریے۔  
اوندی نظم ”پیہ“ دے کئی بند اُچ وی لوکس کوں یاد دین۔

پیہ ہے انسان دی شان	پیہے نال سڈیندن خان
چوہدری لکھی سیٹھ دیوان	ماٹ گمان ودھیندے پیہ
دولت جیندے کول زیادوی	پٹھا ہووے عمراں کھادی
عینگر نال کریندے شادی	پڈھیاں کوں پریندے پیہ
پیہے کیتے یکے ہال	روون رت ونچاون حال
ڈیو پیہ تھیون نہال	رونڈیاں کوں کھلویندے پیہ

سبھ کجھ کر ڈکھیندے پیہ

میں سمجھاں اِس تریکھے دور دا ہک پیاوڈا شاعر غلام حیدر یتیم تھی سگدے۔  
اول دی شاعری وچ بھر پور قسم دی شعریت موجود ہے۔ اِس دور وچ لوکس وچ  
سیاسی بیداری آون پئے گئی ہئی۔ شاعر اِس اپٹیاں نظماں عوام دے جگا وٹ واسطے  
لکھیاں۔ ایہ دور عام طور تے نظم دا دور ہا۔ یتیم جتوئی اگرچہ ڈوہڑے تے کافیاں  
دی لکھیں۔ لیکن انھیں دے نظمیں دی تعداد نسبتاً زیادہ ہے۔ انھیں دی نظم ”چڑی دا  
گھر“ (چیرھا شاعری دا شہکار ہے) ”میڈا غریب خانہ“ حب الوطنی دیاں شاندار  
مثالاں دین۔ چٹ دی بیداری واسطے انھیں کئی نظماں آکھیں تے پاکستان دے  
قیام دے بعد پاکستان دے نال محبت بارے وی انھیں دیاں نظماں سیاسی حالات  
دیاں عکاس دین۔

الف۔ اٹھ کسان غریب ستا ، مٹیاں تنگ سُکا منگھاٹیاں تے  
مکھنن تول گئے قرض خواہ تپڈے ، باقی کھیاں رہیاں مندھاٹیاں تے  
پھٹی لٹی گئی غلہ غرق ہويا اسوں تیل تھیا ونبُخ گھاٹیاں تے

لکھے پیٹ پیٹیم خراب ہو یوں ہڈیں آپ تے ڈوہ مہائیاں تے

رنگ دنیا ڈیکھ دہقانان ، نکل بھاٹے کنوں  
صد حیف توں وانہ نہ تھیوں ڈیوٹے لائے کنوں

حق چھوڑتے گندا نہ تھی آ غیر دا بندہ نہ تھی  
اپنے کیتے مندا نہ تھی کئی چال چل انسان دی  
منگ خیر پاکستان دی

میانوالی دے مشہور شاعر ابراہیم غریب (1974ء-1901ء) اوں  
علاقے وچ کافی مقبول رہے۔ میڈے سنگتی روشن ملک انھیں دے کلام ”ہرن  
چنڈور“ دے ناں نال چھپوائے۔ ہک ڈوہڑا ملاحظہ ہو دے:

کوئی جرم ثابت کرو دل جانی تساں کیڑھی گالھ توں رٹھے  
کر قصور مریندی خلقت اساں باجھ قصوروں گٹھے  
توں نام خدا توں راضی تھی ، اساں کر کرتاں ہئے  
نویں زخم ابراہیم دے کیوں کریند ایں اہے اگلے پھٹ نہیں جھٹھے

شاعری دے ایں زمانے دا خاتمہ نور محمد سائل تے تھیندے۔ کیوں جو  
سائل دی حیاتی وچ ای جدید شاعری شروع تھی، گئی ہی۔ نور محمد سائل بنیادی طور  
تے نظم دا شاعر ہے۔ اوں سیاسی حالات دی تبدیلی تے عوام دی بیداری کنوں متاثر  
تھی کراہیں۔ سیاسی تے اسلامی نظماں لکھیاں۔ ایں دور وچ مسلمانیں دی بے بسی  
ڈیکھ کراہیں انھیں کوں ہشیار کرن واسطے آہٹی شاعری وقف کیتی اتے جماعت  
اسلامی دے پلیٹ فارم کوں وی استعمال کیتا۔

آ تاریخ دے شیشے وچ ڈیکھ اپٹیاں تصویراں  
 پیڑے ملکے پیدا کیتیاں سیساں تے ہیراں  
 کتنے قیس تے رانجھے بن گئے زلیے وانگ فقیراں  
 اتے کتنے مرد مجاہد نکھتے ہتھ پکڑ شمشیراں

قیس تے فرہاد دے ناں کوں پیش کرن بے سودے  
 آ طارق دی تاریخ ڈسا ایہ حق دا جو مقصودے  
 انجھا کوئی احساس ناں کر جو اہ کل دے مقصودے  
 سائل کوئی ظلیل اٹھے ول بھڑکی بھاہ نرودے

ایں دور دے شاعریں دا ذکر دلچسپ ہے کیوں جو انھیں ابتداء وچ  
 تصوف کنوں پاند چھڑایا اتے خالص مادی عشق کوں اپنی جان نال لاکراہیں  
 ڈوہڑے کوں فنی عروج دے مقام تاں مگر انجھانے مگر انھیں شاعریں دا انجام عجیب  
 آن تھئے۔ اویسیاں حالات کنوں مجبور تھی کراہیں محبت دے گاؤں دی بجائے قوم  
 دے غم وچ پھس گئے تے سیاسی نظماں آکھن پئے گئے۔ اتے ڈوہڑے کنوں  
 ہٹ کراہیں (جیرہا ہن انھیں دے خیالات دے اظہار واسطے ناکافی ہا) نظماں  
 آکھن تے مجبور تھی گئے۔ دراصل شاعریں دا ایہو گروہ ایں دور دا حقیقی نمائندہ ہا۔  
 اگرچہ انھیں دے نال نال بہوں سارے شاعریں دے بے گروہ وی میدان وچ  
 رہیں۔ انھیں وچوں ہک گروہ انجھا ہا جیرہا مثنوی لکھدارہ گئے تے صورت حال  
 کنوں بے خبر تے بے نیاز تھی کراہیں لوکیں کوں قصیں کہانیں وچ مست رکھئے۔

قاضی امام بخش شیروٹی (وفات 1917ء) دیرہ غازی خان دے قصبے  
 شیرو دے باشندے تے عالم فاضل آدمی ہن۔ انھیں سرائیکی شاعری وچ ”بانغ



و بہار“ دے ناں نال مثنوی لکھی ہے۔ ایندے علاوہ امام صاحب ”مُحَل بکاوی“، بہرام شاہ، سوہٹی مہینوال تے ”ہیرا رانجھا“ دے قصے دی نظم کیتن۔ لیکن اہج کل او عام نہیں ملدے۔

قاضی صاحب دی مثنوی ”باغ و بہار“ فنی حیثیت نال ہک درمیانے درجے دی مثنوی ہے۔ البتہ ایندے وچ لفظیں دی بندش تے زبان دی روانی کئی کئی جاہیں تے لطف ڈیندی ہے:

پہلے یار مسافر گالھ مہاڑ اٹھائی      آ کھئیں یار سٹو غم میڈا جو سختی سر آئی  
 وطن آہم ملک یمن وچ پشت بہ پشت آبائی      خواجہ احمد پو میڈا ہا صاحب بھال بھلائی  
 نکوئی مثل سوداگر ہا وچ سارے ملک خدائی      زر دولت اسباب خزان برسر فضل الہی  
 سے نوکر لکھ باندی بروی بالکل غرض نہ کائی      ہر ہک ملک وچ آساں نے کوشی ہی بیٹوائی  
 تھیوے سود منافع ہو کر آندے اٹھ لڈائی      ڈو فرزند ڈتے رلطفوں بھینڈ ڈو جھامیں بھائی  
 منشی برأت علی (وفات 1952ء) ”سسی پون“ دے ناں نال ہک

مثنوی لکھی۔ جیندے اُتے لطف علی دی مثنوی ”سیفل نامہ“ دا اثر ہے۔ برأت علی دا دعویٰ ہا جو انھیں ”سسی پون“ دے حالات ڈاڈھی تحقیق نال جمع کیتن۔ ایندے وچ اوہے صحت نال بیان کیجے گئین۔ ہک بند ملاحظہ ہووے۔ ایں بند وچ آجڑی تے سس دی گفتگو ہے:

کول سسی دے پہنتا سُن کر زاری مرد غداری  
 آ کھئیں ہرج حقیقت ول دی ڈس اے قسمت ماری  
 تھی غمگین حزیں الاٹی زخی عشق کٹاری  
 ہاں مشہور بھنبور نگر وچ سسی راج ڈلاری  
 من تقدیر چاتم عشق چنل دی کھاری

چیم آپ پلایم شربت محبوبی من ٹھاری  
 کیتی نال مکر دے ہوتاں رات اندر مکاری  
 پنوں کھس نس کچج سدھاٹے ، ڈاپچی نال قطاری  
 عشق جنگاور جور جدل وچ پربت پندھ خواری  
 کچج شہر پہنچاؤ بھائی لا منت بسیاری  
 ڈیسی اجر عظیم یقینی ذات مقدس باری  
 میں وت نظر کریساں وافر دولت زر دیناری  
 ضامن جاٹ برأتا جیدی ڈو جگ دی سرداری

احمد تونسوی ہک دور افتادہ علاقے دا شاعر ہے۔ جتھاں سیاسی تبدیلیں دا اثر و ڈی دیر نال وچ تھیند اہا۔ لوک امٹی دنیاتے خیالات وچ مست رہندے ہن۔ جیر ہلے سرائیکی دے کئی شاعر حب الوطنی تے جنیں دی بیداری بارے وچ شعر آہدے پئے ہن۔ احمد تونسوی زلیخا دا قصہ پٹھا لکھدا ہا۔

گن یعقوب پیغمبر یوسف مصر وچ اتارے  
 ماڑ محل وچ جا ڈتس جھاں لکھن پول ہزارے  
 نلکے آب مٹھے دے جاری مٹھے سرد پھوہارے  
 پلٹے مُشک معطر کندھاں ہر ویٹھے ہرکارے  
 پنج ہزار مقرر نوکر دروازے ہر کارے  
 چوی سال یعقوب پیغمبر یوسف نال گزارے  
 جے منشا بہہ پووے کہیں کوں گھنے کر تکرارے  
 احمد وچ تفسیر ڈٹھا میں ، لکھیا تھی ہشیارے

ایں دور وچ محمد نواز خوشتر (1972ء۔1918ء) دی زلیخا دے نال

نال ہک مثنوی لکھی ہی لیکن اوچھپ نہیں سگی۔

جیرھے دور وچ غلام حسن حیدرائی (1975ء۔ 1922ء) اہٹی مثنوی ”سہی“ مکمل کیتی۔ اوہرگز مثنوی دادورنہ ہا (جیرھلے او مثنوی لکھدے پے ہن۔ میڈا انھیں نال قریبی تعلق ہا)۔ اس سلسلے وچ انھیں نال زیادہ کنوں زیادہ ایہ رعایت کیتی و ہن سگدی ہے۔ جو انھیں اہٹی ماء دھرتی نال پیار دا ثبوت ڈتے۔ اتے اپنے علاقے دے ہک لوک رومان کون محفوظ کر گھدے۔ جینویں جو انھیں خود وی آکھینے (ہوں سارے لکھاریں دے نزدیک ایہ ساری کہانی مشکوک ہے۔ ڈاکٹر مہر عبدالحق میکوں خود آکھیا ہا۔ جو سی لوک گتیں دی صفت ہے۔ انجھا کوئی رومان کنے نہیں) ”سہی دا ہک بند پیش ہے:

پیو ماء دیر دے نال گزارے سی تھی بے غمی  
شاہدزل پھل آوے راول، آس رکھیدی سی  
گزر یا سال کریدی رہ گئی، انتظار نکمی  
کالی رات وچھوڑے والی پر نہ اصلوں دھی  
آکھ حسن رو آکھے سی کارن ڈکھاں ہم جی

اگرچہ ایس دور وچ کئی مثنویاں لکھیاں گیاں لیکن انھیں کون کوئی خاص شہرت نہ ملی جیویں جو پچھلے دور وچ چراغ اعوان دی ”ہیر“ تے لطف علی دے ”سیفل نامہ“ کون ملی۔ لطف علی دی مثنوی دی تقلید وچ قاسم علی شاہ، مخدوم محمد بخش، سلطان محمود کھتری اتے صابر ملتانوی ”سیفل نامے“ لکھین۔ لیکن تقریباً او مقبولیت کون محروم رہین۔

مرثیہ سرا نیکی شاعری وچ ہک مقبول صنف ہے۔ ایندے اثرات اگرچہ پہلے تے ڈو جھے دور وچ ملدن۔ لیکن ایس عروج تر تکھے زمانے وچ حاصل کیتے۔

شاید اس دور وچ تصوف دی کمی کوں کہیں حد تاں مرھے نال پورا کیتا گئے۔ کیوں جو لوک اہشی بے بسی آتے مظلومیت دا اظہار امام حسینؑ دی مظلومیت دے حوالے نال کرتے ہک مدت تاں تسکین محسوس کریدن تے اس ایسے تے ہنجوں دہاتے اپنے دل دا بار ہولا کریدن تے نال ثواب وی کمیدن۔ ممکن ہے جو ایسا وجہ ہووے۔ جو اس دور وچ مرھے وڈے ذوق شوق نال سٹیئے، گھمبن تے خاصے مقبول وی تھین۔

مرھے آکھن والیں شاعریں وچوں نبی بخش مضطر ہک وڈا اشاعر گزرے۔ انھیں دے مرثیہ دیاں کئی کتاباں چھپن۔ اینویں غلام حیدر فدائے مرھے کوں عروج تائیں پہچائے۔ انھیں دے شاگرد وی ہوں ہن۔ فدائے کلام وچ لفظیں دے ذریعے وڈے سوچے محل کھڑے کریدے آتے اس طرح اپنے فن دی دھاک بھیندے۔

فدائے کلام وچ عربی فارسی لفظیں دی بھرمار ہے۔ شاید اس طرح او اپنے کلام کوں رعب دار بناوٹ دی کوشش کریدے۔

ریت تے جلوہ گراو گوہر عرش بر سینے آسوں پاسوں آنحضرت ساری سرخ زمینے ہتھ دی زخمی، پیروی زخمی، زخمی پاک چینے زخماں توں بھر پور ڈھ سیندا نور نظر لینے

نہ زال ہال متاع دا خیال ہا سب کچھ وساریا، یاردا شوق وصال ہا  
رت نال لال فاطمہ زہرہ دالعل ہا یکتا ہا اس جیہا جو محض ہک دے نال ہا  
طالب کوں خاص گوہر مقصود مل گیا

ڈتا او سجدہ عبد، معبود مل گیا  
گل محمد عاشق، مضطر ملتانی دا شاگرد ہا۔ اوندے کلام وچ شوکت الفاظ،

تشبیہات، استعارات تے عربی فارسی لفظیں دی بھر مار ہے۔

آواز مرحبا ڈتا عباس نامدار قاسم عدو ہے سخت خبردار ہوشیار  
مانند برق چمکے جڈاں تیغ آبدار جاری رہے زبان تے یا حیدر کرار  
قائل ہے کل زمانہ جو توں خورد سال نہیں  
کھاویں نہ خطرہ خوف جو حیدر دالعل نہیں

ارزق دی آمددا منظر عاشق اس پھلکیندے:

ارزق جڈاں نوشتہ دے اُتے وار کرے ہا تصویر تصور دی طرح غازی پھرے ہا  
دریائے شجاعت دا شناور ہوترے ہا نزدیک ہا ملعون دے، دراصل پرے ہا  
خوں چشم عدو وچ گرے آشک دی مانند  
ارزق کھڑا ہپ ہپ کرے مشک دی مانند

قاسم نے کیا نعرہ کہ بے دین خبردار تیار ہوناری میڈا مالک ہے طلبگار  
چہرے دی طرف ڈیکھن ہنٹ موت دے آثار قاسم نے کیا وار تیغ شرر بار  
سینے کوں کیا ڈوتے لنگھ ناف دے وچوں  
گویا کہ پری آگئی کوہ قاف دے وچوں

ارزق ہویا فی النار ستر شور برپا ہا قاسم دی وفا ڈیکھ عباس فدا ہا  
شبیر وفا ڈیکھ کے مصروف دُعا ہا قاسم نے ڈٹھا قول کے میدان صفا ہا  
فرمایا نبی ، ہے میڈے داماد دی اولاد  
جبریل پکارے میڈے اُستاد دی اولاد

محمد رمضان بہار (1948ء-1904ء) دی معروف مرثیہ نگار شاعر ہا

- اوندے مرثیے وچوں ہک بند ایں طرح دا ہے۔ ایہ حضرت عون و محمد دار جز ہے:

اساں پوترے حضرت جعفر دے ساڈا حسب نسب اظہارے

کیا تاب تووں کہیں جان دے وچ میدان دے وچ لکارے  
 اساں مرد بہادر خوف دلاور بحر وعا دے تارے  
 شاگرد حضرت عباس دے نہیں ساڈا وار قہر غفارے  
 نہیں پروا ساکوں پاٹی دی توڑے ہو گئے بند کنارے  
 اساں راضی مرضی مالک تے ساکوں صبر رضا درکارے  
 ساڈے نانے غازی پاک نمازی مرحب غتر مارے  
 نام علی اسد اللہ الغالب ہر ہک دا اقرارے  
 جوج آوے آزماڈ کیکھے ذرا کان بتول دے لعلوں کوں  
 رب پاک نے طاقت بخشی ہے سادات عظام دے ہالاں کوں  
 آخر وچ امام علی شفیق دے ہک مرھی دے بند کجھ حصہ پیش ہے۔ امام  
 علی شفیق کوں انیس پنجاب والقب ڈتا گئے۔ انھیں دے مرھی وچ ڈاڈا ہارور تے  
 جوش پاتا دیندے۔ تلوار دے بارے وچ ہک بند دا ایہ حصہ پڑھو:

ہزاراں کوں دوزخ دا ایندھن بٹاتے نپندی تے کپ ٹک کریندی گئی  
 تے کشاں دے پستے تے پستے لگا کے لکھیندی تے بھانہڑ جڑیندی گئی  
 تے طوفان قہر و غضب دا اٹھا کے اٹھیندی تے لہراں گھنہیندی گئی  
 تے جنگل دیوچ سے وہیرے دہا کے دیندے تے لاشاں لڑھیندی گئی  
 تاہیں فوج سب جگ توں منہ پھرا کے پھریندی تے لامان توڑیندی گئی  
 سرائیکی شاعری دا ایہ دور دراصل مرھی واسطے سنہری دور ہاتے ایں دور  
 وچ ایں صنف دی بہوں ترقی تھی۔ آتے بے شمار مرتبہ لکھن والے شاعر سامنے  
 آئے۔ جنھیں وچوں آصف، کتر، خادم، شوق، کمال گتسی، غلام سکندر غلام، فوق  
 آتے منیر ناں کمایا۔ اگر حقیقتاً ڈھاوہنے تاں ایں دور وچ جنھیں سب اصناف

شاعری کنوں مرثیہ ڈھیر لکھیا گئے۔

اساں اگر تھوڑی دیر واسطے مذہبی جذبات کنوں ہٹ کراہیں مرثیہ دافنی مطالعہ کروں تاں احساس تھیدے جو ایہ زیادہ تر عربی فارسی زبان دے دباؤ تے رہ گئے ایندے علاوہ واقعات دے اظہار وچ عام طور تے غیر حقیقت پسندانہ رویہ اختیار کیا گئے۔ اکثر اوقات امام حسینؑ دی فوج دے مختلف افراد دی بہادری دا تذکرہ ودھا چڑھاتے بیان کیا گئے۔ شاید مرثیوں وچ تاریخی حقائق کوں گھٹ سامنے رکھیا ویندے۔ فنی اعتبار نال ڈٹھا ونچے تاں انھیں شاعریں مرثیہ لکھدیں ہوئیں ماضی دے شاعریں دا گوں فنی خطابت کنوں ہوں استفادہ کیتے۔

سرائیکی شاعری دا جتلا مواد اہم کل ساڈے ہتھ وچ ہے۔ اوندا زیادہ تر حصہ مسلمان شاعریں دا لکھیا ہویا ہے۔ ات واسطے نعت دے حوالے نال ہوں کجھ مواد ملدے۔ حضور اکرم صلی اللہ علیہ وسلم دی ذات دے نال عقیدت دا اظہار اسا کوں ہر دور وچ ملدے۔ خواہ اوڈ وچھے زمانے دے شاعر پچل سرمست، نبی بخش لغاری تے خواجہ غلام فرید ہودن یا تر کجھے دور دے قاضی فخر الدین راضی (وفات 1933ء دیرہ غازی خان)، جندن ملتانئی تے نور محمد ساکلی وغیرہ۔ لیکن مولود (نعت) باقاعدہ ہک صنف ایں تر کجھے دور وچ آ بیٹے۔ ایں دور وچ کئی شاعریں خود کوں مولود لکھن واسطے وقف کر ڈتا ہا۔ مثلاً نور محمد کہتر وغیرہ۔ بعض شاعریں اونٹنی شاعری دا زیادہ حصہ مولود لکھن وچ صرف کیتے۔ مثلاً اللہ بخش خادم تے مولوی محمد یار بلبل وغیرہ۔ لیکن انہیں دے علاوہ ہوں سارے پنھیں شاعریں وچ مولود لکھن اتے ایں حوالے نال روزی وی کمدے رہ گئیں۔ شاید مولود کوں مرہیے تلا مقبولیت نہ ملی ہووے لیکن وت وی ایہ لوکین دے چکلے ہوئے احساسات تے جذبات دی مذہبی حوالے نال تسکین دا سبب ضرور بنڈے رہ گئیں۔

محمد بخش شاطر جو اں مرگ شاعر ہے۔ اوڈ و ہڑے تے کافی لکھدا ہا۔ اوں  
مولودوی لکھین۔ ہک مولودو دے کجھ بند ملاحظہ ہوں:

صبا و بچ آکھ دلبر دلزبا کوں نبی امی حبیب کبریا کوں  
کیتا درشن دی سبک لاچار میکوں کریں رو رو گزارش مجتبیٰ کوں  
ہجر دی لاتے لمبی، جان گالیو سٹا و بچ والی ملک بقا کوں  
مراں سبک و بچ مگر و سنے دی چھاں تے کرد منظور میڈی التجا کوں  
فقط ہے آس تیڈے آستاں دی سڈاؤ ہن تاں شاطر بے نوا کوں  
محمد یار بلبل دادیوان مولودویں نال بھریا لاتھے۔ انھیں دیں مولودیں وچ  
محبت تے عقیدت دی شدت ملدی ہے۔ اینویں غلام حیدر غمناک، نور محمد ساکل،  
غلام نبی عطر تے بے شمار شاعرین نعتاں لکھین اتے کئی دے باقاعدہ مجموعے  
چھپے ہوئے ہن۔ نعت لکھن دے سلسلے وچ شیعہ تے سنی شعراء دا کوئی فرق کائنی۔  
بہار ملتان دی ہک مرثیہ گو شاعر ہا۔ مگر ایندے مولودوی مشہور ہن:

جاگ محمد عربی سوہٹا، سہرا پاوٹ آیاں  
گل پھل پچن پچن دے کلیاں خوب رلا نیاں  
رنج بہار دا دور کر یسو، روز حشر دا دامن لیسو  
نار ستر توں جلد چھڑ یسو، فیض کرم دی نظر رکھیو  
لاجاں گل وچ پائیاں، جاگ محمد عربی سوہٹا  
آخر وچ محمد یار بلبل دی ہک نعت دے کجھ شعر پیش ہن:

حقیقت محمد دی پاء کوئی نہیں سگدا  
اتھاں پچ دی جاہ ہے الا کوئی نہیں سگدا  
محمد دی صورت ہے صورت خدا دی



ایہو راز مشکل ڈسا کوئی نہیں سکدا  
اساں نت محمد دیاں نتاں بیٹیسوں  
اساں وانگ نتاں بٹا کوئی نہیں سکدا

سی حرنی وی ہک مقبول صنف شاعری رہی ہے۔ ڈوجھے دور وچ علی حیدر  
تے خواجہ جمال دے علاوہ چل سرمست، نبی بخش لغاری، قادر بخش بیدل تے حمل  
لغاری نے کئی سی حرفیاں لکھین۔ اس سلسلے وچ سب کنوں پہلے حبیب  
(متوفی 1669ء) دی سی حرنی ملدی ہے۔ ترچھے دور وچ خواجہ اللہ بخش عارض  
دی سی حرنی ہوں موثر آتے دلپذیر ہے۔ ایہی سی حرنی ہیر تے اوندی ماء دے سوال  
جواب دی صورت وچ ہے۔ جیدے مطابق عاشقانہ جذبات دی شدت دا اندازہ  
آسانی نال تھی سکدے۔ اس سی حرنی وچ ہیر کوں طالب حق دے روپ وچ پیش  
کیا گئے۔ کچھ بند ملاحظہ ہوں:

خ: خواب آرام تے عشرت سارا جو بن چا لٹو ایو دھی  
بے شرمی بدنامی تے وچ جان تے شان گتو ایو دھی  
برقعہ شرم حیا دا پاڑیو اصل شرم نہ آو دھی  
عارض شہر بازار دے وچ باہل کوں شرمایو دھی  
د: دیس دے چاک کنوں نہیں نندر آرام پیارا ماء  
روز ازل بیثاق کنوں میں چاتا عشق اجارہ ماء  
میں رانجھن دی رانجھن میڈا سکھو داں چھوڑ کھپار اما  
عارض ہیر سُجھتا ساہگی صاحب تحت ہزارا ماء  
ذ: ذلیل علیل تھیویں پڈ ساڑیو ساڑہ چالیو دھی  
کارٹ چاک ہلاک پھریں پڈ ماس بدن دا گالیو دھی

برقعہ شرم دا پاڑیو آخر ضد کوں پالیو دھی  
عارض دفتر نیکی دے وچ اپٹا نامہ والیو دھی

بہن ہیر ماہ کوں جواب ڈیندی ہے:

ر: رموز اصل نہ چائیں شان عجب ہی چاک دا ماء  
چاک نہیں، ہے پاک اصل دا، مالک کل لولاک دا ماء  
صورت سیرت وچ لائانی مالک کل افلاک دا ماء  
عارض چاک نہ چائیں محض دیدار ایہو حق پاک دا ماء

جان محمد گداز ایں زمانے دا ہک وڈا شاعر ہے۔ اوندے ڈوہڑے بہوں  
مشہور ہن۔ لیکن اوندی سی حرفیں کوں وی کجھ گھٹ مقبولیت نہیں ملی۔ اوندی ہک  
سی حرفی دے ڈو بند ملاحظہ ہوں:

الف: آسی گھن مت میڈی سٹ ہوتاں دی چال دھیا  
جتاں سنگ کنگ کیتا کیوں تھیں تیڈے نال دھیا  
وہج تھل مرسیں جل باجھوں گل نینہہ بلوچاں دی چال دھیا  
موت فوت دے وقت گداز اکون اتھاں ہوسیا حامی حال دھیا  
ب: بس مائے متیں ڈس ناہیں میں ویساں ویساں ہر حال مائے  
اُس دے سنگ کہیں سنگ میکیوں جیہد سنگ ہو یا میرے نال مائے  
توڑے تھل اندر جل گل ویساں گل لامرساں لُج پال مائے  
موت نوں دے وقت گداز اہوسی خان نعل حامی حال مائے

”بارہ ماسہ“ سرائیکی شاعری دی پُرانی صنف ہے۔ ایں صنف وچ ہر

مہینے دے بارے وچ شاعر اپنے جذبات دا اظہار کریندے۔ ایں دور دے ترے

شاعر محمودی، سید ولایت شاہ تے جان محمد گداز ”بارہ ماسہ“ دے مقبول شاعر ہن۔

چیترو دے بارے وچ ایہ ترے شاعر اپنے جذبات دا اظہار ایس کریندن۔  
 محمودی دا مک بند ملاحظہ ہووے:

چیت کھلیاں بہاراں چیتری کھلے گلابی پھول  
 راتیل چپا کھڑیا باغیں نہ ماؤن ہول  
 خالی ڈیکھ سجوی ساڑاں ہنالی تول  
 مک میں محمودی ماندیاں جانوں نہ نکم سول  
 ولایت شاہ دانمونہ ڈیکھو:

چیت آیا مہینہ چیترو دا گل پھل ڈکھاون دہج  
 بلبل بھونرا گل باس گھن، خوشیاں کرن رہ رہ  
 پی ہے بھلیاں کوں پائٹی ہن گل پیاں دی رہ  
 مک جگ ڈہا گن میں پھراں میڈے اگوں ڈیکھ نہ بھج  
 جان محمد گداز دانمونہ ملاحظہ ہووے۔

آیا مہینہ چیترو دا سینگیاں سہائے سنگ  
 کھلی چمبیلی کھیوڑا کرنے رسائے رنگ  
 بلبل کرن سے پولیاں بھنوریاں چائی جنگ  
 مک میں گدازق ماندیاں جیڑا سدا ہے تنگ  
 ’ہفت روزہ‘ تے ’ہشت پاس‘ ہوں گھٹ شاعریں لکھیں۔ گداز انھیں

تے طبع آزمائی کیتی ہے ہفت روزہ وچوں پہلے ڈینہ چھٹ چھٹ چھٹ دا بند ملاحظہ ہووے:

چھٹ چھٹ کریندیاں سینگیاں زیور سہندیاں ٹھیک  
 مک میں ڈہا گن ماندیاں دردوں کڈھاں سوچیک  
 سندھڑی جوانی سانولی تیڈی پگومی لیک

ہک میں گداز ماندیاں روساں حیاتی تیک

ہشت پاس وچوں پہلے پیر دا بند ملاحظہ ہووے:

پہلا پیر ہے ڈینہ دا سینگیاں رُن ٹھم ٹھم  
چڑھیاں بھن دی تیج تے کلہڑی رہیاں ہک دم  
ڈلڑی آئی وچ جوش دے اکھیاں وہن چھم چھم  
ہک میں گدازا ماندیاں ہک جان سو سو غم

بارہ ماہ، ہشت پاس تے ہفت روزہ دے مطالعے دے بعد عام طور تے  
ایہو اندازہ تھیندے جو شاعر اپنے ہجر فراق دارو وٹا روندے۔ او اکثر اوقات سمجھدے  
جو پے سب لوک خوش بہن کو میں ماندا ہاں۔

ایں تر تیکھے دور وچ سرائیکی شاعری وچ ہک نویں صنف میدان وچ آئی  
ہے۔ جنیں ڈونقادیں دے شرفاء طبقے گھٹ توجہ ڈتی ہے۔ انھیں وچوں کجھ لوکیں  
دے خیال موجب ایہ ہک کاروباری، گھنٹیا تے بازاری قسم دی صنف ہے۔ جیرھی  
شاعری دے منے منائے معیار تے پوری نہیں اتردی۔ ایہ صنف ہے سرائیکی وچ  
منظوم ڈرامے یعنی نائک دی ہے۔ جینکوں مختلف دیہاتی قسم دیاں ڈرامیک کہنیاں  
اہٹی محدود ہستی دے مطابق کاروبار دے طور تے دیہاتیں وچ پیش کر بندیاں رہیں  
تے لوک وڈی دلچسپی نال ایہ ڈرامے ڈہدے رہیں (جکے لاء میں وی اے نائک  
ڈٹھے)۔ ایہ ڈرامہ نویس شاعر انھیں کہنیں دے اپنے ہوندے بہن اتے او کڈا ہیں  
”عظیم“ شاعر ہووٹا داد عوی نہ کریندے بہن۔ لیکن ایہ حقیقت ہے جو انھیں دی کوشش  
نال سرائیکی شاعری وچ منظوم ڈرامے رنائک دی ہک اہم تے تاریخی صنف معرض  
وجود وچ آئی ہے جنیں دے بارے وچ توجہ نہ ڈیوٹا اتے تحقیقی کم کرتے اہمیت نہ  
ڈیوٹا ناصرف انہیں عوامی فنکاریں نال زیادتی ہی جنہیں وچوں اکثر بہن مرچکیں،

بلکہ سرائیکی ادب داوی گھانا ہی۔

ایہ ڈرامے سستے نرخ تے کئی واری چھاپیے وی، گھین تے اُچ وی بازار وچ ملدن۔ انھیں وچوں بعض مقبول ڈرامے ہن۔ جیویں جو شیریں فرہاد، ہیرا رانجھا، شمس بادشاہ، روشن ضمیر تے گل انور وغیرہ۔ انھیں ڈراماں کول لکھن والیں وچوں قادر بخش گلزار، غلام رسول حسرت، کریم بخش واصل، غلام حیدر غلام، پیر بخش پیراں تے نورانی گدائی دے ناں آئدن۔ اتھاں صرف کجھ ڈراماں آتے کجھ شاعریں دا ذکر کیا گئے۔ حقیقتاً ایہ ڈرامے وی لاتعداد ہن آتے انھیں دے لکھن والے وی۔ ایہ نوں موضوع ہک وڈا موضوع ہے آتے بھر پور تحقیق تے تنقید دا مطالبہ کریندے۔

مجموعی طور تے انھیں ساریں ڈراماں دا ہک مقصد ہوندا ہا۔ یعنی تفریح تے روزی کماؤں آتے اے جدید سرائیکی ادب دے سکیور مزاج نال موافق وی ہن۔ لوکیں کول تفریح مہیا کرڻ دے نال ڈرامیک پارٹی آپٹی گزران کریندی ہی۔ ہک جاگیر دارانہ سماج وچ جٹ کول تفریح دا سامان نہ ملدا ہی۔ ایہ کپنیاں وڈی غنیمت ہوندیاں ہن۔ ات واسطے لوکیں وچ مقبول وی تھیاں ہن۔ کجھ عرصے پہلے حیاتی نہ اُچ وانگوں مصروف ہوندی ہی نہ پیچیدہ۔ ایہا وجہ ہے جو لوک تھوڑے جیہیں پیسے خرچ کرتے ساری رات ایہ ٹانک ڈہدے ہن۔

انھیں ٹانکیں وچ نہ مزاج دا اعلیٰ معیار ہوندا ہا آتے نہ شاعری دا۔ کیوں جو ایہ عام طور تے لوکیں دے معیار کول سامنے رکھ تے تیار کیے ویندے ہن۔ لیکن انھیں وچوں بعض تحریراں چکیاں وی ثابت تھیں۔ اتھاں اُنج اُنج مختلف شاعریں دے منظوم ڈراماں تے بحث کرڻ دی گنجائش کائنی۔ ات واسطے ہک وڈا ٹانکیں وچوں شاعری دے نمونے ڈتے ویندن تاکہ قاری انھیں بارے کجھ اندازہ کر سکے۔

غلام حیدر غلام دے ٹانک ”شمس بادشاہ“ وچوں ڈوبند ڈتے ویندن۔ پہلے

بندوج شہزادی وزیرِ نال گالھ کریندی ہے۔

اے وزیرِ باتدبیر چڈاں تاج توں سرتے پانویں  
نمکِ حلالی قائم رکھیں تے نیکی حکم چلانویں  
شمسِ جوانی چڑھے چڈاں توں آپے تاج پوانویں  
آکھ غلامِ حرام نہ بیٹیں توں جلدی گالھ مکانویں

ڈوجھے بندوج وزیرِ شہزادی کوں جواب ڈیندے:

سردارِ میڈی توں مونجھ نہ کرتے فکر نہ کر بھوارے  
نوکر رہساں عمراں ساری جے تائیں دم نہ ہارے  
چڈاں تاج لہاں سرتوں تھیںاں خوش ہزارے  
آکھ غلامِ غرباندا مالکِ آپ غفارے

اینداشاعرانہ مرتبہ ڈوجھے کلاسیکی شعراء کتوں کہیں طرحانویں گھٹ کاسی۔

قادر بخش گلزار دے ڈرامے ”شیریں فرہاد“ وچوں ڈوجھ بند ملاحظہ ہون۔

پہلے بندوج فرہاد شیریں کوں خطاب کریندے:

یارِ پیارا پولِ مونہوں میں تاں قد میں سیسِ نویاں  
صورتِ ماہِ منور توں میں چندڑی گھول گھمیاں!  
وقتِ مرغ دے میں وردِ زباں نامِ شیریں رکھیاں  
آکھ گلزارِ یارِ وسار ڈیوے میں تاں ہرگز نہ وسریاں

ڈوجھے بندوج شیریں جواب ڈیندی ہے:

فرہاد نہ توں جان گنواتے نہ تھی توں اگہونہاں  
ہک ہتھ تاڑی مول نہ وچے عشقِ خمار الوہاں  
عشقِ مجازی تلکٹن بازی نہ تھی عشقِ داسونہاں

آکھ گلزار من نصیحت میڈی ہٹ وچ تھی پچھو نہاں

سراسیکی وچ اٹھے غیر مقامی قصے ”شیریں فرہاد“ وغیرہ ایران / افغانستان دے ترک تے دُرانی حکمرانیں دے سامراجی اثرات دے تحت فارسی ادب دے ذریعے اٹھاں پہنچے ہن۔ اُتھوں دے مقامی لوکیں کوں انھیں حکمرانیں محکوم رکھن واسطے مقامی لوک تصوف وچ ذات دی نفی دا رلا کیتا اُتے ادب وچ اُٹھی ثقافت کوں رائج کرن واسطے اُتھوں دے لوک قصیں کوں اٹھاں پاتا۔ لیلیٰ منجنوں، شیریں فرہاد وغیرہ انھیں قصیں وچ شامل ہن۔ کریم بخش واصل دے ڈرامے ہیر رانجھا وچو ڈوسو ہٹے بند ملاحظہ ہوں۔ پہلے بند وچ کید و ہیر دے پیو کوں رانجھے دی شکایت لیندے:

سُن گلھ میڈی دلدی شاہا، ایہ چاک نوہی ہے چور کوئی  
ہے کون تے کیا ہے ذات ایندی، نہ چاک دی ہے سُن لوڈ کوئی  
جے رکھیں چاک توں ہیر دی خاطر تاں رکھ چا چور کوئی  
واصل عمل نہ رہندے گجھے کر شاہا دل وچ غور کوئی

”ہیر“ جواب ڈیندی ہے:

کیدو لنگڑا شاہد تھیویں لو لھا ٹرن جوگا نہ راہویں  
ہتھیں کولوں تھیویں شودا نہ نکرڑا بھن توں کھانویں  
منہ کنیں توں تھیویں گنگا نہ پل سکیں جتھ باہویں  
آکھ واصل کیدو تھیویں اندھا ڈر ڈر دھکے کھانویں

ایہ ڈرامے کاروباری طور تے چھاپیے گئیں۔ جیندی کتابت اُتے طباعت بہوں خراب ہے اُتے ایہ پڑھینے نہیں وچ سگدے۔ اکثر جاہیں تے وزن وی درست نہیں لگدا۔ حالانکہ پورے ڈرامے کوں پڑھن دے بعد محسوس تھیندے جو شاعر وزن

دا احساس رکھدے تے جمالیاتی ذوق دامالک وی ہے۔ انھیں ڈرامیں کوں ول چنگی کتابت نال بہتر طور تے چھپواون دی لوڑ ہے۔

سرائیکی وچ ہجو یہ شاعری وی موجود ہے۔ کجھ تاں لوک گیتیں وی شکل وچ آتے بعض نظمیں وچ۔ نظمیں دی شکل وچ ہوں تھوڑیاں طبع تھیاں ہو یاں ہن۔ تاہم کجھ حمل لغاری دیاں ملدین۔ اینویں حسین دیدز، یتیم جتوئی، نور محمد کہتر دیاں کجھ ہجو اں لوکیں کوں زبانی یاد ہن۔ مگر میں انھیں کوں اتھاں لکھن کنوں گریز پیا کریداں۔

سرائیکی شاعری دا ایہ ترسجھا دور اتھائیں ختم پیا تھیندے۔ جیرہا ہوں ساریں کوں اپٹے نال گھن گئے۔ اگرچہ آج وی کجھ بزرگ شاعر اٹخے ہن جیرھے ایں دور دی نمائندگی کریندن۔ مثلاً عبدالکریم دانشاد، فیض محمد دلچسپ، صالح محمد صالح، جانا بوز جتوئی آتے حاجی احمد فگار (خوشاب) وغیرہ۔ تاہم ایہ اٹخھا مسئلہ کانتی جو میں انھیں تے تفصیلی لکھاں۔ بہر حال آون والا مورخ انھیں دے شاعرانہ مرتبے مطابق انھیں کوں اپٹے عہدے دے شاعریں وی فہرست وچ ضرور شامل کر لسی۔

مجموعی طور تے ایہ ترسجھے دور دی شاعری جسم دی شاعری ہی۔ جیرھی اپٹے خاتے تے کہیں حد تاں نہیں سیاسی حالات دی وجہ کوں اصلاحی تے قومی ادب دی تخلیق دا سبب بڈی اے۔ ایں دور وچ ڈوہڑے کوں وی ترقی ملی ہے۔ مرعے واسطے وی ایہ زمانہ موزوں ثابت تھئے۔ منظوم ناکلیں واسطے ایہ دور پہلا وی ہاتے آخری وی۔ جے تاں سرائیکی زبان دی ترقی دا تعلق ہے۔ ایہ دور زبان دی صفائی دا دور ہا۔ آتے سرائیکی زبان واضح طور تے ادبی زبان بن و نچن دیاں صلاحیتاں اپٹاں گھدیں تے سرائیکی شاعریں وی جمالیات تے اپٹا شاعرانہ ڈکشن وی تشکیل ڈتے۔ شاعری دے ایں ترسجھے دور دے خاتے نال سرائیکی شاعری ہک نویں



زمانے وچ داخل تھی ہے۔ اہج جدید شاعری تا صرف پٹے موضوعات نال تقریباً و مختلف ہے بلکہ نویاں اصناف دی نال گھن آئی اے۔ آتے بعض اصناف دی ہیئت دی تبدیل کر ڈتس۔ انھیں نویں شاعری وچ سرور کر بلائی تے اقبال سوکڑی دی آندن جیرھے سراہیکی وچ غزل کون رواج ڈیندے پھین۔

آخر وچ میں سمجھاں جو اتلا مختصر مطالعے وچ میں بعض اصناف آتے شاعریں بارے تفصیلی طور تے ٹھیں لکھ سکیا۔ اگر وقت ملیا تاں میں کمی کون دل پورا کریاں۔ آخر وچ شاعریں بارے ہک جدول وی شامل ہے۔

### پہلا زمانہ

منڈھ کنوں 1575ء تا میں

نمبر شمار	ناں شاعر	سکونت	تاریخ پیدائش	تاریخ وفات	اصناف سخن	مطبوعہ کتب
1	فرید الدین گنج شکر	پاکپتن	1173ء	1266ء	لظم	
2	ابراہیم فرید تانی	پاکپتن	1450ء	1575ء	ایہات	ایہات

### ڈوجھا زمانہ

1576ء کنوں 1901ء تا میں

3	عظمت خان	ترنڈہ آدم	1516ء	1580ء	کافیاں، نظماں، ڈوہڑے	
4	پیارا شہید	بھوگ بھارہ	1522ء	1586ء	ڈوہڑے	
5	شاہ حسین	لاہور	1539ء	1594ء	کافیاں	کافیاں
6	دامودر واس	جھنگ	1570ء	1632ء	مشوئی ہیر	مشوئی ہیر
7	پیارے لال	چام پور	1602ء	1668ء	نظماں	
8	حبیب	ضلع ملتان	1602ء	1669ء	سی حرفی	
9	مولوی عبدالکریم	جھنگ	1609ء	1687ء	مشوئی	نجات المومنین

10	سلطان بابو	شورکوٹ	1631ء	1691ء	ابیات	ابیات
11	طیب شکوہی	ضلع ملتان	1632ء	1702ء	نظمیں	
12	عبداللہ عبدی	ملکہ ہانس	1616ء	1707ء	بارہ ماہ نظم،	
					ڈوہڑے	
13	درزی	لاہور	1638ء	1709ء	نظم	اخبار الاخرۃ
14	عیر پکاڑو حسینی	عیر جو گوٹھ	1756ء	1817ء	کافیاں	
15	چراغ اعوان	درگڑی ضلع	1679ء	1732ء	مثنوی ہیر	مثنوی ہیر
		راجن پور				
16	بلیسہ شاہ	قصور راج	1680ء	1757ء	کافیاں	کافیاں
17	نعت رام نعمتی	جام پور	1682ء	1737ء	مثنوی	
18	شاہ لطیف	بھٹ شاہ	1689ء	1752ء	داکیاں۔ ابیات	داکیاں۔ ابیات
19	سکندر خان	رنگ پور	1662ء	1755ء	نظمیں	تہذیب العشاق
20	شاہ مراد	دیرہ اسماعیل خان	1708ء	1782ء	ڈوہڑے، کافیاں	
21	علی حیدر	ضلع ملتان حال	1690ء	1785ء	ابیات، ہی حرفیاں	ابیات، ہی حرفیاں
		ٹوبہ ٹیک سنگھ			نظمیں ڈوہڑے	ڈوہڑے
22	صدیق لالی	لالیاں رجھنگ	1713ء	1789ء	مثنوی یوسف زلیخا	
23	محمد حسین عبرت	ضلع ملتان	1688ء	1795ء	تاریخ ٹوٹی،	
					ڈوہڑے	
24	مراد فقیر	تھر (سندھ)	1742ء	1796ء	کافیاں، ڈوہڑے	کافیاں، ڈوہڑے
25	ردمل فقیر	تھر (سندھ)	1734ء	1804ء	کافیاں، ڈوہڑے	کافیاں، ڈوہڑے
26	فقیر، خوردار	خیر پور سادات	1745ء	1805ء	کافیاں، ڈوہڑے	
27	لطف علی	بہادر پور	1713ء	1810ء	ڈوہڑے، مثنوی	سیف الملوک
28	مانی غلام جنت	چاچڑاں	1759ء	1810ء	ڈحولہ	
29	حافظ جمال	ملتان	1747ء	1811ء	سی حرفی	سی حرفی

	ڈوہڑے، کافیاں	1759ء	1826ء	قمر (سندھ)	دریاخان	30
دیوان	کافیاں، ڈوہڑے	1739ء	1827ء	دراز (سندھ)	چکل سرست	31
	گھڑولی، سی حرفیں					
یوسف ذلیخا	مشوی	1748ء		اوج	عبدالحکیم اوچوی	32
	کافیاں، ڈوہڑے	1756ء	1835ء	تھریا کر	صادق صدیق	33
	مشویاں، معراج	1762ء	1836ء	لاہراں، ملتان	غلام قادر	34
	نامہ، تولید نامہ					
	کافیاں، ایات	1755ء	1839ء	قمر	غلام محمد رومل	35
	ڈوہڑے، کافیاں	1770ء	1840ء	چاچڑاں	تلسی داس پرشاد	36
	ڈوہڑے، کافیاں	1775ء	1845ء	کوٹ ٹھن	بہار شہزادی	37
کافی، گائمن	کافی، گائمن	1787ء	1848ء	ملتان	غلام حسن گائمن	38
	کافیاں، ڈوہڑے	1783ء	1853ء	خیر پور	غلام حیدر شر	39
	کافیاں، ڈوہڑے	1778ء	1853ء	رنگ پور گمبٹ	یوسف نانک	40
	کافیاں، ڈوہڑے	1748ء	1855ء	چاچڑاں	احمد بخش فائق	41
جنگ نامہ، سی	ڈوہڑے، سی	1768ء	1858ء	جمرانی	اکبر شاہ	42
حرفیں، جنگ نامہ	حرفیں، جنگ نامہ			(بہاد پور)		
	کافیاں، ڈوہڑے	1797ء	1862ء	اُچ	احمد یار	43
	نظمیں					
	کافیاں، ڈوہڑے	1780ء	1862ء	تونسہ	مولوی خدا بخش	44
	کافیاں	1790ء	1862ء	تخت پور، سندھ	غلام محمد غلام	45
	ڈوہڑے، کافیاں	1786ء	1862ء	ضلع لاڑکانہ	عثمان فقیر	46
کافیاں، مشوی سی	کافیاں، مشوی	1776ء	1863ء	مٹھی (سندھ)	نبی بخش لغاری	47
	کافیاں، ڈوہڑے	1772ء	1865ء	سندھ	لعل بخش	48
	نظمیں					

49	فقیر محمد یار	جنگ	1772ء	1866ء	مثنوی نافع اصولو
50	شمس الدین سید	آج	1803ء	1867ء	کافیاں
51	مخدوم شاہ محمود	ضلع ملتان	1800ء	1869ء	مرثیے
52	دانی پھانچل	چاچڑاں	1800ء	1870ء	لوبی
53	قادر بخش بیدل	روہڑی	1814ء	1873ء	کافیاں، ڈوہڑے
54	حسین دیدر	قصر ضلع لاڑکانہ	1803ء	1873ء	سی حرفیاں، مثنوی سی حرفیاں، مثنوی سی
55	خیر محمد ولد رئیس غلام	سندھ	1809ء	1877ء	کافیاں، ڈوہڑے
56	عناصل گورمانی	قصبہ گورمانی	1870ء	1960ء	مثنوی سی بیٹوں
57	سویجا خان	عالمائی	1828ء	1878ء	ڈوہڑے، کافیاں
(میرپور تھیلو)					
58	حیدر علی ساجد	خیرپور سادات	1824ء	1879ء	ڈوہڑے، کافیاں، سی حرفیاں
59	حمل لغاری	خان	1810ء	1879ء	کافیاں، کافیاں
60	صالح محمد مسکین	پور، سندھ باگڑسرگانہ	1815ء	1880ء	ڈوہڑے، نظماں مثنوی سی
61	محمد حسن بیگس	روہڑی	1860ء	1881ء	کافیاں، ڈوہڑے کافیاں، ڈوہڑے
62	حسن بخش	تحصیل شہزاد پور	1812ء	1882ء	ڈوہڑے، کافیاں
63	حاجی ٹالپور	سندھ	1822ء	1882ء	ڈوہڑے، نظماں، کافیاں
64	میاں محمود	کچھ	1811ء	1883ء	ڈوہڑے، کافیاں
65	مخدوم محمد امین	ہالا	1838ء	1886ء	کافیاں
66	مولانا عبید اللہ	ملتان	1804ء	1887ء	مثنوی چندڑی مثنوی چندڑی
67	میاں والے ڈنو	شکارپور سندھ	1814ء	1889ء	کافیاں، ڈوہڑے

- 68 ہمت علی رضوی روپڑی 1740ء 1890ء لولی، گھڑولی
- 69 شاہ محمود بیڑ قمبر ضلع لاڑکانہ 1829ء 1891ء سی حرفیاں،  
زبا عیاش
- 70 جہان شاہ مجروح اللہ آباد ضلع 1831ء 1891ء کافیاں، ڈوہڑے  
رجیم پارخان
- 71 باغ علی ضلع مظفر گڑھ 1818ء 1892ء کافیاں ڈوہڑے قصیدین میزہ
- 72 عاقل جوگی ہرنند، راجن پور 1853ء 1893ء کافیاں ڈوہڑے
- 73 کوڑا خان جتوئی جتوئی 1826ء 1896ء کافیاں
- 74 شیر محمد لغاری تحصیل شہر لوہیو 1816ء 1896ء ڈوہڑے، کافیاں
- 75 گل محمد چشتی شیروہ (ڈیرہ) 1835ء 1898ء مثنوی، سی حرفیاں
- 76 بزاز پشاور پشاور 1827ء 1898ء نظماں ڈوہڑے
- 77 غلام سکندر غلام بکھر 1818ء 1898ء مرعے، مثنوی مرعے، مثنوی
- 78 مولوی غلام محمد ڈیرہ، بہاولپور 1832ء 1898ء مثنوی، جیمبر نامہ
- 79 جیون خاتون کئی چاچراں 1835ء 1898ء غزل، سائون نامہ
- 80 قمر الدین قمر چاچراں 1832ء 1898ء کافیاں ڈوہڑے
- 81 بخش علی جتوئی تحصیل لاڑکانہ 1818ء 1898ء سی حرفی
- 82 باطن ملتان 1840ء 1899ء سی حرفی، کافیاں، نظم و سولہ  
ڈوہڑے، ڈھولہ
- 83 پیارال پردیسی چاچراں 1841ء 1899ء ڈھولہ
- 84 نصیر الدین نوشہرہ فیروز 1849ء 1900ء کافیاں ڈوہڑے،  
سی حرفی
- 85 امیر حیدر میرٹھ کوٹا اود 1813ء 1900ء سی حرفی، عیش سی حرفی، ہیر  
نامہ
- 86 مست علی مستی ملتان 1839ء 1900ء غزل، کافیاں ڈوہڑے

87	خان محمد خاٹن	ضلع لاڑکانہ	1830ء	1900ء	کافی پڑوہڑے
88	خواجہ غلام فرید	چاچڑاں	1845ء	1901ء	کافیاں

### ترتیباً زمانہ

### 1902ء کنوں 1976ء تائیں

89	شاہد ولایت	لمان	1810ء	1902ء	کافیاں، پڑوہڑے ہشتویاں
90	باغ شاہ قریشی	کردوہل عیسن	1838ء	1902ء	کافیاں، پڑوہڑے، ہشتویاں
91	سید غلام غوث	کوٹ ساہانہ ضلع بھنگ	1838ء	1902ء	کافیاں، سی حرفیاں
92	نشی نور محمد	ضلع میان	1828ء	1902ء	مشتوی سکی پنوں مشتوی سکی پنوں
93	امام دین امام	قصبہ لکوڑ	1830ء	1902ء	مولود، ہشتویاں
94	مولی اللہ بخش بابا	تحصیل علی پور	1840ء	1902ء	بارہ ماہ
95	نباہ شاہ افکار	مٹی تھلن ضلع رحیم یار خان	1838ء	1903ء	کافیاں پڑوہڑے
96	لال چند محروم	تحصیل علی پور	1872ء	1903ء	نظمیں، کافیاں
97	خمیسہ احمدائی	ضلع ڈیرہ غازی خان	1822ء	1903ء	کافیاں، پڑوہڑے نظمیں، سچو
98	خیر محمد خیر	تحصیل تونسہ	1814ء	1906ء	کافیاں پڑوہڑے
99	حافظ ہادی ڈنو	مازی (سندھ)	1860ء	1907ء	پڑوہڑے، کافیاں، نظمیں
100	محمود فقیر (کھٹیاں)	تحصیل ہالا	1852ء	1907ء	کافیاں
101	حافظ عبدالستار	شاہ گڑھ	1849ء	1908ء	سی حرفیاں، نظمیں
102	حافظ محمد شاعر	بہاول پور	1828ء	1909ء	تلم معراج نامہ
103	پریم ناتھ پریم	چاچڑاں	1848ء	1910ء	پڑوہڑے، کافیاں

104	خوبیو محمد بخش نازک	چاچڑاں	1865ء	1911ء	ڈوہڑے	ڈوہڑے
105	میاں اللہ ڈیت ڈتن	ضلع مظفر گڑھ	1840ء	1912ء	نظمیں، نعتیں	
106	حاجی جان	سندھ	=	1912ء	مشہور، کافی	
107	صاحب محمد سکین	ضلع ملتان	=	1915ء	قصہ سکی پٹوں	
108	اللہ رکھیار کھیل	حبیب کوٹ	1845ء	1912ء	کافیاں، ڈوہڑے	
109	عبدالغفور طلب	چاہ بھورے والا	1845ء	1912ء	ڈوہڑے، کافیاں	
110	عمر خان شاہد	شیدائی شریف	1825ء	1912ء	ڈوہڑے، کافیاں	
111	جان محمد	ڈیرہ اسماعیل خان	1859ء	1913ء	ڈوہڑے، کافیاں	
112	عبدالغفور ہمایونی	سندھ	1844ء	1913ء	غزلیں، کافیاں	
113	محمود بخش محمود	ملتان	1825ء	1914ء	تلم بہارہ ماہر	
114	محمد رضا	پک والا شجاع آباد	1845ء	1914ء	ڈوہڑے، کافیاں	
115	ولی محمد لغاری	حیدرآباد	1836ء	1914ء	ڈوہڑے، کافیاں	
116	حبیب اللہ دارغ	چاچڑاں	1872ء	1914ء	کافیاں، ڈوہڑے	
117	سویحان خان	شاہ کمال راجا آباد	1832ء	1914ء	کافیاں، مشہور، ہیر	
دار						
118	محمد بخش شامڑ	پکلاڑاں تحصیل	1896ء	1914ء	مولود، ڈوہڑے، مولود، ڈوہڑے،	
		لیاقت پور			کافیاں	کافیاں
119	غلام حسن گاموں	بہاولپور	1832ء	1916ء	غزل	
120	محمد بخش نوروز	مبارک	1857ء	1917ء	ڈوہڑے، کافیاں	ڈوہڑے، کافیاں
پور (بہاول پور)						
121	دریل لغاری ولد	نٹھو آدم	1849ء	1918ء	کافیاں، ڈوہڑے	
	صل لغاری				تلم	
122	فیض محمد فیض	ضلع بکھی	1882ء	1918ء	نظمیں	
123	دیوان خوشدل	جلال پور پیر والا	1835ء	1920ء	ڈوہڑے، کافیاں،	
سی حرفیاں						
124	محمد بخش محمد حسن	بہاول پور	1836ء	1920ء	ڈوہڑے، کافیاں	

- 125 نئی بخش تلہوی تلمیح ملتان 1830ء 1920ء کافیاں، مثنوی،  
مرثیہ، مولود
- 126 حیدر ساگی سندھ 1852ء 1924ء کافیاں
- 127 پہلوان فقیر چک آباد 1303ھ 1353ھ کافیاں
- 128 خیر محمد طالب کوٹ چھتہ 1875ء 1921ء کافیاں، سی حرفیاں
- 129 کاغذی کرؤزی کوٹ کرؤزی 1840ء 1922ء مزاحیہ کلام  
(ملتان)
- 130 مبارک شاہ احمد پور شرقیہ 1850ء 1922ء کافیاں، ڈوہڑے کافیاں، ڈوہڑے  
مثنوی
- 131 مور یوسفیہ ٹھڈو آدم 1868ء 1922ء ڈوہڑے، کافیاں، مثنوی  
مثنوی
- 132 مولوی فتح محمد ضلع ملتان 1862ء 1923ء کافیاں،  
ڈوہڑے، مولود
- 133 دیوان ولایت شاہ اُچ 1843ء 1923ء ڈوہڑے، کافیاں ڈوہڑے، کافیاں  
دیوان
- 134 اللہ بخش عارضی حاکمی پور 1848ء 1923ء ڈوہڑے، کافیاں، دیوان  
سی حرفی ہیر
- 135 اللہ داد قوسوی تونسہ 1859ء 1924ء کافیاں، ڈوہڑے
- 136 مولوی نور دین ضلع مظفر گڑھ 1845ء 1925ء ڈوہڑے، کافیاں، مثنوی ہیر  
مسکین
- 137 صدیق علی شاہ ملتان 1840ء 1926ء مرثیے مرثیے
- 138 تنق علی آکتر تحصیل شجاع 1846ء 1926ء سی حرفیاں، مثنوی  
ہیر
- 139 محمد خان عاصی بنوں 1850ء 1927ء ڈوہڑے
- 140 قاضی امام بخش شیرد (ڈیرہ 1857ء 1927ء مثنویاں مثنوی باغ و بہار  
امام غازی خان)
- 141 مسن خان ضلع ملتان 1871ء 1928ء سی حرفی سی حرفی
- 142 گل محمد فاکس ملتان 1840ء 1930ء غزل نظم



143	نور محمد نورانی	لمتان	1860ء	1930ء	کافی ڈوہڑے، لقم	قصہ مرزا صاحبان
144	دھرم داس	لمتان	1862ء	1930ء	ڈوہڑے، کافیاں	
145	مولوی فیروز	لمتان	1968ء	1932ء	مرثیہ، غزل	
146	پنڈت من موہن	ضلع لمتان	1872ء	1932ء	نظمیں، کافیاں	مشہور لقم "پینہ"
147	میاں دھرم	جھنگ	1852ء	1932ء	کافیاں، ڈوہڑے	
148	نورا بھنگ	تلپہ	1868ء	1932ء	ڈوہڑے، کافیاں	
149	سید جلال کلیم	ضلع رحیم یار خان	1846ء	1932ء	غزل، ہمشویاں	
149	برخوردار بخور	ہریانہ تحصیل تونسہ	1872ء	1932ء	ڈوہڑے، کافیاں	
150	احمد دین	جھنگ	1880ء	1932ء	مشہور ہیر	
151	گل محمد عاشق	لمتان	1885ء	1933ء	مرثیہ	
152	حاجی محمد صفوری	جزائر ضلع آساک	1880ء	1934ء	مشہور کسی پنوں	مشہور کسی پنوں

پور

153	میر نواز علی ناز	خیر پور (سندھ)	1884ء	1935ء	کافیاں	
154	جان محمد گداز	جام پور	1855ء	1935ء	ڈوہڑے، ہشت	ہشت پاس، پاس، ہفت روز، ہفت روز

سی حرفی

155	بی بی تنقی	ضلع لمتان	1872ء	1935ء	مشہوریاں	
156	محمد امین عاشق	جٹی گوٹھ	1972ء	1936ء	مولود، ڈوہڑے	مولود
157	مولوی نور احمد	فرید آباد، ضلع	1876ء	1936ء	ڈوہڑے	
	سانول	رحیم یار خان				
158	قاسم علی شاہ	خیر پور (سندھ)	1868ء	1937ء	مشہور سیف الملوک	
159	رحم علی سائیاں	پشاور	1851ء	1937ء	نظمیں، ڈوہڑے	
160	غلام فقیر	ڈھکی ضلع رحیم یار	1862ء	1938ء	ڈوہڑے، کافیاں،	ڈوہڑے، کافیاں،
		خان			لقم	لقم
161	فیض شہدی	آج	1868ء	1938ء	مرثیہ، ڈوہڑے	
162	فقیر محمد کھتران	تحصیل بالا	1876ء	1940ء	ڈوہڑے، کافیاں	

مرچے، ڈوہڑے	1878ء	1940ء	مٹان	نبی بخش مظفر	163
پارماس	1828ء	1920ء	چاچڑاں	نادر شاہ تار	164
ڈوہڑے، کافیاں	1882ء	1940ء	سندھ	بخت علی بخت	165
ڈوہڑے	1890ء	1940ء	مٹان	چندر بھمان ست	166
ڈوہڑے، کافیاں	1860ء	1940ء	ضلع مظفر گڑھ	پانصاں	167
کافیاں، ڈوہڑے	1871ء	1941ء	سبائے والا ضلع	نور محمد کہتر	168
مولود			مظفر گڑھ		
مرچے	1882ء	1941ء	کردو لعل حسن	غلام حیدر قدرا	169
مولود، نظماں	1860ء	1941ء	ڈیرہ غازی خان	قاضی فخر الدین	170
غزلاں				راستی	
ڈوہڑے، کافیاں	1975ء	1940ء	تحصیل شجاع آباد	اللہ ڈیو ایازہ جوش	171
ڈوہڑے	=	1942ء	شہر سلطان	انجیاں	172
لظم	=	1943ء	بہاول پور	مولانا عزیز الرحمن	173
ڈوہڑے، کافیاں	1896ء	1943ء	شادون انڈ	محمد بخش بیزار	174
ڈوہڑے، کافیاں	1862ء	1943ء	لس بیلہ	نعم فقیر	175
پارماس	1828ء	1920ء	چاچڑاں	صوفی محمد صادق	176
نظماں	1834ء	1944ء	گلگٹن (بلوچستان)	تان محمد تاجل	177
نظماں	1902ء	1945ء	کوٹ طاہر	لیکھارام طوطا	178
معراج نامہ	1882ء	1945ء	عالی والا ضلع ڈیرہ	لطو کھتران	179
نظماں			غازی خان		
مرچے، در بے بہار	1880ء	1945ء	مظفر گڑھ	برخوردار و قبا	180
نظماں	1880ء	1945ء	چوٹی زریں	فتح محمد لاپار	181
نظماں، کافیاں	1892ء	1945ء	مسکن بیلہ ضلع	اللہ بخش خادم	182
بہارہینہ			مظفر گڑھ		
مرچے	1872ء	1946ء	نویں کوٹ ضلع	کمال گسی	183

184	جدک ملتان	ملتان	1854ء	1946ء	کافیاں، بی حرفیاں (انعام و عشق، بازار بہشتیں عشق)
185	فضل فقیر	سندھ	1882ء	1946ء	کافیاں، ڈوہڑے
186	شرف	بکھر	=	1946ء	مرچے
187	محمد یار بلبل	گڑھی اختیارخان	1882ء	1948ء	مولود، کافیاں، ڈوہڑے
188	محمد رمضان بہار	ملتان	1904ء	1948ء	مرچے
189	عبدالرشید شاعر	کوئٹہ چاکر تحصیل	1868ء	1948ء	ڈوہڑے، لکھ، منظوم ڈرامہ حاتم ڈرامہ
190	گلشن	علی پور	1868ء	1948ء	کافیاں، ڈوہڑے
191	امام بخش دوسوز	شکار پور ضلع ڈیرہ غازی خان	1855ء	1950ء	ڈوہڑے، کافیاں
192	نصیر الدین قرم	احمد پور شرقیہ، بہاول پور	=	1951ء	ڈوہڑے، کافیاں
193	قطب الدین قطب	چاچڑاں	1939ء	1951ء	ڈوہڑے
194	خیر الدین صابر	ملتان		1951ء	کافیاں، ڈوہڑے
195	سیف اللہ شاہ امیر	مانہ ضلع ڈیرہ غازی خان	1920ء	1952ء	نظمیں، ڈوہڑے
196	غنی برکت علی	خیروزہ ضلع رحیم یارخان	1886ء	1952ء	مشہوری سسی مشہوری سسی
197	عاشق حسین	ملتان		1952ء	مرچے، ڈوہڑے
198	الہی بخش عمگین	ضلع مظفر گڑھ	1865ء	1952ء	مرچے، ڈوہڑے
199	سلطان محمود	رحیم یارخان	1882ء	1952ء	لکھ، کافیاں، مشہوری سیف الملوک
200	محمد حسین لائق	عیسیٰ خیل	1892ء	1955ء	لکھ (ڈوہڑی باہیرا)
201	مالک	بہاول پور		1956ء	مرچے، ڈوہڑے

- 202 غلام محمد واصف حاجی پور 1905ء 1958ء ڈوہڑے، کافیاں
- 203 محمد رمضان رمضان ڈیرہ غازی خان 1896ء 1958ء نظماں، کافیاں نظماں
- 204 گل محمد قاسم سکھائی والا 1882ء 1958ء ڈوہڑے، کافیاں، ڈھولا
- 205 محمد بخش مخدوم مہو مبارک 1954ء مشوی سیف الملوک
- 206 مولاداد سکھائی والا 1903ء 1958ء ڈوہڑے، کافیاں
- 207 اسد ملتانى ملتان 1902ء 1959ء نظماں
- 208 محمد یار عارض ڈیرہ غازی خان 1900ء 1960ء ڈوہڑے
- 209 محمد یار نوق جام پور 1890ء 1960ء ڈوہڑے، کافیاں
- 210 احمد دین سکین مظفر گڑھ 1960ء مرھے
- 211 عبدالرحمن شوق رحیم یار خان 1872ء 1960ء ڈوہڑے، کافیاں
- 212 جمال خان محبت ماٹہ 1962ء ڈوہڑے، کافیاں
- 213 درویش محمد درویش خان گڑھ 1901ء 1962ء ڈوہڑے، کافیاں
- (مظفر گڑھ)
- 214 مولوی فیروز الدین بکھر 1882ء 1962ء مرھے (مخضماں)
- 215 خدا بخش محزون ملتان 1898ء 1962ء مرھے
- (آفتاب مضمون)
- 216 الہی بخش ضلع مظفر گڑھ 1899ء 1962ء ڈوہڑے، مرھے
- 217 شاہ عظیم ضلع بہاول پور 1901ء 1962ء کافیاں، ڈوہڑے
- 218 جعفر حسین جعفر ضلع مظفر گڑھ 1962ء مرھے، ڈوہڑے
- 219 پیر بخش پیر رسول پور 1883ء 1963ء نظماں
- 220 غلام حیدر غناک خان والا زویانہ 1963ء مولود، کافیاں
- 221 خیر محمد خیرانی ڈیرہ غازی خان 1892ء 1963ء کافیاں، جزلیہ نظماں
- 222 عبدالحکیم عبد رسول پور 1914ء 1963ء نظماں، ڈوہڑے
- 223 خادم ضلع ملتان 1966ء نظماں، منظوم قصے قصہ شہزادہ مہر
- 224 امام علی شفیق شاہ پور، تونسہ 1882ء 1966ء مرھے، نعتاں

عطا محمد عطا	225	ضلع ملتان	1966ء	منظوم ڈوہڑے	ڈرامہ تین شہزادی
عبدالغفار عابد	226	جلال پور	1914ء	1968ء	کافیاں، ڈوہڑے
عنایت حسین صاحب	227	منظور گڑھ	1898ء	1968ء	مرچے، ڈوہڑے
قادر یار سندھو	228	ملتان	1872ء	1968ء	مشہور پورن، بھگت روزہ نامہ، معراج نامہ
فدا حسین منگھور	229	ڈیرہ اسماعیل خان	1897ء	1968ء	مرچے
قبول تونسوی	230	تونسہ	1905ء	1968ء	کافیاں، ڈوہڑے
غلام محمد محمودی	231	تونسہ	1912ء	1968ء	مرچے (گلزار دادوی)
عبدالحق بیکس	232	بستی اراکین ضلع دریہ غازی خان	1900ء	1968ء	کافیاں، ڈوہڑے
مولوی علی اکبر	233	ٹی بی ہوت مہار	1905ء	1968ء	کافیاں، ڈوہڑے
گامزن ملتان	234	ملتان	1902ء	1968ء	منظوم ڈرامے، کافیاں، ڈوہڑے
غلام حیدر شاہ غلام	235	منڈروم رشید	1898ء	1968ء	منظوم ڈرامے، قرآن، حنفی، خنجر
احمد یار احمد	236	بستی جنو تونسہ	1896ء	1968ء	ڈرامہ مصری خاں، مشہور یوسف زلیخا
حسین بخش اختر	237	ملتان	1888ء	1968ء	نظمیں، نعتیں، مرچے
احمد ملتان	238	ملتان	1908ء	1968ء	ڈوہڑے، کافیاں، ڈوہڑے، کافیاں
حاج علی شاہ	239	ملتان	1882ء	1968ء	مرچے، کافیاں
غلام حیدر غلام	240	ملتان	1902ء	1968ء	نظمیں، ڈوہڑے، منظوم ڈرامہ، بادشاہ
ذاکر	241	ملتان	1899ء	1968ء	ڈوہڑے، مرچے
اللہ یاز زرگر	242	تحصیل لودھراں	1968ء		نظمیں، ڈوہڑے، منظوم ڈرامہ، حنفی، خنجر
ناج الدین	243	ملتان	1909ء	1968ء	مرچے، ڈرامے
غلام نبی مہر	244	ضلع ملتان	1880ء	1968ء	کافیاں، ڈوہڑے، منظوم ڈرامے، تحدہ گلشن

245	غلام حیدر	بہاول پور	1877ء	1968ء	نظمیں، ڈوہڑے، کافیاں
246	شیخ محمد بخش کوچھری	بھاگ ناڑی	1891ء	1959ء	کافیاں
247	معلوم	لیہ	1904ء	1968ء	ڈوہڑے، کافیاں، مرچے
248	احمد علی لنگاہ	ملتان	1902ء	1968ء	مرچے، ڈوہڑے
249	عطا محمد مشتاق	ملتان	1889ء	1968ء	مشوئی
250	گل محمد آڑ	بہاول پور	-	1968ء	نظمیں، کافیاں (بیاض الحاشقیں)
251	محمد عظیم افغان	ڈیرہ غازی خان	1914ء	1968ء	کافیاں
252	محمد کاظم کربلائی	ملتان	1881ء	1969ء	مرچے، ڈوہڑے
253	غلام میاں لنگاہ	بھکر	1899ء	1969ء	مرچے، بادشاہ کربلا
254	امیر حسین امیر	شیر و ضلع ڈیرہ غازی خان	1908ء	1969ء	ڈوہڑے، کافیاں ڈوہڑے، کافیاں
255	نبی بخش عاقل	چوٹی زبیریں	1880ء	1970ء	ڈوہڑے
256	نبی بخش شوق	شجاع آباد	1892ء	1970ء	مرچے
257	مولوی فیض	منظرقڑھ	1895ء	1970ء	مرچے، ڈوہڑے
258	غالب ملتان	ملتان	1889ء	1970ء	کافیاں
259	محمد بخش و تبارہ	ملتان	-	1970ء	مشوئی
260	دعاف	کوٹ ادو	1888ء	1970ء	کافیاں، مولود
261	محمد بخش بخش	ملتان	1909ء	1970ء	ڈوہڑے، کافیاں
262	محمد الدین شان	بہاول پور	-	1970ء	کافیاں، نظمیں
263	مولوی عارف حسین	ملتان	1892ء	1971ء	ڈوہڑے، جات
264	غلام حیدر تیم	چوٹی	1894ء	1972ء	کافیاں، ڈوہڑے، نظمیں
265	شیر محمد شیریں	کوٹ چھتر	1887ء	1972ء	نظمیں، مسدس مسدس

266	محمد نواز خوشنتر	حج عباسیاں	1898ء	1972ء	ڈوہڑے، کافیاں، مثنوی زلیخا
267	موتی	لمتان	-	1972ء	نظمیں
268	فیض محمود دہلی	ڈیرہ غازی خان	1902ء	1972ء	نظمیں، ڈوہڑے ریاضی نظمیں
269	عبدالرشید	لمتان	1908ء	1972ء	نظمیں، منظوم مکتوم ڈرامہ حاتم ڈرامے
270	امام بخش محمدن	ضلع مظفر گڑھ	1902ء	1972ء	کافیاں، منظوم مکتوم ڈرامہ ٹیس و ڈرامے قمریادشاہ
271	عطا محمد	مظفر گڑھ	1882ء	1972ء	منظوم ڈرامے بین شہزادی
272	غلام علی لنگاہ	لمتان	1917ء	1972ء	مرعبے، ڈوہڑے مرعبے (واقعات کربلا)
273	غلام محمد سرشار	مظفر گڑھ	1916ء	1972ء	کافیاں، ڈوہڑے مرعبے
274	قادر بخش دوسو	بہاول پور	1918ء	1972ء	مثنوی، کافیاں قصہ نئی بادشاہ
275	گلنغم	بہاول پور	-	1972ء	کافیاں، ڈوہڑے
276	نور محمد	ڈیرہ غازی خان	1902ء	1972ء	ڈوہڑے، کافیاں
277	شیر محمد مثنوی	مانہ	1923ء	1973ء	نظمیں، ڈوہڑے
278	مولوی محمد صدیق	مظفر گڑھ	1903ء	1973ء	نظمیں
279	محمد حسین شاد	رسول پور	1904ء	1974ء	مولود، کافیاں، ڈوہڑے نظمیں، حراہ کلام
280	اللہ بخش رفیق	بہاول پور	1914ء	1974ء	نظمیں، حراہ کلام
281	غلام حسین قاز کربلائی	لمتان	1904ء	1974ء	مرعبے
282	غلام حسن حیدرانی	شادان لٹ	1922ء	1975ء	مثنوی کی، بگڑو مثنوی کی
283	رشید لاشاری	نصیر آباد	1922ء	1970ء	کافیاں
284	محمد نواز شاہ	لمتان	1902ء	1972ء	منظوم ڈرامے، کافیاں مراد

- 285 صابر مبارک پوری مبارک پور 1932ء، 1975ء غزلاں، ڈوہڑے
- 286 اخلاق ملتان ملتان 1914ء، 1975ء نظمیں قصہ (نونہ سس)
- 287 احمد بخش سیف مظفر گڑھ 1915ء، 1975ء مرثیے مرثیے خلاصہ
- 288 احمد بخش قائل گورانی ضلع مظفر گڑھ 1898ء، 1976ء مثنوی، نظمیں مثنوی، ہیر
- 289 حسن بخش کتھر ضلع مظفر گڑھ 1898ء، 1976ء مرثیے مرثیے
- 290 غلام رسول حسرت ملتان 1899ء، 1976ء کافیاں، ڈوہڑے
- 291 فیض لہ 1917ء، 1976ء ڈوہڑے، کافیاں
- 292 کریم بخش واسل ضلع مظفر گڑھ 1906ء، 1976ء نظمیں، ڈوہڑے منظوم ڈرامہ (خونی ماں)
- 293 قار بخش گلزار ضلع مظفر گڑھ 1908ء، 1976ء منظوم ڈرامے منظوم ڈرامہ (شیریں آراں)
- 294 منور حسین بھردو تونسہ 1917ء، 1976ء ڈوہڑے
- 295 مقبول تنویر جھنگ 1947ء، 1976ء غزلاں، کافیاں
- 296 مرید حسین راز لہ 1890ء، 1976ء مرثیے کلید اعجاز
- 297 نوران گدائی رحیم یار خان 1870ء، 1926ء مثنوی ہیرا، پنجا، شیریں فرہاد
- 298 غلام حسین مونس 1860ء، 1944ء کافی، ڈوہڑا، نظم مرزا صاحبان
- 299 میر بخش بھٹن ملتان 1918ء، 1976ء منظوم ڈرامے منظوم ڈرامہ، روشن خیر
- 300 ابراہیم غریب میانوالی 1901ء، 1974ء ڈوہڑے کتاب ہرن چندور
- 301 نور محمد رسال ڈیرہ غازی خان 1899ء، 1975ء نظمیں، ڈوہڑے، غزلاں
- 302 محمد علی کیفی جام پور 1905ء، 1972ء نظم



- 285 صابر مبارک پوری مبارک پور 1932ء، 1975ء غزلاں، ڈوہڑے
- 286 اخلاق مکتاں مکتاں 1914ء، 1975ء نظمیں (نونہہ سس)
- 287 احمد بخش سیف مظفر گڑھ 1915ء، 1975ء مرچے، مرچے خلاصہ
- 288 احمد بخش قافل گورمانی ضلع مظفر گڑھ 1898ء، 1976ء مثنوی، نظمیں مثنوی، ہیر
- 289 حسن بخش کتھر ضلع مظفر گڑھ 1898ء، 1976ء مرچے، مرچے
- 290 غلام رسول حسرت مکتاں 1899ء، 1976ء کافیاں، ڈوہڑے
- 291 فیض لہ 1917ء، 1976ء ڈوہڑے، کافیاں
- 292 کریم بخش داصل ضلع مظفر گڑھ 1906ء، 1976ء نظمیں، ڈوہڑے منظوم ڈرامہ (خونی ماں)
- 293 قادر بخش گلزار ضلع مظفر گڑھ 1908ء، 1976ء منظوم ڈرامے منظوم ڈرامہ (شیریں آراں)
- 294 منور حسین بزدورد تونسہ 1917ء، 1976ء ڈوہڑے
- 295 مقبول تویر جھنگ 1947ء، 1976ء غزلاں، کافیاں
- 296 مرید حسین راز لہ 1890ء، 1976ء مرچے کلید اعجاز
- 297 نوران گداکی رحیم یار خان 1870ء، 1926ء مثنوی ہیر رانجھا، شیریں فریاد
- 298 غلام حسین مونس 1860ء، 1944ء کافی، ڈوہڑا، نظم مرزا صاحبان
- 299 میر بخش بیرون مکتاں 1918ء، 1976ء منظوم ڈرامے منظوم ڈرامہ، روشن خیر
- 300 ابراہیم غریب میانوالی 1901ء، 1974ء ڈوہڑے کتاب ہرن چندور
- 301 نور محمد سائل ڈیرہ غازی خان 1899ء، 1975ء نظمیں، ڈوہڑے، غزلاں
- 302 محمد علی کینی جام پور 1905ء، 1972ء نظم

# کتابیات

- 1 تاریخ ادبیات مسلمانان پاکستان و ہند۔ چودھویں جلد ادبیات مغربی پاکستان جلد اول اشاعت
- 2 ارمضان اویچ، از نذیر علی شاہ، طبع اول، سرائیکی ادبی مجلس، بہاول پور
- 3 سسی پنوں، از جان محمد منصور، باراول، 1972ء، آئینہ ادب
- 4 سرائیکی شاعری، از کیفی جام پوری، باراول، 1969ء، بزم ثقافت ملتان
- 5 شان آسودہ عرفان، از بیگم گیلانی، باراول، 1975ء، سرائیکی ادبی مجلس، بہاول پور
- 6 پنجابی دے صوفی شاعر، از..... کرشن، اشاعت اول، 1966ء، مجلس شاہ حسین، لاہور
- 7 شاطر نما خزاں، از عبید الرحمن، باراول، 1975ء، سرائیکی ادبی مجلس بہاول پور
- 8 کچل سرمست، از محمد اسلم رسو پوری، باراول، 1977ء، بزم ثقافت۔ ملتان
- 9 خیر شاہ دا کلام، طاہر تونسوی، باراول، 1977ء، بزم ثقافت۔ ملتان
- 10 خلیفہ صاحب جور سالو، از ڈاکٹر نبی بخش بلوچ، باراول، 1966ء، سندھی ادبی بورڈ، حیدرآباد
- 11 منشی غلام حسین شہید، طباعت، 1976ء، خانہ فرہنگ ایران ملتان
- 12 نور جمال، از ڈاکٹر مہر عبدالحق، طبع اول، 1974ء، سرائیکی ادبی بورڈ۔ ملتان
- 13 شاہ عبداللطیف بھٹائی، از مظہر انصاری، پہلی بار، 1968ء، فیروز سنز۔ لاہور
- 14 تقویم ہجری و عیسوی، از انصر محمد خالدی، طبع ثانی، 1952ء، انجمن ترقی اردو
- 15 باغ و بہار، از اقبال صلاح الدین، پہلی طباعت، 1973ء، سنگ میل پبلیکیشنز۔ لاہور
- 16 خیر السعدی، از محمد الیاس قیصر، سال طباعت، 1974ء، قصر ادب، خیر پور، بہاول پور
- 17 چھر کے، از ظامی بہاول پوری، سال طباعت، 1966ء، سرائیکی زبان، بہاول پور
- 18 کلام محمود فقیر، کھٹیاں، مرتبہ محمد صالح، باراول، 1959ء، سندھی ادبی بورڈ، حیدرآباد
- 19 کلام نواب ولی محمد لغاری، از نبی بخش بلوچ، باراول، 1968ء، سندھی ادبی بورڈ، حیدرآباد
- 20 کلیات راجل فقیر تے مراد (باراول) سندھی ادبی بورڈ۔ حیدرآباد

- 21 حسین دیدار، مرتبہ عبدالکریم سندیلو، طبع اول، 1971ء، سندھی ادبی بورڈ، حیدرآباد
- 22 محسن بیکس، مرتبہ عبدالحسین شاہ، مولوی، سندھی ادبی بورڈ۔ حیدرآباد
- 23 دیوان بیدل، مرتبہ عبدالحسین شاہ۔ مولوی، باراول 1968ء، سندھی ادبی بورڈ۔ حیدرآباد
- 24 نغمہ کوہسار، از عبدالرحمن غور، باراول 1968ء، بلوچی اکیڈمی۔ کوئٹہ
- 25 دیوان محمدی، از محمد یار بھیل، دربار گڑھی اختیارخان، ضلع رحیم یارخان
- 26 ادبیات سرحد، از قاری بخاری، باراول، نیا مکتبہ محلہ خدا داد۔ پشاور
- 27 سرائیکی شاعری، ڈاکٹر عبدالجبار، باراول، بزم ثقافت۔ ملتان

## رسالے

- |                 |                               |
|-----------------|-------------------------------|
| 24 جولائی 1968ء | 1 ماہنامہ اختر۔ ملتان         |
| جنوری 1972ء     | 2 ماہنامہ سرائیکی ادب۔ ملتان  |
| نومبر 1972ء     | 3 ماہنامہ سرائیکی ادب۔ ملتان  |
| مارچ 1973ء      | 4 ماہنامہ سرائیکی ادب۔ ملتان  |
| اگست 1973ء      | 5 ماہنامہ سرائیکی ادب۔ ملتان  |
| دسمبر 1974ء     | 6 ماہنامہ سرائیکی ادب۔ ملتان  |
| اکتوبر 1974ء    | 7 سہ ماہی سرائیکی۔ بہاول پور  |
| اکتوبر 1974ء    | 8 ماہنامہ سرائیکی ادب۔ ملتان  |
| نومبر 1974ء     | 9 ماہنامہ سرائیکی ادب۔ ملتان  |
| دسمبر 1974ء     | 10 ماہنامہ سرائیکی ادب۔ ملتان |
| جنوری 1975ء     | 11 سہ ماہی سرائیکی بہاول پور  |
| فروری 1975ء     | 12 ماہنامہ سرائیکی ادب۔ ملتان |
| مارچ 1975ء      | 13 ماہنامہ سرائیکی ادب۔ ملتان |
| اپریل 1975ء     | 14 سہ ماہی سرائیکی۔ بہاول پور |
| جون 1975ء       | 15 ماہنامہ سرائیکی ادب۔ ملتان |
| ستمبر 1975ء     | 16 ماہنامہ سرائیکی ادب۔ ملتان |
| اکتوبر 1975ء    | 17 ماہنامہ سرائیکی ادب۔ ملتان |
| اکتوبر 1975ء    | 18 سہ ماہی سرائیکی۔ بہاول پور |
| جنوری 1976ء     | 19 سہ ماہی سرائیکی۔ بہاول پور |

- |              |    |                             |
|--------------|----|-----------------------------|
| اپریل 1976ء  | 20 | سہ ماہی سرائیکی - بہاول پور |
| اکتوبر 1976ء | 21 | سہ ماہی سرائیکی - بہاول پور |
| دسمبر 1976ء  | 22 | ماہنامہ سرائیکی ادب - ملتان |
| نمبر 8       | 23 | رسالہ سنیہا - تونسہ         |
| فروری 1978ء  | 24 | ماہنامہ سرائیکی ادب - ملتان |

اخبار

روزنامہ سمر روز ملتان (اشاعت خاص) 6- دسمبر 1974ء

## سراییکی کلاسیکی شاعری دیاں فلسفیانہ جڑوہاں

**God possesses Nondelimited Being, but no delimitation prevents Him from delimitation. On the contrary, He possesses all delimitations, so He is nondelimited delimitation. (Ibn Arabi)**

[3:162.23]

کلاسیکی سرایکی شاعری وچ وحدت الوجود، وجودیت، دنیا دی بے ثباتی، علم دی نارسائی، عقل و عشق دے تضاد وغیرہ بارے انسانی خیالات دے نچوڑ کوں بہوں تفصیلی انداز وچ پیش کیتا ہئے۔ صوفیانہ شاعری دے علاوہ عام عشق آتے فلسفیانہ شاعری وچ موت آتے مختلف انسانی تجربات تے مشاہدات دے نتیجیں داوی حکیمانہ انداز وچ اظہار ملدے۔

موت ہک اچھی اہل حقیقت اے جنیں کنوں کوئی جاندار نہیں بچ سگدا۔ انسان لیوں موت دا ڈکھ سب کنوں وڈا ڈکھ اے۔ موت دا ڈکھ دراصل فنا تھی و نچوڑ آتے کلیتاً مٹ و نچوڑ دا ڈکھ ہے۔ ایندے علاوہ موت دا ڈکھ مستقل آتے مکمل جدائی دا ڈکھ وی ہے۔ انسان اپنے دوستیں دی عارضی جدائی تے وی رو پوندے جیڑا ہلے اوکوں مستقل تے دائمی جدائی دا خیال آندے تاں او کمب اٹھدے۔ موت دے بعد زندگی دے تصور نال ایں ڈکھ کوں گھٹ کر ڈی کوشش کیتی ہئی ہے مگر تھی نہیں سکیا۔ ایندے علاوہ انسان زندگی وچ کوئی کارنامہ سرانجام ڈے کر ایں دائمی یاد چھوڑ ڈی کوشش دے ذریعے وی ایں ڈکھ کوں دور کر ڈی کوشش کریند ارہ ویندے مگر ایہ سب بے سود کوششاں ہن آتے ایں طرح ایہ ڈکھ ختم نہیں تھی سکیا۔ کہیں مفکر دا قول اے جو

”موت بارے غور فکر فلسفے دی بنیاد اے“۔ دنیا بھر دے وجودی فلسفیں موت دے بارے لکھینے تے ڈوجھے شعراء وی موت دے بارے عظیم شاعری کیتی ہے۔ سرائیکی شاعراں موضوع کوں کیوں نظر انداز کر سہدے ہن۔

خواجه فرید دی ہک کافی وچ موت دے ڈکھ دا اظہار ایں بلدے:

جیوٹ دے ڈینہ ڈھائی وو یار      سٹ گھت فخر وڈائی وو یار  
کتھ او پینگھ پچل مکاٹے      ناز حسن کتھ راج ہاٹے  
کتھ ما بھینجی بھائی وو یار  
ماہی ، منجھیاں ، ہیر سلیٹی      عطروں بھنڑی مشک لپیٹی  
گئے سب جھوک لڈائی وو یار

ہک ہی جاہ تے خواجه فرید ایں ڈکھ دا ایں اظہار کر بندن:

گزریا ویلھا ہسن کھلن دا      آیا وقت فرید چلن دا  
اوکھا پینڈا یار ملن دا      جان لباس تے آندی اے  
حافظ جمال دے کلام وچ موت دے اٹل ہووٹ دا ذکر اپنے مخصوص لہجے وچ ایں بلدے:

س سوداگر لڈ گئے سئے کر کر وٹج و پارے  
کئی سوداگر لعللاں دے تے لاکھی صد ہزارے  
لاٹھے رہے بار تہاں دے لاکھی صد ہزارے  
رہے کنگال جمال وچارا کتھ ہتھ پزارے

موت دا ذکر تقریباً ہر شاعر دے کلام وچ اوندے اپنے مخصوص انداز وچ ملدے۔ اگر ایں موضوع تے میں مختلف شاعریں دے کلام وچوں مثالوں ڈیواں تاں مضمون طوالت دا شکار تھی ویسی۔ ات واسطے میں ایں موضوع کوں جان محمد گداز

دے اس یادگار مصرعے سے ختم کرینداں:

موت دے کھوہ وچ لہندا ویندے عمر دا لحظہ لحظہ

دنیا دی بے ثباتی دا تصور وی دراصل ہک طرح موت دے خوف نال وابستہ ہے۔ کیوں جو ایس زندگی کوں عارضی سمجھن دی وجہ نال ایہ تصور پیدا تھیندے۔ ات واسطے کئی سرائیکی شعراء جیڑھے کئی حوالیں نال اپنے طور تے فلسفی وی ہن۔ ایس موضوع تے اظہار خیال کریندے رہ گئین۔ خواجہ فرید آبدے:

دنیا دا نہ تھی آشنا ہے ایہ مکارہ بے وفا  
کھاویں نہ موڈن دا دعا ہے پنج کٹی تیکوں گھٹی  
بئی کافی وچ دنیا دی بے ثباتی دا ذکر ایس ملدے۔

جو بن ساتھی چار ڈہ نہاں دا جھٹ پٹ ضعف بڑھیا آندا

کوڑی آس پرانی وو یار

کوڑی صحبت کوڑی سکت کوڑے نخرے کوڑی رنگت

لپ دھوڑی ہک چھائی وو یار

صوفیانہ سرائیکی شاعری وچ فلسفہء عشق دا لب لباب ایہ ہے جو او انسان دا سچا رہنما اے اتے عقل اُتے اونکوں برتری حاصل ہے۔ کیوں جو عقل صحت پسندا اے اتے کہیں مقصد وچ کامیابی تائیں اپڑن لیوں عشق دی جرأت رندانہ درکار ہے۔ انھیں صوفی شعراء دے نزدیک عقل اُتے عشق دا آپت وچ کوئی ملاپ کے نہیں۔ جیڑھے عشق آندے عقل خود بخود فارغ تھی ویندے۔ ایس خیال وچ سرائیکی دے صوفی شاعر اقبال دے پیش رو ہن:

بے خطر کود پڑا آتش نمرود میں عشق

عقل ہے جو تماشا لے لب بام ابھی



خواجہ فرید ایں خیال کوں ہک ہے انداز وچ بیان کریندن:  
سکھ ریت روش منصورى نوں ہن ٹھپ رکھ کنیز کدروی نوں

علم عمل نُھل ویسی ، جیکر عشق پیو کن رس وے میاں جی  
نور محمد ساں توڑے جو صوفی شاعر کائنی۔ دت وی او عقل دے ”ادھورے  
پن“ کوں تسلیم کریندن۔

تیڈا عشق تیکوں کنارے ڈکھاوے  
کنارے توں کھڑ کھڑ سہارے ڈکھاوے  
اینویں دھوکے ڈے ڈے کے تیکوں مسافر  
ادھورے ادھورے نظارے ڈکھاوے  
سرور کربلائی کلاسیکی شاعری دے ایں خیال کوں مذہبی مگر سوہنے انداز وچ

بیان کیئے:

دل کوں سجدے دا لطف نہیں آیا عقل کوں ول امام نہیں کرٹا  
سرائیکی دے صوفی شعراء دے نزدیک علم وی عقل و انگوں انسان دی صحیح  
رہنمائی نہیں کر سگدا۔ سرائیکی صوفی شاعر ایں مسئلے تے علم تے عقل کوں ہکی صف وچ  
کھڑیندن۔ اتھاں وی اداقبال دے پیشرو ہن۔ جیرھا آہدے  
علم میں بھی سرور ہے لیکن  
یہ وہ جنت ہے جس میں حور نہیں  
خواجہ فرید اقبال کنوں ہوں پہلے ایں بیان کر چکین۔

علم فرید ہے صاحب بے شک بے عرفان  
ہک ہی کافی وچ او تفصیلاً ایں موضوع تے کئی مسلسل شعرا ہن:

بطیموس تے فیئا غورث کر کر سوچ بچار  
 کھوج سراغ نہ پایا پتہ تھک پٹھے تن ہار  
 کرن منادی رو رو کے لا پد رک الابصار  
 عالم فاضل عارف کامل عجز کیا اقرار

”آزادی میڈے سارے ڈکھیں دامداوا ہے۔“ ہک دانشور دا ایہ قول کتنا  
 وڈا سچ ہے! قوماں اینکوں زندگی موت دا مسئلہ سمجھدن۔ آتے ہزاراں لوک ایندے  
 لیوں جاناں قربان کر ڈیندن۔ آتے غلامی ہک استنجا طوق ہے جینکوں کوئی وی ہگل  
 وچ پاون لیوں تیار کانتی۔ ات واسطے ہر دور وچ غلامی کنوں نفرت کیتی ویندی رہی ہے  
 آتے آزادی کوں محبوب رکھیا گئے۔ ایہا وجہ ہے جو ہر زمانے دا سرا ایکی شاعر غلامی تے  
 پھنکار بھجھداری ہے۔ سچل سرمست آہدے:

او کھلا ڈیند غلامی وچ وت سارا زور سلامی وچ  
 کیوں آپ گھتوئی خای وچ

عاشق ہو کر نوبت ماریں اپنا سز صحیح سنجاریں  
 ہانھپ والی گالھ دساریں

سر دے وال منداوٹ کیا وت آپ تے خلق کھلاوٹ کیا

غلامی دے خلاف خواجہ فرید دا شہرہ آفاق شعر تاں تسا کوں یاد ہوئی:

لپٹے ملک کوں آپ دساتوں پٹ انگریزی تھائے

یتیم جتوئی غلامی دے خلاف نفرت دا اظہار لپٹے جٹ بھرانویں کوں چکد نہیں

ہوئیں ایں کیتے:

الف اٹھ کسان غریب ستاٹیاں تنگ سکا منگھاٹیاں تے

مکھن تول گئے قرض خواہ جیڈے باقی کھیاں رہیاں مندھاٹیاں تے

بھٹی لٹ گئی غلہ غرق ہو یا اسوں تیل تھیا وچ گھاٹیاں تے  
 بکھے پیٹ پیٹیم خراب ہو یوں ہڈیاں آپ تے ڈوہ مہاٹیاں تے

وجودیت اگرچہ نوں فلکراے لیکن حقیقتاً جیویں ایندیاں چوہاں یورپ دے  
 کئی پُرانے فلسفیاں دی فکر وچ ملدن۔ اینویں ایندا پڑے سرائیکی دے کلاسیکی شعراء  
 دے کلام وچ وی پاتا ویندے۔ وجودی فکر دا تعلق دراصل انسان دی کائنات وچ  
 اوندی موجودگی کتوں پیدا تھیوٹ والے مسئلے نال اے۔ اگرچہ ہوں سارے  
 وجودی مفکرین دے لپٹے خیالات وچ دی بے پناہ تضاد ہے۔ جیویں جو بعض سخت  
 مذہبی ہن مثلاً کریگوارڈ اتے بعض لامذہب ہن جیویں سارتر وغیرہ لیکن انھیں ساریں  
 دی فکر انسان دی موجودگی دے گرد و بیدار ہے۔ سارتر دے نزدیک آزادی دا مسئلہ  
 اہم ہے۔ بعض دے نزدیک علم اتے عقل دی نارسائی دا ذکر اہم ہے۔ چونکہ انسانی  
 آزادی اتے علم عقل دی نارسائی دا ذکر اتوں آچکے۔ ات واسطے میں اچھاں صرف  
 سچل سرمست دے کلام وچ وجودی فکر دے حوالے نال انسان دی موجودگی بارے کجھ  
 عرض کریاں۔

وحدت الوجود صرف ذات واحد دی موجودگی کوں منیدی اے۔ اتے  
 انسان تے کائنات دے انھیں مظاہر دی بالذات موجودگی دی نفی کریدی ہے۔ ات  
 واسطے تقریباً سارے صوفیا ایں نظریے کوں تسلیم کریندن لیکن سچل سرمست اسجھا  
 وحدت الوجودی ہے جیرھا انسان دی موجودگی داوی واضح اظہار کریندے:

سچل سچ صحیح کرچا تریں ہمیں توں آپ ضرور

.....  
 حاضری وچ ہمیشہ ہوویں، پتو آپ سنبھال  
 .....

نفی سچل اثبات کریندا، ڈیکھو سیر سپاہی دا

انسان دی موجودگی اتے علم عقل دی نارسائی دے حوالے نال وجودیت  
بارے تفصیل نال لکھیا ونج سکدے۔ لیکن چونکہ اتھاں مختصر انھیں دا ذکر آچکے۔ ات  
لیوں میں ایس مختصر مضمون وچ اتھلا اشارے کافی سمجھداں۔

وحدت الوجود نال تاں ساری سرائیکی شاعری بھری پئی اے۔ سرائیکی دے  
سارے صوفی شاعر وحدت الوجودی ہن۔ حتیٰ کہ بعض صوفی نہ ہن مثلاً حمل لغاری  
وغیرہ، انھیں دے کلام وچ وی ایس نظریے دا اظہار ملدے۔ شاید ایس حقیقت دے  
مصدق

تصوف برائے شعر گفتن خوب است

ہوں ساریں شاعریں تصوف دی رمزیت نال آپٹے کلام کوں سوہٹا  
بٹائے۔ اتھاں مختصر میں کجھ شاعریں دے کلام وچوں وحدت الوجودی خیالات پیش  
کرینداں۔ سچل سرمست سرائیکی دا ہک استنبخا شاعر اے جیندا تقریباً اکثر کلام کہیں نہ  
کہیں انداز وچ انھیں دے وحدت الوجودی خیالات دی عکاسی اکی کریندے:

سچ کڈا ہوں مول نہ منگے پاک پلپیتاں جاہیں  
ہر ہک جاتے پر تو نہیں دا، تیکوں آکھ سٹا میں  
سچل ہر کہیں شے وچ اینویں سیر کریندا سا میں

.....

میں خدا، خدائی امٹی، خود وچ آ پیوسے  
ایہ سبھ حسن اساڈا ہو یا جتھاں آن کھڑوسے  
چار مکان ریہے ونج کتھاں کتھ مکان کتوسے  
لامکان مکان اساڈا سچل نام کیوسے

خواجہ فرید دے کلام وچ وحدت الوجودی فکر دے کجھ نمونے ملاحظہ ہوں:

یار کوں کر مسجود چھڈ ڈے ہو معبود  
ہر صورت وچ یار کوں جاٹی غیر نہیں موجود !  
سبھ اعداد کوں سمجھیں واحد کثرت ہے مفقود !  
وصل فرید کوں حاصل ہو یا جب ہو گیا نابود

غلام حسن گانمن (شہید) دے کلام وچ ایندا اظہار ایں موجود ہے:

ہادی مینوں سبق پڑھایا غیر نہ اتھے آیا جایا  
مطلق نور جمال ڈکھایا مٹ گئے جھگڑے سورنی

خواجہ عاقل محمد جوگی دے کلام وچ وحدت الوجودی خیالات ایں طرح ملدن:

جئیں پاتی رمز وجود کنوں تھیا مست شراب شہود کنوں  
ہر ویلھے ہر موجود کنوں پئی اُس تے برکی چکدی اے  
نہ طور کوئی نہ موسیٰ اے نہ کان کوئی نہ لنکا اے  
ہر مظہر ظاہر مولا اے دل سچ توں محض نہ دکدی اے

ایہ سلسلہ کیہ تائیں جاری رکھیا ونجے۔ بے شمار صوفی شاعر مثلاً بیدل سندھی،

ولایت شاہ، مولوی محمد یار گڑھی والے، اللہ بخش عارض، غلام محمد واصف اتے کئی بے

شاعر ہن۔ جنھیں دا کلام وحدت الوجودی خیالات نال بھریا پئے۔

مختصر طور تے ایہ آکھیا ونج سگدے جو سرائیکی دی کلاسیکی شاعری دیاں

فلسفیانہ بنیاداں جتھاں بعض فکری تحریکیں کنوں متاثر ہن مثلاً وحدت الوجود وغیرہ

اتھاں بعض اہل صداقتاں تے انسانی مشاہدے کنوں پیدا تھیون والی فلسفیانہ فکر دے

نتیجہ داسوہٹا اظہار وی ہن۔ مثلاً موت اتے دنیا دی بے ثباتی کنوں پیدا تھیون والے

ڈکھدا شعری روپ وغیرہ۔

وحدت الوجود جتناں ہک فلسفیانہ نظریہ اے۔ اُتھاں اینکوں تصوف دی مابعد الطبیعات دے طور وی استعمال کیتا گئے۔ اگرچہ بعض غیر صوتی شاعریں وی اینکوں اپنے کلام دا موضوع بٹائے۔ مگر او اتلا زیادہ مؤثر کانتی۔ صوفیاء دے واردات روحانی دے نتیجے وچ عقل تے علم دی نارسائی دا اظہار وی ملدے اے عشق دی عظمتیں دیاں تعریفاں وی۔ لیکن حقیقت ایہ ہے جو عام مادی دنیا وچ علم تے عقل دی جیڑھی حیثیت اے اوکوں نظر انداز نہیں کیتا وچ سبدا۔ اے عشق اُتھاں او کردار ادا نہیں کریندا جیرھا صوفیا دی فلاسفی وچ اوکوں ڈتا ویندے۔ تاہم وحدت الوجود بارے ایہ آکھیا وچ سبدا جواو ہک لبرل نظریہ ہے۔ اوہوں پہلے کون یونانی فلسفی پاری ٹائیڈیز تے ول ہالینڈ دے فلسفی باروچ سپائی نوزا (162-1677) وچ اساکوں ملدے۔ لیکن برصغیر وچ شکر اچار یہ ایندا پرچارک ہے۔

بہر حال ایں قسم دی شاعری دیاں فلسفیانہ بنیاداں سکیور فلسفے دے علاوہ مذہبی فکر تے کھڑن۔ لیکن ایندے نال نال سرائیکی شاعری وچ بعض آنجھے موضوعات وی ہن جیرھے جدید سرائیکی شاعری دیاں بنیاداں بڈن۔ مثلاً آزادی دی خواہش اے غلامی تے استحصال دے خلاف نفرت اے اے موضوعات ہن جیں سرائیکی شاعری کون نواں فکری لہو عطا کیتے۔

وحدت الوجودی خیالات جیرھے ہن ماضی دا حصہ بڈے ویندن انھیں وچ ایہ خوبی ضرور ہئی جواو انسان دوستی، مذہبی رواداری اے مذہبی تنگ نظری دے خلاف ہن تے ہک ملٹی کلچرل تے تنوع نال بھر پور سماج دے قیام کون ماضی وچ ممکن بٹائے جیرھے سماج دا یورپ اہ شہرہ کھڑا کریندے۔ جیویں جو خواجہ فرید دے انھیں شعریں کون ظاہر ہے۔

رکھ تصدیق نہ تھی آوارہ کعبہ قبلہ دیر دوارہ  
مسجد مندر بکرو نور

مٹاں نہیں کہیں کار دے شیوے نہ جانوں یار دے  
واقف نہ بھیت اسرار دے درج کنڈ دے بھر تھے فی عطل نہیں  
تاہم علم آتے عقل تے وجدان (جیرھا ہر انسان دا ذاتی تجربہ ہوندے)  
کوں ترجیح ڈیون نال سرائیکی وسیب سائنس آتے فلسفہ دی ترقی کنوں محروم تھی  
پسماندگی دا شکار تھی کیا۔ ایج کجھ شاعر نوں کافی دے ناں تے تصوف کوں رواج  
ڈیندے پھین مگر آج دے سماجی حالات تصوف دی پلانٹیشن واسطے سازگار کائنی۔

## سرائیکی شاعری دے نمایاں رجحانات..... سرسری مطالعہ

(1985ء تائیں)

سرائیکی زبان دے آغاز بارے ماہرین لسانیات وچ اختلاف پاتا ویندے۔ پڑلے نظریے مطابق جینکوں انگریز ماہرین لسانیات پیش کیتے سرائیکی ہک آریائی زبان بندی ہے لیکن موئن جو دڑو آتے ہڑپہ کنوں وی پڑلے شہریں آمری تے نال دی کھدائی کنوں ایہ نظریہ مشکوک تھی گئے۔ نویں علم تے تحقیق مطابق سرائیکی دی لسانی شناخت وچ منڈا (غیر آریائی..... آسٹرو ایشیاٹک) آتے دراوڑ (غیر آریائی) قبائل دیں زبانیں بنیاد واکم پڑتے۔

سرائیکی علاقہ آتے سندھ وچ کھیل (کول) بھیل آتے اوڈیس دی قدیم موجودگی وی (توڑے جوہن انھیں مقامی زبانوں اختیار کر گھدین) غیر آریائی آوازیں، لغت تے پیچیدہ قسم دی صوتی نحوی تبدیلیاں دی ایں جدید نظریے دی حمایت کریندین۔

سرائیکی زبان دی موجودہ صورت تقریباً ہک ہزار سال پہلے وجود وچ آئی ہے۔ مسلمانیں دے ملی آتے مذہبی زبانیں ہووٹ نال عربی (غیر آریائی) آتے فارسی (آریائی) اینکوں موجودہ شکل پڑیوٹ وچ اہم رول ادا کیتے۔

سرائیکی ادب دی معلوم تاریخ دے حوالے نال ایندا پہلا رجحان مذہبی بندے۔ جیرھا تورنامے، معراج نامے، مولود، درود نامے، حلیہ مبارک، نعت، کچی روٹی، دی شکل وچ اسٹاڈے سامنے آندے۔ ایہ رجحان شرعی مسائل آتے مذہبی عقیدتیں دے اظہار نال تعلق رکھدے۔ آتے ظاہر ہے ایہ مسلمانیں دی آمد کنوں بعد



دارحجّان ہے۔

مذہبی رجحان دے اندر شرعی مسائل تے عقیدتیں دے اظہار دے علاوہ  
 ہک طور تے صوفیاء کرام وی شاعری وچ آندی ہے۔ جیڑھی زیادہ تر وحدت الوجود  
 دے نظریے تے کھڑی ہے۔ صوفیانہ شاعری وچ مذہبی رواداری، انسان دوستی، تنگ  
 نظری دے خلاف نفرت، وسعت قلبی، آتے اظہار یک جہتی دے عام نمونے ملدن  
 ۔ ایس قسم دی زلدی ملدی شاعری وچ گنان وی آئدن۔ جنھیں وچ خصوصی طور تے  
 شمس سبز واری دے گنان ہن۔ عام طور تے صوفی شعراء وچ شاہ حسین، بلھے شاہ،  
 (میں انھیں ڈوہیں کوں سراہیگی شاعر سمجھداں) پچل سرمست، روجل فقیر، بیدل سندھی  
 ، حافظ جمال اللہ، خواجہ فرید، عاقل محمد جوگی، اللہ بخش عارض، غلام محمد واصف، محمد  
 یار فریدی آتے ہے بے شمار شاعر شامل ہن۔

وحدت الوجود دے نظریے کوں عام طور تے ابن عربی دے حوالے نال  
 تصوف دا جزو سمجھیا ویندے۔

بے شک ہن استاد ولیندے، ابن عربی تے منظور

لیکن حقیقتاً ایہ نظریہ ابن عربی کنوں ہوں پہلے ہندو ویدانت آتے قدیم  
 یونانی فلسفیں کنوں وی ملدے۔ بعد وچ ایہ یورپین فلسفی مثلاً سپائی نوزادے فلسفے وچ  
 وی پاتا ویندے۔ ایہ ہک انسان دوست آتے سیکولر نظریہ ہے۔ جیندے اثرات ابن  
 عربی دے ذریعے روادار آتے انسان دوست صوفی شعراء دے کلام وچ داخل تھئے۔

اگرچہ صوفیاء کرام انسان دوستی دے سنیے کوں عام کہتے۔ لیکن عام طور تے  
 مقامی جاگیرداریں آتے حکمرانیں دے استحصال آتے جبر دے خلاف اونویں آواز  
 نہیں چاتی جینویں تقاضا ہا۔ ایندے علاوہ صوفیاء کرام علم داسارا ذریعہ ”وجدان“ کوں  
 قرار ڈتے (حالانکہ تجربہ تے عقل کاٹی نقطہ نظر دے مطابق ذریعہ علم ہن) ات واسطے

عام علوم سائنس اُتے فلسفہ دی اہمیت گھٹ گئی بلکہ انھیں عقلیت پسندی اُتے عام علوم دی مخالفت وی کہیتی۔

علموں بس کریں دو یار

جیددی وجہ کنوں سراہیکی وسیب وچ کوئی سائنسی اُتے فکری تبدیلی نہ آئی اُتے نہ کہیں قسم دے سماجی ارتقاء دی راہ ہموار تھی۔ اُتے سراہیکی وسیب پسماندگی تے غلامی دا شکار تھی گیا۔ مذہبی رجحان وچ ہک عنصر مرثیہ نگاری دا وی ہا۔ ایہ حضرت امام حسینؑ دے خاندان دی مظلومیت، میدان کربلا وچ یزیدی فوجیں دا بہادری نال مقابلہ اُتے نا انصافی دے خلاف حق سچ دی جدوجہد واسطے مزاحمت دے رویے کوں نشا بر کریندا ہا۔ ایہ کئی حوالیں نال سراہیکی وسیب وچ مزاحمت اُتے جبردی تاریخ نال ہم آہنگ ہا۔ ات واسطے مرثیہ نگاری اتھاں مقبول تھی۔ مرثیہ نگار شاعریں وچ غلام سکندر غلام، سید علی شاہ، امام علی شفیق، غلام حسن تائب، نذر جھنڈیر، محمد رمضان بہار ملتانی وغیرہ قابل ذکر ہن۔ لیکن ایں مرثیہ نگاری دی سماج وچ کوئی انقلابی تبدیلی نہ آندی اُتے نہ جبردی کوئی شکل تر وڑی۔ بلکہ ایہ صرف غم حسینؑ، ہنوں و ہاواں اُتے ثواب کماواں تاہیں محدود رہ گئی۔

سراہیکی شاعری واڈ وچھاوڈ ارہجان عام شاعرانہ رجحان یعنی عشق محبت دی شاعری ہے۔ ایندے وچ انسان رعاشق دے داغلی تے ذاتی واردات یعنی ہجر وصال تے ذہنی کیفیات دا اظہار ہوندے۔ ایہ وی مذہبی رجحان دے نال نال چلدا رہیا۔ ایہ شاعری لپٹے کئی اصناف وچ اسٹاڈے سامنے آندی ہے۔ کافی اُتے ڈوہڑے جیدے وچ ذاتی واردات تے احساسات دا ذکر ہوندے۔ عاشقانہ واردات دا اظہار کافی تے ڈوہڑے دے علاوہ لوک گیتاں وچ وی عام ہوندے۔ لوک گیتیں دے شاعریں دا تعین کرن مشکل اے۔ لیکن ایہ عام طور تے عورت دی زبان وچ ہوندن۔ اُتے انھیں

تے ہندی شاعری دا اثر ملدے۔

لوک کہتیں وچ چھلہ، ماہیا، ٹپہ، لولی وغیرہ مشہور ہن۔ لوک کہتیں وچ عورت دے ذاتی ڈکھ، عشق محبت دا اظہار، پرٹے دے ویلھے ماء پیو کنوں نکھرٹن دا غم دے علاوہ لولی وچ اہٹی اولاد دی محبت دا اظہار ملدے۔ ایندے علاوہ لوک کہتیں وچ غم روزگار دا ڈکھ وی موجود ہوندے آتے ایہ دراصل اہٹی دسوں کنوں نکھرٹن دے ڈکھ نال وی بھویا ہوندے۔

روزی دی خاطر وطن سٹیو سے

ملک بگانے آن رہیو سے

غربت دے سانگ

دلبردی تاگلکھ

تیراں دے وانگ

دیس بدیس وچ بیٹ دی خاطر درد عزتتاں رولیاں

موسم آئی ون واڑ دی، چٹیاں، گہلیاں بھولیاں

عاشقانہ شاعری وچ مثنوی دی صنف وی ہوں معروف ہے آتے ایہ صنف

سرائیکی شاعری وچ کافی مقبول رہی ہے۔ مثنوی وچ معروف عاشقانہ قصیں کوں

منظوم کیئا ویندے۔ انھیں قصیں وچوں سسی پنوں، سیف الملوک بدیع البانو، ہیر

را بھجا، لیلی مجنوں، مرزا صاحبان، سکی راول، باغ و بہار، (چار درویش) آتے کئی پے

قصے منظوم کیئے گئیں۔ پاکستان دے قیام کنوں پہلے ہندو شاعریں وی اپنٹے مذہبی قصے

نظم کیئے۔

مشہور مثنوی گو شاعریں وچ دمور، چراغ احوال، علی حیدر، لطف علی،

عبدالکیم اوچوی، اکبر شاہ، میرٹ، خادم مکھن بیلیوی، قاسم علی شاہ، مخدوم محمد بخش، برأت علی شاہ، نور الدین مسکین تے غلام حسن حیدر راٹی کافی مشہور ہن۔ انھیں وچوں بعض عاشقانہ مثنویں دا تصوف دے حوالے نال وی مطالعہ کیتا گئے۔ ”سیفل نامہ“ وچ سیف الملوک کوں ہک سالک دا درجہ ڈتا ویندے۔ اُتے اوندے عشق دے پندھ سلوک دے مختلف مرحلے کھجیے ویندن۔ خواجہ فرید اپنٹے سلوک دے مرحلیں دے دوران روزانہ ایس مثنوی دا ہک بند ڈکھنئیں وچ زبانی یاد کریندے ہن۔ اینویں بعض صوفیاء ہیر کوں وی ہک سالک دے طور تے گھدے۔ کافی کوں اگرچہ عام طور تے تصوف نال وابستہ کر ڈتا ویندے لیکن حقیقتا کافی دے وچ تصوف دے علاوہ عام عاشقانہ مضمون وی تقریباً ہر کافی گو شاعر ہدھن۔ ایس سلسلے وچ خواجہ فرید وڈے شاعر دے طور تے ساڈے سامنے آندے۔ حالانکہ انھیں کوں رومانوی شاعر دے طور تے گھٹ ڈٹھا گئے بلکہ انھیں دی عاشقانہ شاعری کوں تصوف نال جوڑ ڈتا گئے۔ جیہدی وجہ کنوں انھیں دی شاعری دی Beauty دا ٹھیک طریقے نال قاری کوں ادراک نہیں تھیا اُتے اوہک رومانوی شاعر دے طور تے ہوں گھٹ سامنے آئین۔ ایندے علاوہ فکری طور تے خواجہ فرید دی شاعری وچ وحدت الوجود، وجودیت، مابعد جدیدیت اُتے زندگی دی بے معنویت کوں واضح طور تے ڈٹھا وچ سگدے مگر ایس پاسے وی کہیں توجہ نہیں ڈتی۔ اہج وی سراہیکی داسب کنوں وڈا شاعر قرار پاوڻ دے باوجود خواجہ فرید کوں شاعرانہ عظمت دے حقیقی مرتبے تے فائز نہیں کیتا گیا۔ کیوں جو افسوس تھیندے عام لوکیں دے نزدیک خواجہ فرید دا پہلا حوالہ صوفی دا اُتے بعد وچ شاعر دا ہے!

مذہبی اُتے عاشقانہ رجحانات دے علاوہ سراہیکی شاعری دا ہیا ترسیجھا اہم رجحان مزاحمتی اُتے مدافعتی ہے (ایہ سارے شاعرانہ رجحان ہک ہے دے نال چلدے

ریہن) چونکہ سرائیکی وسیب اہٹی زرخیزی دی وجہ کنوں ہر دور وچ غیر ملکی حملہ آوریں دا شکار رہیے۔ ات واسطے عام شعراء دے علاوہ کجھ صوفی شعراء دے کلام وچ جزوی طور تے صرف ہاہر لے حملہ آوریں دے خلاف مقامی حکمرانیں دی بے حسی دے بارے کجھ اشعار ملدین۔ ایہ تصوف وچ کس نفسی، نمائاں پن آتے اہٹی ذات دی نئی ذے مقابلے وچ اپنٹے ہووٹا دا احساس ڈیویندن آتے اپنٹے جیوٹا آتے اصرار کریندن۔

چھوڑ گمان گدائی والا، پیکا چاہدھ شامی

ایں سلسلے وچ علی حیدر ملتانی دے ہک بند وچ ایہ رجحان ملدے:

ب بھی زہر کھا مرن، کجھ شرم نہ ہندوستانیوں

کیا حیا انہاں راجیاں نوں کجھ شرم نہیں توراٹیاں نوں

بھیڑے بھر بھر ڈیون خزانے فارسیاں نوں خراسانیاں نوں

وچ چھوٹیاں دے پائی پاک پڈ ونچے ہونہ دوہیا پائیاں نوں

ایہ رجحان وقت دے نال نال طاقتور تھیدا گیاں آتے ایندے واسطے

شاعری دی مخصوص صنف ”وار“ وی سامنے آئی۔ توڑے جو ”پوڑی“ دے ناں نال ای

وار لکھی گئی۔

ایں سلسلے وچ کئی واراں مشہور رہن۔ صوبہا خان دی وار ”شملہ شیر دی وار“

اللہ چا چھڑ واوے شملہ شیر جوان کوں

آتے نواب مظفر خان دی پوڑی مشہور رہن۔ پوڑی مظفر خان دے کجھ شعر

ملاحظہ ہوون۔

سلطان نے سڈ پترال کوں آکھیا کم کیہ جن نال صلاح دے

سکھ منگد اہے شہر ملتان دیاں کتجیاں نال زور تے اہٹی نگاہ دے

یا ڈے ڈیو کتجیاں یا لڑ مرو، ول نال کرو وچ شاہ دے

پترنواب کون جواب ڈیندن:

اساں لڑن کولوں نہیں ڈرنا جیرھا لکھیا وچ درگاہ دے

یا تخت یا تختہ ، جتن ہارن دس اللہ دے

ایندے بعد نواب قاصد کول ایہ آہدے:

سُن او وزیر سکھاں دے ، اساڈی کریں گل جنہی

لمبی معیاد اساں نہیں منگدے تے فیصلے ہون دھی

کل تیغاں وچ رن دے جیویں کڑیاں کھپڈن سی

آتے آخری جواب.....

تے کنجیاں میڈے پیٹ دے اندر، کوئی پاڑ کے کڈھے

ایں مزاحمتی آتے مدافعتی تحریک دا اثر مختلف شکلیں وچ ہولے ہولے اہوں

تے ودھار ہیا۔ آتے انگریز دے سرائیکی وسیب تے ظالمانہ قبضے تائیں آن پہنچیا۔

اپنے ملک کول آپ دساتوں پٹ انگریزی تھانے

باوجود ایندے جو ایں شعروچ عوام دی حاکمیت دی گلجھ کائی مگر ایہ اپنے

وقت دا انقلابی نعرہ ہا (خواب فرید دی شاعری وچ پوسٹ کالونیل عنصر دا ترجمان ہے)۔

ول انگریزیں دے سرائیکی وسیب تے ناجائز قبضے دے خلاف کئی سرائیکی شاعریں

آلائے۔ جنہیں وچ حیدر خان چانڈیہ، گل محمد فائق آتے اللہ بخش جانا باز شامل ہن۔

اللہ بخش جانا باز دی ہک نظم جیند اپہلا مصرع ایں ہے۔ کافی مشہور تھی:

نھرا نیاں دی فوج نے سچ برکتیا ساڈا وطن

1940ء وچ قرار داد پاکستان دے منظور تھیون دے بعد آزادی دی

خواہش نال ہوں سارے سرائیکی شاعر جوبو گئے۔ آتے بھر پور مزاحمتی آتے آزادی

واسطے شاعری کیتی۔ ایں سلسلے وچ غلام رسول ڈڈا کافی معروف ہن۔ انھیں پوری

جوانی پاکستان دے قیام دی جدوجہد واسطے گزاری آتے شاعری وی ایندے واسطے وقف کیتی۔ پاکستان دے قیام دے بعد جیڑھلے جام پور شہر وچ پاکستانی جھنڈا لہرایا گیا تاں غلام رسول ڈڈا اپنی مشہور نظم ”پاکستانی جھنڈے کوں سلام“ پڑھی۔ ایہ نظم پاکستانی عوام دیں آسین تے امیدیں کوں نشا بر کریندی ہے۔ کجھ شعر ملاحظہ ہوں۔

تیکوں اہج زمانہ سلامی پیا ڈیندے تے کلا سیٹا سلامی پیا ڈیندے

غرور شاہانہ سلامی پیا ڈیندے تے اپٹا بیگانہ سلامی پیا ڈیندے

ایہ شعر وی تیکوں سلامی کریندے تے جرات ہم کلامی کریندے

ہووے سر بلندی تیڑھی جاودانی ذرا سُن غریبیں دے ڈکھ دی کہانی

نہ صحت نہ دولت نہ وارو نہ مانی نہ مردے نہ جیندے نہ پڑھے جوانی

نہ ماٹریاں نہ کاراں نہ دکش پوشا کاں نہ تن تے لویراں نہ منہ وچ خورا کاں

اوتوں ڈس جو ڈکھرے وندھیں یسین یا کانتا؟ تے شفقت دا کجھ تھہ پھر یسین یا کانتا؟

توں تنگیں کوں کپڑا پو یسین یا کانتا؟ تے بکھیں کوں ٹکڑا کھو یسین یا کانتا؟

تندو غریبیں توں ہٹی یا کانتا؟ رعونت دا تختہ اُلٹسی یا کانتی

پاکستان دے قیام دی جدوجہد دے حوالے نال جیڑھا سرائیکی شاعری وی

اپٹا مدافعتی تے انقلابی رنگ پیدا کیتا اوں لوکیں وچ بہوں سارے خوابیں کوں جنم

ڈتا۔ لیکن ایہ خواب عام طور تے پورے نہ تھئے۔

غلام رسول ڈڈا آخری عمر وچ میڈے دفتر وچ آہند اہاتے بہوں مایوس ہوندا

ہا۔ اوں میکوں ہک دفعہ آکھیا جو اساں جیڑھے پاکستان دا خواب ڈٹھا ہا او ایہ نہ ہا۔ ات

واسطے میڈے دلی خواہش دے باوجود انھیں اپٹا مجموعہ کلام نہ چھوایا۔ (ہنٹ کجھ کلام

چھپ گئے) حالانکہ میں آتے رئیس عدیم رزل تے انھیں دی کئی نظمیں کوں کتابت کرا

گھد اہا۔ جبر دے خلاف مزاحمت دی ایں شاعری جیڑھی نوآبادیاتی حکمرانیں دے

خلاف ہی 1968ء وچ نواں رُخ اختیار کیا۔ ایہ ہُنن مقامی حکمرانیں اُتے جاگیرداریں دے خلاف ہی اُتے پاکستان پیپلز پارٹی دے قیام دے بعد اوندی تحریک دے زیر اثر چلی۔ اکثر سرائیکی شاعر ایں تحریک نال وابستہ تھی گئے۔ مہجور بخاری، سرور کربلائی، فیض علی فیض، عبدالمجید ذوق تے کئی بے شاعر ہُنن جنہیں جاگیردارانہ نظام اُتے ایوپی آمریت دے خلاف جرأت مندانہ نظماں آکھیاں۔ فیض علی فیض دی نظم:

عالم جاگیردار مُٹھکی تے پیر آوی  
اُتے عبدالمجید ذوق دی

لغاری رہے نہ مزاری رہے  
جنگ جاری رہے جنگ جاری رہے

ہوں مقبول تھیاں۔ (آج کل نذیر فیض، اخلاق مزاری، خورشید بخاری، غیور بخاری، جہانگیر مخلص ایں فکر دے نمایاں شاعر ہن۔)

پاکستان پیپلز پارٹی دا دور آیا۔ لیکن لوکیں دیاں اُمیداں ہوں گھٹ پوریاں تھیاں۔ عبدالمجید ذوق میکوں ہک دفعہ آکھیا جو جیرھے خواب ڈٹھے ہانے او پورے نہیں تھئے۔ جاگیردارانہ سماج دے خلاف ایہ مہم تقریباً ناکام تھیوٹ دے بعد سرائیکی مزاحمتی شاعری اپٹا ہک بیا رُخ وٹایا۔ جیرھا سرائیکی قومیتی تحریک دی شکل وچ نشا بر تھیا۔ (ایہ پوسٹ کالونیل رویہ ہا) ایہ مزاحمتی تحریک دا ڈوجھا رُخ ہا۔ ایہ سرائیکی روایات اُتے کچھ دے احیاء دی تحریک وی ہی۔ اُتے ایں تحریک وچ خواجہ فرید ہک سرائیکی قومی شاعر دے طور تے ابھریا۔ ایہ تحریک اہٹی سیاسی اکائی حاصل کرن دا مقصد وی سامنے رکھتے آئی ہے۔ ایں شاعری دے نمایاں ناں اسلم جاوید، ارشاد تونسوی، عاشق بزدار، ممتاز حیدر ڈاہر وغیرہ ہن۔ ایں شاعری دا موضوع جاگیردارانہ استحصال دے خلاف آواز، اہٹی سرائیکی شناخت دی، بحالی، اہٹی اکائی دا حصول اُتے



اوپر پنجاب کنوں نقل مکانی کرتے سرانگی و سبب وچ آوٹ والیں پنجابیں دا اتھوں دیں  
 زمینیں اُتے نوکریں اُتے قبضے کرٹ دے خلاف آواز چاؤں ہے۔ پنجابی قبضہ گیری  
 جینکوں میں نواں کالونیل یا داغلی (Domestic) کالونیل دور آہداں، دے بارے  
 وچ اسلم جاوید دی ہک نظم ہے:

تریلا دے بے گھر پکھی

روہی آن آباد تھئے

ذرے ذرے لُج رکھی مہماناں دی

مٹھے کھیر دیاں چساں ڈتیاں

ساڈے بے پرپالیں دے سردارن

ساکوں کی آہدن

اس استحصال اُتے جبر دے خلاف عزیز شاہد اپنی آواز میں چاتی ہے:

اساں این دھرتی دے واسی جیندا سینہ سونا

مالا مال خزانے کولوں ساڈا کونا کونا

پر اساں اوسیت سُنے جو منج دریا تے پیا سے

ساڈی این گلدا می تے خود سندھ کریندا ہا سے

ساڈیاں نسلاں سنداں چا کے دفتر دفتر رُلن

پر ساڈی کہیں دستک تے مقسوم دے ڈرنہ گھلن

اسلم جاوید ہک ہی نظم وچ اپنی محرومی دی گلہ بے حد تخلیقی انداز وچ

کریندے:

میں تا

میڈی دھرتی ستی

تسی روی چائی

میکوں آکھ نہ بیخ دریائی

سرائیکی شاعری دا پیا رجحان ہمیشہ کنوں رجائیت پسندی دا ہے۔ سرائیکی شاعریں دا خیال ہے۔ ہر ظلم آتے جبر دے نال مقابلے دے نتیجے وچ اتھاں ہک پُر امن معاشرہ تشکیل پسی آتے جھوکاں آباد تھیسں۔

تھی خوش فریدا شاد ول ڈکھیں کوں نہ کر یاد ول

اجھو تھیوم جھوک آباد ول ایہ نہیں نہ دہسی ہک مٹی

ایںویں اہج دا شاعری امید رکھدے جو آخر وسیب توں رات ڈھلسی۔ ممتاز حیدر ڈاہر دی ہک نظم دے آخری مصرعے ایں دن۔

رات جتنی دیر دی رہوے

اہٹی دھرتی تے شہنشاہی دا منصب بچھ دے مٹاویں ہے

شاید بچھ کوں ابھارن واسطے دی جدوجہد جاری رکھٹی پوسی۔ اقبال سوکڑی دا

شعر ہے:

ایہ اندھارا مٹاوا پوسی

بچھ کوئی نواں چڑھوا پوسی

آخر وچ میں ایہ آکھساں سرائیکی شاعری صدیاں پہلے توں فکری Maturity دے دور وچ داخل تھئی تے مسلسل اپنے دور دے تقاضیاں دا ساتھ ڈیندی آئی ہے۔ سرائیکی شاعری کوں پوسٹ کالونیل دور وچ دنیا وچ شاعری دی کہیں وی عظیم روایت دے برابر کھڑا کیتا و پُنج سگدے۔

## سرائیکی ڈوہڑے دا چھوٹا جیہاں جائزہ

ڈوہڑا سرائیکی شاعری دی ہک مشہور صنف ہے۔ اگر سرائیکی شاعری دی کچھلی تاریخ دا مطالعہ کیجئے ونجے تاں ڈوہڑیں دی تعداد ڈوہڑیں اصناف دی تخلیقات دی نسبت زیادہ ہے۔ جے میں ایہ آکھاں جو سرائیکی شاعری دا تقریباً ادھ حصہ ڈوہڑے تے مبنی ہے تاں ایہ غلط نہ ہوسی۔ ات واسطے سرائیکی شاعری دے مطالعے وچ ڈوہڑے دے مطالعے کوں قطعاً نظر انداز نہیں کیا ونج سکدا۔

سرائیکی دے علاوہ ڈوہڑے کجھ ہنسی زبانیں وچ وی پاتے ویندن۔ مثلاً سندھی، پنجابی وغیرہ ہندی وچ وی ”دوہا“ دے ناں نال شاعری دی ہک صنف ملدی ہے۔ غالباً شورسینی پراکرت وچوں نکلن والیں زبانیں وچوں وی کئی ایں صنف شاعری نال مالا مال ہن۔ البتہ اتھاں ایہ آکھن مشکل اے جو ایہ صنف سب کنوں پہلے کیرھی زبان وچ شروع تھی۔ تے ول کیرھیں کیرھیں زبانیں اوں کنیں ایہ صنف گھدی اے۔ کیوں جو تاریخی طور تے تقریباً یکے عہد وچ ڈوہڑا انھیں ساریں زبانیں وچ موجود ملدے۔ البتہ ایہ مختلف زبانیں وچ ہیئت نال ہک بے کنوں کجھ نہ کجھ مختلف ضرور اے۔ مثلاً ہندی دوہا عموماً ڈوہڑے و مصرعیں دا ہوندے جڈاں جو سرائیکی ڈوہڑا ڈوہڑے و مصرعیں دا قطعاً نہیں ہوندے۔ سندھی وچ شاہ لطیف دے دوہے ہندی نال رلدن۔

سرائیکی وچ شاعری دی ایں صنف کوں ڈوہڑا کیوں آکھیا ویندے۔ ایندی کوئی خاص وجہ نہیں ملدی۔ لیکن بعض محققین دا خیال ہے جو ایہ چونکہ شعر کنوں ڈوہڑا ہوندے۔ یعنی عموماً ایہ ڈوہڑے و شعریں یعنی چار مصرعیں دا ہوندے ات واسطے اینکوں

ڈوہڑا آکھیا ویندے۔

سرائیکی زبان دا تحریری لٹریچر چونکہ ہوں تھوڑا مہلدے۔ ات واسطے ایں صنف دی ابتدائی تاریخ دے باوجود کجھ آکھن مشکل تھی گئے۔ کیفی چامپوری دے مطابق سب کنوں پہلا ڈوہڑا حضرت بہاء الدین زکریا نے سلطان حمید الدین حاکم کول لکھیا ہا۔ جیرھا ایہ ہے:

حاکم آپ ہمیں حکم آپ وچار  
جے ون گاؤں سے کئی دلار دلار  
جے ون لدھیامندے پچھ نہ ہار  
جئیں تاگک نہ تولھا کیوں لکھی پار

آتے ایندے جواب وچ سلطان حمید الدین حاکم ایہ ڈوہڑا انھیں کول لکھیا:

حاکم آپ ہمیں حکم آپ وچار  
جہاں اللہ نیا تے نی وچار  
جئیں تاگک نہ تولھا کیوں لکھی پار

پہلے تاں ایہ گلہ ہے جو نہ ایہ کھل ہے اتے نہ انھیں دی زبان پوری طرح سمجھ آندی ہے۔ غالباً زیادہ پڑے ہووٹ دی وجہ کنوں ایہ اصل زبان ونجا پٹھن۔ ڈوہڑی گلہ ایہ ہے جو انھیں کول ڈوہڑے آکھن وی مشکل ہے کیوں جو عام طور تے شعراء دے نزدیک ڈوہڑے دا جیرھا وزن مخصوص ہے۔ ایہ ڈوہڑے اوندے وچ کائنی آندے۔ وٹ وی انھیں کول اولین تحریری ڈوہڑے آکھیا وچ سکدے۔ جیرھے تاریخ وچ محفوظ تھی گن۔ ورنہ کیا خبر انھیں کنیں پہلے کتلا ڈوہڑے آکھیے گن۔ جیرھے اسان تاں نہیں پتے۔

دوہڑا داس (ایہ اکبر دے دور دا شاعر ہے) دے کئی ڈوہڑے وزن تے

ہیت تے پورے اردن۔ انھیں کوں پہلے صحیح قسم دے تحریری ڈوہڑے آکھیا و ہج  
سکدے۔ انھیں وچوں ہک ایہ ہے:

ہیر دے من وچ رانجھن و سے حال نہ جاٹے کوئی  
رانجھا رانجھا کینکوں آکھاں آپے رانجھن ہوئی  
رانجھن ہیر تے ہیر رانجھنشی رتی فرق نہ کوئی  
آکھ دمور پیار عشق دی دوئی جان سکونی

ڈوہڑا چونکہ برصغیر دیں زبانیں وچ ملدے تے اُتھائیں رانج ریسے ات  
واسطے عربی، فارسی عروض نال ایندا تعلق ہوں گھٹ بٹدے۔ بلکہ ایندا تعلق ہندی، سنگل  
نال ہے۔ البتہ عربی، فارسی عروض دے شائقین تے اینکوں عربی، فارسی عروض نال وی  
جوڑ ڈتے تے ہک مصرعے دا وزن ست فعلن دے برابر قرار ڈتے۔ ایہا وجہ ہے جو  
موجودہ دور وچ چیرھلے ڈوہڑے آکھئے، گھین اوعام طور تے ایں وزن دے پابند رہن۔

ڈوہڑا اگرچہ ہر دور وچ آکھیا گئے تے عموماً ہر چھوٹے وڈے شاعر ڈوہڑا  
آکھئے لیکن ایندا عروض علی حیدر دے زمانے کنوں تھیدے۔ لطف علی تے حمل لغاری  
سرا نیکی دے معروف شاعر ہن تے تقریباً علی حیدر دے ہم عصر رہن۔ انھیں ڈوہڑے  
شاعریں ہوں سوئے ڈوہڑے آکھین تے ڈوہڑے دی فنی روایات وچ دی تبدیلیاں  
آئدن۔ ایہ حقیقت اے جو انھیں شاعریں ڈوہڑے کوں ہوں اعلیٰ مقام تے پُچھا  
چھوڑے۔ لطف علی دے ڈوہڑے انھیں دی زندگی وچ پرے پرے تائیں مشہور تھی گئے  
ہن۔ انھیں دی مقبولیت دا اتلا اثر ہا جو حمل لغاری وی لطف علی دے رنگ وچ ڈوہڑے  
آکھن دی کوشش کیتی ہے۔ لطف علی دا اپنے مخصوص رنگ وچ ڈوہڑا ملاحظہ ہووے۔

ٹور ٹرن دا چنچل کوں ہتھ دعویٰ مول نہ آوے

غرق تھیاں وچ غم دے کبکاں شرموں مار مکاوے

مور ملکہ کوں چھوڑ و بجن ایس نور ٹرن دے دعوے

لطف علی دے ڈھولے نال پیا کون کرے اتھ دعوے

لطف علی اپنے ڈوہڑے تے مستزادوی لائین۔

یار بجن دے مٹھوے تے کئی بینے خوب بے بن دے، یار بجن دے

گھنڈک گھنڈک گھنڈکار کرن گھنڈکار کرن گھنڈ گھنڈ دے، ناز پوٹ دے

یار بجن کوں کہیں سکھلائے شیوے دیس کھسن دے، ناڈ پوٹ دے

لطف علی انھاں دھوتیاں کوں کئی طوق پوون سومن دے، نانکھن دے

حمل لغاری تے لطف علی داہوں گہرا اثر ہا۔ اولاقات واسطے بہادر پورا آئے

ہن۔ لیکن ملاقات نہ تھی سگی ہئی۔ حمل لغاری لطف علی دے ڈوہڑیں تے کئی

ڈوہڑے لکھن۔ جیندے وچ لطف علی دارنگ نمایاں ہے۔ حمل لغاری دے ڈوہڑے

چار مصرعے دے وی ہوندن۔ ہک ڈوہڑا ملاحظہ ہووے۔ (حمل خان دے ڈوہڑیں

دا موضوع حسن عشق تے اصلاحی ہوندے)

ناز بھریے دے نین سدا جن پن پیتے مستان ڈوہیں

ابرو اکھیاں ولبر دیاں گڈ مسجد تے مئے خان ڈوہیں

نور بھریے دے رخ روشن توں تھے شمس قمر قربان ڈوہیں

پہہ کول آتے کجھ بول مٹھا کر عاشق تے احسان ڈوہیں

نال حمل دے یار ملیا تھے باغ زمین آسمان ڈوہیں

سندھ دے مشہور شاعر چکل سرمست وی سرایکی ڈوہڑے دے ارتقاء وچ

حصہ گھدے۔ انھیں دا ہک ڈوہڑا ملاحظہ ہووے۔ چکل سرمست دے ڈوہڑیں دا

موضوع حسن عشق دے علاوہ وحدت الوجود ہے:

ہیں خدا، خدائی اپنی خود وچ آ پیوے

اے سبھ حسن اساڈا ہویا جئیں وچ آکھڑے  
چار مکان ریہے وچ کتھاں کتھ مکان کتوے  
لا مکان مکان اساڈا ، پچل نام گپوے

ایں عرصے وچ ہے وی کئی شاعریں ڈوہڑے آکھیں لیکن زیادہ شہرت کہیں  
کوں نصیب نہیں تھی۔ حتیٰ کہ سرانیکی کافی داسب کنوں وڈا شاعر خواجہ فرید (1841ء  
تا 1901ء) دادور آگئے۔ خواجہ فرید دی کافی کوں ہوں مشہوری ملی۔ انھیں دی تقلید  
وچ کئی شاعریں کافیاں آکھیں۔ مگر کوئی وی ایں مقام تے نہ پجیا۔ ایندا نتیجہ ایہہ نکھتے  
جو شاعریں دی توجہ ڈوہڑے ڈوہڑے زیادہ تھی گئی جیندے وچ خواجہ فرید دے پتر خواجہ محمد  
بخش نازک داناں قابل ذکر ہے۔ انھیں دے ڈوہڑیں دا موضوع تصوف ہے:

جئیں دل بھالان جئیں ڈوہڑے کھاں جتھاں نظر نکاواں  
تیکیوں چاٹاں تیکیوں سمجھاں چپڑا روپ پکاواں  
میں حادث توں لُح پال قدیمی کیویں قدم ودھانواں  
جے نازک یار چاکرم کرے میں چولی انگ نہ مانواں

خواجہ فرید دے مرید خاص سید ولایت شاہ وی کافیاں آہدے رہ گئیں۔

آتے ڈوہڑے وی۔ انھیں دیں کافیاں تے ڈوہڑیں دا موضوع تصوف ہے۔ انھیں دا  
ہک ڈوہڑا ملاحظہ ہووے۔

سک سامان ملن دا چاڑیں سک جٹن کوں سولے  
سک ہے راہبر راہ حقیقت ہے سبھ اوچھڑ وئے  
شب بے زاری ، بے قراری سارے سک دے بھلے  
سید سک دی ساگ سینے وچ کوئی میں داگلوں جلے

ایں دور وچ سرانیکی ڈوہڑے دا مشہور شاعر جان محمد گداز (وفات

1935ء) ساڈے سامنے آندے۔ اوں اگر چہ سی حرفیاں تے بارہ ماہ سے وی آکھیں  
لیکن انھیں دے کلام داسارا زور ڈوہڑے وچ ملدے۔ انھیں دے اکثر ڈوہڑے  
سی دی زبانی ہن۔ انھیں لطف علی وانگوں ڈوہڑے تے مستزاد وی لائین۔

جیوں جو گا جگ وچ جیویں ڈس کیڑھے سکھ ڈکھلائے نی پٹ ہنڈوائے نی  
چھیکو باقی ہتھوں میڈے پھلے زور لہائے نی لوک کھلائے نی  
کھارے چڑھدے ساڈے ڈے کر سارے سکھ لچائے نی وٹے ولانے نی  
اوسن تپڈے پیش گداز جو جو ظلم کمائے نی زور آزمائے نی  
ایں دور وچ ڈوہڑے دا ہک بیا وڈا شاعر محمد بخش نوروز ہے۔ نوروز لیلی  
مجنوں بارے مشہور مثنوی لکھی ہے۔ لیکن اوندی ساری شہرت ڈوہڑے تے ہے۔  
نوروز سرائیکی ڈوہڑے کوں تصوف دے اثر کنوں کڈھ کر ایں خالص جذبات دے  
رنگ وچ رنگ ڈتے ایندے علاوہ اوں ڈوہڑے وچ کئی جدتاں وی پیدا کیتن۔ تے  
ڈوہڑے دے ارتقاء وچ نمایاں کردار ادا کیتے۔ نوروز دے بعض ڈوہڑیں دے  
مصرعے چار کنوں زیادہ ملدن اُتے بعض ڈوہڑیں تے مستزاد وی لائے، کھین۔

رت ساوٹ دی آس ملن دی آساں آن بچاویں نہ چر لائویں  
سوٹنی رت تے سوہٹیاں تاگھاں سوہٹے منہ ڈکھایں نہ چر لائویں  
وستے وگ تے رنگ نویں چڑھ تیج اُتے سنگ سہاویں نہ چر لائویں  
دل سکیدی نوروز تھیوے آ ابر مہر برساویں نہ چر لائویں  
نوروز دے بعد وی ڈوہڑے باقاعدگی نال لکھیدے رہ گئے۔ جنھیں وچ  
حسینی ڈوہڑے کوں وی برابر اہمیت حاصل رہی ہے۔ حتیٰ کہ اسان موجودہ دور دے  
ہک پے وڈے شاعر یتیم جتوئی نال متعارف آن تھیدے وں۔ یتیم جتوئی دے کلام وچ  
بے پناہ تاثیر اُتے مٹھاس ہے۔ نظم دے نال نال انھیں شاندار ڈوہڑے وی آکھیں:



نازک یار زمانہ ہی توں خوف رکھیں دم دم تے  
 چپے چپے ہی لای چاڑھی قدم اٹھا جم جم تے  
 ہن سنگھ پوڑ پدم سے پٹھے ہر پاسوں قدم قدم تے  
 منزل دور یتیم پیڈی نہ ٹہل ودا ٹھم ٹھم تے

ملک غلام رسول ڈڈا سرائیکی دا عظیم ترقی پسند شاعر ہے۔ اول سرائیکی دیں  
 ساریں اصناف وچ شاعری کیتی ہے مگر بنیادی طور تے اونظم دا شاعر ہے۔ اوندے  
 کلام وچ بے پناہ زور آتے جذبہ پاتا ویندے آتے لفظیں استعمال کرن دا گروی او  
 خوب جاندے۔ او سرائیکی دھرتی دا ہک انجھا روشن خیال شاعر ہے جیرہا تقریباً چالیہ  
 سال پہلے غلام طبقے دی حمایت وچ شعر آہارہ گئے آتے تحریک پاکستان وچ شاعری  
 دے نال علمی طور تے وی جدوجہد کیتی ہے۔ اوندا ہک ڈوہڑا ملاحظہ فرماؤ۔ ڈوہڑے  
 وچ او عام طور تے حسن عشق کول اپٹا موضوع عیبیدے:

میں عرض کینا لاغرض ججن توں لکھ نفرت ہر چند رکھ  
 بھل میں آخر انسان تاں ہاں ذرا ظلم داسست سمندر رکھ  
 میڈا قاتل کڈھ تلوار آکھے ہر وار تلے سندھ سندھ رکھ  
 سندھ بند کرٹے ہنجھ سنجھ نہ کڈھ فریاد نہ کر لب بند رکھ

جاناباز جتوی موجودہ دور دا قدیم طرز وچ لکھن والا مشہور شاعر ہے۔ اول  
 ڈوہڑے وی لکھن لیکن حقیقتاً او وی نظم دا شاعر ہے۔ انھیں دے علاوہ عبدالکریم دلشاد  
 فیض محمد دلچسپ، صالح محمد صالح آتے لطفن وی ڈوہڑے آکھن۔ لیکن زیادہ مشہور  
 احمد خان طارق اے عیبیدے ڈوہڑے کول پسند کینا ویندے۔

نور محمد سائل کافی مشہور رہن۔ او وی نظم دے شاعر ہن۔ مگر انھیں دے  
 ڈوہڑے وی مشہور ہن۔ انھیں دے ڈوہڑے دا موضوع حسن و عشق دے علاوہ باطل

دی ٹکروی ہے:

اگوں وی بہوں داری ہوئی حق باطل دی ٹکر  
گئے ہن اینویں واٹ وٹھدے ہر اٹلیس دے مکر  
ہر کہیں کھیر کوں کھیر نیا ہا زید کوئی ہا بکر  
ساٹل حق اچ غالب آسی کٹ ظلمات دے چکر  
اچ کل دے ٹنگر شاعر توڑے جو غزل ڈو زیادہ متوجہ تھی، مہین۔ لیکن سرور  
کر بلائی آتے اقبال سوکڑی اتجھے شاعر ہن۔ جئیں ڈو ہڑے دی باقاعدگی نال لکھنیں  
- سرور کر بلائی دا بک ڈو ہڑا ملاحظہ ہووے۔

میں ہاں واٹ جارا در دیں دا میکوں در دیں نال پیارن  
درد ان ازلی محرم نمونس درد میڈے دلدارن  
میڈی ول ول کل لیدے ہن میڈے دل دے غم خوارن  
تا نہیں جاں توں پیارے ہن سرور بس دان جو لیتے یارن  
اقبال سوکڑی اچ کل غزل آتے آزاد نظم لکھدا پے لیکن ماضی وچ اوندے  
لکھینے ہوئے ڈو ہڑے اچ وی لوکیں دی زبان تے ہن۔

توں مالک نہیں مئے خانے دا جند جیوی خالی جام نہ ڈے  
میکوں آس اُبھر دے سچھ دی ہے میکوں درد بھری کوئی شام نہ ڈے  
تیڈے صدقے وفا دا خون نہ کر میڈے پیار تے کوئی الزام نہ ڈے  
نئیں رنج تھیندا اقبال تیڈا توڑے عیش امن آرام نہ ڈے  
سرا نیکی ڈو ہڑے دی کہانی لمبی ہے۔ سارے شاعریں دے جائزے  
واسطے کتاب درکار ہے۔ اچ وی شاندار ڈو ہڑا لکھیا ویندا پے۔ عبدالرشید اشتر تے  
امان اللہ رشید اچ وی مشہور ناں ہن۔

سرائیکی ڈوہڑے دے ایں مختصر مطالعے دے سوجھلے وچ اساں سرائیکی ڈوہڑے دیاں خصوصیات دا مطالعہ نسبتاً بہتر طریقے نال کر سگدوں۔ ایں سلسلے وچ ڈوہڑے دی ہیئت دے مختلف پہلو ساڈے سامنے آئدن۔

ابتداء وچ ڈوہڑے اگرچے مختلف وزن وچ لکھیے، گمین لیکن آخر ایندا ہک وزن طے تھی گئے۔ حیدر پہلے ذکر کیا گئے اتے بعد دے اکثر شاعریں ایندی پابندی کیتی ہے۔ حقیقتاً ایہ وزن ہندی چھند رینگل دے مطابق ہے لیکن بالآخر اینکوں عربی، فارسی عروض دے مطابق ڈھال گھدا گئے اتے ایہ وزن وچ ڈوہڑا آج تیں لکھیا ویندے پئے۔ توڑے جو کجھ شاعریں ایندی خلاف وزی وی کیتی ہے۔ ایں وزن دا ہک ڈوہڑا ملاحظہ ہووے:

ڈکھیں ڈکھی لوں لوں میڈی برہوں پڈ پڈ دانگے  
 درداں نال تھیا ہم رشتہ سولاں نال ہن سانگے  
 شاید چوک دی چندری ہم، سوز فراق دے سانگے  
 نوکر جاٹ تے جاتی، گر گمین ٹانگ کنوں بے ٹانگے

وزن دے نال قافیے تے ردیف دی پابندی عام طور تے سرائیکی ڈوہڑے دا ہک لازمی جزو رہی ہے اگرچہ بعض ڈوہڑیں وچ ردیف نہیں ورتی گئی لیکن قافیے دی ہر حال پابندی کیتی گئی ہے۔ البتہ کئی ڈوہڑے اتجھے وی ملدن حیدرے وچ ردیف قافیے ڈوہڑے وچ پابندی کیتی گئی ہے۔

آپ دٹھوں وچ راوی مرزا اتھ میڈا کیا حالے کتواں سالے  
 نچے آپ نچاوے میکوں ہجر دی روز دھالے کتواں سالے  
 رات وصال دی پینگھاں پایاں پل پل سال کشالے کتواں سالے  
 عشق دا پاند گداز نہ چھوڑیں ایہو عین وصالے کتواں سالے

ڈوہڑے وچ مصرعیں دی تعداد عام طور تے چار رہی اے اے اتے ایندی پابندی پڑائے تے نویں شاعریں کیتی اے عام طور تے آخری مصرعے وچ ڈوہڑے دے خیال کوں مکمل کیتا ویندے تے آخری مصرعے پُر زور تے تخلیقی ہوندے۔ لیکن بعض پڑائے شاعریں چار کنوں وی زیادہ مصرعیں دے ڈوہڑے آکھیں۔ چار کنوں زیادہ مصرعیں والے ڈوہڑے حمل خان لغاری، لطف علی، نبی بخش غافل تے کجھ ہنھیں شاعریں لکھیں۔ سچل سرمست تے مصرعیں دے ڈوہڑے وی آکھیں۔ چار کنوں زیادہ مصرعیں دا ہک حمل لغاری دا ڈوہڑا ملاحظہ ہووے۔

میڈا دلدار مٹھا من ٹھار اوے غم خوار شاں کم کار ڈیکھاں رُخ یار دا  
 آکھیں پُر نور سدا مخمور گھتیدیاں کھور کرن ڈکھ دور برہ بیمار دا  
 ڈکھاوے چھم جڈاں جیئیں دم وچن سب غم جے کھولے خم زلف دی تار دا  
 رُے جاں ٹور نچاوے مور دلیندا چور نیو کھس زور اہو اختیار دا  
 جڈاں بہہ کول زباں کوں کھول پلیندا پول کراں سرگھول بچن گفتار دا  
 حمل دا حال سُنے فی الحال کرے کون بھال ملے میں مال دہنچے ڈکھ دھار دا

ڈوہڑے دی بہیت وچ مستزاد کوں خاصی اہمیت حاصل رہی اے۔ بعض شاعریں اپنے ڈوہڑیں کوں مستزاد لاکراہیں زیادہ مؤثر اے مقبول بٹائے۔ مستزاد لاوڻ وچ لطف علی، حمل لغاری تے جان محمد گداز کوں دسترس حاصل رہی ہے۔ گداز دا ہک ڈوہڑا ملاحظہ ہووے۔

عشقوں محض نہ ہاریں سسی متاں مارن طعنے لوک ندانے  
 کچھی کولوں کچ نہ تھسی سمجھیں نال ایمانے عالی شانے  
 ہک ڈینہ آن وپسی پُتل حیڈے ملک ویرانے قول شہانے  
 ہک نگاہ گداز نہ ڈیویں عوض ڈوہیں جہانے کہیں بہانے

موضوعات دی رونال سرائیکی ڈوہڑے کوں کئی حصے وچ تقسیم کیا وچ  
 بگدے۔ جیدے وچ سب کنوں پہلی حیثیت حسن و عشق دے موضوع کوں حاصل  
 ہے۔ ایہ موضوع شاعریں دا پسندیدہ موضوع ریہے۔ آتے انھیں دل کھول تے ایں  
 موضوع تے شعر آکھیں۔ ڈوہڑے وچ زیادہ تر عاشقانہ خدمات دا اظہار عورت دی  
 طرفوں ملدے۔ لیکن ایہ جذبات کسی یا ہیر دی زبانی ہوندے۔

حال کنوں بے حال کیا بُرے برہوں بروچل والے  
 الڑے زخم کللوے پندھڑے کنڈریں پیریں چھالے  
 پیت پلپتاں کنڈ نہ ڈیساں کچھو ملٹن محالے  
 سید، پیر فرید پناں ہن کون میڈے ڈکھ ٹالے  
 حسن عشق دے علاوہ ڈوہڑیں دی تاریخ وچ ”حسینی ڈوہڑے“ وی  
 آکھیے، گمین۔ انھیں ڈوہڑیں وچ امام حسین تے انھیں دے خاندان دے مصائب  
 دا ذکر کیا ویندے۔ ایہ ڈوہڑے زیادہ تر دروہریے ہوندن تے انھیں کوں مذہبی  
 عقیدت نال لکھیا پڑھیا ویندے۔

ستم رسیدہ مرشد کوں کھڑا ڈہدے ول ول مالی  
 پیا در خیمے توں ڈہدی ہے ایں باغ دے پالٹن والی  
 خون دے سہرے گل وچ پا کر تھی گئی شان نرالی  
 نون دی ماند خم ہو گئی کل باغ رسول دی ڈالی  
 حسینی ڈوہڑیں دے علاوہ پھول سارے ڈوہڑے اچھے بن جنھیں دا  
 موضوع تصوف ہے۔ بعض ڈوہڑیں وچ صوفیانہ خیالات علامتی انداز وچ پیش کیتے  
 گمین۔ آتے بعد وچ واضح طور تے انھیں ڈوہڑیں وچ زیادہ تر وحدت الوجود، فنا،  
 عشق الہی، عشق رسول تے عشق مرشد دا ذکر ملدے۔ صوفیانہ ڈوہڑے سید ولایت

شاہ، بچل سرمست، عمرخان شاہد، علی حیدر، حضرت محمد بخش نازک تے اللہ ڈیوایا پڑ جوش  
آکھین۔ کچھ ڈوہرے ملاحظہ ہوں۔

مے خانے وچ جام پلایا ساقی روز استی  
ہوں ڈینہ دی ول مول نہ اتری چڑھیں دماغیں مستی  
ہٹی ہستی نظر نہ آوے سب نظرے ہست دی ہستی  
شاہد غیر پرستی سٹ، کر ہن پیر پرستی

ہک ڈیہاڑے مُرشد مینوں آپ اینویں فرمایا  
ایہو طریقہ وحدت والا سانوں پھوں خوش آیا  
بچل بچلہ عشق دی بچی بیا سبھ پنڈھ اچایا

پہلے کھیر ولوڑن دی ڈھب سکھ آپیر دے درتوں  
لیسا جاگ ڈسیا اٹکل رُ پو اینویں کرتوں  
جہہ تائیں رہبر جاگ نہ لاوی بھ بھ پوویں مرتوں  
پڑ جوشا ہی دشمن گھر وچ متاں چک پوویں کہیں ارتوں

توڑے جوڈوہڑہ زیادہ تر غیر تعلیم یافتہ طبقے وچ مقبول ہے پیا۔ مگر اہج نہ  
تصوف دا دوراے نہ ڈوہڑے دا۔ نویں سماجی حالات، نویں موضوعات گھن آئین  
آتے نویں موضوعات، نویں اصناف سخن، اہج زیادہ تر سنجیدہ شاعر اپنے پیچیدہ خیالات  
دا اظہار آزاد نظم تے غزل وچ کریندین۔ لیکن ایندے باوجود ماضی وچ ڈوہرے  
سرائیکی ادب وچ اضافہ کیتے۔ اوکوں نظر انداز نہیں کیا ونچ سکدا۔ ادیقینا سرائیکی  
شاعری داسرماہیہن۔

## شاہ لطیف دی سرائیکی شاعری

شاہ لطیف بھٹائی جیرھے سندھ وچ عام طور تے شاہ دے ناں نال سُجھاتے  
ویندن۔ 1689ء وچ حیدرآباد (سندھ) دے نیڑے ہالاحویلی وچ جائے۔ اُنھیں  
دے اَبے سائیں داناں شاہ حبیب اللہ ہا۔ شاہ لطیف دی عمر چار سال ہئی اُنھیں دے  
اَبے ہوریں ہالاحویلی چھوڑتے کوٹری وچ وُج جاہ گھدی۔

روایات مطابق شاہ لطیف دا خاندان ہرأت دا ہک مشہور خاندان ہا اَتے  
سید امیر علی ایس خاندان دا ڈاڈا ہا معتبر آدمی ہا۔ جیندے امیر تیمور نال قریبی تعلق ہن۔  
سید امیر علی شاہ دا چھوواں پُتر حیدر شاہ (جیرھا ایس علاقے وچ لڑیں و نچن والیں  
جنگیں وچ شامل ہا) نے ہالاحویلی وچ سکونت اختیار کیتی اَتے اپنے اثر و رسوخ نال  
اتھوں دے ہک رئیس محمد شاہ دی دھی نال شادی کر گھدی۔

شاہ لطیف دا ڈاڈا اڈا شاہ عبدالکریم مشہور عالم، صوفی اَتے سندھی دا شاعر ہا۔  
جیند ا دیوان (رسالہ) ہمیشہ شاہ لطیف دے مطالعے وچ رہندا ہا۔ آکھیا ویندے شاہ  
لطیف باقاعدہ طور تے پڑھ نہ سگے ہن۔ ہئی روایات مطابق آپ پڑھ گھندے ہن  
لیکن لکھ نہ سگدے ہن مگر نویں تحقیق مطابق آپ اچھے خاصے پڑھیے لکھیے ہن۔

جوانی وچ شاہ لطیف کول ارغون قبیلے (جیند اشجرہ چنگیز خان نال رلدے)  
دے ہک معتبر شخص مرزا مغل بیگ دی دھی نال محبت تھی گئی۔ جیندی وجہ کنوں اُنھیں  
دے خاندان کول کئی مشکلیں داساٹا کرٹا پیا اَتے شاہ لطیف کول شہر چھوڑتے جنگل  
وچ جوگیں دی یاری اختیار کرٹی پئی تے پھیریں نال وی رل پھاں پیا لیکن کافی مند

بعد مرزا مغل بیگ دے خاندان تے ڈاکوئیں دی لڑائی دی وجہ کنوں تباہی آ پئی اتے ایندے نتیجے وچ شاہ لطیف دی شادی انھیں دی پسند والی جاہ تے تھی گئی۔ شاہ لطیف ہک وڈی مند تائیں سندھ، بلوچستان، مکران، ملتان اتے جیسلمیر دے علاقے دی سیر کیتی۔ انھیں کافی عرصے تائیں عوام دے مختلف طبقیں نال زندگی گزاری اتے انھیں دیں خوشیں تے ڈکھیں کوں کوھوں کنوں ڈٹھا۔ لوکیں وچ راج روایات تے رومانیں دا قریب کنوں مطالعہ کیتا۔ ایہا وجہ ہے جو شاہ لطیف دی شاعری دا وڈا موضوع عوامی رومان اتے لوکیں دے ڈکھ سکھ ہن۔

شاہ لطیف دا دور سیاسی ابتری دا دور ہا۔ مغل حکومت دا زوال اتے سندھ وچ کلہوڑیں دے عروج نال لڑائیں بھڑائیں کنوں حالات خراب ہن لیکن عام طور تے شاہ لطیف انھیں حالات کنوں بے نیاز اپنی درویشی، شاعری تے موسیقی وچ مست ہن۔ ایہا وجہ ہے جو ایں دور دے انتشار دا کوئی ذکر انھیں دے کلام وچ نہیں ملدا لیکن انھیں حالات دے نتیجے وچ لوکیں دی حیاتی وچ جیڑھے ڈکھ آئے شاہ لطیف بالواسطہ طور تے انھیں دا تجزیہ کیتے اتے ایندے لیوں انھیں لوک رومانیں کوں ذریعہ بنا ئے۔

شاہ لطیف بھر پور تخلیقی صلاحیتاں رکھن آ لے انسان ہن انھیں اعلیٰ شاعری کیتی ہے جو پوری سندھ دی تاریخ وچ ایہو جیڑا ایسا کوئی وڈا شاعر پیدا نہیں تھیا۔ شاہ لطیف دی عمر 55 سال ہئی جو انھیں دے آئے سنیں دا مکلا وا تھی گیا۔

ایندے بعد شاہ لطیف آبادی کنوں پرے ہک جھیل نال بے (بھٹ) تے آن آباد تھئے۔ تے بھٹائی سڈ بھٹن پئے گئے۔ 1752ء وچ شاہ لطیف دی اوں بے تے وفات تھی تے کچھ مند بعد انھیں دے ہک عقیدت مند حکمران غلام شاہ کلہوڑے انھیں دا مقبرہ کھڑا کیتا۔ اہ کل اٹھاں ہک شہر آباد تھی گئے۔ جیرا بھٹ شاہ دے ناں نال مشہور ہے اتے روضے کوں وی از سر نو تعمیر کرتے اوندی شاندار توسیع کیتی گئی ہے۔



سندھی زبان دے نال نال شاہ لطیف مختصر طور تے سراہیکی وچ وی شاعری  
 کیتی۔ کیوں جو جیرھے دور وچ شاہ لطیف رہندے پئے ہن او عام طور تے کلہوڑا  
 عہد حکومت (1701ء-1783ء) ہا۔ غلام شاہ کلہوڑا عہد وچ کلہوڑا حکومت  
 سندھ کنوں ڈیرہ غازی خان، بھکر آتے ڈیرہ اسماعیل خان تک پھیلی ہوئی ہئی۔ (2)  
 ایں کنوں پہلے کلہوڑیاں داسراہیکی وسیب نال کافی پُرانا تعلق ہا۔ آتے کلہوڑا  
 خاندان دے بزرگ آدم شاہ کلہوڑا سراہیکی وسیب وچ ریہے ہن۔ (3)  
 ایندے علاوہ کلہوڑیاں دے دربار وچ تالپور ریہے آتے انہیں دے بعد  
 سندھ دے حکمران ریہے۔ انہیں دی زبان سراہیکی ہئی۔ جیندی وجہ کنوں سندھ تے  
 سراہیکی علاقے دا قریبی تعلق ہا۔ لوکیں دی آمد و رفت جاری ہئی آتے سندھ وچ  
 سراہیکی زبان الائی تے سمجھی ویندی ہئی۔ جیندی وجہ کنوں سندھی دے شاعر و صل فقیر  
 (1734ء-1801ء) مراد فقیر (1796ء-1744ء) دریا خان  
 (1765-1853ء)، غلام محمد ولد رطل فقیر (1755ء-1839ء) آتے  
 معروف صوفی شاعر چکل سرمست (1793ء-1829ء) باقاعدہ طور تے سندھی  
 نال سراہیکی شاعری وی کریندے ہن۔ (4)

بچپن وچ چکل سرمست دی شاہ لطیف نال ملاقات وی تھئی ہئی۔ (5) ات  
 واسطے شاہ لطیف رواج مطابق سراہیکی وچ شاعری کیتی۔ ایندے علاوہ شاہ لطیف  
 سسی (پیدائش بھٹہ واہن رحیم یار خان) بارے اپنی سندھی شاعری وچ سُر قائم کیتی  
 اے۔ جتھوں ظاہر تھیندے جو سراہیکی وسیب دے رومانس نال انہیں دی دلچسپی ہئی  
 ۔ علاوہ ازیں انہیں سراہیکی شاعری وچ اتھاؤں دے ہک مخصوص رومان ہیر رانجھا  
 دے حوالے نال وی شاعری کیتی۔ ہوں سارے سندھی عالمیں شاہ لطیف دی سراہیکی  
 شاعری کوں تسلیم کیجے آتے ڈاکٹر عبدالجبار جو نیچو اپنی کتاب ”سراہیکی شاعری.....

ہک مطالعہ“ وچ انہیں دی شاعری کوں شامل کیجے۔ (6) ایندے علاوہ ڈاکٹر نبی بخش بلوچ دامترب کیتا ہویا شاہ لطیف دا ہک ”رسالو“ میڈی نظر توں گزریا اوندے وچ وی ایہ سرائیکی شاعری شامل ہی۔ تاہم ڈاکٹر نبی بخش بلوچ ہک جاہ تے ایندے نال اختلاف وی کیجے اے اینکوں ہک شاعر نورنگ لغاری دا کلام آکھئے لیکن مطبوعہ ”شاہ جور سالو“ جیرھے ویہہ بیت اے ڈو وائیاں (کافیاں) موجود ہن انہیں وچ نورنگ لغاری دا ناں موجود کائے۔ ایندے علاوہ شاہ لطیف دے رسالے دے قلمی نسخیں وچ وی ایہ سرائیکی شاعری موجود ہے۔ کئی جام پوری اہٹی تحقیق وچ ایہ شاعری شاہ لطیف دی قرار ڈیندن۔ شاید ایس اختلاف دی وجہ کنوں ”شاہ جور سالو“ دے بعض مرتبین سرائیکی شاعری کوں ایس رسالے وچوں کڈھ ڈتے۔ لیکن میڈا خیال ہے جو اے شاہ لطیف دی شاعری ہے کیوں جو شاہ لطیف دے جیرھے قلمی نسخیں دی بنیاد تے انہیں دا کلام کٹھا کیتا گئے انہیں وچ ایہ کلام موجود ہے۔ ایندے علاوہ ایہ شاعری شاہ لطیف دی سندھی شاعری دے مزاج دی نمائندگی وی کریدی ہے۔ ایندے وچ سندھی شاعری والا تاثر موجود ہے اے شاہ لطیف دی پسندیدہ اصناف نال تعلق رکھیدی ہے پیالٹے ڈکشن اے مفہوم دے حوالے نال شاہ لطیف دے مزاج دی نمائندہ ہے اے کئی جاہیں تے انہیں اپنا تخلص شاہ وی استعمال کیجے۔ آخر وچ انہاں دا کلام ڈیکھو:

### کافیاں

عشق تہاڑے گھائل کیتا، وو میڈے میاں

او ، او ، درد را بھجن دے

او ، او ، درد

ہک جئیں سوہٹا پہچے بے پروائی

وو حال طیب پچھدے لوں تھکے

(2)

عشق رانجھن دا لگا میکوں  
 راتاں درد، ڈینہاں درماندی، لوکاں خبر نہ کائی  
 موکھے مرض ماریو، بچن، ہتھ سگھائی  
 دردوں دن درد، جو آہیں توں الہی

(3)

رانجھا، دو میں تپڈڑی آہیاں  
 او تیں آندی، بانھی دو  
 میں تپڈے واسطے رہیاں دو  
 دو میں پی دو، میں نال وسار نہیں  
 چینگ لایا میں نوں، کوک سٹایا کنیں نوں  
 منتر ساڈا ہوسے تیں نوں نالے واسطے او دو  
 دو، میں پی دو، میں نال وسار نہیں

(4)

لایا عشق پلینا  
 نیٹاں یار دے اکھیاں وی پرچی  
 اٹھن بہن آرام نہ آوے، من نہیں دل کھسی کینا  
 آکھے احمد ناں نمائی وے کیا کھسی کینا

(5)

عشق برہ تمام دو لوکو  
 موت لکے یار لوکو

سچ سستی جھپ نہ آوے عیٹاں نندر حرام  
راتیاں جاگن، صاحب سنبھالن، ایہو فقیراں کام

(6)

درد رانجھن دے ہے ماریے  
اوئے درد رانجھن دے  
ہک گھڑی دے ڈیکھن کیجے گھن گیا وڑی ساری  
کوئی حکیم طیب بتاؤ بچو داروں دل دا قراری

(7)

جاں جاگاں تاں ہیں دو نال ڈھولن دے  
ایں جاگن کنوں سمھن چنگیرا جس جاگن ماں کٹھی دے  
خواب خلوت پایاں اس بیداری ماں مٹھی دے  
جاں جاگاں تاں جانی گیو اس کاتی ماں کٹھی دے

(8)

مِل جامل جامل جا..... چوری چوری  
بھجن ساکوں مِل جا !  
بادل بر سے دھوی چمکے بوند پڑے تھوری تھوری  
صاحب دیوانہ ، نشانہ گھوری گھوری  
بھجن ساکوں مِل جا

(9)

جوگی کس کا میت رے  
سامی کس کا میت رے

جاتی رے جانتی

ناکا ہوی ماتا گوپی ناکا ہوی پریت رے  
برہ لائی اس منڈل میں کوئی نیت رے

(10)

میندی لاوٹ ڈے جیوے شاہ میندی لاوٹ ڈے

حسینا بیج وچھاوٹ ڈے

میندی میڈی رنگی چولا لال گلال

ماء پیو ڈترا سہرا خیر نمائی دے نال

(11)

لوچدا دے لوچدا دے بلوچ دا

میرا من بلوچ دا

پیراں نوں سڈیندیاں سگر پھیدیاں

اللہ ہو ملاوے پنوں کچ دا

(12)

گھونگھٹ کھول کھڑیں ، ہو بنڑ چھی والا یار

ہوسیلا والا یار ، ساکوں طلب ملن جی یار

گھونگھٹ کھول کھڑیں

چھلیں بھری جھنڈی تاریں بھری رات !

شاہ لطیف فقیر اللہ دا فقیر اللہ دی ذات

دست تہڈے وچ سوہنیاں کنگٹیاں

چھوڑ لیٹی وال .....

(13)

وہ، رانجھن ہیر پیرا گن ہوئی  
 رانجھن متھے جو لہل ہیر متھے جالوئی  
 جنیں تن رانجھن چارے منجھیاں کون تن ڈیکھاں سوئی

(14)

سبھ نہ لایا عینہہ وے ماہی سبھ نہ لایا عینہہ!  
 رات اندھاری حاکم ڈاڈھا جھر مڑ وسدا مینہ  
 سبھ نہ لایا عینہہ.....  
 ہلاں تاں بھے چولڑو ، ولاں تاں ملے عینہہ  
 سبھ نہ لایا عینہہ.....  
 سینے اندر عینہہ رانجھن دی پلے گے شینہہ  
 سبھ نہ لایا عینہہ

(15)

کون پچھے گجھ دل دا ہادی پنا  
 کون پچھے گجھ دل دا.....  
 اللہ والی کرم کریگا ، رب دلیں دا قفل کھلے گا  
 ایسے کچھیں چنگیاں لوکو یار اساڈا دل دا  
 لام ازل کنوں عشق پیوسے نام سیں دا درس گھدوسے

(16)

راہ مسافرا وے واٹ مسافرا وے  
 لٹیاں وو میاں.....

دور کیاں دی خبر نہ کائی  
 کچھ کچھ ویندیاں نوں میں ہئیاں!

(17)

کیڑھے ویلھے دل لگیاں  
 کچھ نہ جاٹن لوگ!  
 گھاء عشق دا مچھدا ناہیں  
 ظاہر کیا تن آہیاں

ڈوہڑے

(1)

درد ونداں دے دَر تے میں ککھ بگلی دا تھیواں  
 لگے داء جڈاں ، میں اڈرتے چلھ وچ چا سٹیواں  
 مری محبوب کرے اراںجھے ہو پھوکے تے میں جیواں

(2)

مردیاں رانجھن مَر ویساں ، ہیر سڈیسیں کیکوں  
 تیرا شوق نال منجھیندے چینک لایا میکوں  
 توں جیہاں میکوں اور نہ کوئی میں جیہاں لکھ تیکوں  
 بگلی اساڈی آ میاں جٹاں ول ول تایا میکوں

(3)

رانجھن والا زہر پیالا بگھڑی آئیم بھاجی!  
 ماء پو کنوں چوری پتیم ، کیتیم روح راضی

دل جی قاضی دل تھی جاٹے توں کیا جاٹیں قاضی

(4)

کچھ آسیں توں یار اساڈا کچھ یاراں دی مستی  
رانجھا کھسے کھیڑا ، توں ڈیکھ جٹاں دی مستی  
سارے جگ وچوں ہک دوست کیتو سے لوک تمھاں توں کھستی

(5)

اساں لوکاں دے کان نہیں لوک اساں کوں دہے  
ہکری داگوں آپ گہائیں بیدرداں دے اہے  
کڈھ کتابت کھول مسئلہ عشق شرح کیا لگے

(6)

چوٹیاں میڈے ولبر دیاں کوئی چھوڑ نہ ڈیون سادھے  
ڈو عیاں دے ڈیکھن کیتے وسہر نانگ ورا دھے  
جے بھنے سو بھن چھٹے جے کھڑے سو کھا دھے

(7)

قاضی کڈھ نہ کاتی، ڈے تے دھڑکائیں گسٹ قبول کریاں  
ماہی کیتے موت قبولیاں کھیڑیاں مول نہ ویساں  
جے رانجھو مینوں سڈ کر یسی ، میں جند قربان کریاں

(8)

لکھ کتابت تینوں ڈیواں جے ولبر کوں پہنچائیں  
جیویں آکھاں تیویں آکھیں ویندیں پل نہ لائیں  
بگل وچ کپڑا شیر زباناں دست پیراں تے پائیں



میں بر صبح غلام تباہا ، دل تے رنج نہ لائیں

(9)

عشق کنوں سبھ حاصل کیتم ملے سول جے سمھاں  
وطن کنوں بابل پئی کتنی کنوں اتاں  
جے میں جاٹاں عشق ڈو ہیلانینڈیائی مر وچھاں

(10)

تن بھی نکلڑے من بھی نکلڑے جیویں درزی دیاں لیراں  
انہاں لیراں دی بگل کفتی پا کر رلساں سنگ فقیراں  
تتیں جیہاں میکوں ہور نہ رانجھا میں جیہاں لکھ ہیراں

(11)

داغ دُرونی سوز ماہی دا گھن قبر وچ ویساں  
کھیڑے وی میں ہوئی نہ ہوساں جے وت دوزخ سڑساں  
منکر آتے نکیر دے اہوں حرف پلو میں پڑھساں  
جے رانجھا میکوں آن یلو جو شاہ آکھیا سو کرساں

(12)

سُن دے سگ میں سگ پیڑا توں سگ پیڑے ولیر دا  
کھائیدے طعام سٹیدے لقمہ ، تیکوں پاک نظر دا  
انھیں لقمیاں وچوں لقمہ ڈیویں تھیوے قوت قبر دا

(13)

اللہ اللہ تے م محمد علی علی کر جاٹاں  
عرشوں لتھیاں چار کتاباں پڑھیاں مسلماناں

وچ تاداں زیراں زبراں میں کیڑھا حرف سُجھاں  
قلم ربانی کون مٹاوے مر جاواں تے کجھ جااں

(14)

درد ونداں دی بھٹی تتی پالٹن والے تھولے  
تڈھے لاء کوں عینہہ لایوسی چترنگ پئی وچ چولے  
بخش بخشن والا عینہہ لایوسے وچ ویر بھولے

(15)

چنڈ مبارک تمھاں کوں کبھی یار جھماں دے رُٹھے  
بگل کوچے پھرن نمائے ڈو نیناں دے کٹھے  
بجن ساہندن میھی جئی کیا جااں کتھ اُٹھے

(16)

کیڑے دی مول نہ ہوساں جی دوزخ وچ سرساں  
مکر تے نکیر اپوں حرف اہوٹی پڑھساں  
شاہ رانجھو مینوں آن ملاؤ جو شاہ آکھیا سوکرساں  
رخصت پاجھو یار رانجھو دی وچ جنت نہ دڑساں

## ابیات

(1)

چولے میلے صابن تھولا کتلی ملل دھواں  
سینے اندر داغ یاراں دا بے ڈیکھاں تاں ترواں

(2)

رانجھن میڈا بگری شکر اتے میں بن بن طعماں تھیواں  
کڑی کلاٹالے جاوے ، میکیوں کھاوے تے میں جیواں

(3)

ہک جئیں سوہٹاں ، پیچے دل ڈاڑھا تنجھے بے پروائی  
آہ کراں تاں جگ کھلے ، لوکاں داد نہ پائی

(4)

کالے وال لطیفاں والے اکھیاں بن مشعلاں  
یک دیاں نوکاں ڈیون چوکاں دل دل کہیں کنگلاں

(5)

حاکم تھیواں ، حکم چلاواں ، عشق انکارے پاواں  
جیکوں عشق نہ چاٹرا ، سوکھے قتل کراواں

## حوالے

- 1: مہر، غلام رسول، تاریخ سندھ جلد ششم، (عہد کلہوڑا، حصہ دوم) سندھی ادبی بورڈ۔ حیدرآباد 1958ء۔ صفحہ 1073-1074
- 2: تھمد، نور محمد، مہر، تاریخ بھکر جلد اول، لوک پنجاب پبلشرز، لشکری والا ضلع لیہ جون 2009ء۔ صفحہ 210
- 3: جونیجو، عبدالجبار، ڈاکٹر، سراینیکی شاعری (ایک مطالعہ) بزمِ ثقافت ملتان 2011ء۔ صفحہ 52-59
- 4: جونیجو، عبدالجبار، ڈاکٹر، سراینیکی شاعری (ایک مطالعہ) بزمِ ثقافت 2001ء۔ صفحہ 62
- 5: جونیجو، عبدالجبار، ڈاکٹر، سراینیکی شاعری (ایک مطالعہ) بزمِ ثقافت 2001ء۔ صفحہ 47-51

## لطف علی: حیاتی اتے شاعری

سرائیکی شاعری دا جیرھا محفوظ ریکارڈ اڄ اسان کنیں موجود اے او تقریباً  
ہک ہزار سال دا ہے۔ اوں دور دی شاعری مذہبی نوعیت دی ہئی اوندے بعد وچ  
اسا کوں سرائیکی وچ ڈوہڑہ نظر اندے تے دل منویاں تے کافیاں وغیرہ۔

اڄ کنوں تقریباً چار سو سال پہلے سرائیکی شاعری اپنٹے موضوعات اتے فن  
دی رونال اپنٹے عروج تے پچی ہوئی ہئی۔ ایں دور دی شاعری دا زمانہ بلاشبہ سرائیکی  
شاعری دا سنہری زمانہ ہا۔ خواجہ فریدؒ (1845ء تا 1901ء) جنہیں نے سرائیکی  
شاعری وچ وڈا ناں کمائے اتے کافی کوں نواں رنگ ڈھنگ ڈتے انہاں کنوں پہلے  
حقیقتاً سرائیکی شاعری ارتقا دیاں پوریاں پوڑیاں چڑھ چکی ہئی۔

چراغ اعوان (1660ء تا 1732ء) علی حیدر (1689ء تا 1777ء)  
سچل سرمست (1739ء تا 1827ء) لطف علی (1732ء تا 1810ء) عبدالحکیم  
اچوی (1161ھ) قادر بخش بیدل (1739ء تا 1872ء) اتے حمل لغاری  
(1809ء تا 1879ء) دے علاوہ بے ان گنترا مجھے شاعر ہن جنہیں اہٹی اہٹی  
پسندیدہ اصناف وچ بے مثال شاعری کیتی۔

خواجہ فریدؒ اتے کئی سرائیکی شاعریں دا اثر اے جیندے وچ ہک لطف علی وی  
شامل اے۔ لطف علی بارے خواجہ فرید نے آکھیا ہا جو طالپیں (ساکلیں) دی رہنمائی واسطے  
لطف علی دی مثنوی سیفیل نامہ (سیف الملوک) جہیاں کوئی کلام کینیں۔ میں اپنٹے سلوک  
دے ابتدائی مرحلیں وچ اوندہ ہک ہک بند روزانہ ڈوڈو گھنٹے وچ یاد کریندا ہم، خواجہ فرید  
دے علاوہ لطف علی دا کئی ہنھیں شاعریں مثلاً حمل لغاری وغیرہ تے وی ہوں اثر۔

جیہڑھا اوندے ڈوہڑیں وچ آسانی نال ڈٹھا وچ سگدے، ایندے علاوہ لطف علی دی مثنوی سیفل نامہ دے اثر دے نتیجے وچ کئی شاعریں سیفل نامہ یا سیف الملوک دے نال نال آٹھیاں آٹھیاں مثنویاں لکھیاں۔ قاسم علی شاہ لطف علی دی مثنوی دے مقابلہ بہ مثنوی لکھی جیہڑی تک نہ سگی، اینویں مخدوم محمد بخش نے دی لطف علی کوں اپنا روحانی استاد قرار ڈے تے سیف الملوک دے نال نال مثنوی لکھی مگر اووی مقبول نہ تھی سگی۔ لطف علی دی تاریخ پیدائش اتے تاریخ وفات دے علاوہ اوندی جائے پیدائش بارے وی اختلاف اے۔ تاہم زیادہ محققین ایں گالھ تے متفق ہن جو لطف علی 1732ء وچ بہادر پور ضلع رحیم یار خان وچ جایا۔ اوندے والد دانا غیاث الدین ہا۔ او ذات دا نچڑہ ہا۔ لطف علی اپنے زمانے دے رواج مطابق عربی فارسی دی تعلیم حاصل کیتی اتے ملتان وی پڑھا رہیا۔ اوں شادی وی کیتی جیہڑے وچوں بہ اولاد تھی۔ لطف علی نواب بہاول خان ثانی (1772ء تا 1809ء) دے دربار نال وی منسلک رہیا۔ ایہہ ملتان وچ نواب مظفر خان شہید (1779ء تا 1818ء) دا زمانہ ہا جیہڑا ذکر لطف علی نے وی کیتے۔ لطف علی عام طور تے بہ سیلانی آدمی ہاتے زیادہ زندگی ٹر پھرتے گزاری۔

ہردم کرے دعائیں تیکوں لطف علی سیلانی

لطف علی 1810ء وچ فوت تھیا اتے مومبارک ضلع رحیم یار خان وچ دفن

تھیا جتھاں اوندی قبر زیارت گاہ عام و خاص اے۔ لطف علی دی شاعری وچ قدسی نامہ، قصیدہ مخدوم جہانیاں جہاں گشت، ڈوہڑے اتے مثنوی سیفل نامہ مشہور ہن، البتہ انہیں دی ساری شاعرانہ شہرت دی بنیاد سیفل نامہ اے۔ توڑے جو انہیں دے ڈوہڑے وی بہ دور وچ خاصے مقبول رہن۔

لطف علی دا ڈوہڑہ بہوں موثر اتے شاعرانہ شیرینی تے لطافت نال بھر پور

اے اتے اوندے وچ جذب دی کیفیت ملدی اے۔ او انسان دے رومانی

احساسات دی شاندار نمائندگی کریندے۔

کھوہ ڈٹھے خوش روح تھیوے، دھم آون کر کرڑا، یاں میں گھوڑیاں  
 کئی وت بحریاں کئی وت بدلیاں کئی وت رنگ مہوڑیاں میں گھوڑیاں  
 کئی کوں ساویاں کئی کوں پیلیاں چھک پیاں گل چوڑیاں میں گھوڑیاں  
 ترے پکے پیر سوہناری دھون ڈون پھندھوڑیاں میں گھوڑیاں  
 ہانہیں اُلا رن جھانے مارن چونڈ بھریندیاں جوڑیاں میں گھوڑیاں  
 لطف علی کوں خوش کریندیاں کر کرڑا مٹھوڑیاں بوڑیاں میں گھوڑیاں

چھنوک پیا رُخسار اتے ہک وال ڈٹھم من والا بیشتر کالا  
 درد وندیاں تے دید کرے درک مارے ڈنگ اُہا لھا کرے نہ ٹالا  
 کیا وت بات بیان کرتے کیاں وت رنگ نرالا افضل اعلیٰ  
 رخ دلبر دے روپ اتوں میں گھول گھتاں گل لالہ گلشن والا  
 میں کاہل کمزور نہایت بار برہ سر بالا کریں سنبھالا!  
 لطف علی مشتاق مدن کوں میل بجن متوالا، یارب تعالیٰ  
 ”قدوسی نامہ“ لطف علی دی ہک چھوٹی جہیں نظم اے مگر اپنے زور بیان دی  
 وجہ کوں مشہور اے اوندے وج لفظیں دا استعمال تے بندش ہوں سوہٹی اے۔

واہ صاحب سبحان سچا جنیں جوڑ جہان ڈکھایا  
 خاک اتے افلاک منظم غیر ستون کھڑایا!  
 نال حکم حکمت دے ساں جوہر کار حکیم جویندا  
 تارے آمن تارے کوں شہ تارے سخت لُوھیندا  
 نہ ہس نزدیک رفیق کوئی ہر بات بڈیدا آپے

ہر ویلھے ہر ساعت قادر قدرت سیتی جا پے

وقت دے نال نال لطف علی دے کلام وچ کی بیشی تھیدی رہی اے۔ اتے سیفل نامہ وچ وی ایہہ عمل جاری رہے۔ تاہم سیفل نامہ دیں فنی خوئیں تے ایندا کوئی اثر نہیں تھیا۔ سیفل نامہ اپنے زور بیان دی مثال آپ اے۔ پوریں سرانیکی مثنویں وچ ایندا کوئی مقابلہ کئے نہیں۔ ایہہ مثنوی شہزادہ سیفل الملوک اتے پری بدیع البانودے عشق دی داستان اے۔ عام طور تے ایں قصے کوں ہندوستانی قصہ آکھیا ویندے توڑے جو ایہہ الف لیلیٰ دے بعض نسخیں وچ وی شامل ملدے۔ ایں قصے کوں لطف علی کنیں پہلے اتے بعد وچ ہوں سارے شاعرین مختلف زبانیں وچ نظم کیچے۔

لطف علی کجھ کوڑ نہ بولیا آندس نقل کتابوں

سیف الملوک مصر دا ہک شہزادہ پری بدیع البانودی تصویر ڈکھ تے اوندے اتے عاشق تھی گیا اول اوندے نال شادی کرن دے ارادے نال نکل کھڑا تھیا۔ اوراہ وچ بے پناہ مشکلیں داشکار تھیا۔ تاہم پری تائیں وچ حجیا اتے شادی کرتے اپنے وطن ول آیا۔ بعض صوفیاء جیندے وچ خواجہ فریدوی شامل ہن ایں قصے کوں علامتی انداز وچ گھندن۔ اوسیف الملوک کوں ہک سالک دی شکل وچ ڈیکھدن اتے سیف الملوک دیں ساریں مشکلیں کوں سلوک دیں مشکلیں نال مشابہہ سمجھدن لیکن کجھ بے جدید اہل علم ایں قصے کوں نسل انسانی دی نفسیات دے حوالے نال ڈیکھدن۔ او ایں قصے کوں انسانی خواہش اتے خواہیں دی عکاسی اتے اوندی تسکین تے تکمیل دانفسیاتی روپ سمجھدن شاید ایہا وجہ اے جو ایہہ مثنوی ماضی دے ہر دور وچ مقبول رہی اے۔

میں ایں سلسلے وچ ہک مضمون وی لکھیم۔ داستان سیف الملوک دانفسیاتی

پس منظر جیر ہامپڈی کتاب ”نارے“ وچ شامل ہے۔

لطف علی آہٹی ایہ مثنوی جون 1781ء (1195ھ) وچ مکمل کیتی۔



روز خمیس ختم تھیا دفتر سن تاریخ لکھیوے  
 بارھویں سخت صدی توں ہک پنجک آن گھٹیوے  
 ماہ مبارک رجب دی ستویں پہہ کر گرہ پگٹیوے  
 فیصل تھیا ایہ سیفل نامہ یارو کھول اکیوے

سیفل نامہ دی تکمیل دے بعد لطف علی اوکوں نواب بہاول خان ثانی دی  
 خدمت وچ پیش کیتا اتے ہک گھوڑے دا انعام طلب کیتا۔ توڑے جو ایہ افسانہ مشور  
 اے جو اوں ہک کینز طلب کیتی جیدے نال او محبت کریندا ہا۔

ڈے کچھ خیر تے خیر ہو وی پووی قبول کمائی  
 میکوں بہرہ بخشیں جو رب ڈتی ہئی وڈی وڈائی  
 ڈے نقرہ تا زندہ ہووے اہلق طرح نکھائی  
 ہووے رنگ کیت اسپ دا ایادت رنگ سمائی  
 تازی بخش خوشی ساں غازی صاحب جو دعطائی  
 دائم کرے دعائیں تیکوں لطف علی ثنائی!

لطف علی دی شاعری بلاشبہ وڈی شاعری دے زمرے وچ آندی اے۔  
 سب کنوں اہم گلہ ایہہ اے جو ڈوسو سال کنوں وی زیادہ عرصے پہلے لکھی وچن  
 دے باوجود سیفل نامہ وی زبان اہچ دی جدید سرائیکی لہدی اے جتھوں پتہ لگدے جو  
 لطف علی داسانی شعور ہوں پختہ ہا۔ لطف علی اپنے ڈوہڑے دے برخلاف سیفل نامہ  
 وچ بے شمار فنی خوبیوں دا حامل اے۔ اوندے وچ منظر نگاری کمال دی اے۔ کردار  
 نگاری تے جذبات نگاری وی آہٹی مثال آپ ہن۔ سیفل نامہ جزایات نگاری دے  
 باوجود کتھائیں غیر ضروری طوالت دا شکار نہیں تھیندا۔ لفظیں دے انتخاب، انہیں دے  
 استعمال اتے بندش اتے وی شاعروں پوری دسترس حاصل اے۔ ایندے علاوہ لطف

علی کون لفظیں دے صوتی تاثرات داوی شاندار ادا رک حاصل اے۔

جانی ہا جھ جمعیت اوکھی جیوٹ کوڑ دلا سہ  
 پاسا مار پریم دا ڈے شہ نہ پلنگیں پاسہ  
 رتی رت نہیں وچ جتے دے ماس نہ تن تے ماسہ  
 زری اتے زربفت نہ پارس اطلس مکمل خاصا  
 سمھن بہن آرام و نچالیں چین خوشی کھل ہاسہ  
 و سری مصری مصری کوں جاں چکھیں پریم پاسہ  
 لطف علی شہ کاٹ پری دے رہے ہمیشہ پیاسا

شہزادہ سیف الملوک دے بگری پڑے دی تباہی دا ہک منظر ایس اے جو

سارا نقشہ ساڈے سامنے آویندے۔

ہک ڈینہ جھو لہے جھوہ کنوں چڑھ کیتی تزک نکھائی  
 گرد غبار بخار اٹھیا چودھار اندھار سمائی!  
 دلتھی کر گھیرا گردوں، گردوں گرد اٹھائی  
 پیا کڑکات دھنداٹ دھماں دھم گم شوکاٹ ڈکھائی  
 چھولیاں ڈیون اچھل کے چھل، لہزاں کرن لڑائی  
 سے چکار پودن بجلیاں دے عکس ڈے لعلائی  
 کھیوٹ گڑ کر کڑ کڑ لتھا جھر مرینہ پوائی

جذبات نگاری دی عکاسی کریندیں ہوئیں لطف علی شہزادے سیف الملوک

دے غم دی کیفیت کوں ایس بیان کریندے۔

و سری سیج رنگیلی شہ کوں چوندگ لگی رت رووے  
 پاکاں نال ہنجوں دے داٹے موتی مشل پرووے  
 نالے وہن ہنجوں دے نالے ذرے ذرے منہ دھووے

تیں ندر وچائی سیفل پلک نہ پلنگیں سووے  
 ہائل مول نہ تھیوے مائل پر جے عاشق ہووے  
 اوکھا بار برہ دا بارا برس چا کھڑو دے  
 لطف علی ہر کاروں عاشق فارغ ہو کر رووے

لطف علی آپنی زندگی دے تجربے کوں وی جاہ جاتے ہوں سوئے انداز

وچ شعری قالب ڈیندے:

لطف علی اتھ بھوگے ہر کوئی لکھیا روز ازل دا

.....  
 لطف علی مسکیناں کوں رب ڈیندے رزق ہوائی

.....  
 ہلکیں مول نہ رہندے عاشق ول دل تھیوٹا اگیرے

ایویں لطف علی سراہیکی محاوریں کوں اپٹے کلام وچ انتہائی مؤثر انداز وچ درتیندے:

ولیں وٹا پیرا گن تھیاں میل بھھوت ملیساں

توں الیلے جوگی ساں میں جوگن تھی چلیاں

سینگیاں سنگ سہلیاں دے سھ صدقے گھول گھھیاں

جو ڈکھ درد کشالے آسن چم نال اکھیں سر چھیاں

مہٹیں دے پوسہرے پیساں پیت پریت پلیساں

سوہے شوق محبت دے سر آٹھیں پا ہنڈیاں

مختصراً لطف علی داسراہیکی کلام فنی خوبیں نال مالا مال اے اتے سراہیکی

کلاہیکی شاعری وچ سرفہرست اے۔ لطف علی دا کلام نہ صرف خود زندہ اے بلکہ بعد

دے آوٹن والے شاعریں وی استادانہ رہنمائی داکم وی ڈیندا رہے اتے آج تائیں

اے اساڈے ذوق دی تسکین داسامان فراہم کریندے۔

## خواجہ فرید، اقبال تے نیشے

خواجہ فرید (1845ء تا 1901ء)، اقبال (1876ء تا 1938ء) تے نیشے (1844ء تا 1900ء) اگرچہ زندگی بھر ہک پے کوں نہ ملے ہوسن۔ کیوں جو ایہہ تریئے شاعر تے فلسفی ہک پے کنوں پرے وسدے ہن لیکن انہیں دی زندگی دے بعض واقعات تے سوچیں وچ دلچسپ مطابقت ملدی اے۔ جیڑھی اساڈے موضوع تے مطالعے واسبب تھی اے۔

خواجہ فرید 1845ء وچ ہک مذہبی گھرانے وچ جے تے انہیں دے والد محترم چشتیہ سلسلے وچ پیر و مرشد دے مرتبے تے فائز ہن۔ انیویں نیشے 1844ء وچ ہک مذہبی گھرانے وچ جایا تے اوند اوالد پادری ہا۔ اقبال دا خاندان وی ہک مذہبی خاندان ہا۔ انہیں تریئے فلسفیں ابتدائی تعلیم مذہبی طریقے نال حاصل کیتی۔ بعد وچ خواجہ فرید اپنٹے بھراء دی جاتے سجادہ نشین تھئے تے درس تدریس دا شغل اختیار کیتا۔ اقبال وی کجھ عرصے واسطے کالج وچ پروفیسر بن گئے تے نیشے وی پروفیسر بنیا لیکن اپنٹے ہم عصریں دے الٹ خدا دے وجود کنوں منکر تھی گیا۔

ایہہ ترے فنکار بنیادی طور تے بھرپور تخلیقی صلاحیتیں دے مالک ہن تے تریخیں شاعری کوں ہک ذریعہ اظہار بنا گھدا۔

انہیں دانشوریں دے نظریات وچ بنیادی حیثیت مرد کامل دے تصور کوں حاصل اے۔ خواجہ فرید (1845ء تا 1901ء) تے نیشے (1844ء تا 1900ء) اکل ہم عصر ہن تے ہک پے کنوں ہزاراں میل دور ہن۔ اساں یقین نال آکھ ندوں جو انہیں ناصر ہک پے دے خیالات نہ سٹے ہوسن بلکہ ہک پے دے نال

کنوں دی واقف نہ ہوں۔ ات واسطے انہیں دے نزدیک چیزھے مرد کامل دا تصور ملدے او یقیناً انہیں ڈوہیں دا آپٹا اے۔ لیکن اقبال دے مرد کامل دا تصور نیٹھے نال لیکن اوندیاں صفتاں خواجہ فرید دے مرد قلندر نال ملدن۔ نیٹھے دامرد کامل جیکوں او Overman آہدے۔ طاقت دی علامت اے۔ نیٹھے دے Overman کون زندگی وچ نیکی دی تھیں، طاقت دی ضرورت اے۔ او کہیں اخلاق دا قائل کئے نہیں بلکہ او طاقت نال کمزوریں تے غلبہ حاصل کریندے۔ Overman اخلاق کون کمزوری سمجھدے تے خیر و شرکوں محض اضافی حیثیت ڈیندے۔ اوندے نزدیک طاقتور آدمی ای نیکی دا اعلیٰ نمونہ پیش کر سگھدے۔ مساوات تے انصاف بقائے صلح دے خلاف ہن۔ اوندے نزدیک عزم ای زندگی دا ہک مقصد اے۔ Overman دے نزدیک کمزور انسان کون زندہ رہن دا کوئی حق کئے نہیں۔ Overman اوں دور دی زندگی دی نمائندگی کریندے جیرھے انسان تہذیب تے شہریت کون قبول نہ کیتا ہا بلکہ او جنگل وچ طاقت دے بل تے زندگی گزریندا ہا۔

خواجہ فرید دے نزدیک مرد کامل دا تصور Overman دے تصور کنوں مختلف اے۔ خواجہ فرید اپنے مرد کامل کون قلندر آہدے تے قلندر دیاں صفات ہک مثالی مسلمان صوفی دیاں ہن۔ یعنی او اپنی ذات دا شعور رکھدے تے انسانی عظمت تے اوندیں صلاحیتیں کنوں واقف اے۔

آہن قلندر روز و شب پہنچی خودی میں خود غرق  
خواجہ فرید دا قلندر خدا تے پکا ایمان رکھدے۔ او نیٹھے دے over man  
وانگول لاندہب کئے نہیں۔

بٹھ وہم خطرے دی ادا ڈو جھا نوہی ہے ہک خد  
اندر تے باہر ہے سدا موجود حق موجود

خواجہ فرید دا قلندر ظاہری عبادت ڈ وگھٹ توجہ ڈیندے بلکہ او ذات واحد  
دے جلوے وچ مست اے۔

حاجت نہ صوم و صلوة دی خواہش نہ حج زکوٰۃ دی  
چاہت نہ ذات صفات دی بہک شان وحدت دی مرک  
قلندر دنیا دے حرص وچ غرق کئے نہیں تے او جاہ مال دا خواہشمند کئے نی۔

نہ طلب ملک تے مال دی نہ غرض جاہ و جلال دی  
مستی خدائی خیال دی پونے نہ آدم جے تے تک  
قلندر اگرچہ روحانی علوم تے دسترس رکھدے۔ تے سلوک دے مراحل  
وچوں گزر چکئے مگر او ہرگز مغرور نہیں بلکہ خاموشی کوں اپنا وظیرہ بنا رکھے۔

توٹے جو دریا نوش ہن پرجوش تھی خاموش ہن  
اسرار دے سر پوش ہن صامت رہن مارن نہ بہک  
قلندر کڈاپیں مشکلات کتوں نہیں ڈردا بلکہ ہمت نال اٹھی منزل ڈو  
دو دھار ہندے۔

اٹھی حقیقت بگول توں بے کوں نہ اصلوں پھول توں  
رکھ یاد ساڈا بول توں آئیں نہ شک ہے محض پک  
آؤہن ذرا اقبال دے مردِ کامل تے نظر ستوں جیندے وچ تے خواجہ فرید  
دے مردِ قلندر وچ بنیادی خصوصیات مشترک ہن یعنی او ڈوہن قلندر خدا تے ایمان  
رکھن تے اعلیٰ اخلاقی صفات دے حامل ہن لیکن انھیں دے مزاج وچ کجھ جزوی  
اختلاف وی ہے۔ اقبال د امرِ کامل بہک مجاہد قسم د امرِ دہے لیکن خواجہ فرید دا قلندر انسان  
دوست صوفی ہے۔ مگر اے جزوی اختلاف نیٹھے دے Overman دی صفات  
واگوں متضاد کاسی۔ اقبال دے قلندر دا تصور ملاحظہ ہووے:

ہاتھ ہے اللہ کا بندہ مومن کا ہاتھ غالب کار آفرین کار کشا کار ساز  
خاکی و نوری نہاد بندہ مولا صفات ہر دو جہاں سے غنی اس کا دل بے نیاز

مصارف زندگی میں سیرت خولا پیدا کر شبتان محبت میں حریر پر نیاں ہو جا  
گزر بن کے سیل تند و کورہ بیلہاں میں گلستاں راہ میں آئے تو جیسے نغمہ خواں ہو جا

کوئی اندازہ کر سکتا ہے اس کے زور بازو کا نگاہ مرد مومن سے بدل جاتی ہیں تقدیریں  
اقبال، خواجہ فرید دے کلام کنوں واقف ہن تے بہک روایت دے  
مطابق آکھیا ہانے جو جیوھی قوم وچ خواجہ فرید دی شاعری موجود ہے اوں قوم دے  
وچ عشق دانہ ہووٹ حیرت انگیز ہے۔ ات واسطے اگر اساں آکھوں جو اقبال عقل و  
مستی دے علاوہ قلندر دا تصور وی نیٹھے دی بجائے خواجہ فرید کنوں گھدے۔ تاں غلط  
نہ ہوسی۔ تاہم انھیں ڈوہیں مفکرین دے مرد قلندر دے تصور پچھوں اسلام دا نظریہ  
زندگی کم پیا کریندے۔ اقبال کئی جاتے خواجہ فرید واگوں اپنے مرد کامل کوں  
”قلندر“ نال مخاطب کیجے:

مہر و مہ و انجم کا محاسب ہے قلندر ایام کا مرکب نہیں راکب ہے قلندر  
خواجہ فرید کئی جہیں تے خود کوں قلندر دے روپ وچ پیش کیجے۔

اساں سو بد مست قلندر ہوں کڈیں مسجد ہوں کڈیں مندر ہوں  
ہیوں او تلاش تے رندا ساں پتی نودی ہے ہند سندھ اساں  
ہیوں بیشک عارف چند اساں کل راز رموز دے فقر ہوں  
ایںویں اقبال وی خواجہ فرید دی تقلید وچ خود کوں قلندر آبدے:

بیابہ مجلس اقبال ویک دوساں غرکش اگرچہ سر نہ تراشد قلندری دا ند

خوشی آگئی ہے جہاں کوں قلندری میری      وگرنہ شعر مرا کیا ہے شاعری کیا ہے  
مرد کامل دے تصور دے علاوہ خواجہ فرید اقبال تے میٹھے دے نظریات وچ  
کئی بییاں خصوصیات دی مشترک ہن۔ وجودی فلسفیں دا گوں صوفیاء دے نزدیک وی  
ظاہری علوم انسان کوں حقیقت تائیں نہیں بچا سگدے حقیقت تائیں رسائی وچ علم  
دی ناکامی دا ذکر خواجہ فرید دے کلام وچ کئی جاہیں تے ملدے

بطلیموس تے فیثا غورث	کر کر سوچ بچار
کھوج سراخ نہ پایا پتہ	تھک پٹھے تن مار
پیر پیغمبر غوث قطب	کیا مرسل کیا اتار
کرٹ منادی رو رو کے	لایدرک الابصار
عالم فاضل عارف کامل	عجز کیا اقرار
آکھ فرید نماٹاں بھولا	توں وچ کون قطار

اقبال کوں وجودی آکھویا صوفی، بہر حال او جدید علوم کنوں آراستہ ہووٹ  
دی وجہ نال اوندی سطحیت کنوں بخوبی واقف ہا۔ ات واسطے او ندے کلام وچ وی علم دی  
نارسائی دا اول ول ذکر ملدے:

علم میں بھی سرور ہے لیکن	یہ وہ جنت ہے جس میں حور نہیں
بندۂ تہمین وطنِ کرم کتابی نہ بن	عشق سراپا حضور علم سراپا حجاب

ظاہری علوم دراصل عقل دی کاوش دا نتیجہ ہن اگر ایہہ علوم نارسائی دے  
الیے نال ڈوچار ہن تاں ظاہرے جو کوئی خرابی عقل وچ اے۔ ات واسطے عقل دی  
بجائے کوئی بیا ذریعہ تلاش کرنا چاہیدا ہے جیڑھا اصل تائیں بچا دے، خواجہ فرید دے  
نزدیک او عشق اے۔

قسم خدا دی قسم نبی دی      عشق ہے چیز لذیذ عجب



عشق کو قبول کرن نال عقل کون ٹھنٹی تھی ویندی ہے۔ خواجہ صاحب

آہن:

پیا عشق اساڈی آن سنگت کئی شدید زیر زیر دی بھت  
آتش عشق رنجھیے والی ہوش فکر دی پاڑ مچالی

ڈھاٹھ اندر وچ پلے دو یار

جو کوئی عشق مدر سے آیا فقہ اصول دا فکر اٹھایا  
بے شک عارف ہو کر پایا رمز حقیقت پوری ٹوں  
اقبال دے کلام وچ دی پوری وضاحت نال عقل دے ایسے تے عشق دی

سرخروئی دا ذکر جاہ جاہ تے ملدے:

گذر جا عقل سے آگے کہ بہ نور چراغ راہ ہے منزل نہیں ہے

بے خطر کوڈ پڑا آتش نمرود میں عشق عقل ہے محو تماشائے لب بام ابھی

وہ پرانے چاک جن کو عقل سی سکتی نہیں

عشق سیتا ہے انھیں بے سوزن و تارِ رنو

اگر ہو عشق تو ہے کفر بھی مسلمانی نہ ہو تو مرد مسلمان بھی کافر و زندیق

خواجہ فرید دے کلام وچ اشتراکیت دا ذکر نہیں ملدا۔ لیکن اقبال تے بیٹھے

دی فکر وچ ایذا تذکرہ موجود ہے۔ تے ڈوہیں اشتراکیت دی مخالفت کریندن لیکن

اٹھی اٹھی وجوہ نال۔ اقبال کون اشتراکیت دی لامذہبیت تے اعتراض ہے کیوں جو

ایہ دل دی بجائے ”ڈڈھ“ کون بنیادی اہمیت ڈیندی ہے۔

تری کتابوں میں اے حکیم معاش رکھا ہی کیا ہے آخر

خطوط خمدار کی نمائش ، ریز کجدار کی نمائش

غریباں گم کردہ از افلاک را در شکم جویند جان پاک را  
 دین آل پیمبر حق ناشناس بر مساوات شکم دارد اساس  
 اخوت را مقام اندر دل است بیج او در دل نہ در آب گل است  
 لیکن نیٹے کوں اشتراکیت دے مساوات دے فلسفے تے اعتراض ہے کیوں  
 جو ایندے Overman دے تصور دے خلاف ہے۔ اشتراکیت دے ودھ دے  
 اثرات کوں ڈکھ تے نیٹے ہوں پریشان ہا۔ او خطیبانہ انداز وچ آہدے:

”اے مساوات دے مبلغوا تساں بے بس تے مجبور ہو لیکن ایہ بے بسی  
 تہاڈے اُتے مصیبت وانگوں مسلط اے۔ این بے بسی دے جنونی عالم وچ تساں  
 مساوات مساوات دی رٹ لیدو اشتراکیت نسوانیت دی حاصل اے تے نسوانیت  
 جمہوریت دی اگر سیاسی مساوات روا ہے تاں معاشی مساوات کیوں نہیں؟ این اسلوب  
 فکر کونوں اشتراکیت جنم گھندی اے لیکن میڈی روح دیں گہرائیں کنوں آواز آندی اے  
 جو انسان کہیں لحاظ نال مساوی نہیں تھی سگدا۔ حیاتیاتی نکتہ نظر نال وی اشتراکیت ناقابل  
 قبول اے۔ ارتقاء دے عمل دا تقاضا اے جو برتر طبقات انواع تے کمزور انسان کوں لپٹے  
 مقصد دے حصول دی خاطر استعمال کرن، عوام الناس دی روز افزوں قوت اتے سب  
 دے واسطے مساوی حقوق دا مطالبہ عظیم انسانیں نال بے انصافی تے بیج تھیسے۔“

اشتراکیت دے نال نال نیٹے سرمایہ داری دے دی خلاف اے۔ اوندے  
 نزدیک انہیں ڈوہیں وچ کوئی فرق کئے نہیں۔ اشتراکیت دا دور خورد و بینی تے مبنی اے تے  
 روا داری، برابری، ضابطہ پرستی، یکسانیت تے مساوات دے رجحانات کوں جنم ڈیندی  
 اے۔ اقبال دی سرمایہ داری دے خلاف اے لیکن اوندے دلائل نیٹے کونوں مختلف ہن۔  
 گیا دور سرمایہ داری گیا تماشا دکھا کر مداری گیا

بریکاری و عریانی و مے خواری و افلاس  
یہ علم، یہ حکمت، یہ تدبیر، یہ حکومت  
کیا کم ہیں فرنگی مدنیت کے فتوحات  
پیتے میں لہو، دیتے ہیں تعلیم مساوات  
ہیں تلخ بہت بندہ مزدور کے اوقات  
خوابہ فرید دے کلام وچ اشتراکیت و انگوں سرمایہ داری دا کوئی ذکر نہیں ملدا  
البتہ انہیں ترے مفکرین دے خیال وچ بہک ہی ہم آہنگی موجوداے۔ خودی اقبال  
دے فلسفے دی بنیاداے۔ اقبال دے نزدیک خودی دا مطلب آہٹی ذات دا شعوراے۔  
خودی کیا ہے راز درون حیات  
خودی کیا ہے بیدرائی کائنات

غافل نہ ہو خودی سے کراپنی پاسبانی  
شاید کسی حرم کا تو بھی ہے آستانہ

خودی کو کر بلند اتنا کہ ہر تقدیر سے پہلے  
خدا بندے سے خود پوچھے بتا تیری رضا کیا ہے  
خوابہ فرید دے نزدیک خودی دا ایہ تصور بالکل اس شکل وچ ملدے او اپنے  
مرد قلندر دی سب کنوں وڈی خوبی ایہ بیان کریندن۔

آہن قلندر روز و شب  
پہنچی خودی میں خود غرق  
خوابہ فرید دے نزدیک خودی دا مطلب اپنے آپ دی سنبھال اے۔

آہٹی حقیقت ہگول توں  
رکھ یاد ساڈا قول توں  
ہے کوں نہ اصلوں پھول توں  
آئیں نہ شک، ہے محض پک  
فاش فرید ایہہ و عظم سٹا توں  
عالم جاہل شاہ گدا کوں  
جے کوئی چاہے فقر فنا نوں  
اپنے آپ کوں ہگولے

نیٹھے کوں تاں ہک وجودی فلسفی آکھیا ویندے۔ وجودی جیڑھا سب کجھ  
انسان دے داخل کوں سمجھدن، ات واسطے او ندے فلسفے وچ انسان دی ذات کوں خدا

آکھیا گئے۔

”میڈے بھراؤ! تساڑے انکار تے تساڑے احساسات دے پچھوں ہک  
عظیم خدا موجود اے۔ اونداناں اے ”ذات“ اوتساڑے جسم دے اندر سکونت پذیر  
اے۔“

میڈا خیال ہے جو خواجہ فرید کوں صرف صوفی شاعر سمجھیا ویندے۔ حالانکہ او  
اقبال تے نیٹھے وانگوں فلسفی شاعر ہے۔ اقبال کوں ہٹ تے خواجہ فرید تے نیٹھے  
پوسٹ ماڈرنسٹ وی بن اتے انھیں دے فلسفے وچ کئی جاہیں تے مارجل تھیم نشا بر  
ہے۔ ایندے علاوہ خواجہ فرید ہک وجودی فلسفی وی ہے۔ اتے انھیں دی فکر وچ  
وجودیت تے اثرات وی موجود جن تاہم خواجہ فرید انٹی وحدت الوجودی فکر دے  
حوالے نال ڈوہیں فلسفیں کوں دکھرا ہے۔

## خواجہ فریدوی غیر صوفیانہ تشریح

انسانی فکر دا ایہ المیہ ریہے جو او چیزیں دی منطقی درجہ بندی کریندا رہ  
 ویندے۔ اینویں ادب وچ وی صورت حال رہے۔ خواجہ فریدوی اساڈے ایس مسئلے  
 دا شکار تھئے، اُتے اساں منڈھ کنوں اوندی صرف ہک صوفی شاعر دی حیثیت نال درجہ  
 بندی کیتی ہے۔ حالانکہ سارے شاعر اہٹی مختلف فکر اُتے موڈ زدے دوران مختلف قسم  
 دی شاعری کریندے ریہے اُتے تنوع شاعر دی عظمت اِچ ودھارے دا باعث اے۔  
 خواجہ فریدوی شاعری دے مطالعے دے دوران میں ایہ ہمیشاں محسوس کیتے جو خواجہ  
 فریدوی اُدھ کنوں زیادہ شاعری غیر صوفیانہ، داخلی واردات دا اظہار، منظر کشی، حقیقت  
 نگاری اُتے زندگی دے حقیقت پسندانہ حوالے نال اساڈے سامنے آندی ہے اُتے  
 میڈا ساری حیاتی ایہ منصوبہ ریہے جو خواجہ فریدوی شاعری دا تصوف دے علاوہ انھیں  
 حوالیں نال وی مطالعہ کیتا ونچے تاکہ انھیں دے فن تے فکر نال انصاف تھی سکے۔ ایس  
 سلسلے وچ میڈے کئی مضمون میڈی کتاب لیکھے اُتے تلاوڑے وچ شامل ہن۔ ایہہ  
 مضمون وی اونداحصہ ہے۔ جیددی وجہ نال میں خواجہ فریدوی شاعری وچ انسانی حیاتی  
 دے حقائق، رجائیت تے فطرتی منظر نگاری وغیرہ دا جائزہ گھدم۔

خواجہ فریدوی کوں صرف ہجر فراق دا شاعر نہیں آکھیا وچ سگدا، بلکہ انہیں دے  
 سراہیکی کلام وچ اُن، گنتر موضوع آتجھے ہن جنہیں کوں انہیں بھر پور جذبے نال تخلیقی  
 سطح تے درتیاہگئے۔ انہیں موضوعات وچوں ہک موضوع فطرت دا حسن تے اوندے  
 مناظر وی ہن۔

خواجہ صاحب دی تقریباً ہر کافی وچ کتھائیں نہ کتھائیں منظر کشی ضرور ملدی ہے۔ حتیٰ کہ جو بعض پوریاں کافیاں منظر نگاری دی اہنی مثال آپ ہن۔

ساوڻ دامہینہ سارے مہینے کنوں سوہٹا آتے من بھاوٹاں ہے۔ چودھاروں کالے کالے بدلے مست ہاتھی وانگوں آسمان تے بھجے وڈے ہوندن تے لکھے لکھے رم جھم لگی راہندی ہے۔ ایہ منظر ہک شاعر کوں ضرور دعوت شعر ڈیندے۔ خواجہ فرید جیہیں منظر نگار شاعر واسطے ساوڻ دیاں ایہ بہاراں نظر انداز کر ڈیوں دے ہرگز قابل کائناں ہن۔ ات واسطے انہیں ایندے رونقیں تے رم جھم دے جاہ جاہ تے ڈاڈھے موثر انداز وچ منظر پیش کیتن۔ آتے ساوڻ دے وسن نال لوکیں دی زندگی وچ جیڑھیاں خوشیاں آویندن۔ انہیں دا ذکر وی فی مہارت نال کیتے۔

ساوڻ	مینگھ	ملہاراں
ترس پووی پٹیل	آ موڑ	مہاراں
ملک	ملیر	وسایم
تھیاں	چو	گوتھ
تھل	چترانگ	ڈسیجن
رم	جھم	لاسوں
نیلیاں	پیلیاں	رتیاں
مچھلے	سہنس	ہزاراں
سُرخ	کرنبہ	چٹریاں
ساویاں	لاٹیاں	کھاراں
جو پھڑ	جو پھڑ	گھبکن
سہندیاں	گھنڈ	تواراں!

گائیں ، بھریاں ، بھپڑاں چانگے

چردے جوڑ قطاراں

خواجه صاحب کوں ساوڻ نال بے پناہ محبت ہئی۔ او اوندے مناظر کنوں لطف اندوز تھیوڻ واسطے اکثر اوقات شہر دی رونقیں کوں چھوڑتے ملیرتے روہی دے ویرا نیں وچ وچ دیرے لیدے ہن:

ڈٹھم ملک ملیر ڈو کالے کالے بادل  
سندھڑے رہن نہ ڈیندیاں گلڈیاں تانگھاں پکپک  
روہی مینگھ ملہار ڈی کھمدیاں کھمدیاں اچکل

ساوڻ دے بارے خواجہ صاحب دیں اکثر کافیاں وچ کہیں نہ کہیں حوالے نال ضرور ذکر ملدے۔ لیکن انہیں صرف اتھائیں قناعت نہیں کیتی بلکہ ساوڻ دے رونقیں بارے پوری کافی لکھی ہے۔ جیڑھی شاعرانہ منظر نگاری دا شاہکار ہے:

آئے مست ڈیہاڑے ساوڻ دے وہ ساوڻ دے من بھاوڻ دے  
بدلے پورے ماڑ ڈکھن دے کجے بھورے سو سو وڻ دے  
چاروں طرفوں زور پوون دے سارے جوڑ و ساوڻ دے  
ڈینہاں پنگھاں ساویاں پیلیاں راتیں کھمڈیاں کھمڈیاں رنگیلیاں  
گج گج گا جاں گجن رسیلیاں وقت سنگار سہاوڻ دے  
چکویاں چکوے اغن پیسے کوئل مور چچونے چھے  
سہنس چکور چنڈور پیھے

شامل گیت ساوڻ دے

روہی خواجہ صاحب دی دل بھاوٹی جاہ اے آتے ساوڻ روہی واسطے زندگی تے اوندے ویرا نیں واسطے شادایاں گھن آندے۔ ات واسطے ساوڻ تے روہی دا

جتھاں کٹھاڈ کر ملدے۔ اُتھاں خواجہ فرید دے کلام دے تاثیر تے منظر نگاری ڈوڑی  
شان نال سامنے آندی اے:

رت ولا ہوت مہاراں	روہی لگہدی اے ساوٹی
رم جھم بارش باراں	کھمڑیاں کھمن رکیلیاں
وچ برسات دیاں دھاراں	بدلے گوڑھے سانورے
گاؤں برہوں دیاں واراں	کر دھوکارے گا جڑاں
نازو کرن تواراں	چھیڑن چھیڑو جھانگراں
ٹھڈڑیاں مینگھ ملہاراں	پورب ہیلاں بھانوٹیاں
کوئل اغن چہڑے	
درؤوں کڈھن پکاراں	

عام حالات وچ روہی دی ویرانی تے بگھ، تریہہ انسان دے نازک جذبیں  
واسطے ناصر دچپی دا کوئی سامان نہیں رکھدی بلکہ حسِ لطیف کوں وی مار ڈیندی  
ہے۔ پر خواجہ فرید روہی دے انہیں ویرانیں تے ڈکھیں وی ایس منظر کشی کیتی ہے جو  
ناصر خود روہی کوں زندہ جاوید بنا ڈتے بلکہ اوندے اداس تے موخے حسن کوں ایس  
نکھار ڈتے جو اوندے سامنے باغیں دیاں بہاراں وی پھکیاں پھکیاں لگدن:

روہی ڈٹھری گھا تھے	مڑوں لکپیاں جاگاں
گائیں سہنس سواہاں	سے سے چرن کوراگاں
سندھری ڈکھڑے گھاڑے	روہی ملوے بھاگاں

روہی وچ بیلبل نہیں کندی بلکہ تپے چیکدن یا گیرے گھوگدن تے مور  
دی جاہ لومبوتے گوہیں شوگدن۔ خواجہ صاحب دے کلام وچ انہیں غیر شاعرانہ مناظر  
کوں وی شاعرانہ لطافت مل گئی ہے تے منظر نگاری اپنا سماں پدھڑتے۔



ہڈڑے چیکن گبرے گھوکن جڑکھاں ترکھاں لومیز کورکن  
 گوہن شوکن سانھے پھوکن نانگن دی شوں شوں ہے یار  
 روہی دے غریب تے مفلس واسی انسانی زندگی دیں بنیادی ضرورتیں کنوں  
 دی محروم ہوندن۔ انہیں دی زندگی ڈکھ تے غم وچ کھٹی پئی ہوندی ہے۔ انہیں دے  
 تن تے نہ لباس ہوندے نہ آرائش جمال واسطے جدید سامان پر چیز ہلے خواجہ صاحب  
 انہیں مفلس واسیں دا ذکریندن تاں شہر دے دھانے دھونے تے خوشبو وچ مہکے  
 ہوئے لوکیں دا حسن وی انہیں دے سامنے مونجھا مونجھا لگدے۔

وچ روہی دے رہندیاں نازک نازو چٹیاں  
 راتیں کرن شکار ولیدے ڈیہنہاں ولوڑن مٹیاں  
 گھبر دے تیر چلاون کاری سے سے ڈڑیاں پھٹیاں  
 چھیڑن بھڈھاں پکریاں گائیں لیلے گابے کٹیاں  
 کئی مسکین مسافر پھاتھے پچوڑ کتوںے ترٹیاں

خواجہ فرید دی شاعری وچ ایہ منظر کشی صرف روہی دے واسیں یا اوندے  
 مناظر تائیں محدود کائنی بلکہ او عام واقعات دی وی ہوں سوہنے انداز وچ منظر کشی  
 کریندن۔ پیلیوں چٹن دے مواقع کوں اوجھڑھی چا بکدستی نال اپنے قلم دی گرفت  
 وچ گھندن تاں پورا منظر اساڈے سامنے آویندے۔ اتے اسان دی خود کوں  
 پیلیوں پچھا ہویا محسوس کریندوں۔ کافی پڑھدیں ہوئیں منظر کشی دا جادو ایہ اثر  
 کریندے جو لفظ گتمھی ویندن تے صرف جذبات کاغذ تے کھرتے رہ ویندن:

آ پچوں رل یار پیلیوں پکیاں نی  
 کئی گڑیاں کئی ساویاں پیلیاں کئی بھوریاں کئی پھکڑیاں نیلیاں  
 کئی اودییاں گلنار کئی رتیاں نی وے

پیلوں ڈیلھے دیاں گلزاراں کہیں بگل ٹوریاں کہیں سرکھاریاں  
 کئی پٹھیاں لا ہار بھر بھر پچھیاں نی وے  
 کئی ڈھپ وچ وی پٹھیاں رہندیاں کئی گھن چھاں چمنویرے بہندیاں  
 کئی چٹن چٹن پیاں ہار ہٹیاں تھکیاں نی وے

پیلوں پٹھیاں بوچھن لیراں

چولا وی تھیا لیر کتیراں

بگڑے کرن پچار

سینکیاں سکیاں نی وے

خواجہ فرید دا پورا کلام فطری منظر کشی نال بھریا پئے۔ ایہ منظر کشی انہیں جتلا فن کارانہ انداز نال کہتی ہے او سرائیکی کافی لکھن والے ہوں گھٹ شاعرین دے کلام وچ ملدی ہے انہیں دی ایس منظر کشی دی وجہ کنوں روہتی تے تھیلھوں کون ناصر ف اعلیٰ ادب وچ غیر فانی رتبہ نصیب تھی بلکہ لائے، بوٹی، تے کرڑ کنڈا اکوں وی او معتبر مقام ملیے جیڑھاسر و صنوبر دے مقدر وچ کاسنی تے انھیں دی شاعری دا ایہ پہلو ورڈ زور تھ دی فطرت پسندی نال مشابہہ ہے۔

خواجہ صاحب دی ایس شاعرانہ منظر کشی دا اثر اے جو اسناڈی دھرتی دے ہر واسی اہشی مٹی دے ہر ڈرے کون وڈے اعتماد نال پیار کرن دا سبق حاصل کیتے۔

ہر ہر قطرہ آب کوڑ

گرد غبار ہے مشک تے عنبر

کرڑ کنڈا شمشاد صنوبر

خار دی شکل بہار دی ہے

اعلیٰ ادب حقیقت پسندانہ ہوندے، حقیقت پسندی خواجہ فرید دی شاعری دا

اہم پہلو ہے۔ خواجہ فرید دی شاعری اپنے بھرپور تاثر، مٹھاس تے فکری گہرائی دیں خوبیاں دی وجہ نال دنیا بھر دی چوٹویں شاعریں وچ شامل کیتی وچ سگدی ہے۔ خواجہ فرید اپنے زر خیز تخیل کوں تخلیقی سطح تے ورتیے تے روہی جیہیں اُجاڑتے اُداس سر زمین کوں اپنے تخیل دی مدد نال باغ بہشت کنوں وی زیادہ دلکش بنا ڈتے انہاں جتھاں زندگی دیں کئی صداقتیں مثلاً حُسن، عشق تے ہجر وصال کوں اٹھی رومانی شاعری دا موضوع بنائے اُتھاں زندگی دیں بعض ٹھوس حقیقتیں دا اظہار وی کمال خوبی نال کیئے۔ انہیں حسن دے زوال، زندگی دی بے ثباتی تے ظاہری علوم دی نارسائی جیہیں تلخ حقیقتیں کوں وڈے موثر انداز وچ پیش کیئے۔

خواجہ صاحب حسن مجازی، زندگی مستعار تے ظاہری علوم بارے روایتی شاعرانہ تخیل تے تھوڑی روشنی وجہ کوئی کوڑیاں آساں وابستہ نہیں کیتیاں بلکہ خواجہ فرید دے نزدیک حسن مجازی دی کوئی بنیاد ای کاسی۔ اوفانی تے برباد تھیوٹ والا ہے تے اوندے پچھوں اٹھی زندگی چالنِ فضول ہے حالانکہ امر واقعہ ایہ ہے جو دنیا بھر دی شاعری دا زیادہ تر حصہ ایں فانی حسن دی مبالغہ آمیز تعریف تے اوندے، گن گاون تے مٹی ہے۔ خواجہ فرید دے نزدیک انسانی حسن رت پوں دے سوا کجھ کاسی:

حُسن مجازی کوڑا ہے فانی برباد  
 کتھ مجنوں کتھ لیلیٰ کتھ شیریں فرہاد  
 تھی کر گہلا رت پوں تے کر دیں دھانہ فریاد

زندگی انسان دا سب کنوں عزیز سرمایہ ہے او ایندے بارے ہوں زیادہ خوش فہمی دا شکار راہندے تے ایں عارضی تے فانی زندگی کنوں کئی کئی آساں تے اُمیداں لائی راہندے۔ جیوہیاں ہمیشہ کوڑیاں تے بے وقعت ثابت تھیندن۔ لیکن ایندے باوجود وی انسان زندگی دی بے ثباتی بارے گھٹ شور کریندے کیوں جو ایہ

اشجھی تلخ حقیقت ہے جیہدی آٹل سچائی کنوں انکار نہ کر سیکن دے باوجود وی اینکوں  
تسلیم کرک ہوں اوکھا ہے۔ لیکن خواجہ فرید اپنے کلام وچرائی وکٹیز جاہیں تے زندگی دی  
بے معنویت تے بے ثباتی دا اظہار بر ملا موثر تے پُر زور انداز وچ کریندن:

جیوٹی دے ڈینہ ڈھائی وو یار  
سٹ گھت فخر وڈائی وو یار  
کتھ او پینگھ چیل ملکاٹے  
ناز حسن کتھ راج بھاٹے  
کتھ ما بھین بھائی وو یار

☆

کتھ رانجھن کتھ کھڑے بھڑے  
کتھ زہ گئے او جھگڑے جھڑے  
کتھ پوچک دی جانی وو یار

☆

ماہی، منجھیاں، ہیر سلیٹی  
عطروں بھنوی مشک لپیٹی  
گئے سب جھوک لڈائی وو یار

☆

جوین ساتھی چار ڈینہاں دا  
جھٹ پٹ ضعف پڑھیا آندا  
کوڑی آس پرائی وو یار

زندگی دی بے ثباتی دے علاوہ زمانے دی بے مروتی تے دنیا واپس دی

بے وفائی بارے وی خواجہ فرید دے کلام وچ وی حقیقت پسندانہ اظہار ملدے او ایس  
دنیا دے عارضی قیام کوں ہک دھوکہ سمجھدن۔ انہاں دے نزدیک چار روزہ قیام واسطے  
عمل منارے تعمیر کرن تے عیش و عشرت داساماں کٹھا کرٹ بے سود عمل ہے۔ او ایس دنیا  
کوں مکارہ دے ناں نال تشبیہہ ڈیندن۔ جیڑھی انسان کوں دھوکہ ڈے کراہیں اپنٹے  
آپ دو مائل کریندی ہے حالانکہ اوندی اصلیت کجھ کاسی:

دُنیا دا نہ تھی آشنا ہے ایہ مکارہ بے وفا!  
کھانویں نہ مؤذن دا دفا ہے پنج کٹی تیکوں گھٹی

خواجہ فرید دا کلام زندگی تے اوندے متعلقہ حقائق نال بھریا پئے۔ علم جینکوں  
انسان زندگی جیہیں عزیز متاع دا وڈا حصہ صرف کرتے ایندے علاوہ بے پناہ دولت  
خرچ کرتے حاصل کریندے۔ آتے اوندے سہارے ترقی دیاں وڈیاں وڈیاں  
منزلاں طے کریندے۔ خواجہ فرید دے نزدیک حقیقت تائیں رسائی وچ کامیاب  
نہیں تھی سگدا۔ ایہا وجہ ہے جو دنیا دے وڈے وڈے فلسفی تے مفکر کائنات دی  
اصلیت بارے کوئی فیصلہ کن نظریہ پیش نہیں کر سگئے:

بطیموس تے فیثا غورث کر کر سوچ بچار  
کھوج سراغ نہ پایا پتہ تھک پٹھے تن مار  
عالم، فاضل، عارف، کامل عجز کینا اقرار  
کرن منادی رو رو کے لایدرکہ الا بصار

شاعری زندگی دے ٹھوس تے تلخ حقائق دے بر ملاتے واضح اظہار دی  
ہوں گھٹ متحمل تھی سگدی ہے لیکن خواجہ فرید اپنی فطری تے بھرپور شاعرانہ صلاحیتیں  
کوں بروئے کار لا کر اپن زندگی دین ٹھوس حقیقتیں کوں ایس خوبی نال پیش کیتے جو  
انہیں دی شاعرانہ حقیقت نگاری وی اپنی مثال آپ بن گئی۔

فکری حوالے نال ڈٹھاوئے تاں خواجہ فرید بک رجائیت پسند شاعر ہا۔  
رجائیت انسانی جدوجہد تے زندہ رہی دین بنیادی شرط ہے۔

خواجہ فرید دادور برصغیر دے باشندیں واسطے مایوسی تے ناامیدی دادور ہا۔  
پورا علاقہ اجنبی حکمرانیں دی ظالمانہ گرفت وچ ہاتے انھیں دے پیدا کیئے ہوئے  
جاگیر دار اپنے مزارعیں دا خون چوسیندے پئے ہن۔ عوام کئی پشتیں کنوں غریبی تے  
بیاری دے بھیا تک گھاٹ وچ جنیاں کھندے پئے ہن۔ جہالت دادور ہا۔ لوک اپنے  
روشن ماضی کوں بھل گئے ہن۔ صنعتی ترقی دا اہن نا نشان کانہا۔ تے عوام تے  
مایوسی، ناامیدی تے غیر یقینی مستقبل دا خوف مسلط ہا۔

اتجھے اوکھے حالات وچ چاچڑاں جیہے دور آقادی تے پسماندہ قصبے وچ  
خواجہ فرید پیار محبت تے امید دے نغے بکندے پئے ہن۔ لوکیں وچ نویں زندگی دی  
بیداری تے روشن مستقبل تے بھرپور یقین انھیں دی سوہٹیں کافیں دی روح جنی گئی  
ہئی۔ انھیں دے محبت نال بھرے سریلے شعر خڑے ہوئے دیں واسطے مسیحاں دا کم  
ڈیندے پئے ہن۔ او اہدے پئے ہن:

مولا جھوکاں پھیرو سیسی سارا روگ اندر دا ویسی  
یار فرید اُکلن پوں پیسی ڈیسیم ہاتہہ براندیاں

خواجہ فرید اچھی فکر تے نظریات دے اظہار واسطے علامات دا بھرپور استعمال  
کیئے بلکہ انھیں دی شاعری کوں علامات تے تلمیحات دی شاعری آکھیا ونجے تاں غلط  
نہ ہوی۔ کیوں جو انھیں دی ساری سوچ تے فکر علامات تے تلمیحات دے روپ وچ  
ساں تائیں اپڑی ہے۔ اور اپنے دی خوشی واسطے موسم برسات دی آمد، جھوک  
وہی دی آبادی درختیں تے جڑی بوٹیں دی سرسبزی تے اپنے مقصد دی تکمیل واسطے  
محبوب لے وصال کوں حوالہ بیٹھن۔ ایہا وجہ ہے جو او امید دا پیغام دی انھیں

علامتیں دے حوالے نال ڈیندن۔ خواجہ فریدی شاعری وچ اُمید و اعراض اِستلا غالب ہے جو ہوں ساریاں کافیاں شروع کنوں آخر تا کیں رجائی رنگ گھدا ہویا ہے۔ بلکہ بعض کافیاں جیند مطلع بھر فراق دی کیفیت دا تاثر رکھدے انھیں دا مقطع خوشیں دے پیغام کوں اپنئے دامن وچ سا بھی کھڑے۔ ہک کافی دا مطلع ایں ہے:

درد اندر دی پیڑ ڈاڈھا سخت ستایا

بھر فراق دے تیر دل نوں مار مو بھجھایا

لیکن ایندا مقطع اُمید دے پیغام نال مالا مال ہے:

تھیاں سر سبز فریدیاں جھوکاں سبوں نکلی چائی سوکاں

نند نہ ماون کھیر مولا ماڑ وسایا

خواجہ فرید ایں حقیقت تے پورا یقین رکھدے ہن جو کامیابی انسان دا مقدر

ہے۔ ات واسطے ضروری ہے جو انسان دے اندر انقلابی روح ہووئی چاہیدی ہے۔ او

دل ول اپنئے اندر منصوری جذبہ پیدا کرن دی تلقین کریندن۔ آہن:

عاشق مست مدام ملای کہہ سبحانی بن بسطای

آکھ انا الحق تھی منصور

خواجہ فریدی شاعری اچھی تہذیب، ثقافت تے دھرتی ماتا نال پیار واسطے

ضرب المثل دی حیثیت رکھدی ہے۔ انھیں کوں اپنئے وطن تے برطانوی قبضے دا صدمہ

ہا۔ او اینکوں آزاد تے خوشحال ڈیکھن چاہندے ہن۔ انھیں دے نزدیک ایہ اوں

ویلیے ممکن ہا جڈاں منصوری جذبے نال کم گھن تے ملک کنوں سامراجی طاقتیں کوں

باہر کڈھ ڈتا ونجے۔ آہن:

اپنئے ملک کوں آپ وساتوں پٹ انگریزی تھائے

خواجہ فرید کوں یقین ہا جو آخر ایہہ مصیبتاں سب ختم تھی دیسن تے اسپاڈ اوطن

دل آباد تھی ویسی۔

ہن تھی فریدا شاد دل ڈکھڑس کوں نہ کریا دل  
 جھوکاں تھیں آباد دل ایہہ نہیں نہ دھسی پک مٹی  
 خواجہ فرید کوں صرف روشن مستقبل تے یقین نہ ہا، بلکہ انھیں دے نزدیک  
 ایہہ خوشیاں ہوں جلدی آوٹ والیاں ہن۔

اچھو مارو بیو دل نہ مانی تھی  
 بالآخر خواجہ فرید دی پیش گوئی پوری تھی ہو گئی تے غیر ملکی حکمران بستر اُور اگول  
 کرتے روانہ تھی گئے۔ مگر خواجہ فرید دا کلام اُچھڑ وی اسا کوں اپنئے اُمید دے پیغام  
 سُنید اپنئے تے اسا کوں منزلاں سُر کرک دی ہدایت پیا کریندے۔

ایں راہ ڈو آویں نہ ہا جے اُنیں قدم ڈنہو ڈیہ ودھا  
 چھوتے نہ ڈیکھیں منہ ولا حیلہ کریں سر تائیں تئیں  
 تاہم ایہ مضمون خواجہ فرید دی شاعری دے تمام غیر صوفیانہ موضوعات دا  
 احاطہ نہیں کریندا۔ ایں مضمون کوں خواجہ فرید بارے میڈے ڈوجھے مضامین دا ہک  
 تسلسل آکھیا ونچ سکدے۔ جنھیں دے ذریعے میں خواجہ فرید دے کلام دی غیر صوفیانہ  
 شاعری تے لکھن دا اہر کیے۔ ایندا ایہ مطلب ہرگز کائنی۔ جو میں خواجہ فرید دے  
 صوفیانہ کلام کوں وی لازماً غیر صوفیانہ سیاق و سباق وچ ڈھداں۔



## خواجہ فرید: اُبّ تے کل دا شاعر

دریائے سندھ اُبھے دی سنگلاخ پہاڑیں وچوں گونجا اگر جدا جیر ہلے  
 سرائیکی وسیب دے میدانی علاقے وچ داخل تھیندے تاں اوندی روانی وچ دھیماپن  
 آویندے۔ ایں طرح کوہ سلیمان دی پتھرلی زمین ہڑند کنوں اُتے جیر ہلے ختم تھی  
 ویندی اے تاں سرائیکی وسیب دی دھرتی اُٹھی ہمواری دی وجہ نال سرسبز فصلات تے  
 باغات دی سرزمین بن ویندی اے۔ سرائیکی وسیب دی اُٹھی ہموار، پُر سکون اُتے  
 بھر بھری خوشبودار سرزمین ہزاریں سالیں کنوں وسن والے اپنٹے واسیں دی مزاج  
 وچ وی ہک سکون، قناعت، دھیماپن، رواداری اُتے انسانی دوستی دے جذبات دی  
 پرورش کیتی اے۔ اُتے اُنھیں دے مزاج کول ہک خصوصی کیفیت عطا کیتی اے۔  
 جیرھی شاید ای پاکستان دے بے خطے وچ ہووے۔ ایہا وجہ اے جو باہر دے حملہ آور یا  
 منتقل تھیون والے لوک جیر ہلے اتھاں آباد تھی گئے تاں ایں دھرتی نے اُنھیں کول اپنٹے  
 اندر جذب کر گھدا۔ اُتے اُنھیں دے مزاج کول وی اپنٹے مزاج وچ ڈھال گھدا۔

ایہا وجہ اے جو سرائیکی وسیب وچ قلعیں دی نسبت روئے زیادہ تعمیر  
 تھیں۔ حملہ آوریں دی نسبت صوفیاء زیادہ جنم گھدے اُتے اُنھیں اتھوں دے  
 لوکیں وچ جنگ جدل دی بجائے محبت، رواداری اُتے انسان دوستی دے پیغام  
 کول عام کیتے۔

سرائیکی وسیب اُتے اتھوں دے واسیں دے ایں مزاج دی سوہٹی عکاسی  
 اتھوں دے شاعریں دے کلام وچ ہوں زیادہ ملدی ہے۔ ایہا وجہ ہے جو خواجہ فرید

دی شاعری ناصر فرانسکی ویسب دے مزاج عکاسی کریندی اے۔ بلکہ اتھوں دے  
واپس دے نظریات، فکر، سوچ آتے خواہیں دی شاندار ترجمان وی ہے۔

الجزائر تے فرانس دے قبضے دے خلاف جیڑھلے الجزائر وچ جنگ  
آزادی لڑی ویندی پئی ہی تاں پورا فرانس اٹھی بالادستی کوں قائم رکھن واسطے  
الجزائر دی جنگ آزادی دی مخالفت کریندا پیا ہا۔ لیکن فرانس دا معروف فلسفی آتے  
دانٹورڈاں پال سارتر ایس جنگ آزادی دی تنہا حمایت کریندا اکھڑا ہا۔ جنیں کنوں  
اہل فرانس ناراض ہن۔ آتے ہک دفعہ انھیں فرانس دے اوں وقت دے صدر  
ڈیگال کنوں مطالبہ وی کیا۔ جو سارتر دی زبان بند کرن واسطے اوکوں گرفتار کر گھدا  
ونچے۔ لیکن صدر ڈیگال ایہ گلہ نہ منی آتے آکھیا جو سارتر تاں خود فرانس اے۔  
فرانس کوں کیوں گرفتار کیا ونچے۔ میں ڈیگال دے انھیں الفاظ دی روشنی وچ ایہ  
آکھ سپکداں جو خواجہ فرید خود سرانگیکی ویسب اے، آتے سرانگیکی ویسب دی سُنجان  
اوندے بغیر ناممکن اے آتے ایس ویسب دے بارے ہر جدوجہد اوندے پیغام دے  
بغیر ادھوری ہے۔ جیویں جو او آہدے:

اپنے ملک کوں آپ دسا توں  
پٹ انگریزی تھانے

سرانگیکی ویسب دی شناخت واسطے سیاسی جدوجہد ہووے یا لسانی، قومیتی  
آتے ثقافتی شناخت دا مسئلہ۔ خواجہ فرید دا کلام انھیں سب دی سچی آتے حقیقی نمائندگی  
کریندے آتے اوندے ہک ہک لفظ کنوں ایندی عکاسی تھیندی ہے۔ میں سمجھداں  
اگر دنیا دے کہیں دور دراز علاقے دا سیاح سرانگیکی ویسب دی سیاحت کرے آتے  
مدتیں بعد اوندے سامنے خواجہ فرید دا کلام پڑھیا ونچے تاں او بے ساختہ ایہہ آکھ  
اٹھسی۔ ایہہ تاں سرانگیکی ویسب اے۔

اپنے جغرافیائی حالات وچ سرائیکی وسیب دے لوکیں دے مزاج آتے  
 کردار دی جیوہی تشکیل تھی اے او انسان دوستی، محبت، رواداری آتے ہمدردی تے مہنی  
 ہے۔ آتے ایں بھر پور نمائندگی توڑے جو پوری سرائیکی شاعری دا مزاج ہے لیکن خواجہ  
 فرید دے کلام وچ سب کنوں زیادہ نمایاں آتے پڑا اثر ہے۔

خواجہ فرید ہک صاحب علم صوفی ہن۔ عربی آتے فارسی آتے انھیں کوں کافی  
 عبور حاصل ہا۔ او فارسی شاعری تے پوری دسترس رکھدے ہن لیکن انھیں ایں بیرونی  
 شاعری دا اثر اہٹی سرائیکی شاعری آتے ہرگز نہیں پوون ڈتا۔ انھیں گل بلبل تے لیلیٰ  
 مجنوں دی بجائے اپنے وسیب کنوں اہٹی سرائیکی شاعری دا مواد گھدے۔ سرو سنبل  
 دی بجائے انھیں شاعری وچ کرکڑ، کندھے، بوئی، لائے آتے چال بلکہ پیلھوں چٹن  
 دی کیفیات کوں اہٹی شاعری دا موضوع بٹائے۔ انھیں ہرے بھرے بانیں دا تذکرہ  
 کرکڑ دی بجائے اچاڑ روہی آتے ٹوہیں دا ذکر کیتے۔ آتے ایں طرح بیابان روہی  
 کوں رشک گلستان آتے رومان پرور روہی دا مرتبہ بخشنے۔ ایہہ سب خواجہ فرید دی اہٹی  
 دھرتی نال اٹل محبت دی نشانی ہے آتے ایں طرح انھیں سرائیکی وسیب دے واسیں  
 وچ اہٹی دھرتی آتے قومیت نال محبت کرکڑ دا شعور اُجاگر کیتے آتے غیر دنیا دے  
 رونقیں دے سامنے احساس کمتری دا شکار ہوون دی بجائے اپنے دھرتی واسیں وچ  
 اعتماد پیدا کیتے۔ آتے انھیں کوں اپنے وسیب آتے فخر کراکڑ دا جذبہ عطا کیتے۔ ایہا وجہ  
 ہے جو اچ سرائیکی لوک اہٹی زبان، تہذیب ثقافت تے فخر کریندن۔ آتے سرائیکی  
 زبان ادب کوں کہیں ہئی مقامی زبان ادب کنوں گھٹ نہیں چاندے۔ ایں طرح خواجہ  
 فرید پہلا سرائیکی شاعر ہے۔ جنیں سرائیکی قومیت دی شناخت کوں اُجاگر کیتے۔

سرائیکی وسیب وچ جاگیر دارانہ سماج دی وجہ نال کئی پسماندہ رسم و رواج جنم  
 گھن گھدے، جیندے وچوں ہک عورت دی حیثیت کوں کمتر قرار ڈے ڈیوون ہے۔

جڈاں جو جدید دنیا وچ عورت مرد دی برابر حیثیت کوں تسلیم کیتا دیندا پئے۔ خواجہ فرید پسماندہ سماج دی ایں غیر انسانی رسم کوں مسترد کر ڈتے۔ انھیں غیر محسوس طور تے وڈے دھیمے آتے علاقائی انداز وچ عورت دی حیثیت کوں اُجاگر کیتے۔ آتے مرد دے دل وچ اوندا احترام پیدا کیتس۔ انھیں اہٹی تمام شاعری وچ عورت دی زبانی لپٹے جذبات آتے احساسات کوں بیان کیتے۔

ہُن میں رانجھن ہوئی  
ریہا فرق نہ کوئی

آتے عورت دی وفا شاعری تے جان نثاری کوں وڈے سوٹھے آتے موثر انداز وچ اُجاگر کیتے۔

کچ ڈو تڑساں بے تائیں جیساں  
بے ول ولساں کافر تھیاں  
گل وچ پائیم پریت مہار

آتے ایں طور تے عورت دے اندر مرد دے برابر ہونڈ دا اعتماد اُبھارے آتے مرد وچ عورت دین خواہیں دے حوال نال احترام پیدا کیتے۔

خواجہ فرید سوسال پہلے جنیں مذہبی تنگ نظری دے خلاف ولا ولا آپٹے شعریں وچ آواز اٹھائی ہے اوندے اثرات اہج زیادہ واضح شکل وچ اساڈے سامنے آندے ہئیں آتے اہج خواجہ فرید دے ایں پیغام دی زیادہ شدت نال ضرورت محسوس کیتی ویندی پئی ہے۔ ات واسطے ایہ گالھ وڈے اعتماد نال آکھی وئج سگدی ہے جو خواجہ فرید اہج دا شاعر ہے۔ اہج دی مذہبی تنگ نظری کوں سوسال پہلے خواجہ فرید کتلا خوبصورتی نال بیان کر ڈتا ہا۔

ملاں ٹھوڑے معنی کردے آیت درس حدیث خبر دے

صرف صداتے تھے مغرور

خواجہ فرید دی شاعری وچ انسان دوستی دا پیغام ہوں موثر انداز وچ  
ملدے۔ انھیں تمام مذاہب دے درمیان بھائی چارے دی ضرورت تے زور ڈتا  
۔ انھیں دا ایہہ شعر اچ وی دنیا وچ مفاہمت آتے امن دوستی دی علامت ہے آتے  
اساڈے ہوں سارے تازعات دا خاتمہ کر سکدے۔

رکھ تصدیق نہ تھی آوارہ کعبہ ، قبلہ ، دیر ، دوارہ  
مسجد ، مندر ، بکرو نور

خواجہ فرید ظلم آتے جبر دی دنیا وچ رہندے ہوئے کڈا ہیں مایوس نہیں تھئے  
۔ انھیں ہمیشہ رجائیت پسندی تے ایمان رکھیے۔ راہ وچ آوٹن والیں ساریں رکاوٹیں  
دے خاتے دے یقین رکھیے آتے اپنے تل وطنیں کول یقین ڈیوائے جو منزل لاں جتلا  
وی کٹھن ہوں۔ بک ڈینہ طے تھی ویسن۔

تھل مارو دا پینڈا مارا ..... تھیسیم بک ہلانگ

خواجہ فرید دی ایہہ رجائیت اچ وی سرائیکی وسیب دے واسیں دی دل دی  
آواز ہے آتے او ایں گلہ تے ایمان رکھدن جو حالات کج جہیں نہ رہسن آتے  
خوشگوار تبدیلی ضرور آوسی۔ آتے ایں طرح او مستقبل دا شاعر ہے۔

ہن تھی خوش فریدا شاد ول موبنھاں کول نہ کر یاد ول  
جھوکاں تھیں آباد ول ایہا نہیں نہ وہسی بک مٹی

خواجہ فرید دی شاعری وچ ڈکھ دا اظہار وی وڈی شدت نال ملدے۔ ایہ  
خواجہ فرید دا ذاتی ڈکھ کئے نی۔ بلکہ پورے سرائیکی وسیب وچ طبقاتی جبر آتے کمزور  
انسان دے استحصال نال سماج وچ جبر ہی بے بسی، گھٹن آتے مایوسی دا اظہار ملدے۔  
خواجہ فرید وسیب دے ایں سارے ڈکھ کول اپنی ذات وچ جذب کرتے ذاتی ڈکھ ہٹا

گھدے اُتے اوکوں شدت نال بیان کیتے۔ ایہ ڈکھ دراصل اساں ساریں دا ڈکھ ہے۔ جیند اساں خاتمہ کرٹے، اُتے اپنھے وسیب کوں خوشحال بناوٹے۔ ایہا خواہیہ فرید دی خواہش تے ایمان ہے۔ اُتے اہا اُنھیں دی شاعری دی روح ہے اُتے او ایدے اُتے یقین وی رکھدن جو ایہ ڈکھ ہک ڈینہ ختم تھی ویسن۔\*

---

☆ ایہ مضمون سرانجکی وچ لکھیا گیا اُتے آفتاب نواز مستوی چیف ایڈیٹرفت روزہ ”نیلاب“ دی خواہش تے اردو وچ ترجمہ کرتے جزوی تبدیلی نال نیلاب وچ جولائی 1999ء وچ چھاپیا گیا۔ بعد وچ ایہ اردو مضمون گورنمنٹ کالج جام پور دے مجلہ کوچ 2001ء وچ چھپیا۔ ایدے بعد از خود ملتان دے کئی روزنامیں اینکوں اپنا اپنا عنوان ڈے تے چھاپیا۔ حتیٰ کہ روزنامہ ”جنگ“ ڈیرہ غازی خان دے ہک نمائندہ نے اپنھے ناں نال وی روزنامہ ”جنگ“ وچ چھپوایا۔ میں ایس غلط فہمی کوں دور کرن واسطے ایس مضمون کوں اصل شکل وچ شامل کریندیاں۔

## کیا خواجہ فرید پنجابی زبان دے شاعر ہن؟

ایہ اگرچہ ہک پرائی بحث ہے لیکن منڈھ لاکنوں گھن تے ہن تائیں پنجابی دانشور اتے لکھاری اپنے ایس موقف تے قائم کھرن جو خواجہ فرید ہک پنجابی شاعر ہے۔ سرائیکی وسیب تے ڈوسو سال کنوں پنجاب دا قبضہ ایندا ہک سبب ہے۔ ایندے علاوہ پنجابی حکمرانیں دی قبضہ گیری، توسیع پسندی اتے معاشی تے سیاسی استحصال وی ایندی وجہ ہے۔ درندہی کوئی گالھ کانتی۔

میں منڈھ کنوں ہن تائیں پنجابی دانشوریں نال ایس مہڈے وچ ریہاں جو سرائیکی پنجابی کنوں آنج زبان ہے۔ ایس سلسلے وچ میڈا ہک تفصیلی مضمون میڈی کتاب ”لسانی مضامین“ وچ شامل ہے۔ کافی عرصہ پہلے شفقت تنویر مرزا نال میڈا علمی مباحثہ وی جاری ریہا۔ جیرہا خطوط دی شکل وچ ماہنامہ ”پاکستانی ادب“ کراچی دے کئی شماریں وچ موجود ہے۔ ہن ایس مباحثے کوں وڈی مدد لگھو گئی ہے لیکن مرزا صاحب اہٹی ضد تے قائم ہن۔ انھیں 2001ء وچ خواجہ فرید دا اردو تے سرائیکی کلام ”کلیات فرید“ دے نال مرتب کیا۔ تاں اپنے موقف تے قائم ریہے اتے کیفی جام پوری تے میڈے اتے اہٹی کاوڑوی کڈھی۔ ایس ”کلیات فرید“ وچ مرزا صاحب خواجہ فرید دے موضوعی دوڑھے وی شامل کر ڈتے (کیا ایہ وی انھیں دا علمی تے تحقیقی کم ہا؟)۔

پچھلے ڈہنہنیں جون 2011ء وچ میڈے کجھ ادبی تے تنقیدی مضامین میڈی کتاب ”لیکھے“ وچ چھپے۔ تاں مرزا صاحب میڈی ایس کتاب تے روزنامہ

”ڈان“ (انگریزی) وچ مورخہ 4 اگست 2011ء کوں اپنے کالم ”پنجابی بکس“ وچ میڈی ایں کتاب تے Farid - Punjabi/ Saraiki or What دے ناں نال تبصرہ کیتا اے خواجہ فرید کوں ول پنجابی شاعر لکھیا اے میکوں خواجہ فرید کوں سرانیکسی شاعری لکھن تے نشانہ بٹایا۔ مرزا صاحب خواجہ فرید کوں پنجابی شاعر ثابت کرڻ واسطے خواجہ فرید دے ملفوظات ”مقائیس المجالس“ دے حوالے وی ڈتے۔ کیوں جو میں ”کیکھے“ وچ ہک مضمون ”مقائیس المجالس دے اردو ترجمے تے ہک جہات“ دے ناں نال شامل کیتا ہا۔ مقائیس المجالس دے حوالے نال خواجہ فرید کوں پنجابی شاعر ثابت کرڻ دی کوشش پھوں سارے قارئین وچ غلط فہمی دا سبب بن سکدی ہئی۔ ات واسطے میں اہنی عادت دے برخلاف مرزا صاحب دے انھیں الزامات دا مختصر طور تے جواب ڈیون ضروری سمجھداں۔

مرزا صاحب دے کالم دے مطلوبہ حصیں دا ترجمہ ملاحظہ ہووے.....

”اسلم رسول پوری جانئُ مجھ تے تاریخی حوالیس کنوں گریز کیتے۔ جتھوں ثابت تھیدے جو خواجہ فرید خود کوں پنجابی شاعر سمجھدے ہن اے ایہ انھیں دے خطبات کنوں ثابت کیتا وئُ سکدے۔ جیرھے رکن الدین پرہار لکھن..... اسلم رسول پوری خواجہ فرید دے واضح فیصلے جو زبان جیرھی چشتیاں، مہارشریف وچ آلائی ویندی ہے۔ پنجابی ہے۔ (مقائیس المجالس صفحہ 621) حیدد امطلب ایہ ہے جو زبان جیرھی جنوبی پنجاب معہ بہاول پور وچ آلائی ویندی ہے۔ خواجہ فرید دے نظریے دے مطابق پنجابی ہے۔ اے انھیں ایں زبان کوں پنجابی دے سویا کوئی ناں نہیں ڈتا۔.....

چڈاں جو مترجم (مقائیس المجالس دے) واحد بخش سیال دا تعلق بہاول پور نال ہے اے خواجہ فرید دا تعلق چاچڑاں ضلع رحیم یار خان نال ہا..... خواجہ فرید چار جاہیں تے پنجابی زبان دا لفظ استعمال کیتے۔ (او صفحات ایہ ہن



866-703-621-447)۔“ ایہ بن مزار صاحب دے کل حوالے۔

میڈے سامنے مضمون لکھن ویلھے مقابیس المجالس دا اُردو ترجمہ اکتوبر 2005ء دا ہا۔ جینکوں الفیصل پبلشرز۔ لاہور چھاپیا ہا۔ بئن وی میڈے سامنے اوہو ترجمہ ہے۔ آؤ بئن انھیں صفحیں تے پنجابی کوں فرید دی زبان دے حوالے نال ہگولوں۔ میں اصل ترجمہ درج کریاں صفحہ 447 تے مقبوس دا عنوان ہے ”حضرت شاہ دولہ گجراتی“ ایس مقبوس وچ پنجابی دے حوالے نال ایہ گالھ لکھی ہوئی ہے۔

”..... اس کے بعد فرمایا کہ کتاب خزینۃ الاصفیاء لاؤ۔ احقر اٹھ کر کتاب لایا اور حسب الحکم عینک اور فانوس بھی ساتھ لایا۔ آپ نے کتاب کھول کر یہ عبارت پڑھی۔ شاہ دولہ دریائی گجراتی پنجابی کا شمار اکابر مشائخ و اولیاء صاحب حال و تامل میں ہوتا ہے۔“

ایندے علاوہ پنجابی زبان دے حوالے نال ہی کوئی گالھ کاسنی۔ کیا شاہ دولہ دا گجراتی پنجابی ہووٹن ایس گالھ دا ثبوت تھی سگدے جو خواجہ فرید دی زبان پنجابی ہئی۔

میڈا ایہ خیال نہیں تہاؤا کیا خیال ہے؟۔

صفحہ نمبر 621 دے مقبوس دا عنوان ہے۔ ”حضرت قبلہ عالم کالباس۔“ ایس مقبوس وچ ایہ درج ہے۔ ”اس کے بعد عرض کیا کہ آپ کوئی زبان میں کلام فرماتے تھے۔ حضرت اقدس نے فرمایا کہ آپ اکثر ”وہ پنجابی زبان“ بولتے تھے۔ جو علاقہ مہاراں شریف میں بولی جاتی تھی۔ بعض اوقات آپ ہندوستانی زبان میں کلام فرماتے تھے کیونکہ آپ کے شیخ حضرت مولانا فخر دہلوی قدس سرہ، کی زبان بھی ہندوستانی تھی۔“

کیا تاں ایس فرمان کنوں ایہ نتیجہ کڈھ سگدے جو خواجہ فرید دی زبان پنجابی ہئی۔ یا انھیں فرمائے جو میڈی زبان پنجابی ہے۔ ویسے ”وہ پنجابی زبان“ کنوں مراد چشتیاں ضلع بہاولنگر دی اوزبان ہے جیہدے وچ پنجابی زبان دی قدر نے ملاوٹ ہے

بلاشبہ لہجہ قدرے مختلف ہے لیکن او پنجابی ہرگز کانسٹی۔ ”وہ پنجابی“ خاص طور سے قابل غور ہے۔ صفحہ نمبر 703 تے مقبوس دا عنوان ہے۔ اونٹ کا اپنی مالکہ سے عشق ایندے وچ لکھیا ہویا ہے۔ ”لیکن اس کا ڈھانچہ جس کو پنجابی زبان میں ”کرنگ“ کہتے ہیں۔ چلنے لگا۔“ بلاشبہ پنجابی تے سرائیکی وچ بہوں سارے لفظ مشترک ہن لیکن کیا اسان اتھوں ایہ نتیجہ کڈھ سکدوں جو خواجہ صاحب ایہ آکھئے جو میڈی زبان پنجابی ہے۔ صرف ایں فقرے کوں خواجہ فرید دا پنجابی شاعر ہونڈ دا مطلب کڈھن واضح طور تے بددیانتی ہے۔ صفحہ 866 تیں ایں طور لکھیا ہویا ہے ”حضرت اقدس فرمایا کہ کعبہ کو تباہ کرنے والے شخص کی چار علامتیں ہیں۔ ایک یہ کہ وہ کج رفتار ہوگا۔ جس کو پنجابی زبان میں ”پھڈا“ کہتے ہیں۔ کیونکہ اس کی دونوں پنڈلیاں چھوٹی پتلی اور خمدار (ٹیزھی) ہونگی۔“

کیا اتھوں کتھائیں ایہ ظاہر تھیندے جو خواجہ فرید آکھیا ہودے جو اسڈی زبان ”پنجابی“ وچ اوکوں پھڈا اہدن۔ یا ایہ آکھیا ہودے جو میں پنجابی ہاں یا پنجابی زبان دا شاعر ہاں یا میڈی زبان پنجابی ہے۔ اتلے سارے اقتباسات تہاڈے سامنے ہن۔ کتھائیں وی خواجہ فرید نہ اہٹی زبان کوں پنجابی آکھئے نہ خود کوں پنجابی شاعر آکھئے۔ بلکہ ایہ سارے اقتباسات خواجہ فریدی زبان دے حوالے نال کہیں طور متعلق کانسٹی۔ مرزا صاحب انھیں اقتباسات دی بنیاد تے خواجہ فرید کوں بلاوجہ پنجابی شاعر قرار دتے۔

جے تائیں ”مقائیس المجالس“ دے ذریعے خواجہ فرید دے ملفوظات جمع کرن ڈالتعلق ہے۔ مولانا رکن الدین موضع سوک تحصیل خان پور دے رہائشی ہن اتے کڈا ہن کڈا ہن خواجہ فریدی مجلس وچ آندے ہن۔ او جیرہا کجھ سٹڈے ہن۔ انھیں کوں گھر وچ تے اہٹی زبان وچ لکھدے ہن۔ مولانا رکن الدین کڈا ہن وی زبانیں دے ماہر نہ ہن اتے نہ انھیں کوں لسانیات دا علم ہا۔ چڈاں جو

خواجہ فرید زبانیں دا شعور رکھدے ہن۔ کئی زبانیں دے ماہر ہن۔ اوکڑا ہن وی  
اٹھی زبان کوں پنجابی نہ آکھ سگدے ہن۔

مولانا رکن الدین آتے بے شمار الزامات ہن۔ حتیٰ کہ ایہ وی جو انھیں بعض  
مقائیس خود گھڑتے شامل کیتن۔ ایندی تفصیل مقابیس الجالس دے ترجمے دے پیش  
لفظ وچ موجود ہے آتے ایس کئوں زیادہ میڈے مذکورہ مضمون وچ وی ہے۔ واحد بخش  
سیال اتجھے مقبوس ترجمے وچوں کڈھ ڈتن۔

خواجہ فرید دے زمانے وچ سرائیکی کوں موجودہ ناں نہ ملیا ہا۔ او عام طور تے  
مقامی مانوس ناں مشہور ہی لیکن مجموعی طور تے اوکوں ہندی زبان آکھیا ویندا ہا۔ خود  
مولانا رکن الدین وی خواجہ فرید دے کلام وچ استعمال سرائیکی لفظیں کوں ہندی  
آکھئے (اتھوں مولانا دا اپنا تضاد وی ظاہر تھیندے)

مقائیس الجالس دی ترجمی جلد دے مقبوس نمبر 11 صفحہ 453 تے عنوان  
”شیخ منصور بن الحلاج“ دے تلے خواجہ فرید دے ڈوشعریں وچ سرائیکی لفظیں دا ذکر  
کریندے ہوئے مولانا انھیں کوں ”ہندی“ لفظ اہدن ہے شعرا یہ ہن۔

عاشق مست مدام ملائی کہہ سجانی بن بسطامی  
”آکھ“ انا الحق“ تھی منصور

انھیں شعریں دی تشریح کریندے ہوئے مولانا رکن الدین 457 تے  
457 تے لکھدن۔

”آپ نے شیخ ابویزید بسطامی اور شیخ منصور کی اتباع کا دعویٰ کیا ہے اس وجہ سے  
”آکھ“ یا کہہ ہندی میں امر کا صیغہ ہے۔ نیز ”تھی“ بھی ہندی زبان میں امر کا صیغہ ہے۔“  
ڈوجھا شعر صفحہ 458 تے ایہ ہے۔

سکھ ریت روش منصورى نوں

ہنٹ ٹھپ رکھ کنز قدروی نوں

”اس کافی میں بھی آپ نے شیخ منصور کے مشرب کو سیکھنے کی تاکید کی ہے

کیونکہ ”سکھ“ بھی ہندی زبان میں امر کا صیغہ ہے۔“

اتھوں ایہ ظاہر تھیدے جو مولانا رکن الدین وی سرائیکی زبان کوں ہندی  
آہدے ہن۔ آتے انھیں دے نزدیک خواجہ فرید سرائیکی کلام ہندی زبان وچ ہانہ  
کہ پنجابی وچ۔ افسوس ہے شفقت تنویر مرزا کوں مقامیں المجالس دے ایہ صفحے نظر نہیں  
آئے۔ خواجہ فرید سرائیکی دیوان انھیں دی حیاتی وچ معدن عشق ناں نال چھپیا ہا۔  
ایہ مولوی نجم الدین احمد پور شریقہ والے چھاپیا ہا۔ معدن عشق دے بعد مولوی نجم الدین  
احمد پوری خواجہ فرید دا اردو دیوان 1884ء وچ چھپوایا۔ اوں دیوان دے آخری صفحے  
نمبر 42 تے لکھیا ہویا ہے۔

”..... مولوی محمد نجم الدین صاحب عرف معروفی کرنی سکناہ احمد پور شریقہ  
ریاست بہاول پور جنہوں نے کافیاں ”ہندی“ حضرت صاحب مدوح جمع کر کے  
مثنوی ”معدن عشق“ موسوم کیا۔“

اتھوں ظاہر تھیدے جو خواجہ فرید دے سرائیکی دیوان دیں کافیاں کوں ہندی  
کافیاں لکھیا گئے۔ ”معدن عشق“ کوں ہندی داناں ڈیوان آتے خود خواجہ فرید دی حیاتی  
وچ ایہ مولوی نجم الدین دا پٹا کم نہ ہا۔ بلکہ ایہ خواجہ فرید دی مرضی نال لکھیا گیا ہوسی۔  
اگر خواجہ فرید آپ کوں پنجابی شاعر سمجھدے ہوں ہا تاں تاں ظاہر ہے معدن عشق  
آتے پنجابی داناں ڈیوانے ہا۔ نہ کہ ہندی دا۔

میڈ اخیال ہے جو شفقت تنویر مرزا دا موقف بے بنیاد ہے او دے سارے  
دلائل غلط تے مسخ شدہ ہن۔ خواجہ فرید کڈا ہن خود کوں پنجابی شاعر نہ سمجھدے ہن  
آتے ایہ بک اٹل حقیقت ہے۔

## ڈوہڑہ جات فریدی

- خواجه فرید دے ڈوہڑے سرائیکی ادب دا ہک متنازعہ فیہ موضوع ہن گنہیں۔ حالانکہ حقیقت ایہ ہے جو شروع وچ ایہ ہک طے شدہ مسئلہ ہا کیوں جو دیوان دے کہیں قلمی نسخے وچ نہ ایہ ڈوہڑے موجود ہن تے نہ انہاں دا کوئی اَنج قلمی نسخہ ملدے۔
- خواجه فریدی شاعری دے مزاج کوں سمجھن والے سارے لوکاں انہیں ڈوہڑیں کوں موضوعی قرار ڈتے مگر مسعود حسین شہاب اہٹی کتاب ”خواجه غلام فرید“ وچ بعض ڈوہڑیں کوں خواجه فرید دے ڈوہڑے قرار ڈتے تے نال لکھئے جو بعض ڈوہڑیاں وچ سوزگداز پاتا ویندے۔ ات واسطے او خواجه صاحب دے ہون۔
- حالانکہ مولانا غلام جہانیاں جیڑھے خواجه فرید دے خاندان دے مرید، عقیدت مند آتے مشہور عالم ہن۔ اہٹی کتاب ”ہفت اقطاب“ وچ سوائے ہک ڈوہڑے دے جیڑھا خواجه صاحب اپنے مشہور مرید سید ولایت شاہ سہیں دی وفات تے لکھیا ہا۔ باقی سب ڈوہڑیاں کوں موضوعی قرار ڈتے۔ لیکن ہن ایہ صورتحال ہے جو ہوں ساریں ڈوہڑیاں دے مجموعے چھپ چکین تے بعض نویں چھپن والیاں کافیاں دے مجموعیں وچ وی ڈوہڑے شامل کر گھدے گنہیں۔ انہیں وچ چند ہک مجموعے ایہ ہن۔
- 1: ڈوہڑہ جات فریدی: شائع کردہ ایم نواز کتب فروش ملتان ایس مجموعے وچ کافیاں تے بہتر ڈوہڑے شامل ہن۔
  - 2: ڈوہڑہ جات فریدی: شائع کردہ مولوی فیض بخش، محمد ذوالفقار ملتان شہر ایندے وچ 58 ڈوہڑے شامل ہن۔

- 3: انتخاب دیوان فرید۔ معہ ڈوہڑہ جات، شائع کردہ حاجی نیاز احمد ویسی ملتان
- 4: دیوان فرید معہ ڈوہڑہ جات، شائع کردہ قدیمی اسلامی کتب خانہ ملتان
- انہیں دے علاوہ ڈوہڑیں دے کئی بئے مجموعے وی چھپے ہوئے ملدن۔ بعض کتابیں وچ وی خواجہ صاحب دے ڈوہڑے درج کون جدیدے وچوں کجھ ایہ ہن:

1: خواجہ غلام فرید از مسعود حسن شہاب

2: مٹھل فرید از سرفراز حسین قاضی

3: ہفت اقطاب از مولانا غلام جہانیاں معنی مرحوم

انہیں ساریاں وچ جتلائی ڈوہڑے موجود ہن حقیقتاً موضوعی ہن۔ ایندے حق وچ سب کنوں پہلی دلیل تاں ایہا ہوتی وچ سگدی ہے جو دیوان فرید دے جتنے قلمی نسخے ملدن۔ انہیں وچ کہیں وچ وی اے ڈوہڑے درج کائے۔ انہیں دے علاوہ ڈوہڑیں دا علیحدہ وی کوئی قلمی نسخہ نہیں ملدا۔ جے ایہ موجودہ ڈوہڑے خواجہ فرید دے ہون ہا تاں ضرور کہیں قلمی نسخے وچ درج ہوون ہا۔ یا انہیں دا وچ کوئی قلمی نسخہ ملے ہا۔

دیوان فرید تے سب کنوں پہلے جنیں باقاعدہ کم کیجے او مولانا عزیز الرحمن صاحب بہاول پوری ہن۔ انہیں اپنے مرتب کردہ دیوان فریدی وچ وی کوئی ڈوہڑہ درج نہیں کیتا تے نہ کرکھائیں ایہ ذکر کیجے جو انہیں کون کھائیں خواجہ صاحب دا کوئی ڈوہڑا ملیے۔

خواجہ صاحب دے ملفوظات دے مجموعے ”مقائیس المجالس“ وچ جتھاں وی کافیں دا ذکر ملدے اُتھاں کھائیں ڈوہڑیں دا ذکر نہیں ملدا۔ ایندے علاوہ ملفوظات کون کھاکر تے مرتب کرن والا سائیں رکن الدین پرہاروی خواجہ فرید دے ڈوہڑیں دا کہیں کئی جاتے وی ذکر نہیں کریندا۔

خواجہ صاحب دا پہلا سوانح نگار مرزا احمد اختر اہلئی تصنیف ”مناقب فریدی“

وچ وی خواجہ فرید دے ڈوہڑیں دا کوئی ذکر نہیں کیا۔

انہیں ساریاں گلہیں کنوں ظاہر تھیں دے جو ایہ سب بعد دے ڈوہڑے

ہن تے خواجہ صاحب دے نہیں۔ بلکہ مختلف لوکیں لکھ کراہیں خواجہ صاحب دے نال  
نال منسوب کر ڈتن۔

اونویں جیکرا نہاں ڈوہڑیں دا تنقیدی مطالعہ کیا ونجے نال او خواجہ فرید دے

معیار شاعری تے پورے وی نہیں اہندے بلکہ ایہ خواجہ صاحب دی شاعری دے معیار  
کتوں ہوں گھٹ ہن۔ خواہ انہاں کوں فنی حیثیت نال ڈٹھا ونجے یا خواجہ فرید دے  
صوفیانہ نظریات دے حوالے نال!

جناب غلام جہانیاں معینی امٹی کتاب 'ہفت اقطاب' وچ جیڑھا بک ڈوہرا

درج کیجے او ملاحظہ ہووے۔

لڈ گئے محرم راز ولیدے نال جہاندے زلا

آپ اٹھے وچ رنگ ملالاں ساکوں چھوڑا کلہا

نہ کوئی حال سٹے ، نہ ڈیوے آس امید تسلا

ملسوں پیر فرید جڈاں جڈاں ساگ بیسی اللہ

ایں ڈوہڑے کوں پڑھن دے بعد احساس تھیں دے جو ایہ قطعی موضوعی اے

میکوں ایں وچ نہ اوسوز وگداز نظریے، جیڑھا خواجہ صاحب دے کلام دا خاصہ ہے تے

نہ او ڈکشن، جیڑھا خواجہ صاحب واسطے مخصوص اے۔ ایہ ڈوہڑا سطحی تے عامیانہ

گہدے۔ ایندے وچ اول جذبے دی او کیفیت وی کائنی حییدے وچوں گزر کراہیں

خواجہ صاحب شعر آہدے ہن۔

ایں ڈوہڑے وچ جملہ کنوں پہلے لفظ "پیر" لکھیا گئے حالانکہ خواجہ فرید اپٹے

نال کنوں پہلے ایہ لفظ کڈا ہن نہ لکھدے ہن۔

ڈو جھے ڈو ہڑے ملاحظہ ہوں:

لکھ داد میں دلبر کوں کراں ، چندڑی صدقے گھولے  
ہن درد نام خدا دے سُن ڈھیر نہ ڈیویں رولے  
چھنے ڈیاں پیر دے در ، ہن یار وسم آ پلے  
آکھ فرید چند قربان کریاں جے اک واری یار چا پلے

.....

عشق لیلے وچ مجنوں کامل کھڑا لیلے یاد کریندا  
پارہ سال جنگل دے وچ چم بدن دا کھڑ سوکیندا  
سگ لیلے دا جاں باہر آیا پیا مجنوں پیر تھیندا  
صادق عشق فرید جہاں دا موکس جیہیں توڑ تھیندا

انہیں ڈو ہڑیں کوں پڑھن دے بعد محسوس تھیندے جو انہیں وچ او  
ساریاں خامیاں موجود ہن جیڑھیاں کہیں وی سطحی کلام وچ ہوندا انہیں ڈو ہڑیں  
وچ وی نہ خواجہ صاحب دا ڈکشن اے تے نہ جذبے دی کوئی کیفیت۔

ہن اتھاں سوال پیدا تھیندے جو آخر ایہ سارے ڈو ہڑے خواجہ صاحب  
دے ناں تال کیوں منسوب تھی گئیں۔

ایندے جواب وچ سب کونوں پہلے ایہ دلیل ڈتی ویندی ہے جو سید ولایت  
شاہ صاحب جیڑھے خواجہ صاحب دے وڈے معتقد مرید ہن تے خود وی شاعر ہن۔  
انہیں بعض ڈو ہڑیں وچ محبت کونوں خواجہ صاحب دا ناں استعمال کیجے۔ جیہدی وجہ  
کونوں اوڈو ہڑے خواجہ صاحب دے ناں تال منسوب تھی گئیں۔

ڈو جھی کالھ اے ہے جو تو الہی محفل وچ رنگ چماون واسطے کافی کونوں  
پہلے رالاپ دے طور تے ڈو ہڑے پڑھن کیوں جو کئی لوک ڈو ہڑے پسند وی



کریندن۔ ات واسطے بعض کم فہم تو الیں پر اے ڈ و ہڑیں وچ خواجہ صاحب دانال استعمال وی کرڻ شروع کر ڈتا۔ جیندی وجہ کنوں ادعوام وچ خواجہ صاحب دے ڈ و ہڑے مشہور تھی گئیں۔

اینده علاوہ بعض کتب فروشیں اپنے کاروبار کول چکاوڻ واسطے خواجہ فرید دے نال نال ڈ و ہڑے چھاپڻ شروع کر ڈتے۔ اس سلسلے وچ ملتان توں ہک کتب فروش نال میڈی گالھ تھی اول واضح طور تے اعتراف کیتا جو لوک خواجہ صاحب دے ڈ و ہڑے طلب کریندن۔ ات واسطے اسان انہیں دی ضرورت پوری کرڻ واسطے ایہ چھپیندوں۔

اس گالھ کنوں واضح تھی ویندے جو اس طرح خواجہ صاحب دے کلام وچ موضوعی (خود ساختہ) ڈ و ہڑے رواج پا گئیں۔

بعض لوکیں مطابق انہیں ڈ و ہڑیں دا اضافہ کوئی خاص فکر دی گالھ کائی حالانکہ حقیقت ایہ ہے جو ایندے ذریعے ناصر فرائیگی ادب وچ موضوعی ادب دا اضافہ تھے جیڑا بالکل افسوسناک تے گھٹیا ہے بلکہ خود خواجہ فرید دا کلام وی مسخ تھے تے اس طرح نال انہیں دی شخصیت تے خیالات تے پردے پئے گئیں تے انہیں کول ٹھیک طرح سمجھڻ وچ دھوکہ لکھن پئے گئے۔

ہن بعض دانشور خواجہ فرید دے انہیں موضوعی ڈ و ہڑیں دے ذریعے انہیں دے کلام تے نظریات کول سمجھڻ دی کوشش کرڻ پئے گئیں۔ جیندا نتیجہ ایہ نکلتے جو خواجہ صاحب تائیں اوٹھیک اپروچ نہیں کر سگئے۔ ایندی مثال سرفراز حسین قاضی دی کتاب 'مٹھل فرید' تے مسعود حسن شہاب دی کتاب 'خواجہ فرید، اے انہیں مصنفین خواجہ صاحب دے کلام کول سمجھڻ واسطے کافی نال ڈ و ہڑیں داوی آسرا گھدے۔ جیندی وجہ کنوں او خواجہ فرید دے نظریات، شخصیت تے کلام دے اعلیٰ فنی رتے تائیں رسائی حاصل کرڻ توں محروم رہ گئیں۔

## دیوان فریدی ماسٹر کاپی

اس وقت ”دیوان فرید“ (برطابق قلمی نسخہ ہائے قدیم) ترجمہ تحقیق تصحیح خواجہ طاہر محمود کوریج، میڈلے سامنے ہے۔ ایہ خواجہ فرید داسراہی کی دیوان ہے۔ جیرھا اردو ترجمے نال ہے (میں زبانی گفتگو دے دوران کئی دفعہ اس گالھ تے زور ڈتے جو خواجہ فرید دے دیوان کوں کہیں ترجمے تے تشریح دے بغیر صرف کافیں تے مشتمل دیوان چھاپیا ونجے کیونجو میں خواجہ فرید دے کلام کوں باشعور قاری تے چھوڑاں چاہنداں۔ جینویں جو اردو وچ غالب تے میر دے دیوان کہیں ترجمے دے چھپے ودن۔ ایہ اہج دے جدید ادبی تنقیدی نظریے دا تقاضا وی ہے جیرھا ”مصنف دی موت“ دا پرچارک ہے تے متن دی آزادانہ حیثیت تسلیم کریندے)۔ ایندا تفصیلی مقدمہ دی ہے۔ اُتے آخروج قدیم قلمی و مطبوعہ داوین دا تفصیلی تقابلی جائزہ ہے۔ جنھیں دی تعداد پارھاں ہے۔

خواجہ فریدی اُٹھی حیاتی وچ اُنھیں دا ایہ سراہی کی دیوان چھپداری ہے۔

1: 1299ء (1882ء) ایندے وچ چھپو۔ نجھا کافیاں ہن۔

2: 1882ء (مثنوی معدن عشق) ایندے وچ ہک سوتیری

کافیاں ہن۔

ایندے وچ خواجہ فرید دا اجازت نامہ (کاپی رائٹ دا حق) وی شامل ہے۔

جیرھا خواجہ فریدی طرفوں ناشر کوں ڈتا گئے۔ ایندے اُتے 1299 ہجری داسن درج

ہے اُتے خواجہ فریدی مہروی ہے۔

انھیں دے علاوہ خواجہ فرید دی حیاتی وچ لکھیے ہوئے ترے قلمی نسخے وی  
 لکھین۔ (1)۔ میاں جی برخوردار (1302ھ)۔ 2۔ (نبی بخش مرکنڈ) 1314ھ)  
 3۔ حداد واجلی (1316ھ)

مکمل سرائیکی دیوان 1320ھ (1902ء) وچ خواجہ فرید دی وفات  
 دے بعد چھپے۔ ایندے وچ سجادہ نشین خواجہ محمد بخش جیرھے خواجہ فرید دے کلبے پتر  
 ہن دا اجازت نامہ شامل ہے۔ آتے اوندے آتے 9۔ جمادی الاول 1320ھ درج  
 ہے۔ اینداناں اسرار فریدی معروف بہ دیوان فریدی ہے۔

ایندے بعد دیوان فرید (سرائیکی) دے چھپن دا باقاعدہ ہک سلسلہ  
 شروع تھی گیا۔ چونکہ انھیں دیوانیں وچ کتابت دیاں ہوں غلطیاں ہن۔ ات  
 واسطے درست متن نال دیوان فرید دی اشاعت دیاں کوششاں وی شروع تھی  
 گیاں۔ درست متن دی کوشش وچ کئی دیوان چھپن۔ جہاں وچوں عام طور تے  
 ایہ مشہور ہن۔

1: دیوان فرید (مولانا عزیز الرحمن خان) 1944ء (ایندے وچ مولانا  
 نباہو دے قلمی نسخے دے حوالے ملدن)

2: دیوان فرید (مولانا نور احمد خان فریدی) 1978ء

3: دیوان فرید (قیس فریدی) 1992ء (ایندے وچ پیر بخش دے قلمی  
 نسخے کنوں مدد گھدی گئی ہے)

4: دیوان فرید (جاوید چاٹڈیو) 1998ء (ایندے وچ اسرار فریدی  
 آتے مولانا عزیز الرحمن دے دیوان دا موازنہ ہے آتے لفظیں دا انتخاب آپنی  
 صوابید تے ہے۔

انھیں دے علاوہ کجھ بے وی دیوان ہن۔ جنھیں وچ ڈاکٹر مہر عبدالحق، اکرم

قریشی اُتے مختلف ناشریں دی طرفوں بقول انھیں دے صحیح شدہ دیوان ہن۔

ویسے صحیح دا ایہ کم شروع کنوں لگا آندے۔ خواجہ فرید دا اُردو دیوان جیرھا  
1884ء وچ مثنوی معدن عشق دے ناں نال مولوی نجم الدین صاحب چھپوایا۔  
اوندے اُتے وی ایہو کجھ لکھیا ہویا ہے۔

دیوان فرید دے اُتے ڈتے ہوئے مرتبہ نسخے بلاشبہ لائق تحسین ہن۔ لیکن  
اتھاں میڈی گزراش ایہ ہے جو جتلا وی قلمی اُتے مطبوعہ نسخے سامنے رکھیے، گھنیں  
انھیں وچوں کہیں ہک مرتب وی خواجہ فرید دا اپٹا ذاتی نسخہ جینکوں اساں ماسٹر کاپی  
آکھسوں کوں سامنے نہیں رکھیا۔ اُتے نہ اوندی تلاش، گم شدگی یا موجودگی دا ذکر کیجے  
بلکہ اوکوں وڈی بے رحمی تے بے پروائی نال نظر انداز کیا گئے۔

مرتبین اپنے سامنے موجود مختلف نسخیں وچوں اچھی صوابدید اُتے کوئی ہک لفظ  
منتخب کرتے کجھ دلائل ڈے تے اوکوں اپنے دیوان وچ شامل کر ڈتے۔ عزیز الرحمن  
خان دے سوا ایںدے واسطے کہیں مرتب نہ کمیٹی بیٹائی ہے نہ معتبر محقق کنوں نظر ثانی کرائی  
ہے۔ بلکہ صرف انفرادی حیثیت نال ایہ دیوان چھپو اُتے۔ اتھاں بعض مرتبین دا اپٹا  
یک طرفہ فیصلہ اُتے علمی زعم وی اساڈے سامنے آندے ایندا نتیجہ ایہ نکھتے جو ہک متن  
تے متفق تھیون دی بجائے ہر متن وچ نواں اختلاف سامنے آگئے۔ جتھوں متن دے  
اتحادی بجائے انتشار سامنے آندے۔ ایہ سارے دیوان ڈیکھ تے میکوں ایہ سمجھ نہیں  
آئی جو آخر ماسٹر کاپی دی تلاش کیوں نہیں کیلتی، گئی یا اوندے بارے کہیں مرتب کوئی ذکر  
تک وی کیوں نہیں کیا۔ جڈاں جو ماسٹر کاپی نہ میاں برخوردار دی ہی تے نہ مولانا  
نباہودی یا نبی بخش مرکنڈ وغیرہ دی۔ بلکہ اوہک انج کاپی ہی جیرھی خود خواجہ فرید کنیں  
موجود ہندی ہی۔ اُتے اوند اذ کردی اسا کوں ملدے۔

خواجہ فرید جڈاں حج تے گئے تاں انھیں دیں ساتھیں وچوں مولانا محمد عمر

آتے نظام قوال دی بہن۔ مولانا محمد عمرا میں حج دے بارے اپنے سفرنامہ وچ لکھدن  
(ایں سفرنامے دا ترجمہ جناب مجاہد جتوئی اٹھٹی کتاب ”اطوار فرید“ وچ شامل کیتے۔  
میں تلوں اقتباس اُتھاؤں گھند اپیاں۔

”..... نماز کے بعد سب نے نیند کا ارادہ کیا۔ البتہ محافظین اپنا فرض ادا  
کرتے رہے۔ اس دوران حضرت خواجہ عالی جاہ نے فرمایا۔ ایک کافی تیار ہو چکی ہے  
۔ اس کو لکھ لو۔ تو میں نے اُسی دن ہی کافی لکھ لی۔ جس کا آغاز یوں ہوتا ہے۔

’اُج مشرباب متدرف بھاندے بہن

متاں ڈلیں پُتل دے آندے بہن

یہ کافی حضرت کے دیوان میں شامل کر دی گئی۔ جو حضرت کے پاس موجود

تھا۔“

اتھوں واضح ہے جو دیوان دی بک ماسٹر کاپی ہی۔ جیرھی خواجہ صاحب دی  
تحویل وچ رہندی ہی۔ آتے ایں ماسٹر کاپی بارے سفرنامہ وچ بک ہی جاہ تے ایہ وی  
درج ہے۔

”..... چوروں نے قافلے پر دھاوا بولا۔ میاں دائم کا سامان چھین کر لے  
گئے۔ ہم اُن کے پیچھے بھاگے۔ وہ سامان پھینک کر بھاگ گئے۔ مخدوم حیدر بخش کا  
کچھ سامان محمد دائم کے پاس تھا۔ اس نے مجھے دے دیا تھا۔ وہ بیچ گیا۔ کچھ کپڑے تھے  
اور حضرت عالی جاہ کی کافیوں والا دیوان تھا۔ ایک چاندی کا تعویذ، بازو بند اُن کا  
میرے پاس تھا۔ دیوان ولایت شاہ بھی میرے پاس تھا۔ وہ بیچ گیا۔“

خواجہ فرید دا ایہ دیوان محفوظ رہیے۔ آتے حج دے دوران جیرھیاں کافیاں  
تھیں۔ اووی ایں دیوان وچ درج تھیں یاں رہیں۔ جدہ کنوں روانگی دے ویلھے ایہ  
کافی تھی۔ جیرھی دیوان وچ موجود ہے۔ آتے اینداز کہ سفرنامہ وچ وی ہے۔

اُبھ ڈوڑی سبک دیدار دی ہے  
متاں ایہ نگری دلدار دی ہے

”..... گیارہویں رات ہم جدہ کی بندرگاہ پر پہنچے تو لوگوں کی حالت سفر کی  
صورتوں کی وجہ سے غیر ہو رہی تھی۔ سوائے حضور خواجہ عالی جاہ کے یادو چار احباب  
جناب کے باقی سب اضطراری طبع تھے اور سردرد کے شاک میں تھے۔ اس حالت کو دیکھ  
کر حضور نے یہ کافی کہی۔

سر بھوندے تے ہاں گھر دے ہن  
دل لہندے تے روح پھر دے ہن  
چم لہراں ماس دے گھاٹکے نی

اس میں نظام قوال بھی شامل حال تھا۔ کیونکہ جہاز کے مریخ میں ایک ایلٹا ہوا  
دیکھے اُس کے بازو پر اُلٹ گیا تھا۔ جس سے اُس کے بازو کا گوشت..... چڑا  
گل کر لٹ رہا تھا.....“

ہُن ایتھاں اتلا واضح ثبوت ہووٹا دے باوجود کہیں وی مرتب دیوان فرید  
دی ماسٹر کا پی دی تلاش نہیں کیتی نہ اونداز کر کیتے۔ نہ گمشدگی یا موجودگی دا ڈسائے۔  
میں ایتھاں صرف ایہ عرض کرینداں جو کیا دیوان فرید دی ماسٹر کا پی کو سامنے  
رکھئے بغیر کہیں وی مرتب دیوان دے متن کول سند دی حیثیت حاصل تھی سبکی ہے؟  
اگر ایہ ”مشرق سخن“ آپوں تے وی جاری رہی تاں مزید اختلافات دے سوا کجھ سامنے  
نہ آؤسی۔

## غلام محمد واصف دی سرائیکی شاعری دا تعارف

تمام ہک اے۔ (پارینائیڈز)

غلام محمد واصف حاجی پور دے احمدانی صوفی تے مشہور شاعر خواجہ اللہ بخش عارض دے پتر ہن۔ آپ خواجہ نازک کریم دے مرید ہن اے تے خود وی اونٹی گدی دے سجادہ نشین۔ او اہج کنوں تقریباً ویہہ سال پہلے لمبی عمر وچ فوت تھے ہن۔ اوندا مزار حاجی پور وچ ہے تے ہن انھیں دا پتر میاں جمیل احمد سجادہ نشین ہن۔ جید دے نال راقم دی ملاقات وی تھی اے۔

غلام محمد واصف اپنے والد وانگولوں فارسی، اُردو تے سرائیکی وچ شعر اہدے ہن۔ جیرھا انھیں دے مریدیں کنیں قلمی صورت وچ موجود ہے مگر چھپیا نہیں۔ واصف دا سرائیکی کلام زیادہ تر مولود، کافی تے ڈوہڑے تے مشتمل اے۔ آپ دے کلام دا موضوع حسن و عشق، حمد، محبت اے تے تصوف اے۔

شاعرانہ حیثیت نال واصف دا کلام اپنے والد عارض دے کلام کنوں گھٹ اے۔ مگر فنی طور تے عروض تے او مکمل عبور رکھدن۔

غلام محمد واصف دے کلام وچ اپنے مرشد خواجہ محمد بخش نازک دی محبت دا بہوں ذکر ملدے۔ وحدت الوجود دے خیالات نال وی انھیں دا کلام بھریا ہے۔

ایندے علاوہ اپنے آپ کول مٹاؤن دی تعلیم وی عام ملدی ہے۔ مثلاً

نہ خدا وچ کعبے ملدے نہ میت مندر وچ

نہ شہریں نہ جنگلیں ملدا نہ باس نہ بر وچ

نہ گنگا نہ جمنا ملدا نہ پہاڑ پتھر وچ

واصف آپ کوں آپ مٹاویں کچھے آپ اپٹے گھر وچ

ایں موضوع تے ہک بیباؤ و ہڑاملا حظہ ہووے:

کئی مسجد کئی مندر پہنجن کئی کعبے وچ وڑدے

عاشق صادق رکھدن ہر جا تا نگھے رن دلبر دے

اپٹے آپ وچ پا جھاتیاں ڈیئہ رات نظارے کردے

واصف رند موجود ہر دم آپ کوں سجدے کردے

وحدت الوجود تے اپٹے آپ کوں مٹاؤن دے بعد ہک صوفی شاعر دا وڈا

موضوع عشق ہوندے۔ جینویں ابن عربی دا آکھن ہے عشق اساڈا دین ہے۔ ایں

بارے وچ انھیں دے خیالات ملاحظہ ہوون۔

عشق اسلام ایمان اساڈا عشق ہے روح حیاتی

عشق ہے کعبہ مسجد مندر عشق ہے مرشد ذاتی

عشق دے درد کشاں اندر چھک دلبر لایم چھاتی

واصف ذات الہی پاتم مظہر نازک جھاتی

کوٹ مٹھن دے بارے وچ انھیں دا ہک ڈوہڑا ملاحظہ ہووے:

نین زالے نازک دے بھر پیتیاں کیف برأتاں

مردیاں دلیں شکستاں کوں دل عیاں آب حیاتاں

وہم گمان خودی دے مر گئے گم تھیاں ذات صفاتاں

ساقی کوٹ مٹھن دی دھم وچ مست پھراں دن راتاں

واصف جتھ کتھ ڈیکھاں جلوے ایمن تے میقتاں

اتھاں ہک کافی دا مطلع ملاحظہ ہووے۔ جیندے وچ انھیں اوٹی آخری

خواہش دا اظہار کیئے۔



اجل واصف جڈاں آوے محمد شکل ڈکھلاو وے!  
زباں صلی علی گاوے ہو سر سجدہ ادا وانگوں

غلام محمد واصف صوفیانہ شاعری دے علاوہ حسن و عشق دی شاعری بہوں  
موثر الفاظ دی کہتی ہے۔ انھیں کافیاں آتے ڈوہڑے وی لکھین۔ جیرھے انسانی  
جذبات دا بھر پور اظہار ہن۔ غلام محمد واصف کوں لفظیں دا بہتر انتخاب آتے انھیں دا  
بر محل ڈاوی اندے۔ اتھوں ساکوں پتہ چلدے انھیں دی فن خطابت تے خوب  
دسترس ہئی۔ ایندے نال انھیں دی شاعری دا تاثر گہرا تھیندے۔ انھیں دی ہک کانی  
دے کچھ شعر ملاحظہ ہوون:

شالا ماٹریں یار جوانی  
آہل وے مٹھل دل جانی

ایہا وڑی روز ازل دی  
ہے پڈھڑی زلف پتل دی  
خم پیچ سیاہ کاکل دی  
تھئی قید قیامت تاٹی

لب لعل دا کیف قمر وچ  
گل لالے کوں داغ جگر وچ  
لگ چندر پمیا بھج ابر وچ

ڈٹی جھلک جڈاں پیشانی

ہک ڈوہڑہ ملاحظہ ہووے۔ واصف بعض پرائے کلاسیکی شاعریں مثلاً حمل

لغاری وانگوں ڈوہڑے وچ پنج مصرعے شامل کریندے ہن۔

سسی کوں مار ماراں ڈیوے ہر ویلھے ہر پہر وچ

کچی بے وفا ہن پچی تیکوں سب چئے کلہڑا بروچ  
 آکھیس کوئی تقصیر میڈی ہے، نہیں اصلوں ڈودہ ولبروچ  
 یا ہوندے ہم نساں ہانہیں، یا عیب ڈٹھس کتر وچ  
 واصف یاردی تھی ہو یساں، مونیں جیدیں حشر قبر وچ

بہر حال مختصر ایہہ آکھیا وچ سگدے جو خواجہ غلام محمد واصف بنیادی طور تے  
 ہک اہم شاعر ہن۔ جیرھے وحدت الوجود دے پیرو ہن اتے خواجہ فرید دی شاعرانہ  
 روایت نال تعلق رکھدن۔ اتے انھیں خواجہ عارض اتے خواجہ فرید دی تقلید وچ عوامی  
 زبان کوں ذرائع اظہار بیٹاتے ناصر ف اپنے خیالات کوں عوام تائیں پہچائے بلکہ  
 سرائیکی زبان کوں وی مقبول بناون وچ اپنا تاریخی فریضہ ادا کیئے۔ ☆

---

☆ ایہ مضمون میں 1986ء وچ لکھیا ہم۔ ہن پروفیسر رانا غلام حسین غلام محمد واصف دا اصل  
 دیوان لکھ گھدے۔ تے اینکوں شائع کرویندے ہین۔ انھیں میکوں قلمی نسخے وی فوٹو سٹیٹ پرنٹ  
 واسطے ڈتی۔ میں اوندی روشنی وچ تھوڑی جنہیں این مضمون وچ ترمیم کیتی ہم۔

## حاجی احمد نگار آتے روشن ضمیر دا قصہ

اسٹور ہک انجمن تصور ہے جو بڑے ذریعے اسماں دنیا کوں کھن دی کوشش کر بندوں (ایمن داس) میں سکول وچ پڑھدا اہم جڈاں پہلی واری روشن ضمیر دا قصہ اپنٹے بک ہم جماعت کنوں سٹیم۔ او ایس قصے کوں دڈے جذبے نال پڑھدا ہا، آتے ایس قصے دی دردناکی دا ذکر وی کریندا ہا۔ میں اگر چہ اوں ویلھے روشن ضمیر دے ڈکھیں کنوں متاثر تھیوم لیکن ایندے بارے کڈا ہن سنجیدگی نال نہ سوچم۔ اہج جڈاں میں اپنے تخلص یار تے سرائیکی دانشور سیں روشن ضمیر (روشن ملک، واں پھراں، میانوالی) دی خواہش تے حاجی احمد نگار دے لکھینے ہوئے قصے روشن ضمیر بارے لکھدا پیاں تاں قول ایس قصے کوں پڑھیم۔

روشن ضمیر دا قصہ اگر چہ سرائیکی علاقے وچ وڈی مڈ کنوں رائج ہے لیکن ایندے بارے تاریخی طور تے کجھ نہیں آکھیا دہن سکدا۔ کیوں جو ایہ یقینا بک غیر تاریخی لوک قصہ ہے جیرہا نہیں لوک قصیں داگوں اہٹی دردناکی آتے فوارق عادات، واقعات دی وجہ کنوں عوام وچ مقبول تھن۔ موجودہ یا ایس کنوں پہلے قبائلی سماج وچ عام طور تے اہا ٹریڈی زیادہ مقبول تھیدی ہئی جیہدا تعلق کہیں بادشاہ، شہزادے یا سوداگرزادے دے ڈکھیں نال ہووے ہا۔ ایس قسم دے اکثر قصے جاگیردارانہ سماج وچ مشہور تھیں۔ کیوں جو جاگیردارانہ سماج وچ جیویں تاریخ بادشاہیں دے گرد گھمدی ہئی ایویں لوک قصے دی بک مدتائیں بادشاہزادیں دے لپڈوں اوڈوں پھر دے ہن۔ (بک ہا بادشاہ)

روشن ضمیر دا قصہ کافی مشہور قصہ ہے۔ آتے ایندے بارے ہوں سارے

شاعریں نظماں لکھین اُتے دیہات وچ رائج تھیئیں اینکوں نائک دی شکل وچ ذیل  
ذیل عوام دے سامنے پیش کیئے۔

بلاشبہ ایہ ہک غیر تاریخی قصہ ہے۔ مگر سچائی نال پُر ہے۔ ایندے وچ  
جاگیر دارانہ سماج دی پوری پوری عکاسی ملدی ہے۔ مترائی ماہ دا کردار، رشوت خور  
قاضی دانتوی، فوق العادات واقعات دے ظہور دے ذریعے انسانی خواہشیں دی  
تسکین، اُتے بادشاہیں دا جاہرانہ عمل وغیرہ۔ ایہ سب جاگیر دارانہ سماج دا پورا نقشہ  
پیش کریندن۔ ایس قصے وچ عام لوک قصیں دا انگوں جزوی اختلاف وی پاتے ویندن  
۔ جیویں جو حاجی احمد فگار دے قصے وچ روشن ضمیر کون بھورے وچ رکھن دی عمر  
اٹھاراں سال ہے لیکن کریم بخش داصل (میں داصل کون اوندی آخری عمر وچ ملیا ہم۔  
اوہوں کس پرسی دے حال وچ ہا) دے قصے وچ ہارھاں سال تے پیر بخش پیرن  
دے قصے وچ چندرھاں سال۔ ایندے علاوہ پیر بخش پیرن دے قصے وچ روشن ضمیر دا  
زمرہ پیغم کون خریدت منگن دا واقعہ وی باقی ڈو قصیں کون مختلف ہے۔ تاہم انھیں  
جزوی اختلافات دے باوجود مجموعی طور تے قصے د امر کزی خیال ہک ہے۔

روشن ضمیر دے قصے کون اکثر شاعریں نائک دی شکل وچ لکھیئے۔ (میڈے  
بچپن وچ سرائیکی وچ نائک شاعری دا کافی کم ہا) انھیں نظم تے نثر کون آپت وچ تولا  
بلا ڈتے اُتے سرائیکی نال اُردو کون وی کم گھدے۔ ایہ ”نثر گرگی“ تریئے قصیں  
وچ موجود ہے۔ (ایہ اگر خامی ہے تاں ہک درو وچ انھیں قصیں وچ عام بھی اُتے  
اینکوں مرثیوں وچ وی ڈٹھاوئح سکدے)۔

انھیں ترانے قصیں دا تفصیلی مطالعہ کرن ڈھیر سارے وقت دا تقاضا  
کریندے۔ تاہم ابتدائی طور تے انھیں تریئے شاعریں دے کلام دا موازنہ کرن  
مناسب ہوسی۔

مترانی ماہِ حیرِ حلقے روشن ضمیرِ نال اپنے عشقِ دا اظہار کریندی ہے تاں حاجی احمد فگار ایں واقعے کوں ایں بیان کریندن۔

جی آیا تے ہر دم آیا، میڈے دل ڈکھی دی دھیر  
 زخمی کیا عشقِ میڈے مینوں لگا غضب دا تیر  
 وانگ مچھی دے تڑپاں، روشن ہمایا جگر نوں چیر  
 فگار اکھیں رت روون ہر دم، میڈے بندنہ ہوندے نیر  
 ایں واقعے کوں کریم بخش واصل ایں بیان کریندن:

مار سُکایا صورت جیڑی، ماری برہوں دی کٹاری  
 بھیڑی ہڈی سِکدی دردی سک لہا چا ساری  
 حال غماندا کیوں سُٹاواں کر کے سینہ پاری  
 عشقِ میڈے دی رزنیاری پس گئی جھڑی پیاری  
 کر منگورتوں میڈی زاری تھیواں صدقے میں لکھ داری  
 پیر بخش پیرن دا انداز وی ملاحظہ ہووے۔

صدق سلام میڈے توں تھیواں صدقے کھول تھیواں  
 میڈے قدم قدم توں تھیواں صدقے، صدقے جالاں  
 صدقے تھیواں میڈے رُخ انورتوں آپنگ پہلاواں  
 پیرن جیئیں چایا ہی اوندیاں ہنسی ہر دم دُعاواں  
 کب ہے واقعے بارے انھیں ترانے شاعریں دا انداز بیان، اسلوب آتے  
 زبان دا درتاواڑ کھو۔ ایراواں ویلیھے دا منظر ہے جڈال روشن ضمیر اپنے پوکوں موت دا  
 حکم سُنڈے۔ حاجی احمد فگار ایں بیان کریندے۔

جندیاں لاء دا ڈکھی آہم میڈی قسمت واہ خدایا

بے قصور پیا آہاں قتلِ تھبیرا یارو کہیں نوں ترس نہ آیا  
 ماہِ مِترائی پئی قتل کر بندی، سکے پیو نے حکم سٹایا  
 نگارِ زمانہ دشمن سارا، کر مدد بتول دا جایا  
 کریم بخش واصل ایں منظر کوں ایں نظم کر بندے:

اُج دے نکھڑیے بی بی اماں دہجِ قیامت میلے تھسین  
 درد اولاد بُرا ہے یارو کیوں درواں ماریاں جھسین  
 عدل کرسی چڈاں پاک خداوند، سچ تے گوڑ ترسین  
 واصل سچ آکھیا ہے داناداں ہتھو پیو دے پُتر مرسین  
 پیر بخش بیرن دا انداز ڈوہیں شاعریں کوں اُج ہے:

بے پروا ہے ذاتِ خدا دی نہیں دم مارن دی جائے  
 اُجے مرگا پچھے مرگا تھل اوڑک جھوک فٹائے  
 تقدیر میڈی اینویں آئی آتے گلہ کہیں تے کیائے  
 بیرن اسماعیل واگوں آتے رب دی من رضائے

ایں چھوٹے جہیں موازنے دے بعد میں ہُنن حاجی احمد نگار دے لکھیے

ہوئے قصے ڈوول آوٹ چنداں۔

اگرچہ لوک قصیں دے مخصوص نالک شاعریں دے کلام وچ کہیں قسم دے  
 نظریات ہولن مشکل ہوندے۔ لیکن کلام دے فنی رتبے بارے تھوڑی جہیں کالجھ کیتی  
 دہج سبھدی ہے۔ چونکہ ایہ قصے کہیں مدنائیں کاروباری نالک ٹولیں واسطے وی لکھیے  
 ہوئے ہوندے ہن۔ آتے اینکوں عام قسم دے شاعر لکھدے ہن۔ چیرھے خودوی  
 نالک دے دوران کردار ادا کریندن۔ جیویں جو کریم بخش واصل اپنی گفتگو دے  
 دوران میکوں ڈسایا۔ ات واسطے ایہ شاعر اپنے کلام دا فنی حوالے نال کپڑا جیں اجار قائم

بے قصور پیا آہاں قتلِ تمہید ایا رو کہیں نوں ترس نہ آیا  
 ماءِ مِزائی پئی قتلِ کر بندی، سکے پیو نے حکم سٹایا  
 نگارِ زمانہ دشمن سارا، کر مدد بتول دا جایا  
 کریم بخش واصل ایں منظر کوں ایں نظم کر بندے:

اُج دے کھڑے بی بی اماں دہجِ قیامت میلے تمہیں  
 دردِ اولاد بُرا ہے یارو کیوں درواں ماریاں تمہیں  
 عدل کرسی چڈاں پاک خداوند، سچ تے گوزن ترسین  
 واصل سچ آکھیا ہے داناداں تمہو پیو دے پُر مرہین  
 پیر بخش بیرن دا انداز ڈوہیں شاعریں کوں اُج ہے:

بے پروا ہے ذاتِ خدا دی نہیں دم مارن دی جائے  
 اُجے مرٹا پچھے مرٹا نھل اوڑک جھوک فٹائے  
 تقدیر میڈی اینویں آئی آتے گلہ کہیں تے کیائے  
 بیرن اسماعیل واگوں آتے رب دی من رضائے

ایں چھوٹے جہیں موازنے دے بعد میں ہُنن حاجی احمد نگار دے لکھیے

ہوئے قصے ڈوؤل آوٹ چنداں۔

اگرچہ لوک قصیں دے مخصوص نالک شاعریں دے کلام وچ کہیں قسم دے  
 نظریات ہولن مشکل ہوندے۔ لیکن کلام دے فنی رتبے بارے تھوڑی جہیں کالجھ کیتی  
 دہج سبھدی ہے۔ چونکہ ایہ قصے کہیں مدتائیں کاروباری نالک ٹولیں واسطے وی لکھیے  
 ہوئے ہوندے ہن۔ آتے اینکوں عام قسم دے شاعر لکھدے ہن۔ پیرھے خود وی  
 نالک دے دوران کردار ادا کریندن۔ جیویں جو کریم بخش واصل اپنی گفتگو دے  
 دوران میکوں ڈسایا۔ ات واسطے ایہ شاعر اپنے کلام دافنی حوالے نال کپڑا جیں اجار قائم

نہیں کریندے۔ آتے نہ فی پچھلی ڈی توجہ ڈیندن۔ ایہا وجہ ہے جو انھیں دے کلام وچ  
 ہوں ساریاں غلطیاں پاتیاں ویندن۔ جو دے وچ درست لفظیں و استعمال، تلفظ  
 آتے وزن و امسکہ شامل رہندے تاہم حاجی احمد فگار و کلام پڑھتے اندازہ تھیرے  
 جو او شاعری دے کچھ اسرار رموز کون واقف ہے۔ جیویں جو او دے آتے ڈتے  
 ہوئے کلام چون کچھ اندازہ تھیرے آتے او دے بارے ایہ ڈسیا گئے جو بطور تاکہ  
 کردار کم نہ کریندا ہا۔



## لطفن: روایت پسند شاعر

روایت ساکوں تحفہ و احساس ڈیندی ہے پر جڑاں ذہن محفوظ ہونے  
تاں اینداز وال صہدے۔ (کرشامورتی)

عبداللطیف لطفن مرحوم دی شاعری دی عمر تقریباً ویسہ سال ہے اوں  
شاعری وچ جیڑھا مقام بٹائے او تقریباً سارا اوندی اونٹی محنت و نتیجہ ہے۔ ہک غریب  
وانگی بیمار تے معمولی تعلیم یافتہ دیہاتی مزدور ہون دی حیثیت نال اگر لطفن دے کلام  
دا جائزہ گھدا ونچے تاں یقیناً اساکوں ہوں ساری نرمی نال کم گھٹاں پوسی۔ میکوں علم  
ہے جو انھیں دے کلام وچ کئی جائیں تیں عیب وی ملدن تیں کئی جائیں تیں مفہوم  
تیں مطالب دی بجائے لفاظی دا سہارا وی گھدا اہئے لیکن بعض جائیں تے تخیل دے  
افلاس دے نال نال سوئے سوئے مفہوم وی مل ویدن۔

لطفن اگرچہ شاعری دے روایتی انداز کوں قبول کیتی رکھیے تے نوین  
خیالیں آتے نوین اصناف شاعری مثلاً آزاد تے نثری نظم کوں ہتھ دی تھیں لایا لیکن  
اوں پڑائیں ساریں اصناف مثلاً ڈوہڑا، قطعہ، مسدس وغیرہ وچ خوب طبع آزمائی کیتی  
ہے۔ سرائیکی وچ غزل نوین رجحانات دی حامل ہے تے لطفن مرحوم کجھ غزلاں آکھ  
تے اپنے ایں پاسے دے رجحانات دا اظہار وی ضرور کیتے۔ اگرچہ انہیں دی غزلاں دا  
موضوع اوہور روایتی قسم عشق ہی رہ گئے۔

گو لطفن دا کلام دا اکثر حصہ عاشقانہ جذبات دے اشعار تے منی ہے لیکن  
انہیں دی نظماں ایں موضوع کنیں ہٹ تے وی ہن جیویں جو انہیں دی مشہور نظم  
”نوین تہذیب“ وغیرہ ہے۔

انگریزی زبان دے جواں مرگ شاعر جان کیش و انگوں بنیادی طور تیں

لفظن حسن و عشق و شاعر ہے تیں ایں موضوع واسطے اوڈ و ہڑہ بھر پور انداز وچ لکھدے۔ اوندے شعر اول ویلھے ہوں اعلیٰ تخلیقی اظہار و نمونہ بن ویندن جیر هلے او اپنے محبوب ”نادان“ دا ذکر کریندے۔

کہیں خالم انسان کنوں حیوان دی یاری ٹھیک اے  
 ہک لکھے دی آبادی توں ویران دی یاری ٹھیک اے  
 ہر شہر دی عریاں رونق توں گستان دی یاری ٹھیک اے  
 لفظن ہر سیاٹے توں بچ نادان دی یاری ٹھیک اے  
 ایندے علاوہ لفظن جیر هلے اہٹی بے سستی دا ذکر کریندے تاں اوندے کلام خصوصاً ڈ و ہڑے وچ جان پنے ویندی ہے۔

اے بے سستی شالا غرق تھیویں میکوں ڈے وگنیں درد کشالے  
 ہے جنڈڑی غوطیں وات میڈی پٹھاں رو داں رت پر نالے  
 میڈے پیار دے ہڑے کوں چا کیتو پھالے پھالے  
 تہوں بے سستی ایں لفظن کوں نویں ویس پوا گئی کالے  
 میں کہیں قسم دی تردید دے ڈر کوں بغیر لفظن کوں ڈ و ہڑے دا ہک ڈو اشاعر آکھ  
 سگداں تے اوندے کئی ڈ و ہڑیں کوں (جیودے وچوں بے سستی، نادان تے سکی دے  
 موضوع تے آکھیے ہوئے ڈ و ہڑے بن اسرائیکی ادب وچ چنگا اضافہ قرار ڈے سگداں۔  
 ایہتاں عام طور تے آکھیا ویندے جو شاعری واسطے ڈ کھ در پان دی حیثیت رکھدن  
 لیکن میکوں ایں حقیقت دا کھلا اعتراف لفظن دی شاعری دے مطالعے دے بعد کرنا پئے  
 کیوں جو زندگی دیاں ساریاں بے بسیاں لفظن دی حیاتی وچ کٹھیاں تھی گیاں بن تے ول  
 انھیں اسڈے شاعر دے کلام کوں پان ڈے پڑتی ہے تیں ایں پان انہیں دی شاعری کوں ہک  
 واری مدت تا تیں زمرہ رہن دی صلاحیت بخش پڑتی اے۔ توڑے جو ایہدے وایتی ہے۔

## محمد حسین شاد تے شاعری دی زبان

جدید شاعریں دامواد (موضوع) ہوسر یا دانے کون زیادہ شامل رہے۔ (ساؤل بیلو)

مولوی محمد حسین شاد سرائیکی زبان دے ہوں وڈے شاعر ہن پر چونکہ او پیشہ ور شاعر نہ ہن ہن واسطے انہاں دی شہرت پرے تیں نہ کھنڈ سگی۔ جے کر او وڈے شاعرین دا انگوں شہر شہر مشاعرے پڑھدے تاں یقیناً انھاں دا صف اول دے شاعرین وچ شمار تھیندے۔ چونکہ انھاں زندگی بھر ایہ کم نہیں کیتا ایں واسطے او گنما دی زندگی گزارتے ملک عدم دے واسی تھی گئین۔

شاد دو بیویں صدی دے پہلے وڈے ہاکیں وچ مغلّی دا پیشہ اختیار کیتا تے ہک انتہائی کامیاب استاد دی حیثیت نال ہر پاسے مشہور رہن۔ فارغ وقت وچ یا او شاعری کریندے ہن یا وقل شکار کھیندے دے ہن۔ شکار تے انھاں پوں شہکار قسم دیاں نظماں آکھین۔

شاد صاحب نظم دے شاعر ہن انھاں زیادہ تر نظماں یا قطعے آکھین۔ انھاں دی شاعری وچ شعریت، چاشنی تے شیرینی پاتی ویندی ہے۔ روانی تے تسلسل وی انھاں دی شاعری دے وصف ہن۔ انہاں دے کلام کون پڑھن دے بعد اندازہ تھیندے جو اونٹری شاعر ہن لیکن انہاں اہٹی شاعری کون بناون تے سٹو اونٹ وڈے کپڑا ہن توجہ نہ ڈتی ہئی۔ انہاں دا چنڈاں موڈ بڈا ہا لکھدے ہن تے ہک وڈے دوستیں کون سٹا کر اہن ہمیشہ واسطے سانجھ رکھدے ہن او مختصر نظماں دے نال طویل نظماں لکھن تے وی قادر ہن۔ بلکہ انہاں دیاں طویل نظماں زیادہ مزیدار ہوندیاں ہن، انہاں دے کلام وچ مزاحیہ تے طنزیہ انداز وی ملدا ہے۔ انہاں دی ہک نظم ’اسوں

ماہ داداہ شکار“ دے چند بند حاضر، بن شکاریں کوں ایں گالھ دا علم ہے شکار نہ لگن دی

صورت وچ ”کدوں“ دی کھاوے پوندن

بتر مردے سنجھ کوں تھولے

یوسف ودا کدوں پھولے

ڈڈھ پیا ڈیندے سارے روئے

تیکر وڈے تھے سولے

پولیاں مارن بے شمار

اشوں ماہ دا واہ شکار

شکارناں ملن دے بعد واپسی ملاحظہ ہووے، یاریں دیاں بچیاں وی لڑھ

دیکھین

بلیتے تے کر قطار،

واپس جھبے ڈیکھو یار

میں پنظم پتھی مار

پاڈر تھی بیا پائی کار

باقی رہ بیا تک پزار

آسوں ماہ دا واہ شکار

اداسٹی ڈوجھی شاہکار نظم ”پوہ دا شکار“ وچ شکار دی تیاری ایں طرحاں پیش

کریندن:

مقرر کوٹ تے بگوا پھولو

ولیں شکاری سارا پھولو

مرچاں ڈیوہ آنا تولو

تکتھے تھوڑے ہتھ کوں چلو

سارے بندے تھے خوار

پوہ دا کھیڑیے واہ شکار

بال پلوڑے ویندیں تائیں

ہنگن نہ دہج ڈاڑا سائیں

ڈکھے تھیو دہج اٹھائیں

پڑھڑیاں زالاں منگن دُعا سیں

یا رب میاں خیر گزار

پوہ دا کھیڑیے واہ شکار

شکاری شکار نہ لکھن دی صورت دہج پُرائے قھے دُہرین تے تال تال شو

بٹاؤں واسطے کئی کوڑ بھتوڑ دے تر پے دی لیندن ملاحظہ ہو دے۔

چھیلے حال سٹاؤں پٹھے

سے سے کوڑ کھاؤں پٹھے

گوڑیاں قسماں کھاؤں پٹھے

اہٹی پھوت ہماؤں پٹھے

پاڑھے ماریم سہنس ہزار

پوہ دا کھیڑیے واہ شکار

ذرا شکاریں دی حالت دی ملاحظہ فرماؤ:

ٹھڈ دیاں گولیاں کھاؤں پٹھے

اچاں بر کھاؤں پٹھے

بھا دے جج بچاؤں پٹھے

تھے سوئے لاولیٰ پٹھے

چیزی جہڑے کڈھ کھنگار

پوہ دا کھیڈیے واہ شکار

شکار دے سلسلے وچ شاعر دے دے وچ گزر تھیں ارہ ویندا ہا، انھاں دی

طویل نظم ”بیٹ دی فضا“ منظر کشی دا ہک نہ مثنوی والاقش ہے، ہک بند ملاحظہ ہووے۔

اُچھل تے دخل سارا تکل ہے بھرن

پڑی پوڑ کرے او جے تیں پھرن

کنارے تیں پریاں پیاں پائی بھرن

جھاں ڈیکھ پوئے ہے جدے کرن

تو مند باگی حیا دار ہے

فضا بیٹ دی کیا مزیدار ہے

شاد صاحب ہک عوامی شاعر ہن انھاں دے سارے موضوعات عوام دی

دلچسپی نال وابستہ ہن انھاں دی ہک مشہور نظم ”میلہ عالم پیر“ دے اشعار اہلٹی روایتی

تے عام فہم شائستہ زبان دے حامل ہن۔

آیا میلہ عالم پیر خلقت کٹھی تھی کثیر

جاں دل خاص مہینہ آوے ترن پئی ڈاڈھے کوڑ کماوے

سرکوں پئی روز چھکاوے تن وچ سے سے سول جپاوے

ہے ہے آکھے میڈا حیر

رعاں جوڑ کچاوے کیتے کپڑے رتے ساوے کیتے

موجھاں حال ڈکھاوے کیتے شوہر نال مکاوے کیتے

جو کجھ منگے ڈیویں حیر

شادسرایکی شاعری دی فکری کایا پلٹ کہتی ہے ایہ انہیں وا اہم کارنامہ ہے۔  
 انہیں ہوں نظماں آکھین جہاں دے وچوں نظارہ جج، آرزو، ہیٹ دی سبک، رخصت  
 آباد، بغدادی پیر، کہاڑی، جیلھوں، کاں، کنجری تے فواڑ بے حد مشہور تھین، میں  
 اتھاں صرف نظم فواڑ وچوں چند بند پیش کریداں۔ جیدے وچ نظم دی تمہید تے  
 اٹھاں تے تمہیکو خصوصی توجہ دا حاصل ہے:

دن واڑ دا آج وار ہے  
 جہر بھر سہو گزار ہے  
 نندروں اٹھیاں ٹپ مار کر ہالیں کوں پٹ پیدار کر  
 ہک ہئی کوں ہکلاں مار کر فردیاں تکھی رفتار کر  
 خلقت کٹھی چودھار ہے  
 فواڑ دا آج وار ہے  
 پینگیاں سہے خوشحال دن کئی مرد شامل حال دن  
 کچھو تے بکدے ہال دن کٹر پرتھے نال دن  
 دہلی بھری نسوار ہے  
 فواڑ دا آج وار ہے

ڈڈھ اولاد دے پیار کوں دی بھلواؤ بندے۔ ذرا بند ملاحظہ کرا ہے۔

کر شور عالم پہہ گیا دریا غضب دا ویہہ گیا  
 ہر ہال روندا رہ گیا دل ماہ دا سہدا سہہ گیا  
 جوئے گھٹایا پیار ہے  
 فواڑ دا آج وار ہے

ڈڈھ دے قلم دا ہک پیرا روپہ ڈکھا ہے:

کئی چورتھی جان پیاں پٹ گوگڑے ڈان پیاں  
 مالک دا گھر گلن پیاں ڈڈھ ہال دا پان پیاں  
 کھاوٹ ایہو مرور ہے  
 وٹواڑ دا آہ وار ہے

محمد حسین شادری شاعرانہ زبان وی خصوصی توجہ منکدی ہے۔ نثر میں  
 اتھاں ایندے بارے وی کجھ گلھ کریاں۔ روس دے مارکسی دانشوریں دا ہک  
 گروپ اپنے آپ کوں ”لفظیں دا مزدور“ سڈ ویندا ہا۔ جدید ساختیاتی نظریہ وی  
 مقبولیت شاعری تے ادب وچ زبان دی بنیادی اہمیت کوں واضح کیتے تے شاعر تے  
 ادیب واقعی آہ دی لفظیں دے مزدور ہن۔ جے شاعری والے لسانی پہلو دا مطالعہ کیتا  
 ونجے تاں زبان تے محمد حسین شادری گرفت سامنے آندی اے تے ایویں لگدے  
 شاعری صرف زبان دی ہر مندی داناں اے۔ ایں سانگے ساڈی روایتی شاعری فن  
 خطابت دے اثر تلے رہی ہے۔

مشہور انگریز شاعر ولیم ورڈز ورثہ (1770ء۔ 1850ء) آکھیا ہا جو  
 شاعری جذبات دے بے ساختہ اظہار داناں اے۔ میکوں ایں تعریف نال زیادہ  
 اختلاف کانسٹی لیکن ورڈز ورثہ ایندے وچ زبان دارول نظر انداز کرڈتے۔ اساں اپنا  
 ہر خیال ہر جذبہ ہر واردات ڈوجھے تائیں زبان دے ذریعے چھیندوں کیونکہ زبان  
 دے بغیر ابلاغ ممکن ای کانسٹی بلکہ حقیقت وچ کہیں جذبے آتے کہیں ذہنی کیفیت دا  
 کوئی وجود کانسٹی۔ ہر جذبہ، ہر خیال، ہر شے زبان دے ذریعے لپٹے وجود واثبات  
 کریندی اے۔ ات واسطے جیکر شاعری جذبات دے بے ساختہ اظہار داناں اے  
 تاں اظہار وی بے ساختگی لفظیں دے نال ممکن اے۔ جیرھے ایں بے ساختگی کوں  
 اہوں تے مستقل کرن، آتے قاری لپٹے اندر اوہا بے ساختگی محسوس کرے، آتے



لپٹا Image شاعر دے Image نال زلا سگے تاکہ گلہ سمجھ آدے۔ میڈی تائید  
 وچ دنیا بھر دے وڈی شاعری کوں پیش کینا دہ سگدے۔ سرائیکی وچ خواجہ فرید  
 (1845ء تا 1906ء) دی شاعری ایندی مثال ہے۔ انھیں دا ہک شعر ملاحظہ  
 ہووے۔

جاں ڈیکھا جھڑینہ کنن من کوں      روداں کر کر یاد جہنی کوں  
 اکھیاں ہلکن منہ ڈیکھن کوں      گل لاوٹن کوں پھکن پاہیں  
 ”اکھیں ہلکن“ آتے ”پھکن پاہیں“ دے وچ جذبات دے اظہار دی  
 جیڑی بے ساختگی موجوداے او ایں شعر کوں ساری تاثیر ڈے ڈتی اے۔ آتے ایہ  
 زبان دے مناسب الفاظیں دے استعمال نال ممکن تھی ہے۔ میں خواجہ فرید دے  
 پورے کلام دا ایں حوالے نال جائزہ گھن سگد اہم۔ لیکن اتھاں میں بہترین منظر نگار  
 شاعر محمد حسین شاد دی شاعری کوں سامنے رکھتے ڈے ہدایاں جو انھیں اپنی شاعری وچ  
 اظہار دی بے ساختگی سا نکلے زبان کوں کیوں کم وچ آندے۔

اتھاں شاد دی ہک نظم ”بیٹ“ دی نضا وچوں کجھ بند پیش خدمت ہن۔ ایہ  
 نظم اپنی منظر نگاری دی شاندار مثال ہے لیکن ایہ مثال او دیکھنے نئی اے جیڑی شاعر  
 اپنے جذبات دے اظہار واسطے چست، برجستہ آتے موقع دے مناسب لفظ منتخب  
 کیتن آتے انھیں دے آپت وچ سوہنی بندش دا اہتمام دی کیے۔

وچھی نرم نازک جتھاں ریت ہے  
 نہ تنکا نہ کنڈڑا نہ کئی چھیت ہے  
 وہل دے کنارے صفا کھیت ہے  
 مہیں کوں اڈا ہیں وڈا بیت ہے

جو مایس دا مسکن وی چودھار ہے

فضا بیٹ دی کیا مزیدار ہے

مٹھے کھیر کا نہیں دے بسیار ہن  
پلاوٹ دی خاطر او تیار ہن  
منزئیں منہ مکھن دے تھے وار ہن  
و پاریں دے شینیں دے کھڑکار ہن

اسے روغن دی منڈی تے بازار ہے

فضا بیٹ دی کیا مزیدار ہے

انھیں بندیں وچ وچھی نرم نازک ریت، تنکا، کنڈڑا چھیت، بیٹ آتے  
مابیس دامسکن جھیں لفظیں داموقع دے بر محل آتے چست ہوں شعر وچ روانی آتے  
بے ساختگی پیدا کیتی ہے۔ جیر می اُردو وچ میر دی شاعری وچ پائی ویندی ہے۔ اینویں  
تکویں بند وچ منزئیں منہ، شینیں دے کھڑکار، روغن دی منڈی تے بازار دے الفاظ  
دے استعمال منظر دی تصویر کشی وچ بنیادی رول ادا کیجے آتے ایں طرح شعر وچ  
شعریت پیدا کیتی اے۔

اساں اگر کہیں وی شعری تخلیق دا زبان دے استعمال دے حوالے نال تجزیہ  
کروں۔ تاں جیر می تخلیق جیر محلے حوالے نال موثر ہوی اوندے وچ اوں حوالے نال  
مناسب زبان دا استعمال سامنے آوی آتے انہیں دا استعمال کہیں دی حقیقی تصویر کشی  
د واسطے ضروری ہے جو واقعہ آتے زبان کوں مساوی ہوگا چاہیدا اے۔ میڈا مطلب ایہ  
ہے جو کہیں واقعے یا منظر کوں بیان کرن د واسطے اونجھا لفظ استعمال ہوں چاہیدا جرحا  
اوندی حقیقی آتے سچی طور تے نمائندگی یا تصویر کشی کرے۔ ایہ ہے کہیں لفظ دا کہیں  
واقعے دا مساوی ہونا۔

اگر کوئی شاعر اپنے خیالات دے اظہار د واسطے اوندے مساوی زبان استعمال

نہیں کریدنا تاں اودمانہ درست اظہار تھہیدے نہ ابلاغ تھہیدے آتے نہ منظر کشی تھہیدی ہے (ولکن شائن واقعہ تے زبان دے تعلق تے فکر انگیز بحث کیتی ہے)۔ تاہم ہیئت پسند نقادوں بان دے ورتا دے کوں بنیادی حیثیت ڈیندن۔

محمد حسین شاد ہک اشجھا شاعر اے جینکوں صحیح لفظیں دا انتخاب تے قدرت حاصل اے۔ صرف ایہ کالجھ نیں بلکہ ادا انھیں لفظیں دا استعمال وی ٹھیک طرحاں تے کریدے آتے ایں طور تے کہیں واقعے دی بھر پور تصویر کشی کرن دج کامیاب رہندے۔ ایں حوالے نال شاد وی نظم ”پوہ دا شکار“ ڈیکھو۔ جو انھیں دی نظم دج حسن لطافت کیتجھے کردار منتخب کرتے انھیں حالت زار بیان کرتے آتے اودے حوالے نال زبان دج بر محل لفظیں دا انتخاب کرتے آتے انھیں دی آہت دج نبوت کرتے کیا خوب منظر کشی کیتی ہے:

سٹو قصہ شکاریں دا	انھاں ہڈھیں تے ڈھاریں دا
سٹاواں ڈکھ ڈکھاریں دا	ہا کیتجھا حال ساریں دا
سمو نقشہ ہما ڈیاں	تے حالت سبھ ڈسا ڈیاں

کئی ہن ڈپرے کئی ہن ڈورے  
کہیں کوں آمدے راتیں دھوڑے  
رتج دے ماریے ڈنگے ڈوڑے  
ہڈ ہڈویں ککھ دے گھوڑے

سارا ٹھالا ہا بے کار  
پوہ دا کھیڈیے واہ شکار  
ہک شکاری تھیا لاچار

پٹھے کچا درد آزار  
چیل تے آکھے نکھیں مار  
ہکلیں ہک تے ماریں چا

جیویں مارے سٹ لوہار  
پوہ وا کھپڈ پیے واہ شکار

اُتلے بندیں وچ اظہار دی بے ساختگی واسطے جیرھے لفظ مثلاً ڈپرے،  
ڈورے، رتیخ دے مارے، ڈنگے ڈوڑے، ککھ دے گھوڑے، جیویں مارے سٹ  
لوہار استعمال کیجے نکھیں۔ انھیں لفظیں دے استعمال جیرھی شاندار منظر کشی کہتی اے۔  
اوشاعر دی زبان تے قدرت آتے واقعے تے لفظیں دے مساوی ہون دے لسانی  
شعور دا شاندار اظہار اے آتے میڈے نزدیک ایہ سب زبان دی فعلیت اے جو اعلیٰ  
شاعری دی تخلیق ممکن اے۔

مختصر آ محمد حسین شادوی شاعری دے موضوعات وکھرے بن۔ انھیں دی  
شاعری تے ماضی دے کہیں وڈے شاعر دی چھاپ کانتی۔ اوہدا تصوف آتے عام طور  
تے حسن و عشق نال کوئی تعلق کانتی۔ او معروف شاعرانہ اصناف کافی، مثنوی تے  
ڈوہڑے دے پابند کانتی۔ انھیں اپنا رستہ آپ بٹائے جیرھا تخلیقی قوت دی بنیاد تے  
ہے۔ محمد حسین شادوی زبان آتے ڈکشن خاص ہے۔ آتے اسلوب وی منفرد ہے۔  
میڈے خیال وچ او آہٹھی شاعری دی انفرادیت دے حوالے نال ہمیشہ زندہ رہسن۔

## شاکر تونسوی دی شاعری

انسانی شعور ساڈے وجود اقصین میں کریندا بلکہ ایدے برعکس ساڈا سماجی وجود ساڈے شعور اقصین کریندے۔ (مارکس)

شاکر تونسوی سرانیکی زبان دا ہک ”جنونی“ شاعر ہے۔ اوں اعلیٰ ساری حیاتی شاعری واسطے وقف کر ڈیتی ہے۔ اوہک سدھاسا دا آتے شریف انفس انسان دی ہے۔ اوندا ناں غلام محمد ہے آتے او ایں وقت تقریباً پونجاہ دے پٹیے وچ ہے۔ تونسوی صدر بازار وچ اوندی چھوٹی جھپیس تبا کو والی دکان تے ہر ویلھے علم ادب آتے شاعری دا چر چار ہندے آتے ادب دی تاریخ وچ ہک اِن مٹ یا دگار دے طور تے محفوظ تھیندا ہے۔

شاعر دی تعلیم معمولی ہے لیکن او شاعری وچ موجودہ وقت دے ہک وڈے شاعر سمیں جانا جتونی دا شاگرد ہے آتے انھیں دے رنگ وچ لکھدے تے خوب لکھدے۔

شاگردے کلام کوں ڈھیں وچ دیکھ یا دیکھ سکدے۔ ہک حصہ کلاسیکی انداز وچ عشق محبت دیں وار داتیں آتے تاثرات نال تعلق رکھدے آتے ڈھ جھا حصہ مظلوم عوام کوں احساس زندگی ڈھیا وٹن واسطے وقف ہے۔

کلاسیکی انداز دا کلام ہوں موثر آتے جاندار ہے آتے وڈے وڈے شاعریں دے کلام دے مقابل رکھیا دیکھ سکدے۔

ساڈے اچھے مال دی بھال نسی کوئی درد نہیں دلدار دے وچ  
آج بے مثل تھی کے وکھدے پئے نہیں ظلم والے بازار دے وچ

لاغرض کوں کوئی غرض کس ساڈی جیت دے وچ نہ ہار دے وچ  
ایہ کجھا خلق دا خالق ہے آجاں پٹھے سوچ وچار دے وچ

کھ قطعہ ملاحظہ ہووے:

کبیر دے ہونڈن اینویں کئی جھاڑے  
خدا دے مقابل وی مخلوق رہی اے  
ایسے زور شاگر ہینڈے کس رہندے  
نہ کاغذ دی پڑی کڈیں پار تھسی اے  
پاکستان ڈیوکریٹک پارٹی دے نال نظر پاتی دلچسپیں دے ہاوجود شاگر  
تونسوی مزدوریں آتے غریبیں دی حمایت وچ پیش رہیے۔ شاگر دی اس قسم دی عوامی  
شاعری وچ وڈا جوش آتے زور ملدے۔

انٹھے ستم دی دور وچ کیہ تائیں کوئی جی سکے  
کیہ تائیں کرے کوئی خون دی لپٹے ضمیر دا  
غیرت جتھاں غیور دی بے مل وکا ونچے  
رہن جتھاں ونا کھڑے جبہ فقیر دا  
کھ بیا بند ملاحظہ ہووے۔ غریب آتے مظلوم عوام دیں مجبوریں دے  
اظہار نال نکالیں دی خود ساختہ اہمیت دا پول دی کھولیا ہئے۔

توں زر نہ ڈیندا زرداریں کوں گھن سکدے ہن پٹیاں  
آج زہج جو ہے کھڑوہ دیندیں کوں کیوں نہ مارن جھلپان  
ہن حق انصاف دی آکھیں تے ہن ظلم زل دیاں پٹیاں  
اتھ کجھ توں ہال غریبیں دے پے مردن مار تلھیاں  
انھیں اہٹی غزل وچ روانوی موضوعات کوں تخلیقی انداز وچ پیش کیے۔

محبت وچ قدم رکھتا کوئی آسان نہیں ہوندا  
 اوڈوں پتھر دی آ لگدن جتھوں امکان نہیں ہوندا  
 کیتر دعویٰ محبت دا زما نہ درد کئی ڈیسا  
 اچھے بے درد لوکیں کوں کوئی ارمان نہیں ہوندا  
 ایں منزل وچ معیبت دے کئی اوکھے وقت دی آندن  
 سوا دردیں دے عاشق دا کوئی سامان نہیں ہوندا

شاکر تونسوی آج دے اکثر کامریڈیں دا انگوں ترقی پسندی کوں فیشن دے  
 طور تے قبول نہیں کیجیا بلکہ ہک مزدور ہونڈا دا خود تجربہ کیجے تے گورکی وانگوں ہاشی  
 شاعری دے موضوعات کوں خود دریافت کیجے تے شاعری کوں سماجی تبدیلی واسطے  
 استعمال کیجے۔ شاکر تونسوی دی شاعری پڑھ کراہیں شعور تے سماجی وجود دے رشتے  
 سانگے بارے مار کس دی بصیرت دی تجربی تصدیق تھیری ہے۔

## غلام حسین زائر دی ترقی پسندانہ شاعری

چڈاں لوں لوکیں کوں آکھیا پٹے مسائیں نال محبت کرو چڈاں لوکیں دے  
ہیٹ بھرینے ہوئے ہن۔ اہج حالات بدل چکن۔ (برقوت بریخت)

غلام حسین زائر مشہور سرانگیکی شاعر ہن۔ انھیں ابتدائی طور تے 1922ء  
دوچ شاعری شروع کیتی آتے میاں نبی بخش غافل دی شاگردی اختیار کیتی لیکن استاد  
کنوں اصلاح ہوں گھٹ گھدی۔ کیوں جو انھیں کوں استاد موجب اصلاح دی زیادہ  
لوڈ کاٹنا ہئی۔ اہٹی کاروباری مصروفیت پاروں زائر 1938ء دوچ شاعری چھوڑ ڈتی۔  
آتے دل ڈوجھے دفعہ 1964ء دوچ شروع کیتی۔

غلام حسین زائر ڈیرہ غازی خان دے رہائشی ہن۔ انھیں نال میڈے کافی  
قربانی تعلقات ہن۔ اوڈیرہ غازی خان دے ہے بزرگ شاعر نور محمد ساٹل دے ہم  
عصر ہن۔ غلام حسین زائر دے مطابق اوسراںگیکی زبان دے لکھاری شاعر آتے ملتان  
قاعدہ دے مصنف سیں قاضی فخر الدین راضی (وفات 1933ء) دی زیر صدارت  
مشاعرے دی پڑھدے رہن۔

غلام حسین زائر پہلے پہلے سی حرفی ڈھولا لکھیا۔ ایندے بعد مولود وی  
لکھیدے رہ گئے۔ بعد دوچ کافی تے غزل دے پاسے آئے۔ انھیں کوں علم عروض  
تے عبور حاصل ہا۔

غلام حسین زائر 1964ء دوچ جیڑھلے ڈوجھی دفعہ شاعری شروع کیتی تاں  
ہر موضوع تے لکھن پئے گئے۔ ایں عرصے دوچ انھیں دے زیادہ تر موضوعات سیاسی  
رہیے۔ او شاعری دے نال نال سرانگیکی قومی تحریک دے کارکن وی ہن۔ ڈیرہ غازی



خان وچ سرائیکی اکیڈمی دا قیام انھیں دا امر ہون منت ہے۔ ایہدے ذریعے انھیں کئی مشاعرے کرائے۔ سرائیکی شاعری کوں رواج ڈی پوٹ دا سلسلے اپنے شاگردیں دی ہوں حوصلہ افزائی کیتی۔ سرائیکی دی ترقی واسطے جرمی تحریک چلی انھیں اوندے نال تعاون کیجے۔ ایس سلسلے وچ انھیں کئی نظماں وی لکھیں۔ انھیں وچوں ”پول سرائیکی“ کافی مشہور ہے۔

غلام حسین زائر دے کلام وچ روانی شعریت تے فنی چنگی ملدی ہے۔ علم عروض تے عبور دی وجہ کنوں انھیں دے کلام وچ عروضی غلطیاں نہیں ہوندیاں۔ انھیں خواجہ فرید دے کلام دی عروضی حوالے نال تقطیع کیتی ہے۔ غلام حسین زائر دیاں نظماں تے غزلاں کافی لمبیاں ہوندن۔ انھیں شاعری دی کہیں صنف کوں نہیں چھوڑیا۔ سی حرفی، ڈوہڑا، کافی، غزل، قطعہ، نظم (بطور مخمس، مسدس وغیرہ) قصیدہ، ہجو، سہرا، مرثیہ وغیرہ انھیں دے کلام وچ عام ملدن۔ عام طور تے زائر ڈوہڑے گھٹ آکھیں۔

انھیں دا ڈوہڑا اپنے استاد نئی بخش خاں دے ڈوہڑے کنوں متاثر ہے۔ ات واسطے انھیں دے ڈوہڑے وچ بعض اوقات پنج، چھی یا ایس کنوں وی ڈھیر مصرعے ہوندن۔ ہک ڈوہڑا ملاحظہ ہووے۔ ایہدے وچ روایتی خیالات دین:

جے ملن بکار ہی مانی دا، دل بندڑیاں دی، دل بندڑی تھی

اکھ بھال غیر خیال نہ کر ایہا رجز سمجھ نہ آندھڑی تھی

رکھ میت تے ریت پریت ددھا، کر لو بھ تے نہ شرمندڑی تھی

توڑے زائر مانی بے پرواہ، توں ہانھی بر دی بندڑی تھی

ہنسی حرفی دا ہک بند ملاحظہ ہووے۔ ایہ شاعر دا بالکل ابتدائی کلام ہے۔

ث: ثروت دولت پڑی مول نہ چھدی

سک دیدار پیڈی دل کوں تیندی رہندی

بھاندی مول نہ دل کوں سہوں بیچ مہلانڈی  
 ڈے دیدار ضروری زائر مٹھی ماندی  
 غلام حسین زائر دی شاعری وچ ملک دی موجودہ صورت حال دی عکاسی  
 دی ملدی ہے۔ اس سلسلے وچ انھیں دی ہک نظم ”اوترا نظام“ دا ہک بند ملاحظہ ہووے  
 ۔ ایہ 1971ء وچ لکھی گئی۔

نہ چھو کہ کیا ملک دا حال تھی گئے ترقی کیتی ہس کہ پامال تھی گئے  
 ستم در ستم قوم دے نال تھی گئے نظام اوترا بگل دا جنجال تھی گئے  
 بھکیندیں بھکیندیں چڑی سال تھی گئے  
 ملک دی ایہ صورت حال غلام حسین زائر دے مطابق سرمایہ دار تے کرپڑتی  
 ہے۔ انھیں دی ہک نظم ”پھٹی دے کارخانہ دار“ وچ ایہدا عکس ملدے۔ ہک بند  
 ملاحظہ ہووے۔

خدائی پے کریندے کارخانہ دار پھٹی دے  
 جیویں چندے لئیدے کارخانے دار پھٹی دے  
 اینویں موجاں مٹھدے کارخانہ دار پھٹی دے  
 سرمایہ داریں دی ایس لٹ پٹ دے نتیجے وچ محنت تے سرمایہ دی کشمکش  
 شروع تھی ویندی ہے۔ غلام حسین زائر ایس صورت حال کنوں دی پوری طرح باخبر ہن۔  
 زر کوں آزادی ، تے محنت قید ہے  
 زوردار صیاد ، ہینڈا صید ہے  
 ددھ ، گئی طبقہ داری کشمکش  
 لائے محنت کوں ہوں سرمائے دس  
 ہر وڈا زوردار ہے خراک دس

تھیدی پچی محسوس زائر ایہ خلش

ہک بیا درکار ہے چوڑاں اگست

کیا؟ خوشی دا وار ہے چوڑاں اگست

زائر کوں لپٹے کلام وچ لفظیں دے استعمال دا ہنر آندے۔ قافیے دے طور تے

Nil (غل) انگریزی لفظ آتے سرائیکی لفظ پیلرل دا استعمال ملاحظہ ہووے۔ آتے ایندے

نال گھم گھیر دا صوتی تاثر وی لطف ڈیندے۔

ہے زمانہ مدرسہ یا امتحانیں دا مقام

ہوش کر بندہ متاں میڈا نتیجہ نل تھیوے

سے یقین محکم تاں جانی یار پڑا پار ہے

ورنہ گھم گھیر ہے جیکر یقین پیلرل تھیوے

غلام حسین زائر سرائیکی قومی تحریک دے ابتدائی ہمدردیں وچوں ہن۔ آخر

وچ میں انھیں دی ہک نظم ”سرائیکی دی دھانہہ“ دے کجھ بند پیش کن۔ جتھاں او

سرائیکی زبان تے پنجائیں دے قبضے دی گلجھ کریندن۔ اُتھاں اہٹی ارج سُنجان دا

تذکرہ وی ٹریندن۔ اس خراب صورتحال وچ اوہد اُمید دی ہن جو ضرور تبدیلی آووسی۔

پنجابی نال کوئی اونٹ وی میڈی نہیں رلدی

دھنک دھن دھانہہ طلبے دی نہ تھاپو تھاربانے دی

میڈا لب لہجہ دکھرا ہے تے ابجد دی ہوں سارے

نہ رُکدی طرز لاہوری نہ وقت نانکانے دی

میڈے شعرا دے دعویٰ دار پنجابی زبان والے

میں بے وس ہاں شکایت ہے میکوں اپٹے بگانے دی

جیکر سیکھیں لڑایا ہاتے انگریزیں وکارتیا ہے  
تے لپٹے وی نہ کیتی دل جوان دے بہانے دی  
توڑے میں ڈو کروڑیں دے گھریں وچ پولی ویندی ہا  
مگر حالت میڈی ہے "کس پرہ" ناتوانے دی  
جدا ہے دس وسیب لپٹے تعلق دالے لوکیں دا  
جدا ہے رسم شادی دی جدا سہرے تے گانے دی  
الگ تہذیب ہے میڈی الگ میڈی ثقافت ہے  
تے وکھری تان سر ہے میڈے نغے دی ترانے دی  
الگ تسلیم کیوں کیتی نہیں ویندی میڈی ہستی  
توڑے صورت الگ ہے میڈے چلوے ڈھوڑے مانے دی  
آخر وچ غلام حسین زائر دی خواہش پوری تھی گئی آتے سرائیکی زبان کوں  
پنجابی کوں انج زبان تسلیم کر گھداہ گئے۔ ویسے اوندی ایہ امید اوندے کلام وچ دی  
موجودہ تھی۔

مایوس تھی نہ زائر اوڑک ہی کامیابی

جاری رہی جو کوشش سالیں دے سال ساڈی

زائر دی شاعری وچ ارتقاء واضح ہے انہاں دی ابتدائی شاعری مذہبی نوعیت  
دی تھی تے پڑائیں اصناف وچ اظہار خیال کیتا گیا۔ لیکن وقت دے نال نال انھیں  
دی شاعری وچ ترقی پسندانہ تے قوم پرستانہ سوچ نشا بر تھی۔ انھیں بدل دیں حالات  
دے تقاضیں دے مطابق اہٹی شاعری دے موضوعات وچ تبدیلی آمدی تے ہئی  
انھیں دی شاعری دا مجموعی تاثر ترقی پسندانہ ہے۔ جے تیں سرائیکی وسیب وچ قلم تے  
غربت تے استحصال براہیسی زائر دی شاعری دی اہمیت کچی ہے۔

## حسن رضا گرویزی: حاشیہ نشین موضوعات و اشاعر

ماضی وچ ہمیشہ مرکزی حیثیت بالادست طبقے کوں حاصل رہی ہے آتے  
 نکویں طبقے دی حیثیت حاشیہ نشین انسان دی ہئی۔ قبائلی دور وچ سردار کوں مرکزی  
 حیثیت حاصل ہئی آتے سارے معاشی تے سماجی حالات اوندے گرد گھومدے ہن۔  
 عام لوک ”روح“ دی حیثیت وچ حیدرے رہندے ہن۔ حیدری نہ سماجی حیثیت ہئی  
 آتے نہ معاشی۔

جاگیر دارانہ سماج وچ جاگیر داری نظام آتے جاگیر دار کوں مرکزی حیثیت  
 حاصل ہئی آتے باقی انسان جٹائیں، مزارع، مہلہ دار تے کھیت مزدور ہن۔

سرمایہ دارانہ نظام وچ صنعت آتے صنعتکار سرمایہ دار کوں بنیادی حیثیت  
 حاصل ہے آتے پورا سرمایہ دارانہ سماج اوندے گرد گھومدے۔ ایس سماج وچ محنت کش  
 تے مزدوری حیثیت حاشیہ نشین انسان دی ہے۔

کارل مارکس (1883ء۔ 1818ء) دی فکر پہلی دفعہ ایس صورت حال  
 کوں بھن سٹیا۔ آتے مزدور آتے اوندی محنت کوں بنیادی حیثیت ڈتی۔

کارل مارکس اگرچہ اپنے ماڈرنسٹ فلسفے وچ سائنس آتے Reason  
 کوں چیلنج نہ کیتا جیرہ حاصنتی دور وچ Metanarrative دی حیثیت رکھدے۔  
 تاہم مارکس Small narrative یعنی محنت کش طبقے کوں انقلاب وچ مرکزی  
 تے بنیادی حیثیت ڈتی۔ ایندے اثرات وچ جتھاں مزدور تحریکاں آتے انھیں لیوں  
 انقلاب دی جدوجہد سامنے آئی۔ اٹھاں ادب وچ دی مزدوریں دی کسمپری آتے

ادنی محنت دی عظمت کوں اُجا گر کیتا گیا۔

ڈوجھی عالمی جنگ (1945ء-1939ء) دے بعد دنیا ہک نویں دور وچ داخل تھئی۔ اگرچہ ایں کنوں پہلے وی سائنس آتے Reason دیں کئی کمزوریں ڈوجھ اشارے شروع تھئی گئے مہن۔ لیکن بعد وچ Postmodernist دور وچ ہوں نظریات اُلٹ ڈتے گئے۔ مہن Metanarrative دی بجائے Small narrative کوں اہمیت ملی۔ سائنس آتے عقل دے ارتقائی کردار دی بجائے کلچر آتے روایت تے زور ڈتا گیا۔ تے انھیں روشن خیالی دے منصوبے کنوں مایوسی دا اظہار کیتا۔ آتے Paul Feyrabend (1994ء-1924ء) Farewell to Reason لکھ سٹی۔ اوں کئی اعتراضات Scientific Methodology آتے کیتن توڑے جو اوں دے اعتراضات تے فلسفیں دے کئی تحفظات مہن۔ تاہم ایندے نال کلچر آتے روایات دی اہمیت اُجا گر تھئی تے فیبر اینڈ ما بعد جدیدیت کوں Respect for Culture/Tradition دا نعرہ ڈے ڈتا۔

اینویں کھیلے ہوئے لوکس ہارے گیا تری ہی واک Can Subaltern Speak? وچ ایہ استدلال کیتا محکوم لوک دی آلاسکدن۔  
پوسٹ ماڈرن آزم دا اثر پوری دنیا تے تھیا۔ آتے سرائیکی ادب تے دی تھیدا ہے۔

حیرت انگیز گالھ ایہ ہے جو ایں سب کنوں پہلے خواجہ فرید (1901ء-1845ء) اہٹی شاعری وچ وجودیت Existentialism توں علاوہ پوسٹ ماڈرنس فکر کوں دی نشا بر کیتا۔ انھیں اہٹی شاعری وچ انسان دے داخلی عذابیں نال نال لپٹے کلچر آتے روایات دے اندر آلاؤن شروع کیتا۔ انھیں دی شاعری وچ

عورت جبرمی سرائیکی وسیب وچ کچلی ہوئی مخلوق ہئی، سسی اُتے ہیر دے روپ وچ  
 اُلاون شروع کیتا اتے اہٹی محبت تے وفادار بلا اظہار کیتا۔ ایندے نال خوبہ فریدی  
 شاعری وچ ”قمر“ تے لاڑوی اُلاون پئے پئے۔ خوبہ فرید انسانی محبت کوں وی  
 احترام ڈتا۔ انھیں ”وچ روہی دے رہندیاں“ اُتے ”آپٹوں رل یار“ وچ انسانی  
 محبت کوں اُجاگر کیتا۔

خوبہ فرید دے بعد باقاعدہ طور تے حسن رضا گردیزی اٹیجھے شاعر بن۔ جنیں  
 اہٹی شاعری وچ انھیں حاشیہ نشین موضوعات کوں جاہ ڈتی۔ انھیں محنت کشیں دیں  
 خارجی اُتے داخلی عذائیں کوں اہٹی نظم ”نوکر وہیچ“ وچ وڈے تاثر نال بیان کیجے۔  
 کہیں امیر گھر وچ کب عورت نوکرانی دے طور تے کم کریندی ہئی اوندرا کب  
 چھوٹا جیہاں ہال وی ہا۔ جبر حاما دے کم دے دوران پیار اُتے غذا دی تلاش وچ ماہ  
 دے پچھوں پچھوں ڈرکدا دوار بندے۔ ماہ جبر حمال ہال ڈ توجہ ڈیندی ہے تاں گھر دی  
 مالکہ اوندے اُتے اہٹی کاوڑ کڈھیندی ہے۔ ماہ ہال کوں مارتے اوندے نال خودوی  
 روون پئے ویندی ہے ایس خیال کوں شاعر وڈی چابکدستی نال بیان کیجے۔

اچاچیت کب بجلی ڈھاوے ، بیگم گھر کوں سرتے چادے  
 چھوہر تیکوں شرم نہیں آندی ان ڈھلکاندی ، ان پسلاندی  
 شام نہ تھیوے جھاڑ وڈیندی ، ہال کھڈیندی ، لاڈ کریندی  
 روز دا مرگا نہیں بھکتیہدا ، چپڑے کولوں کم نہیں تھیویدا  
 رکھ گھنسون کہیں بے نوکر کوں ، چھوڑ ڈے نوکری ، بچ وچ گھر کوں  
 ”بی بی میڈا کوئی گھر کئے نی ، خیر اتھاں وی لنگر کئے نی  
 روٹی کھانویں ، کپڑے پانویں ، کم دے ویلھے ہال کھڈانویں  
 ایس منزل تے ماما ہارے ، ماہ بچڑے کوں چائیاں مارے

چیرھے دلچھے مار کھڑوے، ماء وی رووے، ہال وی رووے  
 حسن رضا گردیزی دی شاعری وچ اُچ دے نوں موضوعات وی ہن۔  
 چیرھے کہیں نہ کہیں شکل وچ انسان دے مثلی روّیں دا اظہار کریندین۔ ”دھاہے  
 دھوڑے“ دی ہک نظم ہے۔ ”لکھاں صدیاں پہلے“ ایہدے وچ تہذیبی جبر آتے تا  
 انصافیں دی کالھ کیتی گئی ہے۔

اُچ پیڑیاں افلاک تے دھا کاں، پیڑے تھہ فطرت دیاں واپاگاں  
 سب کجھ پیڑے دس دے اندر، دریا، جنگل، روہ، سمندر  
 کتیاں، ہلیاں تائیں ورسا نوں، کہیں انسان تے رحم نہ کھاویں  
 آدم زاد دے کم نہ آویں، بچدے اُن کول بجاہ چالانویں  
 بکھیاں تنکیاں توں منہ موڑیں، کھیر دی نہر سمندر لوڑھیں  
 ہک پاسوں اُرباں مخلوقاں، بکھ توں مردیاں مارن کواں  
 بکھا ڈھا نچہ ہال کہیں دا، مر گئی ماں دا ہاں بھکھیدا  
 کال دے چکر دے وچ آندے، لوک اُبال کے چڑے کھاندے  
 لہٹا دشمن، اُپٹا قاتل، واہ پیڑی تہذیب دا حاصل  
 مثل نوکو (1984ء۔ 1926ء) دا قول ہے۔ علم طاقت ہے علم دے  
 ودھارے تال انسان طاقتور تھیدے جنیں کول علم ہے طاقت وی اوں کول آدیندی  
 ہے آتے علم دی ایس طاقت دے مظاہرینکنا لوجی وی شکل وچ اساڈے سامنے ہن۔  
 علم دی ایس طاقت بعض اوقات ناصر ف تباہی پجائی بلکہ انسان کول انسان دی سُخیاں  
 کنوں وی محروم کر ڈتا۔ شاعر ایس دند آتے طبقاتی تقسیم تے خود کول ”شرمسار“ محسوس  
 کریندے۔ انھیں دی ہک نظم ”شرمندگی“ دے کجھ شعر ہن۔  
 ہک او بندے جیڑھے شیش محل وچ رہندن



ہک او بندے جیڑھے فٹ پاتھ تے سُم پونڈن  
 انھاں ڈوہیاں بندیاں وچ فرق ہوں سارا ہے  
 جیڑھا انسان دی ہر سوچ کولوں بھارا ہے  
 سخت مشکل ہے زمانے تے انھاں ڈو دا ملاپ  
 میں کیاں ذکر چا جھیڑیا ، شرمندہ ہاں آپ

اگر ایہ شرمندگی کہیں حد تا کیں مایوسی دا اظہار کریندی ہے مگر شاعر ول دی ہڈ  
 امید ہے اُتے آہ دے کچلے ہوئے طبقے یعنی مزدور دے نویں شعور کتوں باخبر ہے۔  
 جیڑھا اوائی حالت تبدیل کرن چہندے۔ ہک نظم ”اے انسان“ دے کجھ شعر دن:

ایہ انسان جہاں دی محنت عرش توں رزق لہاوے  
 ایہ انسان جہاں دا کھٹیا ہر کوئی پیہہ کے کھاوے  
 ایہ انسان جہاں دے ہتھوں جھولیاں بھرن زیناں  
 ایہ انسان جہاں دے خون تے چلدین سب مشیناں  
 ہنن ایہ بندے سٹیے کجھ کجھ ہوٹن وچ پئے آندے  
 ایہ انسان سٹیے راتیں کوں کٹھے تھی کے بہندے  
 کیا آہن کیا سوچ کریندن ، کون انہاں دی چائے

ہک نظم ”چنے بدل“ ہے۔ جیندے وچ ”چنے بدل“ غیر آباد علاقے تے  
 وس تے موٹھے ماندے چٹ دا مذاق اڈیندن۔ جو اووندی زمین تے کس دسیئے ،  
 جتھاں تریہہ کتوں فصلاں سکدیاں نہیں۔ ایہ نظم فطری نا انصافی دا ہک سہل ہے۔  
 لیکن ایس نظم دی تلوں پرت ڈٹھی ونچے۔ آتے متن دے آزد مطالعے کوں سامنے رکھیا  
 دسکے جتھاں ہک قاری یا نقاد Passive رول دی بجائے۔ فعال کردار ادا کریندے  
 ۔ تاں ایہ نظم ”چنے بدل“ حکمران طبقے دس نا انصافی دی شاندار مثال ہے

- جبرھے غریب تے ضرورت مند لوکیں دی بجائے اپنے تعلق داریں تے نوازشات  
کریں دین۔ شاعر ایں فطری آتے سماجی نا انصافی دے خلاف مزاحمت آتے تبدیلی دا  
درس ڈیندے۔ اتھاں محروم لوک ہر عزم دین۔ جو او دنیا تبدیل کر ڈیسن۔

لیکن یاد رکھو آے بدلو ، اپٹے طور طریقے بدلو  
میں انسان ہاں طاقت والا ، عزت والا ، حشمت والا  
میں فطرت دے پاڑیے سینے ، میں جنگل وچ منگل کیچے  
میں افلاک دے تارے تر ڈیئے ، میں طوفاناں دے منہ موڑیے  
گور دے نال جھگڑا آیاں ، میں صدیاں توں لڑا آیاں  
میں فطرت کوں مجبور کریاں ، میں تہا کوں انصاف سکھیاں  
ہر جا حصے رسدی سو ، کہیں مظلوم دا حق نہ کھسو  
اپٹے طور طریقے بدلو ، اپٹے طور طریقے بدلو

جتھاں کچلے ہوئے لوکیں دی تبدیلی دا عزم واضح ہے۔ اتھاں ایہ اوکھا پیئڈا  
دی ہے لیکن شاعر بالکل ایں ناں دی لقم ”اوکھا پیئڈا“ وچ ایں عزم تے قائم ہے جو جبر  
دا ایہ سلسلہ ختم تھی ویسی۔

ہمیشہ اینویں رات کالی نہ رہسی اندھیاراں دا آخر نکلی جتاڑہ  
خدا ساڈی محنت سبائی کرلی اے مارو جبل ساڈے رستے توں ہٹسن  
اگرچہ ایہ مرحلہ ہک انتظار دا ہے لیکن شاعر اہٹی ہک ہی لقم ”انتظار“ انھیں  
لفظیں تے مکیندے۔ آتے امید دا اظہار کریںدے۔

جیویں کیویں جھاگ تھکیساں کل دیاں تاں گھاں لا کے  
رات دیاں پوڑیاں توں لہساں امید دے ڈیوے چا کے  
شاعر کوں اہٹی امید تے پکا یقین دی ہے کیوں جو تاریخ دیاں کئی مثالیں

اوندے سامنے ہن۔ جیہیاں اساں خودوی روز آہٹیں اُکھیں نال ڈہدوں۔ ایہ کھلے تے پیسے ہوئے طبقے دی کامیابی دی گالھ ہے۔ جو ابدترین آمریت دانتختہ اُلٹ ڈیندن، نظم ”سرکس“ دا ہک بند ہے۔

جیڑھے دیکھے کوئی قوم گیواں وچ آ ویدی  
 ماراں کھاندی، جاہن لاہندی، ان ڈھہندی اُن پوندی  
 ڈو وقتاں دی روٹی کیسے عزت وچ کھڑدندی  
 فرق اتکا ہے ہینہہ سرکس دے پنجرے اندر مردے  
 قوم کڈا ہیں مرئی سگدی، ظالم آمر مردے

حسن رضا گردیزی دی شاعری وچ جھٹاں Marginalized

people موضوع ہن۔ اُتھاں ہوں سارے بے حاشیہ نشین موضوعات دی بملدن۔ ایہ موضوعات بعض اوقات تاریخی جبر وچ نظر انداز کیسے گھن آتے اُنھیں کوں شعوری یا لاشعوری طور تے اُجاگر نہیں کیتا گیا۔ اُتے بعض اوقات اچھے موضوعات دی ہن جیڑھے انسان دیں اُکھیں زیادتیں دی وجہ کوں نظر انداز نہیں۔ او اُنھیں تے یا معذرت خواہانہ انداز وچ گالھ کریندے یا چپ سادھ گھن دے۔ جینویں جنگ دے ہک وحشیانہ عمل دے نتیجے وچ ناگاساکی اُتے ہیروشیما دی تباہی تھی۔ ایہ تباہی بلاشبہ علم دی طاقت دامنغی نتیجہ ہے۔ دنیا وچ خیر اُتے حسن دامتلاشی شاعر جبریل جیلے جیوں مقدس طاقت دے ایہ کالے کم ڈہدے تاں مایوسی دا شکار تھی ویندے۔ ایس سلسلے وچ ”دھاپے دھوئے“ دی پہلی نظم ”اعلم و حجاب الاکبر“ ڈیکھو۔ ایہ قول قدیم فلاسفی دا ہک اہم Issue ریے۔ عام طور تے ایندا ایہ مفہوم گھن اویندا ہے جو جبریل جیلے فلسفی کہیں ہک سوال دا جواب ہول گھنن تاں قول ہیا سوال سامنے کھڑا ہوندے۔ اُتے ایہ سلسلہ مسلسل جاری رہندے۔ ات واسطے علم اگر ہک پردہ چیندے تاں اوندے حل

دے پچھوں بیا پردہ کھڑا ہوندے۔ لیکن حسن رضا گردیزی اس قول کو ہی طرح  
کہند:

اس حیڈے علم حیڈے دل کوں اندھارے بنھے  
اس حیڈے علم دی برکت ہے جو بے جان نہیں توں  
ایہ حیڈا علم فقط جسم پلیندا ہے حیڈا  
ایہ حیڈا علم ڈسیندا ہے کہ حیوان نہیں توں  
ایہ ابتداء علم ہے چشماں دے حیا وا دشمن  
ایہ حیڈا علم ہے بے فیض ، وفا وا دشمن  
ناگسا سکی تے ہیروشیما دے جھکے ساڑے  
اس حیڈے علم کوں فطرت دے اشارے کئے نہیں  
اس حیڈے علم دی پکاں تے ستارے کئے نہیں

بلاشبہ ایہ علم دا تصور کئے نہیں، بلکہ ایہ کم انسان دی اونٹی فطرت تے رویں

دے مفاد پرستانہ رجحان دا نتیجہ دس۔

ایویں ہک نظم ”آدم دیں اولاد دیاں نظراں“ ہے جیندے وچ شاعر انسان  
دی مادی فتوحات دی کالجھ کریندیں ہوئیں اوندے اخلاقی زوال کوں سامنے آنیندے  
لیکن اخلاقی زوال تاں اوں ویلھے وی ہاجڈاں انسان مادی ترقی وچ جہوں پچھوں ہا۔

آدم دی اولاد دیاں نظراں	چیر ہکیاں آسان دا سینہ
طاقت جبرمی عرش کباوے	ڈیکھن بھالون وچ نہ آوے
طاقت جیندا زور ڈکھاوے	ہر ڈاڈھا میزویں کوں کھاوے
جنگل ساڑے پلے ساڑے	دسدے رسدے شہر اُھاڑے
اول طاقت دے ہاں وچ ہکیاں	آدم دی اولاد دیاں نظراں

آدم دی اولاد دیاں نظراں چار پھیروں بھونڈیاں رہیاں  
 اپٹے آپ کون ڈیکھ نہ سکیاں ذرے ڈالٹن والیاں نظراں  
 دل وچ ڈکھدی بھاء نہ ڈنھی پن تے پیر نکاون والیاں  
 حق انصاف دی راہ نہ ڈنھی عالم تے مظلوم نہ ڈنھے  
 سچ آکھن دی واہ نہ ڈنھی گھائے شہراں دے جنگل وچ  
 ہر شے ڈنھی چاہ نہ ڈنھی آدم دیاں اولاد دیاں نظراں  
 سب کجھ ڈیکھ کے اپٹے کیجے اینویں سمجھو اندھیاں تھیاں

آدم دیاں اولاد دیاں نظراں

ترقی پسندانہ ادب وچ مزدور دی کسپہری آتے اوندی محنت کون اُجاگر کیتا  
 گیا۔ مگر اوندے وچ جمالیاتی شعور سامراجیانہ رہیا۔ اردو وچ جمالیات داسارا اثر  
 فارسی جمالیات دا ہا۔ ات واسطے ڈھیر ساری ترقی پسندانہ شاعری غیر موثر تے  
 پروپیگنڈا تھی گئی۔ آتے ایہ اثر سرائیکی شاعری وچ وی وڑ آیا۔

پوسٹ کالونیل ازم فکر دے ڈوپہلو دھن۔ ہک ایہ فکر جتھاں آباد کاریں دی نو  
 آبادی دے استحصال، مقامی تہذیب ثقافت دی تباہی، آتے اوندے آتے اونٹنی  
 ثقافت تے روایات دی بالادستی قائم کرن دی مخالفت کریندی ہے۔ اُتھاں ایہ فکر  
 مقامی ثقافت دی توانائی تے اوندی از سر نو بحالی دا ذکر وی کریندی ہے، کیوں جو لیوی  
 - سزاس (2009ء۔ 1908ء) دے مطابق ہر کلچر دا ہک سٹرکچر ہوندے تے کوئی  
 کلچر کہیں کنوں کتر کائے۔

سرائیکی وسیب وچ سارے سامراجی اوور وچ جتھاں اُتھوں دے مقامی  
 باشندیں کون حاشیہ نشین دی حیثیت ڈتی گئی۔ اُتھاں اُتھوں دی جمالیات کون دی  
 marginalized کر ڈتا گیا۔ سرائیکی وسیب آتے ثقافت دی اونٹنی جمالیات

ہے۔ انگریزی اپنے سامراجی مفادات دے تحت بے حملہ آوریں مختلف طبقوں و انگوں  
 زبانیں آتے ثقافتیں نال وی اوہو سلوک کیئا۔ انھیں مختلف زبانیں کوں حاشیہ نشین کر  
 ڈتا۔ جیہدے وچ سرائیکی زبان وی شامل ہے۔ انھیں اینکوں کھیں وچ وڈ کر ایہیں  
 اوچی، ملتان، دیروال، شاہ پوری، دھکی، ہندکی، جگدالی، لہندا آتے کئی بے بے ناں  
 ڈتے۔ آتے سرائیکی ادب کوں وی Marginalized کر ڈتا۔ آتے اوندے  
 لکھن پڑھن واسطے کوئی ترقیاتی کم نہ کیئا۔ جیہدے وچ سرائیکی زبان آتے لوک  
 دانش وی مخصوص جمالیات سامنے نہ آسکی۔

خواجہ فرید پہلے شاعر بن جیئیں آہٹی سرائیکی شاعری وچ فارسی تے اردو  
 شاعرانہ جمالیات کوں رد کر ڈتا۔ آتے سرائیکی وسیب، کلچر آتے زبان وی آہٹی  
 جمالیات کوں ورتیا۔ انھیں روہی کوں باغ و بہار بنا ڈتا آتے پیلوں، ڈیلھیں کوں  
 سرو، صنوبر دے روہر وکر ڈتا۔

حسن رضا گردیزی جتھاں سرائیکی زبان دی مٹاس آتے اثر افرنجی دی  
 جمالیات نال کم گھدا۔ اتھاں انھیں وسیب دی جمالیات کوں وی نشاہر کیئا۔ انھیں  
 دی شاعری وچ تھل، کھجیاں، سندھ، چنانہ، ہیٹ، پڑیاں، جھوکاں تے اتھاں دیاں  
 پراسرار چاندنی راتاں، ٹوبھے، کال کڑھی داسو، لے نال سربلا سنہیا وی آہٹی پوری  
 جمالیات نال سامنے آئے۔ آتے شاعر دے فن کوں مقامی حسن آتے اوندے تاثر نال  
 مالامال کر ڈتے۔

تھل آتے کھجیاں دا جمال گردیزی صاحب دی شاعری وچ اپنے پورے  
 جلیوں نال موجود ہے آتے شاعرانہ تاثر کوں گہرا کریندے۔

ناں پائی دیاں تانگھاں زکھن  
 ناں قداماں وچ گوڈی مسکن

لوک انہاندے میوے کھاوون  
 ایہ کہیں دا احسان نہ چاوون  
 بادشاہزادیاں . بریاں بکیاں  
 تھل دیاں کھجیاں

کیرھا گزریاں دسریاں چاٹے  
 کون انہاندی شان سنجھاٹے  
 ایہ حوراں کہیں دیس توں آیاں  
 کیویں تھل وچ جھوکاں لایاں

انھاں دی ہک ہی نظم ”سجیاں سالھاں“ وچ انھاں حوراں دے نال تھکھرو  
 ، بازیاں ، تھل ، جھوکاں ، ہلدی ریت دے پے ، اچڑے کھولے ، چھپر ، بھر دیاں  
 کندھاں ، نظم کوں سراہیکی وسیب دی جمالیات دا شاندار اظہار بناڈتے ۔ ایہ نظم سراہیکی  
 دھرتی دے سوشلپ دا منظر نامہ وی ہے ، آتے سجیاں سالھیں دی ہڈا سر ریت کوں وی  
 نشا بر کریدی ہے :

تھل دے ناں وچ لکپیاں جھوکاں  
 ہلدیاں ریت دی ٹیٹیاں چچھوں  
 بھر دیاں کندھاں ، اچڑے کھولے  
 چھپر کاٹھ ، کپاڑے ، سوں  
 وچ ہک اندھے کھوہ دا ٹوبھا  
 وقت دی ریت بھرے ریت جیکوں  
 سامنے کھجیاں ، دا ہک جوڑا

ٹر خر ڈیکھے ایں سچ مے کوں  
 اہدن کھچلی رات دے دیکھے  
 جاں ایہ ریت دے بے ٹھردن  
 لہندے جن دیاں پیلیاں کرتاں  
 سنجیاں سلسیں وچ آ وڑون  
 آسناں توں پوڑیاں لا کے  
 کئی اٹل جاٹو بندے لہندن  
 تھتھر و پازیاں وجدن  
 پیلا جن تے پڑوے تارے  
 جھراں پیندن وجد وچ آمدن

سوہنی دارومان اتھوں دی روایات دا حصہ ہے۔ چنانہہ داز تاپائی اوندے لہو  
 نال رنگدار ہے۔ کونجیں داوی چنانہہ نال بک رشتہ ہے۔ سوہنی، چنانہہ اُتے کونجیں دی  
 ایہ تھلیٹ نظم ”چنانہہ دیاں لہراں“ وچ اپٹے پورے حسن اُتے تاثر نال جلوہ گر ہے۔

ہزار روحاں جھماں محبت دے واسطے اہٹی جان داری  
 حسین پریاں دے روپ دے وچ  
 سیاہ بدلاں دی پھاٹ کولوں  
 نکل کے کونجاں واٹ لہندن  
 اُنوں اندھیاراں مٹاں تے ڈسدی  
 لسکدی بجلی دے وانگ بھجی  
 دلیر بیگر ”جیا“ دی صورت  
 کھڑے کوں اہٹی ”وفا“ دا زیور



سمجھ کے سینے تلے ہکا کے

چنانہہ دیاں لہراں تے کھپڈی ہے

بلبل دے گاؤں اہشی جاہ تے سوئے ہون، مگر کال کڑھی دی پوی وچ اپٹا

ترنم، حسن تے پیغام ہے۔ کال کڑھی بیٹ دی رہائی ہے۔ نظم ”کچا بیٹ“ وچ

”کھجیاں، ہڑی، کال کڑھی دی نکون محبت دی جمالیات دی علامت ہن۔

آہدن انھاں کھجیاں پچھوں

چٹے کچھ کب ہڑی کھولے

کئی وچھڑیاں روحاں کول چا کے

تردی رہوے ہولے ہولے

موت دیں کالیاں سیڑھاں دے وچ

پر مگر دی پتھن کھولے

لوک اتھوں دے آہدن بھولے

پچھلی رات کول ظاہر تھیوے

دورا انھاں کھجیاں دے اولے

آہدن پریت کول موت نی آندی

موت دے بعد ہوندن روولے

پار چنانہہ دے کچے بیٹ وچ

فجریں کال کڑھی پو لے

چنانہہ آتے سندھ آتے تردی ہوئی ایہ ہڑی جتھاں کئی دفعہ ملاپ دا سبب

بندی ہے۔ اتھاں محبت کرن آلیں روحمیں کول جدائی دے عذاب وی پڑی ہے۔

جدائی دا ایہ منظر سندھ دے بک پتھن تے پیش آندے۔ جدائی دے انھیں محسوس وچ

خواجه فرید دی شاعری درد واداروں بڈی ہے۔ ایں نظم وچ سراہیکی وسیب دے  
Marginalized people کھل آتے نہاٹے مرکزی حیثیت حاصل کریدن:

کھچلی رات دے دلھے اٹھدن  
کھیل نلاٹے پڑیاں والے  
ڈیندے دے پہلے پور کوں چیندن  
کئی روئیاں روحاں ککھریندن  
نندریاں آکھیں وچ ہنجوں  
وچھڑن دلھے ڈو جٹاں دے  
ڈھل گئی رات تے گلھ نہ مکی  
ہوٹھ سوچ گئے سناں دے  
ٹھڈڑے ساہ تے ٹھڈڑا دیلھا  
ڈوڑے بھڑکن بھانجڑ ہاں دے  
آکھیاں مٹھمن آکھیاں کولوں  
ڈیندے ٹکسن کیوں تاگھاں دے  
برہوں دیاں کالیاں راتیں نظرن  
لے پینڈے روہ ڈکھاں دے  
رُ ویندن ، ورداں دے مارے  
بیر فرید دے گاؤن گاندے

انسان سچائی دی تلاش وچ صدیاں کنوں نکلتا ہویا ہے۔ ایہ سفر کالی رات دا  
سفر ہے۔ حسن رضا گرویزی انسان دے ایں سفر دی کہانی اہٹی کہ نظم ”رات دا  
راہی“ وچ بیان کیتی ہے۔ ایں اوکھے سفر دی کہانی صرف سراہیکی وسیب دے تھل

ہے، لاییاں چاڑھیاں دے حوالے نال موٹر انداز وچ بیان کیتی وچ سبکدی ہی۔  
 اتھاں منظر نگاری اپنے کمال تے ہے۔

پوہ دی ادھی رات دے ویلھے  
 بر تے بار دی بکڑھڑی چاتے  
 تھل دے ٹییاں وچ ہک رات  
 رُدا آوے کنڈ نوالی  
 موٹھیں تے ہک چادر موٹی  
 جڑیے ہتھاں دے وچ سوٹی  
 رات دے راہ دلا نویں نظرن  
 سوگھاٹے پرچھا نویں نظرن  
 اکھیں بھالٹن توں سنگدے نظرن  
 تارے ٹھڈ توں کھدے نظرن  
 دہشت ناک ڈکھالا نظرے  
 چندر گرہن وچ کالا نظرے  
 اچیاں ٹییاں اوڈھر نظرن  
 جتاں بھوتاں دے بر نظرن  
 چپ دیاں کئی اوازاں آٹھن  
 جیڑھیاں کن تائیں پنج نہ سگن  
 کس مخص ہوش بھونیدی نظرے  
 ہر شے کالھ کریندی نظرے  
 تھل دیاں لاییاں چاڑھیاں نظرن

ریت وچ محل تے ماڑیاں نظرن  
 تھل ، کھیز دے دھوں وچ نظرے  
 ہر شے موت دے منہ وچ نظرے  
 پیرے نظرن اہوں دیندے  
 پیرے رہ وچ راہ بیہدے  
 ہک گالھوں دیں ہلدا نظرے  
 کوئی پیرا نہ ولدا نظرے  
 ڈیکھن ڈینہ نظرن توں پہلے  
 کالے راہ وچ مر دسکا  
 ظالم رات دا گھپ اندھارا  
 ایں راہی دا گھٹ بھروسی  
 صدیاں توں ایہ کھلے راہی  
 اینویں رات وچ ٹردے رہن

منظر نگاری دے علاوہ شاعرانہ تخلیقی خوبیاں سمیت سرائیکی زبان دی  
 خوب صورتی وی ایں نظم وچ نشا ہے۔ حسن رضا گرویزی دی ایہ نظم ہک پراسرار ماحول  
 تخلیق کریدی ہے جتھاں لائقینِ دہشت دی وجودی کیفیت پیدا کریندے۔

ہک ہی نظم میڈے سامنے ہے۔ ایںدے وچ سرائیکی وسیب دی ہاڑ دی  
 زحپ ، ہکر وال بدلیں دی موسلا دھار بارش ، تھل دا کوڑ آتے ہلدی ریت دیاں  
 تشبیہاں ورتیاں کھین۔ جنھیں دی آہٹی جمائیا ت ہے۔

چٹیاں یادیں دے پرچھانویں  
 میڈی روح تے اینویں پوندن

جیویں تیڈی ہاڑ دی دھب وچ  
 پیشیں دلیھے اہنٹی جیتی  
 پکر وال دے بدلے نظرن  
 ٹھڈی وا دے جھولے آون  
 دل او گجے ، کھمدے بدلے  
 ٹھڈیاں جردیاں زلفاں کھولن  
 ہلدی ریت تے تنبو تانن  
 ترسدیاں فصلاں ، سرڈیاں جھوکاں  
 شکھ دا ساہ گھن کے مسکاون  
 تھل دے منہ دا کوڑ مرےج  
 ریت دی اکھ ایچ پائی پوے

حسن رضا گردیزی اہنٹی شاعری وچ سرائیکی جمالیات کوں زندہ  
 کیجے۔ انھیں دی شاعری وچ پراسراریت، مٹھاس آتے انفرادیت دا تاثر ہے۔  
 انھیں دی شاعری اتھوں دے تھل دی وسعت، انھیں وچ اُردیاں ہویاں قد آور  
 کھجیاں، چاندنی رات وچ سالھیں دی پراسرار خاموشی، چنانہہ دیں لہریں آتے  
 سوہٹی دی جانبازی تے وفاداری، سندھ دریا دے لہریں آتے پڑی وچ سوار موٹھے  
 ماندے آتے خواجہ فرید دیاں کانیاں گاندے ہوئے عاشق پکر وال بدلیں دی آہڑ وچ  
 موسلا دھار بارش، سویلے سویلے وسیب کوں چکھیری، ہوئی کال کڑھی دی سُرلی آواز،  
 دی خوبصورتی نال تجوی ہوئی ہے۔ سرائیکی وسیب دی ایہ جمالیات جینکوں صدیاں  
 تائیں Marginalized کر ڈتا گیا ہا۔ پہلے خواجہ فرید آتے ول حسن رضا  
 گردیزی دی شاعری وچ اہنٹی پوری توانائی نال نکاسر تھی۔ جیرمی اُچ دے رفعت

عباس آتے اشوالال دے کلام وچ وی اظہار پیندی پکی ہے آتے ایہ جمالیات کہیں وی  
پی دھرتی دی جمالیات کتوں گھٹ کاٹی۔

حسن رضا گردیزی وی شاعری وچ بیاں وی فن دی جمالیات دیاں  
خوبیاں موجودن۔ اظہار دی لطافت وی جاہ جاہ تے نشاہ ہے۔ حسن رضا گردیزی  
اشجھا شاعر ہے جنیں آج دے دور دے کچھے ہوئے موضوعات تے ہوں واضح  
شاعری کہتی ہے۔ آتے کئی دانستہ نظر انداز کیجے انسان دے فنی رویں کوں ہوں خوبی  
نال بیان کیجے۔ انھیں خواجہ فرید وانگوں عربی، فارسی شاعرانہ جمالیات  
کتوں اسٹڈے شاعریں دی جان چھرائی ہے آتے سرائیکی وسیب دی جمالیات نال  
ادکوں جوڑیے۔ ایہا سچائی انھیں دے کلام کوں زندہ رکھی۔

## اقبال سوکڑی دا شاعرانہ مقام

تاریخ دی نسبت شاعری زیادہ فلسفیانہ تے سنجیدہ ہونک پاروں خاص توجہ چاہندی ہے۔ (ارسطو)  
 اقبال سوکڑی سرائیکی زبان دے ہک نامور آتے فطری تخلیقی صلاحیت  
 رکھن والے شاعر ہن۔ انھیں کون ملن کون پہلے انھیں دے ہک ڈوہڑے دا ایہ  
 مصرع میڈی زبان تے رہ دیندا ہا۔

اقبال کون بے اقبال نہ کراقبال سلامت ہووی  
 ایندے بعد انھیں دیاں نظماں پڑی آتے پاگل میڈے سامنے آئیاں  
 تاں انھیں میکیوں متاثر کیا۔

اقبال سوکڑی روایتی ڈوہڑے نال اہٹی شاعری دامنڈھ پدھا۔ جدید  
 موضوع عام طور تے عشق محبت ہوندا ہا مگر اوں اہٹی ذہانت، تجربے، مشاہدے آتے  
 تخلیقی صلاحیتیں دے زور تے اہٹی شاعری کون ہمہ گیر موضوعات نال ہمکنار کیا۔  
 میں آج وی انھیں دے ڈوہڑے دا مداح ہاں اگرچہ انھیں شاندار غزلاں آتے آزاد  
 نظماں وی آکھن۔

اقبال دی شاعری وچ کجھ روایتی موضوعات دے نال آج دے جدید  
 انسان دا ڈکھ تے کرب وی شامل ہے۔ انھیں وڈی مہارت نال ایں ڈکھ کون اپنے  
 ڈوہڑیں دا موضوع بنائے۔

تخلوق دے منہ تے چندرے من کیا دور سٹوں نزدیک سٹوں  
 ذرہ ذرتوں کو دی بھیک منگوں مل پو دے کو دی بھیک سٹوں  
 کوئی دسوں تاڑتے سڈ ماروں پر کوڑی کالھ ودھیک سٹوں  
 اقبال اتھ پھیرا دیہہ مارے، غستان جُلوں کوئی چیک سٹوں

آج دا انسان امدھادھند مسائل دا شکار تھی کراہیں اہٹی ذات دے بحران دا شکار تھی گئے۔ جیدے نال امدھی سٹھاں گم تھی، گئی ہے آتے ماہرین نفسیات دے نیزے ایہو آج دے جدید انسان دا المیہ ہے۔

پل پل دی فکر فنا کیئے ، پل پل دی بیڑا ج رُل گئے ہیں  
 ساڈیاں جھوکاں دھڑتھی ڈھیر تھیاں تہوں شہر دی بھیڑا ج رُل گئے ہیں  
 یا جھل جھل دڑ کے داپ جیڈے جھنوک تھہیزا ج رُل گئے ہیں  
 ساڈے چار چودھاروں اولوں ہن اقبال کہو ا ج رُل گئے ہیں

سائنس دی یلغار آتے مغرب دی بالادستی علم وچ Reason کوں بنیاد بنا  
 تے اپنے نظریات کوں دنیا تے تھہون دی کوشش کیئی اے۔ آتے مشرق کوں امدیاں  
 لپٹیاں روایات کھس گھدین۔ مغرب دی ہر چیز ساڈے واسطے آئیڈیل بن گئی اے  
 ۔ حالانکہ انسان ساری زندگی عقل دی بنیاد تے نہیں گزریندا۔ بلکہ انسانی جذبات دی  
 وی اہٹی اہمیت ہے آتے سائنس انسانی جذبات تے واردات دی ترجمانی نہیں  
 کریندی بلکہ حقیقتاً انھیں کوں کچل تے رکھ ڈیندی اے جتھاں سائنسی علوم دا پٹا کبک  
 جواز ہے اتھاں شاعری دی وی اہٹی Logic آتے Poetic Wisdom ہے  
 جیرھی انسان کوں اپنے حوالے نال متاثر کریندی ہے۔ تاریخی دانائی دی بنیاد استقرائی  
 استدلال تے ہے تے بقول ہیوم ایہ کمزور استدلال ہے جڈاں جو شاعری دا سٹہپ قہل  
 تجربی (A Posteriori) ہوندے ایں سانگے عظیم شاعری دا ہر شعر بقول مایا کاؤسکی  
 نا معلوم دشت وچ لکری قدم ہے۔ ات واسطے ارسطو شاعری کوں تاریخ تے ترجیح  
 ڈیندے تے اقبال سوکڑی دی شاعرانہ بصیرت ایں نظریہ دی تکذیب نہیں کریندی۔  
 بلاشبہ اسان مغرب کوں متاثر تھی کراہیں شاعری وچ نویں اصناف کوں  
 اختیار کر گھدے آتے اہٹی شاعری دیاں کئی اصناف ترک کر ڈتن۔ جیرھی کڈاہیں



دی دانش مندی کا کئی کیوں جو قوماں آتے انسان اپنے کلچر وچ حیدرے رہندن۔  
 سرائیکی زبان آتے کلچر دا اپنا مزاج ہے۔ جیرہا مغرب کنوں مختلف آتے اہٹی اہمیت دا  
 حامل اے۔ کافی آتے ڈوہڑا سرائیکی شاعری آتے کلچر دے مزاج دی نمائندگی  
 کر بندن۔ انھیں کون ترک کرن دی بجائے انھیں وچ نویں سوچیں مطابق تبدیلی  
 گھن آونک دنی لوڑ ہے۔ تاہم نویں کافی وچ تصوف دا احیاء وقت دے مطابق کائی۔

بلاشبہ اقبال سوکڑی ڈوہڑے دی اہمیت کون سمجھئے آتے تسلیم کیجئے۔ اوں  
 اپنے ڈوہڑے کون نویں موضوعات نال ہم آہنگ کیجئے۔ انھیں سرائیکی شاعری وچ  
 ماضی دے تصوف دی خیالی روایات کنوں ہٹ تے جدید دور دیں زمینی حقیقتیں دا  
 سامنا کیجئے آتے اہج دے انسانیں دے اصل ڈکھیں کون اہٹی شاعری دا موضوع  
 بنائے۔ بکھ، اہٹی دھرتی دی خشک سالی، تریبہ، شناخت کنوں محرومی، غیر یقینی مستقبل دا  
 ڈر انھیں دی شاعری دے اہم موضوعات کن۔ جیرھے اساکوں ورثے وچ ملین  
 آتے اساڈے دماغ دا حصہ بن گئین۔ ہن تان اساڈا انواں جایا ہو یا ہال دی  
 ”پدھنے“ وچ ڈر کنوں کنبہ اپیار بندے۔ جڈاں جو عمر رسیدہ لوک صدیں دی تریبہ  
 کنوں گھبرا کر اہیں خواہیں دے سمندر وچ چلکولے لکھندے رہندن۔

ساکوں ورثے دی وچ خوف ملیے اسان پدھنے دے وچ ڈر سوں پئے  
 ساڈی تس ہے کئی سوسالیں دی اسان خواہاں وچ پڈتے تر سوں پئے  
 ساڈا جیون جگ دا نواہ ہے جگ جیت تے بازی ہر سوں پئے  
 اسان بے مرسوں، مرویوں، اسان سمجھ لیں روز اُبھر سوں پئے  
 اقبال سوکڑی دے ایں ڈوہڑے دا آخری مصرع نظریاتی حوالے نال دنیا  
 وچ سزائے موت دے خاتمے دی تحریک دا ہک سلوگن ہے جو سمجھ ہک دفعہ غروب  
 صہیدے تان دل اُبھر آندے لیکن جڈاں ہک انسان ماریا ویندے او کڈا اہیں دل

پیدا نہیں تھیں۔

اقبال دی شاعری وچ انجھیاں عالمی سچائیاں جاہ جاہ تے کھنڈیاں پکین۔  
 ہنیت اقبال سوکڑی کافی لکھن چھوڑ ڈتی ہے۔ کیوں جو اوندے آخری مجموعے  
 ”آٹھواں آسمان“ وچ کوئی کافی شامل کاسی۔ حالانکہ اوکافی وچ دی وڈی و ہڑے داگوں  
 نوں موضوعات کوں داخل کرتے عورت دی زبان وچ روایتی عاشقانہ واردات دے  
 اظہار دی بجائے آہ اوندی بے توقیری آتے انھیں سماجی مسائل کوں وڈی خوبصورتی  
 نال شعری قالب وچ ڈھال سکدا اہا۔

اقبال سوکڑی سرائیکی وچ غزل آتے آزاد نظم دے بانیں وچ شامل ہے۔  
 غزل دی مقبولیت واسطے اوں تا صرف استقامت نال غزل لکھ تے اوکوں مقبول بنایا  
 بلکہ اوندی مدافعت وچ ہک کامیاب آتے ادبی جنگ دی لڑی۔

اقبال سوکڑی دے وسیب تونہ آتے پچادھ دا علاقہ صدیں کنوں پائی دی کمی  
 دی وجہ نال ”تس“ دا شکار آتے شاید تونہ دالفظ دی اتھاؤں نکھتا ہووے۔ اقبال  
 دی غزل آتے آزاد نظم وچ تس ہک وڈا موثر استعارہ ہے۔ پچادھ دے واسیں دا ایہہ  
 ڈکھ اقبال دی شاعری دی ایں طرح جان آتے شناخت ہے جیویں خواجہ فرید دی  
 شاعری وچ ”روہیلیں“ دا ڈکھ۔

شک ساوٹ دی کوچھی کریہہ ڈکھ کے  
 ایں دفعہ میڈے تونے دے تل رو ڈتے

.....

میں خود کالی کریہہ دی دیرھہ وچ ہاں پیا  
 اوکوں آکھ حسین موسم سنبالے، میڈے حصے دے

.....

توں گزری رُت دے عذائیں دا ذکر جاری رکھ  
تیوں خیر ہے کریہہ دا ایہ سال سکتی نہیں

ساڈی تہ تے کھڑین مُسکدیاں ساڈی بکھ تے کھلدے روہ  
اساں کونجاں کال کریہہ دیاں ساکوں بے شک نپ نپ کوہ

کال کریہہ وچ کون لھیرے سوہٹی رُت الہیلی  
آسانول تن مار جوہلی

پونگھ دی خاطر ہے ہالیں کوں درتھیں دی تلاش  
شک دھرتی تے مگر کزور ہئی باقی نہیں!

تس کولوں جمبوی پئی ہے نال تالوں وے زبان  
ندر جے آدن لگی، خواب وچ سمندر ڈیکھوں

منہ مکالے پلو داٹے

کال کریہہ وچ کھڑے ہال آیاٹے

زل میل کے بارش منگن

پر موسم کوں علم ہے یارو

نوڑے سارے دھرتی واس

چڑھا سائیں دگن

کب بارش دی خواہش کرتے

اساں اپنا بھرم و بچایا

ساری رات دلچا و کٹن یارو

ساڈے کم نہ آیا

اقبال سوکڑی دی شاعری وچ بعض جاہیں تے موضوع اُتے معروض

ادمدی شاعری وچ کب ہے نال بیوست ہن تے انھیں دے درمیان جد لیا تے تعلق

واضح تھیندے۔

کئی نسلیں کولوں ایہ حال ساڈے

ڈراکل خواب ڈہن ہال ساڈے

رکھیاں رچ بکیا ہے روح دے اندر

مگر منڈیں تے وکدن مال ساڈے

اساں مدت کولوں نہیں تے دے ہیلک

توڑے دریا گزرے نال ساڈے

اقبال سوکڑی دی شاعری ساڈے وسیب دیں بے شمار الہیں دی شاعری

ہے جید اساڈیاں وڈیاں چھوٹیاں نسلوں شکار ہن۔

ایہ دیکھی محرمیاں جیرھیاں اسا کوں کئی الہیں نال ڈوچار کریندن۔ جنیں

کوں اساں گھبراتے اپنے آسوں پاسوں اُچے اُچے کوٹ بٹا گھندوں۔

کوٹھے تھین مسیاں یارو

نہ ب کھپ تماش

مندر، مندر کنوں پکا

دھرتی، دھرتی نال دا بار

اپنے چار چنڈھاروں پیا

اُچی کندھ اُسار

دلا سا کوں انھیں اُچیں اُچیں کندھیں دے اندر ایشی ذات دے کرب دی

اُداز تک نہیں سٹیہدی۔

اُچے کوٹ بٹاتے رہندن کچھ کمزور قبیلے

تار متار حویلیاں

تار متار حویلیاں اندر رہن والیاں

کاپیاں تھی کے روندیں

اوہر کہیں دیاں پیمیاں ہوندن

اقبال سوکڑی دی شاعری ہک محنت مند ذہن دی شاعری ہے۔ جیندے

وچ خارج آتے داخل متوازن تناسب نظر آئدن۔ آتے کہیں وی بیمار ذہن وانگوں

کہیں پروپیٹینڈے کنوں متاثر تھی تے یک طرفہ جھکاؤ دا شکار نہیں تھیندا۔ ارتقائی حوالے

نال ڈیکھوں تاں اقبال سوکڑی دی شاعری دا سفر کافی لمبا ہے۔ اوں کافی محنت نال

اوجھڑ جھاہ کبیرن۔ ”ہنجوں دے ہار“ کنوں ”بے آنت“ تائیں آتے ڈوہڑے کنوں

آزاد نظم تک اوند اپنہ مختلف مرحلیں وچوں لکھیجے۔ اوندے ابتدائی مجموعیں وچ زبان

دی نفاست تے ملاحت غالب ہے لیکن بعد دیں غزلیں تے آزاد نظمیں وچ اُردو

شاعری دے اثرات نال فارسی عربی ڈکشن زیادہ نکا بر ہے۔ فنی اعتبار نال اقبال

سوکڑی دی شاعری ہمیشہ ارتقاء پذیر رہی ہے آتے اہکوں تے ودھدی رہی ہے۔ حالی

تائیں اوندے وچ کوئی مضحکہ خیز تھیون دے اثرات دی کائنی۔ آپ اوندی شاعری اعلیٰ

فنی اقدار دی حامل ہے آتے او خود ہک زندہ legendہ دار تہہ حاصل کرہے۔

## عاشق بزداردی شاعری

سرائیکی علاقے تے جتلا تو میں دی حملے کیتن انہیں معاشی ٹٹ پٹ آتے  
سیاسی بے چینی پیدا کرن دے علاوہ لٹ، کٹ نظریاتی گمراہیاں دی پھیلاؤن۔ حقیقی  
طور تے سرائیکی قومی تاریخ حملہ آوریں دے خلاف مزاحمت دی تاریخ رہی اے، مگر  
حملہ آور حاکمین اینکوں اہٹی بہادری آتے جہاد دی تاریخ لکھواڈتے۔ آتے اساکوں  
ہیشہ ”ہاری ہوئی مخلوق“ آکھے، حالانکہ حقیقت ایہ ہے جو انہیں حملہ آوریں سرائیکی  
علاقے اچ جاہ جاہ تے کھلے وی کھاؤن۔

درباری مورخیں اساکوں ایہ کہڑا ہیں نہیں ڈسیا جو ہزند آتے ورگڑی دے  
قلعے انہیں حملہ آوریں دے سرکٹن واسطے ای بٹائے گئے ہن۔ آتے نہ سرائیکی ڈیس  
اچ جاہ جاہ تے اُسرے ہوئے ہنھیں قلعے دی تاریخ بیان کیتی ہوئی ہے اے جو انہیں  
دے ذریعے سرائیکی قوم قدم قدم تے حملہ آوریں دا کیوں جی داری نال مقابلہ کیتا،  
تاریخ اچ ایہ کتھائیں نہیں لکھیا گیا جو ٹھیر تھے ہوئے سرائیکی شہر ”جہادین“ دی تباہی  
دی علامت ہن آتے نہ جاہ جاہ تے شہیدیں دے گستاخ دی تاریخ ڈسی ہوئی اے جو  
اتھاں دفن ہن اوہے عظیم لوک جنیں ماہروں آون آلے حملہ آوریں نال مگر گھن تے  
اہٹی دھرتی کوں رت تے جان دی سوکھڑی ڈتی ہوئی۔

سرائیکی قوم دی تاریخ داغوں سرائیکی زبان نال وی ایہو سلوک کیتا گئے،  
ہر حملہ آور جڈاں سرائیکی دھرتی تے قبضہ کر گھدا تاں سب کنوں پہلے اُساں کنوں  
زبان کھسی آتے اہٹی زبان کوں ترقی یافتہ آکھ تے اساکوں اوندے سکھن دی

ہدایت فرمائی تاکہ اسماں وی ”عالم“ بن سکیں حالانکہ مقصد صرف اصلاح و عمارت ہوا جو اسماں اپنا تشخص و نچا پہوں، اے تے قوم دی حیثیت نال اپٹے اندر اتحاد برقرار نہ رکھ کر اپیں انہیں دام مقابلہ نہ کر سکیں بلکہ اسیں طرح جسمانی غلامی دے نال نال ذہنی غلامی وی قبول کر گھنوں۔

ہر نویں حکمران دے درباری دانشوریں اساڈی زبان کوں پولی، لہجہ یا نامکمل تے اُوہوری زبان آکھ تے ایندے ادب کوں غیر معیاری قرار ڈے ڈتا آتے اساڈیں تخلیقی صلاحیتیں کوں روکینا، نتیجہً اسماں ہر دور دے حکمرانیں دا ادب پڑھن ایچ عمر چالی رکھی، اے اوئی تخلیقی صلاحیتیں کوں وی انہیں دی زبان ایچ لکھن تے دیکھدے رہیوے۔ جیندی وجہ کوں اسماں اوئی دھرتی دی گالھ کرک دی بجائے لیل تے شیریں دے حسن دی صفت ایچ حیاتی و نچائی۔ اے مول تے سستی دی محبتیں کوں بھل، کج سے، اسماں سرو سٹیل کوں یاد رکھیا مگر پھوک تے لائے کوں وسار ڈتا۔ اسماں قمری دی سُر پکائی مگر کال کڑھی دا پیغام نہ سُٹیا، جیند نتیجہً ایہو نکلتا جو اسماں اپٹے ”شجرے“ رول، ٹھوسے۔

ستم ظریفی ایہہ ہے جو ہر نویں حاکم اسماں کوں اوئی تاریخ، زبان تے ادب پڑھایا اے نال اوکوں اساڈی تاریخ زبان تے ادب آکھیا، ایہا وجہ اے جو اسماں عربیں، افغانیں تے مغلیں دی تاریخ زبان تے ادب کوں اوئی زبان تے اپنا ادب کجھی رکھے۔ نتیجہً اساڈیں دڈ کیس دیاں عمریں عرب کوں گھن تے دہلی تائیں دی تاریخ پڑھن آتے عربی، فارسی دیاں گرداناں رٹن ایچ گزر پیاں۔

ڈکھ ایہہ ہے جو پاکستان بٹن دے بعد آج دی اسماں کوں اوہو کجھ اونویں پڑھایا ویندا پئے۔ اے آج دی اساڈی زبان کوں پنجابی آتے اساڈی (سرائیکی) قومی تاریخ کوں پنجاب دی تاریخ آکھیا ویندا پئے، حالانکہ حقیقی گالھ ایہہ ہے جو

سرائیکی قوم ہر صورت اچ انج وجود، انج تاریخ آتے انج زبان رکھدی ہے۔

اساڑے لیں خوشی دی خبر ایہ ہے جو عاشق بزدار ایں سچائی دا پورا ادراک رکھدے آتے تاریخ، زبان تے ادب دے نصابی تصور دا منکر اے۔ انجی ماہ پو لی سرائیکی اچ اوندی شاعری ایں صحت مند شعور دا نشان براظہار اے۔

میڈے خیال اچ خواجہ فرید چیزھے سرائیکی قومی شعور دا آیرا پد جیے عاشق بزدار اوگوں ڈھیر سارا اُسارے۔ لپٹے ویب نال پیار آتے ویسی علاقہ تیں دے حوالے نال اپٹے پیغام دی ترسیل خواجہ فرید دی یقیناً منڈھلی تے وڈی صفت اے لیکن تاریخ دا اصل تے انقلابی تصور جید حاو و حیک شکل اچ عاشق بزدار دین نظیں اچ ملدے خواجہ فرید دے لپٹے مخصوص مذہبی منصب دی وجہ کنوں انہیں دے کلام اچ ممکن ای نہ ہا۔ ات واسطے ایہ اعزاز پوری سرائیکی شاعری اچ صرف عاشق بزدار کوں ای ڈھیے، آتے او اپٹے ایں انقلابی تے جرأت مند انداز اظہار لیں اساڑے تے آون والیں نسلیں دی عقیدتیں دا حقدار اے۔ ایندے علاوہ عاشق بزدار چاندے جو ہن اسماں ایں انقلابی تصور کوں ودھائے بغیر اپنا وجود ای برقرار نئے رکھ سکدے، ات واسطے اوندی پوری شاعری انہیں بنیادیں تے سرائیکی قومی تشخص کوں نواں تے صحیح رخ ڈیون دی بھرپور کوشش وی ہے تے سرائیکی قومی شاعری کوں حقیقی بنیاد وی عطا کریندی ہے۔

عاشق بزدار دی شاعری ترقی پسندانہ فکر تے شعور دے کئی ہنسیں پہلوئیں نال وی مالا مال ہے۔ اوندیاں ہوں ساریاں نظماں جاگیر دارانہ استحصال دے خلاف موثر ترین آواز ہن ایندے نال دولت دی تقسیم بارے او ملواٹیں دیں تفسیریں کوں منن دی بجائے محنت کوں بنیاد بٹیندے۔ آتے پور جیت طبقے دے حقوق لیں آواز چیندے۔



اُچ بھٹو شہید آتے اوندا خاندان پاکستان اِج سیاسی جبر دے خلاف مزاحمت دی ہک علامت بن گئے، ایہا وجہ اے جو عاشق بزدار دے کلام اِج انہیں کول نذرانہ عقیدت پیش کرن دا مطلب ایں جبر کول تروڑ ڈیو اِج آتے جمہوری حقوق دی بحالی دی جدوجہد کول خراج تحسین پیش کرن اے۔

میڈے خیال اِج ایہ من عاشق بزدار دی شاعری دے کجھ بنیادی پہلو، جیدے مطابق اوندی شاعری نصابی تاریخ دے کوڑ کنوں انکار، معاشی استحصال دے خلاف احتجاج آتے سیاسی جبر دے خلاف مزاحمت دی شاعری بٹدی ہے۔ البتہ عاشق بزدار جتھاں سیاسی جبر دے خلاف آواز چاتی اے اُتھاں اگر اوسرا نیکی قومی جدوجہد دے سوچھلے اِج داؤد خان، مظفر خان، مول راج تے غلام حسین مشوری دی جدوجہد کول وی اپنا موضوع بناوے ہا جنھیں حملہ آور ٹیریں تے جاہر حکمرانیں دے خلاف مزاحمتی جنگاں لڑدیں ہوئیں دھرتی تے اپنے سروارین تاں اوندی شاعری دے مزاج نال زیادہ مناسبت بٹے ہا۔ اینویں اگر اوتھوں دے ”جعفریں“ آتے ”صادقیں“ دی دھرتی نال بے وفائی کول وی اپنے شعریں اِج آنے ہا (جنہیں دھرتی تے جان ڈیو اِج واپس کئی شہیدیں دے مقدس سریں کول توہیریں اِج پاتے ظالم حکمرانیں دے سامنے پیش کیا آتے تمنداریاں حاصل کیتیاں ہن) تاں سرا نیکی قومی تاریخ دا ایہ افسوسناک پہلو نشا بردی تھیوے ہا آتے عبرت دا سبب وی بٹے ہا۔

عاشق بزدار جتھاں ہک باشعور دانشور و انکوں پنہنہ تاریخی آتے سیاسی شعور رکھدے، اُتھاں ہک کولے دل والا شاعر وی ہے اِت واسطے جنگ اوندی طبیعت تے مزاج دے خلاف اے۔ آتے او انسان دوستی تے امن دا پرچار کریندے۔ او جتھاں حملہ آوریں کول محسن تسلیم کرن دی بجائے ڈاکو اہدے اُتھاں خودی کہیں تے حملہ کرن کول انکار کر ڈیندے، آتے چاتے ہوئے ہتھیار وی سٹ چھوڑیندے، خواہ ایندے

نتیجے ارج اوگوں کیہہ جڈی مصیبت ای کیوں نہ بھوٹنی پودے۔

جنگ دے بعد میں جے کراہٹی دوستی دیاں

مار کے دھرتی ماہ دے کھیرے سنگر

کیا دہج منہ ڈ کھلیساں

میں ع سوچ تے

رائفل سنٹ کے

مورچے وچوں باہر گھٹاں

آہٹی دھرتی جھیں کوں

نہ مارن دے جرم ارج

میڈے تھہ تھکڑی لگب گئی

ایہا ہجے اے جو ڈوجھے رُخ دے طور تے عاشق دی شاعری پیار، محبت،

انسان دوستی تے امن دی شاعری اے، سرائیکی وسیب دے اچھے کردار جنہیں اپناں

عمر اں پیار ارج رولین، عاشق کوں ہوں پسندین، حیدری وجہ کنوں سسی آتے کی اوندی

شاعری دی جان ہن۔ آتے اوندی شاعری ارج پیار محبت دی رس گھول ڈ بندین، ایں

ایہہ نظریاتی شاعری بغوچڑیں ارج گھلدی ہوئی باؤ نسیم دے لوشے ڈ یوں لگدی اے۔

مختصر طور تے ایہ آکھیا دہج سبکدے جو عاشق دی لطیف تے بُر اثر شاعری

کب زرخیز مگر مظلوم دھرتی دے تختی لیکن لئیے ہوئے لوکیں دی محبتیں تے ڈ کھیں دی

شاعری اے یا سادہ لفظیں ارج ماہ دھرتی دے ماضی تے حال دی کچی تے کھری تصویر

اے، جملہ آوریں دے مار یے ہوئے اساڈے دڈ کے تے ارج دے تختی مگر غربت

دے ڈ تگے ہوئے لیکن گھر وچ تھاں عاشق دی شاعری دا موضوع دس اتھاں سیاسی

جبر دا شکار جیلیں ارج سبکدے ہوئے شریف شہری آتے سماجی پستیں ارج تھمڑیاں

ہوئیاں وقادار سہیاں تے سہیاں دی اوہدے اظہار دا حصہ دین ، ایندے علاوہ  
 جتھاں بکھ دیاں ماریاں ہوئیاں معصوم ہانڑیاں ڈر در مزدوری دا بھوگ بھوگ تے  
 شام کوں تھکے تے موخے متھے نال گھریں کوں ولدیاں نظر دین تاں محلئیں ایچ انہیں  
 دی بے بس جوانی دی انتظار ایچ شکاری نہرونی خواب ڈہدے ہوئے لہدن۔

غریب ماء پیو دیاں دھیریں کم سن

جو تن توں بکھ دے عذاب

نالئیں دے کیجے

اُچھیں جو ملیں ونج کے

امیر لوکیں دے ہال چاون

و دیاں رہاون

سویر توں لائماشاں تاٹئیں

نہ کچھ دنداؤں

اُنھاں دے لائیں بھرا جو روون

تاں منہ نہ لائون

تے ایندے ہارے

جو ملیں والے

غریبڑیں دے

جوان تھیون، دے خواب ڈیکھن

ایہ من اسٹاڈی دھرتی دے اواس منظر، حیدرے اتے عاشق دا دل

گروہ دے، ہنئی او ایہ صورت حال قبول کرنی کوں تیار نہیں تھیدا، بلکہ این کوں بدلنی

دی خواہش دا اظہار کریندے، حیدرے وجہ کنوں انہیں ڈیکھیں دے بیان لیوں او اسٹجھا

جذبائی لہجہ اختیار کریندے جو قاری دے دل اچ اہٹی حالت کوں بدلن دا احساس خد  
نہو دجا، گن پئے ویندے۔

میڈا خیال اے جو عاشق بزوار داسب کنوں زیادہ باشعور سرائیکی قومی شاعر  
اے۔ جس ناصرف سرائیکی قومی شاعری دے رجحانات کوں سمجھتے اہٹی شاعری دا  
ایرہدھے بلکہ اینکوں ماڑی دی شکل وی ڈتی اے۔ ات واسطے ایہ آکھن اچ میکوں  
ڈرکائی جو اہح دے بعد سرائیکی دی نویں قومی شاعری دے سارے رستے عاشق بزوار  
توں ای فرسین آتے اتھائیں ختم آتھیں، اہگوتے جیڈاں عاشق دی شاعری اچ  
مزید فی تے فکری چنگلی آؤسی آتے سرائیکی قومی شاعری دے سارے عناصر مکمل شکل  
اچ آن موجود ہوسن تاں میکوں یقین اے جو مستقبل اچ سرائیکی ادب دا دیانتدارانہ  
لکھیا ہویا نصاب پڑھدیں ہوئیں سکول دا ہک معصوم ہال لہئے سنگتی دا امتحان گھندے  
ہوئے پچھسی۔ بھلاؤس ہاں جو خوبہ فرید دے بعد سرائیکی داسب کنوں وڈا قومی شاعر  
کون اے، تاں او کھل تے جواب ڈیسی۔ اچھا! ایہ دی کوئی مشکل سوال اے ایہ تاں  
ساڈی کتاب دے صفحہ 27 تے لکھیا کھڑے۔ عاشق بزوار

## آنکھیں وچ دوزخ بارے مختصر گالھ

محمد اعظم سعیدی بنیادی طور تے ہک عالم دین ہن لیکن اوہ کے دور دے ڈیہر سارے عالمیں دے برخلاف انھیں وچ تحقیق دی تڑپ موجود ہے۔ ایہا وجہ ہے جو اوہ اپنے علمی کم کاریں وچ جتھاں مذہب کول پہلی حیثیت ڈیندن اُتھاں اہٹی زبان اُتے دھرتی نال پیاروی کریندن۔ سچائی دی ببول اُتے وسیب نال محبت انھیں وچ روشن خیالی اُتے مظلوم لوکیں نال پیار و جذبہ پیدا کیجے۔ ایہدے نال انھیں دے منھے مزاج اُتے تصوف نال شغف انھیں وچ رواداری اُتے انسان دوستی پیدا کیتی ہے ایہا وجہ ہے جو نڈیر لغاری جنہیں ”نظریاتی گنہگار“ انھیں دے سنگتیں دی قطار اچ کھڑن۔

”آنکھیں وچ دوزخ“ علامہ سعیدی دی چھوٹی جہیں اردو تے سرائیکی شاعری دی زلی ملی کتاب ہے۔ جیندے وچ نعتاں، غزلاں تے آزاد نظماں ہن۔ میں ہک زمانے وچ شاعر ہم شاید کجھ لوکیں واسطے ایہ حیرانی دی گالھ ہوسی۔ حالانکہ پہوں سارے رسالے اُتے اخبار ایندے گواہ ہن مگر تحقیق اُتے تنقید دی علمی، منطقی تے محنت طلب کم پیڑے انھیں لطیف احساسات تے جذبات کول پس منظر وچ سٹ ڈتے میں سمجھن لگاں جو ہک محقق تے نقاد اپنے مخصوص کم دی نوعیت دی وجہ کنوں شاعری نال مستقل سنگت نہیں رکھ سکدا۔ علامہ اعظم سعیدی بارے دی میڈیا ایہہ خیال ہاگر ”آنکھیں وچ دوزخ“ کول پڑھ تے محسوس کیتم جو شعر آکھن لیوں چیرھے لطیف احساسات اُتے تحقیقی صلاحیتیں دی لوڑ ہے او سعیدی صاحب وچ پوری طرح موجود ہن۔ جیندی وجہ کنوں انھیں دی این کتاب وچ سوئے شعر دی بلدن۔

سعیدی صاحب دے اس مجموعہ کلام وچ ترے صفتاں خاص طور تے  
 اچیریاں ہن۔ پہلی اوہٹی دھرتی تے وسیب نال پیار، ڈو جھا ایتھوں دے لئیے پئیے لوکیں  
 دے ڈکھ دا احساس تے ترے سمجھا روٹن خیالی۔ ایہ ترے صفتاں کہیں نہ کہیں شکل وچ  
 ”آکھیں ایچ دوزخ“ دے شعریں وچ موجود ہن۔ دھرتی تے وسیب نال پیار بارے  
 شاعر دے خیالات پڑھو (میں صرف سرائیکی کلام وچوں مثالیں گھدم)۔

زندگی ودھدی رہی وت گھر وچن دی آس وچ  
 تاہوں کئی یوسف کہیں قید وچ اکھدا رہ گیا  
 اوہٹی دھرتی تے وسیب نال پیار دا مطلب ایتھوں دے دستیں دے ڈکھ  
 سکھ وچ شرکت تے انھیں دے مسائل دا شعور حاصل کرن ہے۔ جیرا سعیدی  
 صاحب دے کلام دا ہک قابل ذکر حصہ ہے۔

ڈینہ کوں مندے گلھیں سدا رہ گیا بکھا مزدور  
 خواب گئی ڈٹھس تاں بچھ توڑیں وچھلدا رہ گیا  
 دل دی اوں شو دے دلچند ہے، پرپیاں دی ڈھیر، پر  
 کیا بٹے سیفل جیہدا چولا نہ گل دا رہ گیا

سعیدی صاحب آج کے دور دے عالم آتے شاعر ہن۔ ات واسطے او آج  
 دے سماجی، سیاسی تے معاشی حالات دا ادراک رکھدن۔ ایہا وجہ ہے جو انھیں دے  
 کلام وچ روشن خیالی دے اثرات جاہ جاہ تے ملدن۔

شعور رکھو ھیتتاں دے مزاج بدلو سماعتاں دے  
 اندھاریاں راہیں تے ہال رکھو چراغ اوہٹی بصارتاں دے  
 ”آکھیں وچ دوزخ“ دے کئی شعر روایتی قسم دے وی ہن لیکن سعیدی  
 سیں جیہیں فاضل آتے باشعور شاعر دے کلام وچ انھیں دا مکانہ تھوڑے ڈینہ دا ہے۔

## ظلم دے اہگوں ہتھیار نہ سٹنٹن والا شاعر

مزاحمت ڈمیر کرو، بھوکھٹ۔ (والٹ واٹمن)

بادی اپریل 1992ء کوں عبدالمجید ذوق دی اچا جیتی موت نے جام پور شہر کوں ہلاتے رکھ ڈتا۔ کہیں آکھے اوگوں اوندی ”زندگی“ نے ہلاک کیجے۔ کہیں اوندی موت کوں ڈاکٹری غفلت قرار ڈتے۔ آتے کہیں آکھے جو اوندے اندر جیڑھا ڈوجھا انقلابی انسان موجود ہا اوندے بار ذوق مرحوم دا نفس جسم میں سہا سہا گیا۔ آتے او ریزہ ریزہ تھی گئے۔ پتہ نہیں اصل معاملہ کیا ہے۔ میگوں تاں تریے کالہیں ظاہری طور تے ٹھیک نظر دن۔ 1970ء دے انکیشن وچ جاگیر داریں کوں ذوق اٹھی سرائیکی نظمیں نال جیویں جرأت آتے بہادری نال لکھاریا اوج تائیں لوکیں دے ذہنیں وچ تازہ ہے۔ اہج آتے جڈاں وی ذوق دا ذکر آؤسی تاں اوندی بک نظم دا ایہ مطلع سب کوں پہلے ذہن آؤسی۔

نغاری رہے نہ مزاری

جنگ جاری رہے جنگ جاری رہے

1970ء دے انکیشن دے نتیجے وچ پاکستان پیپلز پارٹی اقتدار وچ آئی۔

لوکیں کوں ایس اقتدار دے ذریعے کچھ ملیا نہ ملیا۔ ابتدا تصفیہ کرن تاریخ دا کم ہے۔ مگر ذوق ایس مسئلے توں اچا تھی کراہیں پاکستان پیپلز پارٹی وی سٹیج توں عوامی جدوجہد آتے انقلاب واسطے جاہر قوتیں کوں چیلنج کریندا رہیا۔ اوجھنی قافلے دا بک اٹھھا سپاہی ہا۔ عید انقلاب تے ایمان کڈاہیں کمزور نہ تھیا۔

ذوق نال میڈی ذاتی دوستی ہی۔ روشن خیالی آتے ترقی پسندانہ نظریات

دے حوالے نال آتے خصوصی طور تے سرائیکی شاعری دی وجہ کنوں۔ میں اوکوں  
 چڈاں دی رسول پور وچ کہیں مشاعرے واسطے سڈیے تاں اوڈر کدا آئے۔ اوندی  
 نیاز مندی، عاجزی، انکساری دے نال اوندی باغیانہ انقلابی شاعری آتے ظلم تے جبر  
 دے خلاف بغاوت، انجھیاں متناذ خوبیاں مہن۔ جنھیں وچ میکوں ہم آہنگی کولن  
 وچ مشکل پیش آمدی رہی ہے۔

کہ دفعہ جیر حلے اوں نے فاروق لغاری کوں پرچ وچ پائی دا گلاس رکھ  
 تے وڈی نیاز مندی نال پیش کریندے ہوئے سر ٹھکایا تاں میکوں اوندی نظم یاد آ  
 گئی۔ جیدے وچ اوں لغاریں، مزاریں کوں لکار یاہا۔ ایہ منظر ڈیکھ تے میکوں ڈکھ  
 تھیا۔ میں ٹھڈا ساہ گھن تے پئے آپ کوں آکھیا۔ افسوس ایہ منظر وی میکوں اہٹیں  
 آکھیں نال ڈیکھیاں ہا۔ آتے ول بعد وچ جیر حلے میں ذوق نال ایں واقعے دا ذکر کیتا  
 تاں اوں ڈکھ نال کھلے ہوئے آکھیا۔ کیا خواب ڈٹھے ہانے کیا تعبیراں  
 ڈیکھٹیاں پھین۔

پیشہ ورانہ مصروفیات دے دوران اوندی نشست میڈے چیمبر دے قریب  
 ہئی۔ او فرصت دے وقت میڈے کولھوں آہند اہا۔ موجودہ حکومت دے قیام کنوں  
 کجھ عرصہ بعد ذوق حکومت دی کارکردگی تے مایوسی دا اظہار کیتا۔ آتے آکھیا جو اساں  
 اپنا فرض پورا کر ڈتے۔ لیکن پتہ نہیں اسا کوں ول منڈھ کنوں ایہ سفر شروع کرنا  
 پووے۔ لیکن او کہیں بے سفر تے ٹر گیا۔ پتہ نہیں اوں کیا سوچیا۔

ذوق کڈا ہیں ظلم دے اہوں ہتھیار نہ سیئے۔ آتے نہ گردن جھکی کیتی۔ اوں  
 لوکیں کوں جبر دے خلاف ٹرائڈا نا صرف درس ڈتا بلکہ ہنر وی سکھایا۔ اوہک غریب  
 مزدور مگر غیرت مند انسان ہا۔ او غربت دے باوجود کہیں دے اہوں ہتھ نہ پھیلا یا۔  
 اوں سرائیکی وچ بہوں لکھیئے۔ میں او دے قلمی نسخے ڈٹھے مگر غربت دی وجہ کنوں او دے



کوئی مجموعہ کلام نہ چھپ سکیا۔ اوندی سرانگیکی شاعری سرانگیکی وسیب دا ورثہ ہے۔ اوندی پیغام پوری دنیا دے مظلوم انسانیں واسطے درس انقلاب ہے۔ اوہک وڈا انسان ہا۔ چیرھے روز روز نہیں جندے۔ اوندے بالیں کوں اپنے والد واگوں فخر نال گردن اُچی رکھٹی چاہیدی ہے۔ جو اوہک وڈے بیو دے پتر ہن۔

ذوق کوں مشاعرہ پڑھن ڈا آندا ہا۔ اوگھن گرج نال پڑھدا ہا۔ اوندی زور دار آواز، انقلاب دی گونج آئے نظم وچ زور دار لفظیں دا انتخاب تے بھر پور استعمال اوکوں مشاعرے وچ سرخرو کریندا ہا۔ اوندی شاعری لفظیں دی طاقت دا ہک بھر پور اظہار ہئی۔ آتے جام پور شہر وچ غلام رسول ڈڈا دے بعد ذوق دی شاعری ای انقلاب دی نوید ہئی۔ مندرجہ بالا کالج مہاڑ وچ میں ذوق دی حیاتی دا ذکر ایں ساگے کیجے جو ٹسا کوں ڈس سگاں سچے ترقی پسند شاعر شعر آکھن دے نال عملی جدوجہد دی لازماً کریندن تے ترقی پسندانہ فکر دے مطابق عمل دی Primacy دے قائل ہن۔

آخر وچ شاعر ذوق دے کلام دا نمونہ ملاحظہ ہووے:

میڈا مزدور جیویں میڈی کالجھ سُن  
 وقت بہوں تیز ہے نہ مٹھا تھیویں ہُن  
 ہئی راہی چیرھی، پھل اوندی آپ چُن  
 مار زردار کوں، جنگ محنت دی ٹھن

اپنے اتحاد دی بند آساری رہے  
 جنگ جاری رہے، جنگ جاری رہے

نہ اتھاں کوئی دھن دا پجاری رہے  
 نہ اتھاں ظلم، ظالم دا جاری ہے  
 نہ لاکھی رہے نہ ہزاری رہے

نہ لغاری رہے ، نہ حزاری رہے

تیڑھی تلوار دا وار کاری رہے  
جنگ جاری رہے ، جنگ جاری رہے

مزدور کوں ذوق چنگائی رکھ  
پلی زہر تے شعر سٹائی رکھ  
اونکے منہ توں ایہ اُکھوائی رکھ  
ہُن عمل اُچے دا در رہو  
دم مست قلندر ، دھر رہو  
ضیاء الحق دے ناں

تیڑھے ظلم تشدد جبر اتوں ساڈیاں سوچاں اک نہیں سگدیاں  
اساڈیاں آنکھیں شوخ بغاوت دیاں کب پلک جھپک نہیں سگدیاں  
تیڑھیاں ظلم توں ہاہیں شل تھیں ساڈیاں جاناں تھک نہیں سگدیاں  
تیڑھیاں جیلاں ، سیخاں ، پابندیاں اساڈا رستہ ڈک نہیں سگدیاں

امیر سوچاں زیان تھی کیاں ہن  
ضعیف آساں جوان تھی کیاں ہن  
گرم لاوا آنکھیں توں ایں تریئے  
لبو دیاں ہنجوں چٹان تھی کیاں ہن

تاج شاہی دے ہوا دج ہتھیلیوں آساں

زندگی باقی ، تاں سارے بُرجِ اطمینوں اسماں  
 موت دے دڑ کے نہ مہن ڈیوے کوئی مائیِ دالہل  
 دار دی تری آتے وی جھوٹ ڈ کھیسوں اسماں  
 ذوالفقار علی بھٹو دے اعزاز ووج

کب بھین اینکوں ڈیکھتے زر در دیاں ماڑیاں  
 بھین چھوڑ مملات دی سازش دیاں ناڑیاں  
 تا حشر و دیاں روشن عالم دیاں پچھاڑیاں  
 مزدور مریدا پے خوش خیر دیاں ناڑیاں  
 لگ نعرے پئے ”بھٹو جیوے“ سارے دہر ووج  
 کھرام بچا چھوڑے سی زر در دے گھر ووج

## مِلد میں رستیں تے کھڑا شاعر

کچھ لوگ کافی کاسٹیج دی انگلیں دج شامل تھیوں دی ضروری ہے۔ (مٹل فوکو)

ماڈرن ازم آتے پوسٹ کالونیل ازم دج اگرچہ ہوں سارا فرق ہے لیکن ہوں کجھ مثبت اشتراک وی ہے۔ جدیدیت پسندی سارا زور سائنس تے Reason تے ڈتے آتے اوندے کئی پُر جوش حامیں کھڑا تے روایات وی اہمیت کوں مسترد کر ڈتا۔ تاہم پال فیراہینڈ تے فوکو عقل دے Repressive کردار کو واضح کیا۔ آتے فیراہینڈ جدید سائنسی طریقہ کار تے بھر پور تنقید کیتی۔ حالانکہ انھیں ڈوہیں نظریات دج کئی چیزاں مشترک ہن۔ ہک ایہ ہے جو کارل مارکس بلاشبہ ماڈرنسٹ ہا۔ سائنس آتے Reason تے یقین رکھدا ہا لیکن اوں پہلی واری سرمایہ دارانہ نظام دج Metanarrative (سرمایہ) کوں مرکز دچوں کڈھ تے محنت کوں مرکزی حیثیت ڈتی آتے سرمایہ دارانہ نظام دج مزدور جبر حال Marginalized ہا کوں تہدیلی دج مرکزی حیثیت ڈے ڈتی۔ اینویں مارکسزم دج عداستی رول وی اہمیت اہمیت ہے آتے Post modernist مفکر مٹل فوکو دے نزدیک جبر دے خلاف مزاحمت لازمی تھیوی اے تے جبر تے مزاحمت دا اٹوٹ تعلق ہے۔

نذیر فیض آج داسرائیکی شاعر ہے۔ اوندی شاعری دج کچلے ہوئے لوکیں (Marginalized People) آتے انھیں دی محنت دی چالھ ہے آتے جبر دے خلاف مزاحمت دی چالھ وی اوہک انجھا شاعر ہے جیرہا ماڈرن ازم آتے پوسٹ کالونیل ازم دے دورا ہے تے کھڑے۔ ہک پاسے نذیر فیض پنجابی دے خلاف مزاحمت کریندے جیرہی Domestic کالونیل ازم دے دائرے دج آندی ہے تے ڈوہجھے پاسے محنت کش دے استحصال دی مذمت کریندے۔

شاعری بلاشبہ بک فن ہے۔ اے اے اے اے اے واسطے فطری تخلیقی صلاحیتیں دی لوڑ ہے۔ کیوں جو شاعری حسن تخلیق کرنا داڑ و جھاناں ہے اے شاعر کون اپنا خیال Beautify کرتے پیش کرنا ہوندے لیکن بک پڑا سوال ایہ ہے جو حسن اے فن دا معیار کیا ہے اے اوکون کون طے کرسی۔ کانسٹ دا جواب ایہ ہے جو حسن دا کوئی معیار کاشی اے ہر کوئی اپنا معیار آپ ٹیندے۔

قبائلی جاگیر داری اے سرمایہ دارانہ سماج وچ بالادست طبقے فن تے حسن دا اپنا بک معیار طے کیے اے ہمیشہ کنوں شاعری کون وی اوندے اے پرکھیا گئے۔ ایہا جد ہے جو کچلے ہوئے محروم طبقے دی شاعری کون اے تے طبقے اے انھیں دے ادبی نقادیں کڈا ہیں منہ نہیں لایا تے ہر دور وچ اوکون بھونڈی تے غیر معیاری شاعری آکھ تے رد کر پڑتے۔

سرائیکی ادب وچ ایہا صورت حال رہی ہے مگر اوندے باوجود ہر دور وچ کچلے اے مظلوم طبقیں جیر هلے اپنے حقوق واسطے جدوجہد کیتی ہے تاں اوں جدوجہد دی شاعری وی سامنے آئی ہے۔ ایں قسم دی سرائیکی شاعری کون کم از کم قیام پاکستان دی جدوجہد کنوں ہن تاں تے ہن وچ وڈیا وٹھ سکدے۔

پہلی قسم دی شاعری تحریک آزادی تے قیام پاکستان نال جڑی ہوئی ہے۔ اوں دور دے کئی سرائیکی شاعریں سیاسی بیداری اے انگریزی سامراج دے جبر دے خلاف آواز جاتی ہے۔ انھیں بے شمار شاعریں وچوں غلام رسول ڈڈا دیاں کئی نظماں آج دی لوکیں دی زبان تے ہن۔ اوندے بعد ڈڈا و جھاد دور ستر دی دہائی دا دور اے۔ جیر هلے پاکستان چھپلز پارٹی دی تحریک سامنے آئی تے جاگیر داری نظام دے خلاف سرائیکی شاعریں آواز بلند کیتی۔ مجبور بخاری، عبدالمجید ذوق، فیض علی فیض، نذیر فیض تے انھیں شاعریں دیاں نظماں لوکیں کون گر میندیاں ریہاں۔

ظالم گیر دار مُٹکی تے جیر آدی (فیض علی فیض)

سرائیکی شاعری دا ترسجھا تحرکی دور جدید سرائیکی قومی شاعری نال وابستہ ہے جیرھا سرائیکی قومی شناخت ، وسیب نال محبت ، آتے Domestic Exploitation دے خلاف آواز تے مٹی ہے۔ ایندے وچ خصوصی طور تے سرائیکی دھرتی تے پنجابیں دی آبادکاری تے قبضہ گیری ، انھیں کول زمینیں دی الاٹمنٹ تے نوکریں تے قبضے دے خلاف آواز بلند کیتی گئی ہے۔ ایں دور دے شاعریں وچ اللہ ڈنڈہ بدنام ، جہانگیر مخلص ، طاقت قریشی ، خورشید بخاری ، عاشق بزار ، غیور بخاری آتے نذیر فیض خصوصی طور تے قابل ذکر دن۔ تاہم اٹھجے شاعریں وچ اپنے طور تے طبقاتی و نڈ نمایاں رہی ہے۔ جیرھے شاعر مزدور کلاس نال تعلق رکھدن یا انھیں دا کوئی سماجی رتبہ نہیں ہوندا۔ جیویں اللہ ڈنڈہ بدنام تے نذیر فیض بن۔ تاں انھیں دے کلام کول عام طور تے سیاسی ، وقتی آتے غیر معیاری آکھ تے نظر انداز کیتا دیندا رہیے۔

نذیر فیض دی شاعری دے بنیادی موضوعات جاگیر دارانہ جبر دے خلاف آواز دے نال خصوصی طور تے سرائیکی دھرتی تے آبادکاری تے قبضہ گیری دے خلاف بن۔ خواہ او بہاریں دی ہو دے یا پنجابیں دی۔

ٹھاکیا لاتھے ہنن تاں تھیوا  
جنگ دی ہنن تاں کر تیاری  
میں اہداں توں کڈھ پنجابی  
توں آپدیں جو گھن بہاری

ات واسطے نذیر فیض دے مجموعہ کلام دا ناں دی ہے۔ ”اتھوں کڈھ پنجابی“

جیرھا ادنی ہک مشہور نظم کنوں گھدا گئے۔

ہنچھ دی جاہ تے رت ہے دھندی آکھیں رور و پیرے  
لہو پھیں فردارگ رگ دے وچ کیتن سول بیسرے

کبیرہ تائیں ساڈے حاکم زمرسن پیڈے وڈ وڈیرے  
 اے سی ، ڈی سی پیڈے ساکوں ڈیرن سخت لیرے  
 بی اے ساڈے برقاں وچین مونجے شام سویرے  
 ڈل پیڈے ایس پی بیٹن کے رکھدن زعب گھنیرے  
 گوندل ، گجر ، گھر ہدھ اپٹے قابو کر شکھیرے  
 کیویں ساڈے لیکھ ایچ لکھی پیڈی ڈڈھ نوآبی  
 میں لکھی اہدا جگ پیا اہدے اتھوں کڈھ پنجابی

نذیر فیض صرف ایہیں چھند اچو صرف سرائیکی دیب وچوں پنجابیں کول کڈھ  
 ڈٹا ونجے بلکہ ادویہ دی اہدے جو ساڈی شناخت وی پنجابیں کنوں اُنج ہے آتے اسان  
 اہٹی شناخت واسطے اپنا اُنج صوبہ بیسوں۔ ادویہ لکھی نظم ”توں اسان توں اُنج“ وچ آہدے:

جیویں ساڈے جی دیاں جگتاں ادویں ساہ سنجاپوں  
 زساں ، ریتاں ، روچتی میلے چاہت چاہ سنجاپوں  
 ادویں میر ہند میرو ساڈے ادویں راہ سنجاپوں  
 پیڈے ڈوتے ڈاہ ہن وکھرے ساڈے تے ڈاہ سنجاپوں  
 لٹ پیڈے دے چھپر کول ہن لکھی بھاہ سنجاپوں  
 سانجھ ساڈی توں نہ زلیں توڑے تھیویں رنج  
 توں اسان توں اُنج دے ظالم توں آساں توں اُنج

ساہ دا سادہ پن ہے ساڈا بے شک سادہ پن  
 اک ہیئیں تیں توں پہلے اسان آکیں نال نہ کھن  
 دھن دی دھولس ڈکھا نہ ساکوں ڈھیر ڈھنسنے دھن

ہن تیں ڈھیر لٹیا ہے ساکوں تہڑے مکر و فن  
چارے تن دی سر اٹھیں تے پہلے ہنواں تن  
کالھ میڈی تے شک ہووی تاں ہن چا بھولا بھن

زورے نال بیٹیسوں اساں صوبے اتھاں بیج

توں اساں توں آنج دے ظالم توں اساں توں آنج

نذیر فیض دے کلام وچ زور تے گھن گرج دے علاوہ لفظیں اتے ترکیبیں

دی ذمہ داری وی ملاحظہ ہووے۔ ہک دفعہ انھیں مصرعیں تے دلا غور کرو:

”اک“ نہیں تیں توں پہلے اساں ”آکیں“ نال نہ کھن

”چارے تن“ دی سر اٹھیں تے پہلے ”ہنواں تن“

نذیر فیض صرف آبادکاری دی مزاحمت نہیں کریںدا۔ بلکہ اتھوں دے

جاگیردار جبرھے سرائیکی وسیب وچوں دوش گھن تے وزیر بن وی بنن آتے لہور نکالے کر

گھنن۔ انھیں نال دی دودھ وکالھ کریںدے۔ اوندی ہک نظم ”سرائیکی وزیر“ ہے:

کیوں غیر دا حامی بن گیا نہیں کیوں ظالم تیکوں بھانے دن

اتھ ہر مظلوم دے سینے تے پنے دکھ دے درد پوانے دن

اتھ سریں ظلم دی بارش ہے تہڑے شہر لہور نکالے دن

ہک دارتوں دل آ، سُن تاں سہی، کیا اہدے لوک نمائے دن

تہڑی کار تے جھنڈا نہیں جھکدا نہیں تہڑے شہر دے واسی بکھے دن

جیدی بھونیں تے قبضہ غیر دا ہے او لوک ارداسی بکھے دن

ہک ویلھے پاکستان وچ ”پہاریں“ دی آمد تے انھیں دی آبادکاری دا

بھوں شور ہا اتے ایہ کوشش کیتی ویندی پی ہی جو انھیں کوں سرائیکی وسیب وچ آباد کیتا

دے۔ نذیر فیض جبرھا پہلے پنجابیں دی آبادکاری دی مزاحمت پیا کریںدا ہا۔ اوندے



واسطے یہ کالج کھان قابل قبول ہی:

غم ہی ڈھیر بہاریں داتاں سانجھ لہور وچ یکے  
ساڈے دسے ہک جے آیا جوڑ مریوں دھکے  
نذیر فیض کوں لفظیں دے سوئے استعمال تے وی قدرت حاصل ہے۔  
اتھاں لفظ ”سانجھ“ دا ڈی ہنرمندی نال استعمال کیجا گئے۔ ”بہاری“ نذیر کوں اتھ  
واسطے قبول نہ ہن کیوں جو اتھاں پہلے کئی کئی جلیں نال پنجابیں دی آبادکاری زور شور  
نال جاری ہئی:

جیرھا فوجی فوج توں نکلے ساڈی بھوکیں سنھلیدے  
ساڈی بھوکیں تے زہ تے بھتر ساکوں بھوتے ڈیندے  
جال، جلی سنداں چاتے افسر آسڈویندے  
”جھارا“ کشتی بھنڈے جے کر ملے ساڈا لکھویندے  
بے شک سرائیکی وسیب تے مسلسل جبراً تے محرومیں دے نتیجے وچ نذیر  
فیض دے لہجے وچ تلخی آتے کاوڑ موجود ہے، اے اوادندا اظہار تخی نال کریندے۔  
لیکن ڈیکھھا ایہ ہے کیا عیش و عشرت دی زندگی گزریندے ہوئے سرمایہ داروی ملائم  
زبان آتے کڑکدی ڈھپ وچ سڑدے ہوئے مزدور شاعری گھروری زبان دا آپت  
وچ موازنہ کیئا وچ سہکدے۔ کیا دولت مندوی وئی عیاشی تے مسرت لیوں خود ساختہ  
فنی تقاضے پورے کریندی ہوئی شاعری کوں سامنے رکھ تے مزدور شاعر دے حقوق دی  
بازیافت واسطے کہتی ہوئی شاعری کوں رد کرن مناسب ہے۔ جیرھی لوکیں وچ سیاسی  
شعور بیدار کرتے بہتر سماج واسطے تبدیلی گمن آمدی ہے۔ چڈاں اعلیٰ داخلی شاعری  
تبدیلی وچ رکاوٹ بندی اے۔

نظم بنیادی طور تے نذیر فیض دے موضوعات نال مناسبت رکھدی ہے۔

ات واسطے اوں زیادہ تر پابندیا آزاں نظماں لکھین۔ تاہم اوں غزل، ڈوہڑا، قطعہ آتے  
 چاؤن (گیت) دی لکھین۔ آتے ہر صنف وچ ہٹی مخصوص آواز قائم رکھی ہے آتے  
 ایں طرح ساریں اصناف داروایتی مزاج دی بدل ڈتے۔ جیر حاتیقی طور تے سرائیکی  
 شاعری وچ انقلاب آفرین تبدیلی ہے۔ اوندی ہک غزل ملاحظہ ہووے۔ جیر می  
 روایتی عشق محبت کوں موضوع بناؤن دی بجائے اوندی مخصوص سوچ تے لہجے دی  
 نمائندگی کریدی ہے:

دھرتی ساڈی راج تہاڈا	کھس ساڈی کھاج تہاڈا
اساں بسے رڑھ رہا کے	دکا بھوہ آناج تہاڈا
رت مزدور دی ہتی دیندے	تسا سخت سماج تہاڈا
ہک ڈینہ فیض بدلنا پوسی	ہمت نال مزاج تہاڈا

ایویں اوندا ہک ڈوہڑا ملاحظہ ہووے جیندے وچ اوندا پیغام نشاہ ہے  
 جنیں پورے ڈوہڑے دا مزاج بدل ڈتے۔ آتے اوندے وچ ڈسکار دی بجائے  
 بناوت بھر ڈتی ہے:

میڈے سمدھ دے ہر ہر سمدھ آتے، ڈے ہندھوں کوڑ ڈیوال، گئی اے  
 میڈے تھل کوں ہل ہن زور گھنویں رنگ روئی اپٹا جال، گئی اے  
 میڈے کوڑے قیدو مار گھیے زل من دی ہیر سیال، گئی اے  
 فیض دے قسبے قسدے من، جیڈی سازش ظلم ڈ کھال، گئی اے  
 نذیر فیض دی شاعری وچ ہوں تازگی ہے تے تخلیقی عنصر وی ہر جاہ تے  
 نمایاں ہے۔ ایں سلسلے وچ نذیر فیض دے چاؤن وی کافی مشہور ہن:

کردھرتی نال پیار، جینگر ڈ میر سیال تھی  
 ہی غیریں دی سرکاری، جینگر ڈ میر سیال تھی

اے دھرتی ماہ دے سینے تیں، کیوں قابض آن کینے تھے  
 چا حیدر دی تلوار، بنگر ڈھیر سیلا تھی  
 تیڈیاں سنداں وچ صندوقاں، گل، گھنیں، بیٹاں سبھ پنجابی نل، گھنیں  
 تیڈا علم تھیا ہے گار، بنگر ڈھیر سیلا تھی  
 ہے ”لہور“ دے توڑے قصبے وچ، ماں لکھویندے تیڈے وچ ہے وچ  
 تیڈا حق جو ویندے مار، بنگر ڈھیر سیلا تھی  
 تیڈے بی اے گارے ڈھوون، اوندے نڈل ایس پی ہودن  
 ہے کیہ جیڈا اندھار، بنگر ڈھیر سیلا تھی  
 اینویں ہک پے گاؤن دے کجھ بند ملاحظہ ہودن:

دھرتی کر آبادوے جیویں، غیر دی پٹ بنیا دوسے جیویں  
 جی سانجھ تے سوچ سیاٹی، دھرتی تسی مگے پاٹی  
 ڈس دے بندہ برباد دے جیویں  
 ننگے تن پیا رتج و ہاویں، کپڑے کان کپاہ رہاویں  
 مل فیصل آباد وسے جیویں  
 نذیر فیض جتھاں آباد کاریں دی ٹٹ پٹ دے خلاف نویں نسل وچ  
 اوندے تو متقی شعور کوں جکو اوٹن دی کوشش کریںدے۔ اتھاں او ایں نسل کوں اوندی  
 بے حس و احساس دی ڈویندے:

اتھ سب کجھ لہج بکیا ہے  
 ساہ وی کھٹھ لہج بکیا ہے  
 کاوڑ نوی چا کیتی  
 تھوڑی کوں رہیوں سیتی

تساں کڈاہیں سرانیکی مشاعرہ ڈٹھا ہوسی۔ سینکڑیں مشاعریں وچوں  
 جیرھلے نذیر فیض یا کوئی بیاباغی شاعر سٹیج تے آندے تاں لوکیں وچ خوشی دی ہک  
 لہرواں تھی ویندی ہے آتے سامعین اوندی نظم دے ہک ہک مصرعے تے ناصر ف  
 جھوندے پئے ہوندن بلکہ ول ول فرمائش وی کریندے پئے ہوندن۔ اوں ویلھے  
 عوام دامعیاری سب کجھ ہوندے۔

ایہ طبقاتی سماج ہے۔ اتھاں ہر شے وڈی ہوئی ہے۔ ادب وی تے فن  
 وی۔ اتھاں ہر کہیں دیاں اپٹیاں دلچسپیاں تے مفادات سن۔ ات واسطے ہر چیز کون  
 ایندے آتے تو لیا ویندے۔ کہیں چیز دا کوئی ہک پیمانہ کئے نہیں۔ نذیر فیض ایں سٹیجس  
 کوکوں نہیں منیند اتے سچ دی تشکیل دے عمل وچ شامل تھیون چاہندے۔ حکمران طبقے  
 دے ملے شدہ سچ دا انکار کرن نذیر فیض دی شاعری دا مقصد ہے تاہم عوامی تحریکاں  
 جیرھلے سامنے آندین اوندی شاعری وی سامنے آندی ہے۔ اوندے وچ اپٹا حسن تے  
 اونٹنی چاشنی ہوندی ہے جیرھی عوام دے جذبات، احساسات تے ترجیحات کون اپیل  
 کریندی ہوندی ہے۔ ایہ تا صرف عوام دے جذبات دے کھار س دا سبب بندی  
 ہے بلکہ اپٹا ہک تاریخی جواز وی رکھدی ہے حتی کہ بعض اوقات تاریخی تبدیلی دا سبب  
 وی بندی ہے آتے خود وی ہک تاریخ ہوندی ہے۔ نذیر فیض وی ہک استجھا شاعر اے  
 جیندی شاعری دا اپٹا حسن، چاشنی تے تاثیر ہے آتے اونٹنی تاریخی اہمیت وی۔ ایندے  
 علاوہ اپٹا لہجہ، مزاج، انفرادیت آتے شناخت وی ہے:

تیں سندھ کوں سندھاں ماریاں ہن	تیں راوی جہلم تار کیجے
توں میڈے رزق دا دشمن نہیں	میڈی بھوکیں کوں تیں بیکار کیجے
تیں منجھیں گاڈے بچیاں ہن	بس اپٹے وچ وپار کیجے
ہر ہال تے واٹوں کھیر کھسی	انسون تپڈے کروار اُتے

## خدا کرے کوئی ہال رووے

شاعری جو میٹری وانگوں منظم علم ہے۔ (گستاخ فلاسفی)

آج دے دور وچ سرائیکی شاعری دا معیار کافی اچا ہے۔ ایہ فن دے حوالے نال وی ہے تے فکر دے حوالے نال وی، ایندے علاوہ لپٹے احساسات آتے واپسی واردات دا ذکر مؤثر انداز اچ مختلف اصناف دے حوالے نال بیان کرن وی آج دے نویں سرائیکی شاعریں دی قدرت دا ہک ثبوت ہے۔ ایہا وجہ ہے جو آج سرائیکی شاعری کوں پڑھدیں ہوئیں میں بھر پور مسرت آتے بصیرت حاصل کرینداں۔ آتے بے شمار شعر میگوں زبانی یاد تھی ویندن (حالانکہ میں حافظے دی تازگی دے حوالے نال اوں عمر اچ کے نہیں۔)

کافی عرصہ پہلے چڈاں انجم لاشاری مرحوم نال مسلسل کئی ملاقاتاں تھیندیاں رہیاں آتے میں اوندے کلام کتوں زیادہ متعارف تھیندے اربہم۔ تاں اُنھاں دالیا شعر میڈے ذہن تے چھا گیا۔

خدا کرے کوئی ہال رووے

سُنھیں سالیس دا ڈرونجیجے

شاید میں خود کالیں آتے تہا اُداس راتیں دا شکار رہندا ہم۔ آتے کالی رات اچ تہاں دا خوف میڈی جان کو پیار ہندا ہا۔ تاں میں ایں شعر دا ورد کریندا رہندا ہم۔ انجم لاشاری ہک ذہین آتے بھر پور تخلیقی صلاحیتیں رکھن والا شاعر ہا۔ او سرائیکی زبان آتے تحریک نال وی محبت کریندا ہا۔ آتے سرائیکی دھرتی دا سچا تے پیار کرن والا واسی ہا۔

اواٹھیں تخلیقی صلاحیتیں (چیرھیاں اونکوں شاید اپنے عظیم والد سیں سفیر  
لاشاری کنوں ملیاں ہن) نال جدید جذبیں دے اور اک تے قادر ہا۔ آتے اہٹی  
شاعری ایچ ڈکھ دے نویں حوالیں دا اظہار کریندا ہا۔ میکوں اوندی شاعری کنوں بے  
پناہ اُمیداں ہن جو او سرائیکی شاعری ایچ لازوال تخلیقی ورثے دا اضافہ کرسی لیکن  
اوندی موت میڈے اُمیدیں کوں ناکام کر ڈتے۔ اوندی اچانک آتے بے وقت  
موت میڈے واسطے ایہ جہڑا صدمہ ہا جو اچن تائیں او مسلسل میکوں یاد آندے آتے  
میں بکھداں ایہ صدمہ پورے سرائیکی ادب آتے وسیب واسطے ہے۔ انجم لاشاری  
چونکہ ہک ذہین آتے بھر پور تخلیقی صلاحیتیں والا انسان ہا۔ ات واسطے او بے شمار ذہنی  
آتے نفسیاتی الجھنیں دا شکار وی رہندا ہا۔ آتے ایہ عام طور تے ہک بے پناہ ذہین  
انسان دیاں مقدر ہوندن۔ او اپنے ایں مقدر کوں نال گھن تے فرمئے آتے اپنے نال  
وابستہ اساڈیں بے شمار اُمیدیں کوں نکاڈتے۔

بھہر و زہندے تے دل ابھر دے لیکن چیرھلے کوئی انسان مردے تاں دل  
نہیں ولد۔ انجم لاشاری وی مردنچٹا ہا۔ ایندے میکوں وی پک ہا لیکن ایہ پک نہ ہا جو او  
بے وقت موت دا شکار تھیسے۔ اگر ایندے پتہ ہوندا تاں میں اوں کنوں ایٹھا اُمیداں  
وابستہ نہ کراں ہا۔

بعد وچ چھپن والی انجم لاشاری دے مجموعہ کلام ”آنکھیں سیساں“ وچوں کجھ  
عظیم شاعری ملاحظہ کرو۔ (میں اعلیٰ شاعری جیڑھی اہٹی دھرتی توں بالاتر ہووے  
دے وجود کوں نہیں منیندا بلکہ میں عظیم شاعری دا قائل ہاں جیڑھی اہٹی سر زمین نال  
بجڑی ہوندی ہے تے فنی قدر دی حال وی ہوندی ہے)۔

خدا کرے کوئی ہال رووے      جو گونگیاں ساکھیں دا پڑ و نہجیجے  
صدیں دا پورہیا وصال لمحہ      ایں خاص لمحے کوں شر و نہجیجے

حسین تے مہربان لوکو تساں نہ ہوتاں مرنو نجیجے

سائنسی دور ہے ، اُلقت کیا ہے  
پیار دی کہیں کوں ضرورت کیا ہے؟

جتے رنگ رنگیلے نعرے پڑھد و شہر دیاں کندھیاں تے  
اوں توں ودھ تے ون سنونے کتے لگدن قبریاں تے  
ہک شہزادی نے مزدور دے پیار توں جان دتائی ہئی  
کپڑے سوئے کوڑھے قسے لکھیے ہوئے ہن ذہناں تے  
اونٹی لاش تاں چوڑی کے نہیں ، ہا نہیں آہن ترلن تے  
اوتوں ٹرٹا پنے مئے جاتے گھر دا بار دی موٹھیاں تے  
آس دا تھکا ٹرٹا پھی کھیاں بہہ تے گھنے ساہ  
کئی وی منگلی سادی کسے نی ، ناں کوئی پتر درختاں تے  
میں حیدر دی پیار بھری اکھ جاتے ڈٹھا ہے اجم  
نورا اوندی دید پئی ہے میڈیاں سیلیاں کپڑیاں تے

اجم لٹاری دا تخیل سوئے لفظیں دے چتاؤ تے ورتاؤے نال ہر جاہ اپٹا  
نواں رنگ ڈکھلیدے۔ اوندی شاعری کوڑے خیالات تے روایات کنوں ہٹ تے  
ریڈیکل انداز وچ بہادری نال قاری مخاطب تصیدی ہے حیدر دی وجہ کنوں شاعر دا منفرد  
اسلوب ہے تے آج دے ہوں سارے شاعریں دے جگمگھے وچ خود کوں سنجاپو  
رکھدے۔ تاہم مجموعی طور تے اوندی شاعری وچ داخلیت دا کرب نمایاں ہے۔ بطور  
شاعر اوندی تجربہ ہوں گہرا ہاتے اوندی سب توں وڈی دریافت معروضی عوامل پاروں

انسانی موضوع وچ تھیوں والی ہج ٹرٹ کوں ٹرٹس کرن ہا۔ میں شاعری کوں وڈے  
 عرصے تیں پڑا سرار شئے کجی رکھیے لیکن ایہ کالجہ درست کاسی۔ انجم دی شاعری دا  
 مطالعہ میکوں شاعری دی ماہیت کجھن وچ ہوں بھڑائے جو شاعری خارجی دنیا دی  
 رپورٹک نیس بلکہ موضوعی احساسات کوں بذوقہ بیان کرن وانناں ہے۔



## شاعری وچ شاعر دی ذات دا عکس

کلاسیکی نظریہ و تنقید دے مطابق فن دی بہتر تفہیم، اوندے تخلیق کار دی ذات کوں مد نظر رکھ تے سمی سہدی ہے۔ صدیں تک مغربی تے مشرقی نقادیں ایس نظریے دی مشق کیتی اے۔ ایس نظریے دی تصدیق سانگے میڈے سامنے سرائیکی ادب وچوں کئی مثالیں ہن۔ اتھاں میں مصطفیٰ خادم دی ذات تے اوندی شاعری دے درمیان تعلق کوں مد نظر رکھ تے اوندے فن دا جائزہ گھنساں۔

مصطفیٰ خادم ہک نقیس آدمی ہے۔ اگر تساں کہہ ایں اوندے نال ملیوتاں ول تسا کوں ڈوجھے دفعہ اوندے نال ملن دی خواہش پیدا تھئی ہوی۔ ایہا صورت حال مصطفیٰ خادم دے پہلے سرائیکی مجموعہ کلام ”پارت“ دی ہے اگر تساں اوکوں ہک دفعہ پڑھیے تاں اوکوں ڈوجھے دفعہ ول پڑھن دی تمنا کیتی ہوسے دے۔ کیوں جو کتاب ”پارت“ وچ مصطفیٰ خادم اپنی ساری صفتیں سمیت موجود ہے۔ محبت، خلوص، دھیما پن اُتے نفاست ”پارت“ دیاں ایہ بنیادی خصوصیات ہن جنہیں میکیوں مجبور کہیتے جو میں اوکوں ول ول پڑھاں۔ آتے ایس طرح میڈے اُتے کتاب دیاں ہوں ساریاں بیاں دی خوبیاں نشا بر تھمیں۔

سرائیکی ادب دی اگر تاریخ پڑھی ونجے تاں معلوم تھیدے جو کئی دفعہ اینویں تھے جو سرائیکی وچ بھر پور تخلیقی صلاحیتیں رکھن والے شاعر کھٹے یا قریب قریب اہوں ہچھوں پیدا تھیں۔ آتے سرائیکی ادب کوں اہٹی شاعری دے حسن نال مالا مال کہیتے۔

آج دادوری یقیناً تک اسٹجھا دور ہے جیندے وچ بہترین شاعری تھیدی  
 پئی ہے۔ اگرچہ آج دے وڈے شاعریں دا موضوع سرائیکی وسیب آتے قومی شعور  
 ہے تاہم ہر شاعر دا اپنا انداز تے اوندے کلام دا ذائقہ اپنا ہے۔ آج رفعت عباس، اشو  
 لال، ارشاد تونسوی، ممتاز حیدر ڈاہر، نصر اللہ ناصر، عزیز شاہد، اقبال سوکڑی، حسن رضا  
 گردیزی، حسین گوہر، مصطفیٰ خادم، بشیر غنخور، زبیر احمد، عاشق بزدار آتے بے شمار  
 شاعر ہن۔ جنیں سرائیکی ادب دے پلوکوں سوہنی شاعری نال بھر ڈتے۔ بلاشبہ مصطفیٰ  
 خادم انھیں ساریں وچوں تک اسٹجھا شاعر ہے جنیں دے کلام وچ سرائیکی وسیب  
 اوندیاں خوشیاں آتے ڈکھ جیندی جاگدی شکل وچ موجود ہن۔ ایندے علاوہ زندگی  
 دیاں بے شمار سچائیاں، تجربے آتے مشاہدے لپٹے ساریں حسن آتے لطافت نال  
 مصطفیٰ خادم دے مزاج دی نفاست سمیت نظر آندن۔ مصطفیٰ خادم دے کلام وچ بے  
 ساختہ پن وی جاہ جاہ تے موجود ہے۔

دل آہدے کوئی کالھ کرے لیکن کیندے نال کرے  
 ہنجوں توں زخار پچاؤں محل توں اَنج پٹیاں کرے  
 کیوں کوئی موسم راس نہیں آیا لپٹے آپ سوال کرے  
 ”پارت“ مصطفیٰ خادم دا توڑے جو پہلا مجموعہ کلام ہے لیکن ایندے وچ  
 چنگلی دا پورا احساس ملدے۔ اولفظیں دا استعمال ہوں سوہٹ نال کریندے۔

مسکین میڈے لہو لہجے کوں نکنت الوداع آکھے

ولا کیوں تیور توں تڑی محسوس تھیدی ہے

مصطفیٰ خادم دی شاعری تک ذہین تخلیق کار دی نمائندہ شاعری ہے۔ ایہ  
 شاعری فکر دی گہرائی نال مالا مال ہے آتے بے معنویت کنوں عاری تے معنی نال ہر  
 دھیما پن نال تک ڈکھی انسان دی شاعری جیندے وچ کاوڑ موجود کانتی بلکہ غمگین،

محبت دا گہرا اثر ملدے۔ مصطفیٰ خادم دی شاعری اس ڈی تہذیبی عمل دی نمائندہ شاعری ہے۔ جوئے دے دج سرائیکی وسیب جوئے اجاگد او سدا ہے۔

جنس ڈینڈو پھرتے شب دیاں نندراں تہڑی نظر توں ٹار کتین  
 او شخص بے خواب، شکر ہے سحر دے بارے بشارتیں دا  
 او پوہ مہینے دے دج دی لپٹے لوار لہجے بحال رکھدن  
 جنھیں کوں ہاڑ اوج نہیں پورا جمیل سایہ عمارتیں دا

## اساں شاعر لوک بچارے ہئیں

شاعری انسانی تجربے دا لطیف اظہار ہوندی ہے۔ خواہ او داخلی تجربہ ہووے یا خارجی۔ ایں اظہار کوں روایتی تے کھسیے پھینے انداز کونوں ہٹ تے جدید انداز دے حوالے نال بیان کرن، اوں کونوں وی اوکھا عمل اے۔ کیوں جو اپنا مخصوص اسلوب بناوٹ ہک عام شاعر دے دس داروگ نہیں۔ است واسطے ہوں سارے شاعر ساری زندگی اپنے استاد یا کہیں بے وڈے شاعر دے اسلوب وچ لکھدے رہندن، آتے اپنا کئی مخصوص اسلوب نہیں بنا سکدے۔ نتیجہ ایہ تھیوے جو اچھی شاعری دوامی زندگی نہیں پاسکدی۔

شیر ناز دی شاعری واسطے ایہ مرحلہ ہوں اوکھا ہا کیوں جو اوندے والد محترم سرانگی دے ہک وڈے شاعر بن۔ آتے انھیں دا ہک مخصوص اسلوب ہے جیندے رنگ وچ کئی سرانگی شاعر رنگینے کہین۔ پر شیر ناز اے مرحلہ وی وڈی ہنر مندی نال ملے کیتے۔

شیر ناز دی شاعری داخلی آتے خارجی دنیا دی ہک ہوں مؤثر مثال ہے آتے آہت وچ بوندھیا ہویا مخصوص مزاج آتے اسلوب رکھدی ہے۔ او جیڑھے ویلھے اہٹی کہیں وی داخلی واردات دا اظہار کریندے تاں اوندے واسطے کوئی گھڑیا گھڑایا اسلوب اختیار نہیں کریندا۔ او اوندے واسطے ہک خاص اسلوب نال جدت پیدا کریندے آتے عام طور تے بحر وی غیر روایتی اختیار کریندے۔ اور گوی ہوئی تے گئی پڑائی ترکیب دی بجائے اوندے واسطے کوئی نویں ترکیب آتے علامت

پکولیدے۔ شبیر ناز کوں لفظیں دی چون آتے انھیں دے استعمال تے وی پوری  
قدرت حاصل ہے اوکرا لفظی دے فن کون وی پوری طرحاں واقف ہے جو ایندے  
نال تاثر کیوں پیدا کیتا دیندے:

ہولے ہولے کہیں دا لب چولن  
ہلکی ہلکی پھنوار رنگیں دی  
بدلیا بدلیا مزاج موسم دا  
موجھی موجھی کنوار رنگیں دی

رنگ اسٹائیس چیز ہن جو او کہیں دے چھ نہیں آسکدے۔ انھیں رنگیں کون  
اٹھی گرفت ایچ آتن تے انھیں کون اٹھی شاعری دا موضوع بناوٹ ہر کہیں واکم  
کائی۔ ایہو رنگ تاں پو پٹ وانگوں ہوندن جیندے پچھوں پچھوں انسان بھجے  
بھجے حیاتیاں ونجا ہا بندے۔ مگر تا صرف شبیر ناز انھیں رنگیں تے اٹھی پکڑ پکی  
کریندے بلکہ اوندے بیان واسطے تشبیہاں آتے استعارے وی نویں پکولیدے۔  
بھلس دیں پکھڑیں کون بھنجیریں نال تشبیہ ڈیوں بھنجی نادر مثال ہے:

بھل دے چودھار بے بھنجیریں دے  
صرف ہک یادگار رنگیں دی

اٹھی داخلی واردات کون بیان کریندے ہوئے جیکر شبیر ناز کہیں موضوع  
روایتی وی ہووے تاں وی او اپنے مخصوص اسلوب آتے نویں پن نال ایس اظہار کون  
نویکے انداز وچ بیان کریندے او اپنے محرد میں تے ڈکھیں کون وی نواں رنگ ڈے  
تے قاری دے سامنے آئیندے:

کہیں دیاں ہا ہیں کہیں دے گل دا ہار بٹیاں  
مڈے جھ وچ ونگ دا ٹوٹا باقی اے

ایئیں او اپنے داخلی کرب کوں کہہ ہی جاہ تے ہوں موثر آتے شاعرانہ  
تراکیب نال ایں بیان کریندے۔ دریا دے چھول دا استعمال ملاحظہ ہووے:

آنت ٹرٹ پئی اے ہندھ پھلیں دی

دل دے دریا کوں چھول دکھرا ہے

کہیں کہیں جاہ تے اوندی شاعری لفظیں دی کارگیری دا شاندار نمونہ بن  
دیندی ہے۔ او لفظیں دے تضاد نال ایں طرحاں کم گھندے جو ہک چھوٹا جیہاں  
موضوع اسان کنوں دا گھدے بغیر نہیں رہندا۔ ایتھاں ہک جاہ تے ”وسن“ آتے  
اوندے نال رول ہووٹ دے لفظی تے معنی تضاد دا ہک نمونہ ملاحظہ ہووے:

میٹے شیر ناز سینے وچ

ہون وسدا ہے، رول دکھرا ہے

شیر ناز ہک باشعور و سبھی شاعر اے، او صرف اپنے اندر کنوں موضوع نہیں  
بٹھیدا آتے تا صرف اپنی ذات وچ گم رہندے بلکہ خارج کوں وی اپنے تجربے دا  
حصہ بٹھیدے۔ آتے ہاہر دی دنیا وچ تھیون والیں تبدیلیں تے نظر رکھدے۔ مگر  
کھائیں وی اپنی شاعری کوں پروپیگنڈا نہیں بنن ڈیندا بلکہ شاعری کوں شاعری ای  
رہن ڈیندے:

کھوٹ سارا ادھار کھاتے وچ

شہر ساڑے دا قول دکھرا ہے

ایندے نال او اپنی شاعری کوں فرضی طور تیں یونیورسل بناون دی بجائے  
اپنے وسیب کنوں موضوع گھندے آتے اوکوں شاعری دا حصہ بٹھیدے۔ جینویں جو او  
ہمیشہ شاعری دا موضوع ہووے:

آکھو سانول! کتواں سال اے میل نہیں تھئے

آنکو صدر دین دا میلہ باقی لے

عظیم شاعری ہمیشہ اعلیٰ قدریں دی حاصل ہوندی ہے۔ شبیر ناز ایں سچائی  
کتوں پوری طرح باخبر اے۔ او انسان دی ذاتی شناخت دی حیثیت دا وی جائوں  
اے آتے کہیں طور تہیں دی ایہ شناخت دجاوٹ واسطے تیار کائے۔

ایہ وی ہوں اے چہرئیں دی ایں بھیڑ دے وچ

میڈا چہرہ ، میڈا چہرہ باقی اے

ابھی سچائی کوں قائم رکھن دا تعلق انسانی زندگی وچ رجائیت نال جو یا ہو یا  
ہے آتے شبیر ناز دی شاعری ایں رجائیت آتے اُمید دے عنصر نال مالا مال اے او اُمید  
دا اظہار کہیں دی روایتی شاعری وانگوں مانگوں انداز وچ نہیں کریندا بلکہ اپنے مخصوص  
اسلوب دے نال نال خرد دار اہندے:

گئی شبیر اے وچ آکھے پر دیکھیں کوں

جے تیں دل نہ ولسو بھالا باقی ہے

اُہ دے دور وچ شاید روح عصر انسانی منافقت اے۔ شبیر ناز کوں وی  
لوکیں دی ایں منافقت دا گئی وار تجربہ تھیا ہوسی۔ اُہ وی ایہ منافقت انسان دے ا  
ندر کب تلخی پیدا کر ڈیندی اے مگر شاعری تاں مٹھاس داتاں ہے۔ ات واسطے شاعر  
شبیر ناز انسانی منافقت دا ایہ اظہار محبوب دے حوالے نال ہوں وی لطیف انداز  
وچ کریندے:

اپنے باہر کوں ڈکھ بیا ہے

اپنے اندر کوں پھول وکھرا ہے

شبیر ناز دے والد محترم آتے سرائیکی دے اُستاد شاعر سیں احمد خان طارق

کوں اُہ دے دور وچ ڈوہڑے دا امام آکھیا دیندے۔ آتے ڈوہڑے وچ اُنہیں دا

اسلامیچا پواندازاے جو طارق صاحب دا ڈوہڑہ ہر جاہ اپنے آپ آئید اکھڑا ہوندے۔ بلاشبہ ہک پتر واسطے اپنے والد محترم دے ایس انداز کتوں بیچ نکلن ہوں مشکل تھی سکدے مگر شبیر تازا یہ سرحد وی کمال نال پار کیتی اے۔ اوندے ڈوہڑے دا انداز وی اوندی غزل دا نمونہ دکھراتے تو نیکل اے۔ اولہ پٹے ڈوہڑے دج اُستاد طارق صاحب دی بجائے خود آپ آئید اکھڑا ہوندے۔ اوندے ہک ڈوہڑے دج اوندے ذاتی ڈکھ دا اظہار ملاحظہ ہووے۔

کیا کھڑے کہیں دی گالھ سٹوں اسان کہیں بھونیں آنب دے وات اچ نہیں ساڈے پیر زمین تے نہیں بگدے وڈے چکریے کل کائنات اچ نہیں نہ کہیں دے راہ دا بھالا بس نہ کہیں دی جھات جھپات اچ نہیں شبیر اونویں تاں جیندے نہیں نہ ڈیہند دج نہیں نہ رات اچ نہیں ذرا ایں ڈوہڑے دج لفظیں دی ترکیب گوگی شانہ، گنگ دام اشارے اپنے آپ تے بارہوون دے نال سرائیکی دے خالص لفظ ”اُتارے“ دے استعمال تے شاعر دی قدرت ملاحظہ ہووے:

اسان پیڈے مندر دے مندر پے نہیں وڈے لہندے ڈھول اُتارے نہیں اسان گوگی شانہ دے وانگوں نہیں اکھ دے گنگ دام اشارے نہیں اینویں گہدے سر آسان آچے شبیر ایں آپ تے بارے نہیں ساڈے بول گھلا پیڈی دھرتی دے اسان شاعر لوک بچارے نہیں



## سرائیکی ادب وچ نثری شاعری

مادی ترقی دی وجہ کنوں دنیا سمٹ چکی ہے۔ اگر دنیا دے کہیں ملک وچ کوئی واقعہ پیش آندے تاں اوندی اثری دنیا تے دی پوندے۔ ذرائع ابلاغ دی ترقی دی وجہ کنوں نویں علمی ادبی نظریات فوری طور تے پوری دنیا تے اثر انداز تھیندن۔ ادب دی کوئی صنف ہووے اوندے وچ موضوع تے ہیئت دی رونال پھولی اودھ صدی وچ وڈیاں وڈیاں تہذیبیاں آئین۔ جنھیں وچ ہک نثری شاعری وی ہے۔

نثری شاعری دامنڈھ فرانس کنوں پدھا پئے۔ فرانسیسی نثری شاعری وچ چارلس بودلیئر (1867ء-1821ء) آتے ریم بو (1891ء-1854ء) دے ناں اہم ہن۔ ایہدے نتیجے وچ اردو وچ انیس تاگی آتے مبارک احمد وغیرہ نثری شاعری کوں رواج ڈتا۔ بودلیئر دی کتاب (Little prose poems) اوندی او پہلا تجربہ ہاجیرہا کامیاب تھیا۔ کجھ سرائیکی شاعریں وی نثری شاعری دے تجربے کیتن۔ جنھیں وچ عامر فہیم آتے ابن قیصر شامل ہن۔ بعد وچ معروف سرائیکی شاعر رفعت عباس اپنی کتاب ”بھوندی بھونکیں تے“ ایں تجربے کوں ہک پوری شکل ڈتی۔ مگر پوری کتاب وچ شاعرانہ ردھم موجود ہے۔ رفعت عباس دی شاعری وچ چارلس بودلیئر دے اثرات نمایاں ہن۔ آتے اتھاہوں رفعت تحریک گھدی ہے۔ توڑے جو موضوعات مختلف ہن۔

نثری شاعری دی حمایت تے مخالفت وچ ہوں آکھیا گئے۔ ہک دور وچ ایہہ مگر ماگرم بحث دا موضوع رہی ہے۔ نثری شاعری دے مخالفین داسب کنوں وڈا اعتراض ایہہ ہے جو شاعری واسطے وزن دی پابندی لازمی ہے۔ آتے نثر ایں کنوں آزاد

ہوندی ہے۔ ات واسطے ایہ ادب دیاں ڈی مختلف قسماں دین۔ جیہدے وچ وزن دی لازمی کندھ حائل ہے۔ انھیں ڈی وپیں کوں کٹھا کرن ناممکن ہے بلکہ ایہ عجیب کالجھ ہے جو کہیں تخلیق کوں نثری شاعری آکھیا ونجے۔ کیوں جو کوئی فن پارہ بیک وقت نثری تے منظوم نہیں ہو سگدا۔ او یا نثری ہوئی یا منظوم۔ ات واسطے نثری شاعری ہک مہل جہیں کالجھ ہے۔

میڈے خیال وچ اس دلیل وچ ہک بنیادی غلطی موجود ہے۔ او غلطی ایہ ہے جو شاعری واسطے وزن دی رواجی پابندی کوں لازمی قرار ڈے ڈے تا گئے۔ حالانکہ ایہ حقیقت ہے جو وزن شاعری واسطے ماضی وچ کڈا اپن لازمی نہیں رہیا بلکہ ایہ صرف بعد دے دور وچ شاعری واقعا ثابتیے۔

پہلے زمانے دی شاعری خواہ او کہیں ملک نال تعلق رکھدی ہووے لپٹے واسطے وزن دی پابندی کوں لازمی قرار نہیں ڈیندی۔ یونان دے مشہور فلسفی تے نقاد ارسطو (322-384 ق م) اوٹی مشہور کتاب ”بوطیقا“ وچ شعر واسطے وزن کوں لازمی قرار نہیں ڈتا۔ ایہدے علاوہ کلاسیکی عرب شعراء جنھیں دی شاعری دی اہم تائیں دھوم مچی ہوئی ہے۔ وزن کوں شاعر واسطے لازمی قرار نہ ڈیندے سن۔ عرب دے مشہور شاعر حسان دے چھوٹے پتر کوں ڈیٹھکوں کھا گیا تاں او روند اہو یا پو کنیں آیا۔ پو پتھیا کیا تھئے۔ ہال کوں ڈیٹھکوں واناں نہ آندا ہا۔ اوں شاعر انداز وچ ڈیٹھکوں دی شکل ڈی تاں حسان خوشی کوں پٹا کھا داتے آکھنیں۔ یقیناً میڈا پتر شاعر پٹسی۔ اینویں الطاف حسین حالی (1914ء-1837ء) دی لپٹے مقدمے ”شعر و شاعری“ وچ شاعری واسطے وزن کوں لازمی قرار نہیں ڈتا۔ صرف اتلا آکھئے جو ایہدے نال شعر وچ سوہنپ پیدا تھی ویندے۔ ایہ بجا ہے جو وزن نال شعر سوہنپ تھی ویندے۔ لیکن تخیل تے فکر جبرہی شعر دی روح ہوندی ہے۔ ایں پابندی نال مجروح تھی ویندی

ہے۔ ات واسطے نثری شاعری دے حامی دا خیال ہے چونکہ تخیل بنیادی حیثیت رکھدے ات واسطے وزن دی پابندی نال اوکوں نقصان نہ پہنچایا ونجے۔ ویسے ایہ حقیقت ہے جو شاعری صرف وزن دی پابندی داناں نہیں۔ کیوں جو کہیں ڈوبا وزن سطرین کوں اسان تاں پہلے شعر نئے آکھ سکدے اگر آکھ دی ڈیوں تاں وی ادھیقتا شعر دے تقاضے پوری نہیں کریندا۔ شعر اگر با وزن سطرین داناں ہووے ہا تاں عرب دی فصیح قوم قرآن مجید کوں کڈا ہاں شاعری نہ آکھے ہا۔ کیوں جو اوندی آیات وچ وزن نہیں پاتا ویندا۔

حقیقتاً شاعری لطیف تخیل تے لفظیں دے سوئے انتخاب آتے برمل استعمال نال پیدا تھئے آہنگ داناں ہے۔ جیر ہا ضروری نہیں وزن دا محتاج ہووے۔ جیرھے لوک شاعری واسطے وزن دی لازمی پابندی دی مخالفت پئے کریندن۔ او نا صرف ہک روایت دے ڈڈھپ کونوں جان پئے چھرویندن بلکہ پرائے زمانے وچ رائج شاعری دے اہم تصور کوں زندہ کرک دی کوشش دی پئے کریندن۔

فرض کیہنا شاعری وچ وزن دی پابندی کہیں اٹل قانون دے تحت وی ہووے تاں وی ایں تجربے کوں ممنوع نہیں قرار ڈتا وین سکدا۔ کیوں جو تجربہ بہر حال جائز ہے۔ اگر اسان انھیں تجربیں کونوں نہ گزروں ہا تاں اہ ترقی دی ایں منزل تے نہ ہووے ہا۔ میں اتھان ایہ وی یاد ڈیوادوں چہند اں جو عرض دا استعمال وی ہک تجربہ ہا۔ جیر ہا مخصوص حالات وچ کامیاب رہیے۔ لیکن ایں کامیابی دا ایہ مطلب ہرگز کاسنی جو ایہ ہمیشہ واسطے شاعری دے پلوہدہ ڈتا ونجے۔ بلکہ پوری دنیا وچ شاعری دا کھو وزن دی کاسنی بلکہ ہر کہیں دے اپنے اپنے میٹر وین۔

میڈے خیال وچ نثری شاعری دا تجربہ نا صرف ہووٹا چاہیدا ہے بلکہ موجودہ سماج کونوں پیدا تھیون والے پیچیدہ مسائل تے خیالات دے اظہار واسطے

وزن دی ایس ٹھٹھن کنوں نکل تے شاعری کوں آزاد فضا وچ ساہ گھٹھاں چاہیدا ہے۔  
نثری شاعری بچھوں ڈاکٹر وزیر آغا و انگوں چوتابہ دے تے ٹھیں لگب پوڈا چاہیدا۔

نثری شاعری دے معترضین دا خیال ہے جو ایس کہیں اخبار دی خبر دیں  
سطریں کوں چھوٹا وڈا کر تے نظم بنائی وئج سکدی ہے۔ تے دل ہر شخص شاعری بنی  
سکسی۔ اتھاں میں صرف اتلا گزارش کریاں جو نہ ہر شخص شاعر بن سکدے تے نہ  
کہیں خبر کوں چھوٹا وڈا کر تے نظم بنا یا وئج سکدے۔ کیوں جو جیویں ہر شخص علم عروض  
سکھ کراہیں شاعر ٹھیں بن سکدے ایویں کوئی غیر شاعر، شاعر ٹھیں بن سکدے۔

نثری شاعری دی بنیادی طور تے شاعری ہوندی ہے۔ جیدے وچ تخیل  
دی بلندی دے علاوہ ”شاعرانہ آہنگ“ دی پاتا ویندے آتے ایہ شاعری دی صرف  
فطری شاعر کر سکدے۔ کیوں جو او وزن کوں چھوڑ کراہیں شاعری دے پے سارے  
بنیادی تقاضے پورے کریندی ہے۔ جیدے وچ ردھم برآہنگ دی ہوندے۔

بعض لوک سوچیندن جو نثری شاعری دا ہر مصرع لازمی طور تے نثر وچ  
ہووے جینویں جو او سوچیندن جو نظم یا غزل دا ہر مصرع وزن دا پابند ہوندے۔ حالانکہ  
نثری شاعری وچ بنیادی گالھ ایہ ہے جو وزن نہ لٹے دور وچ شاعری واسطے لازمی ہا  
تے نہ ٹھن ہووٹا چاہیدا ہے بلکہ شاعر کوں اجازت ہووٹی چاہیدی ہے جو او خیالات  
دے تسلسل وچ جیر ہا مصرع رفقہ جینویں آوے اونویں لکھے۔ کیوں جو تحریر خود آپ  
لکھویندی ہے آتے اونکوں بھن تر وڈ کراہیں اونٹی فکر مجروح نہ کرے۔

بہر حال نثری شاعری ہک نواں تجربہ ہے۔ جینویں جو ہمیشاں میڈا مووقف  
رہ گئے۔ سرائیکی ادب وچ نویں اصناف کوں رواج ڈتا ونجے۔ ایں سانگے میں  
سرائیکی شاعریں کوں نثری شاعری تے طبع آزمائی کران دی اک ڈیندن۔ البتہ  
ایندی کامیابی سرائیکی شاعری دے کہیں تخلیقی شاعر دی طبع آزمائی نال شرط ہے۔

## سرائیکی غزل اِج انقلاب

شاعری اور تصویر ہے جیڑی محسوس کیتی دہن سکھدی ہے لیکن ڈٹھی نہیں دہن  
سکھدی۔ (لیونارڈ اوپنی)

موجودہ سرائیکی غزل دار و راج زیادہ تر اُردو غزل کنوں آئے جیکر خواجہ فرید  
دیں کچھ کافیس کوں غزل دی صنف وچ نہ رکھیا دہنچے تاں کلاسیکی شاعری وچ ایندے  
نمونے تقریباً نہ ہوں دے برابر آسن۔ ایہا وجہ اے جو سرائیکی شاعری وچ ہک  
اشکھا طبقہ پیدا تھی مہیا جیرہا غزل کوں سرائیکی شاعری دے مزاج آتے روایات دے  
مطابق نہ سمجھد ہا لیکن ایندے باوجود سرائیکی وچ سرور کر بلائی، اقبال سوکزی آتے کچھ  
شاعریں مثلاً ریاض رحمانی، رشید رحمانی، ممتاز حیدر ڈاہر وغیرہ مستقل مزاجی نال غزل  
اہلے رہ گئے۔ توڑے جو اوندے آتے اُردو دے اثرات نمایاں رہیے۔

البتہ سرائیکی غزل دے ایں انداز آتے لہجے وچ سب کنوں پہلے کچھ تبدیلی  
ممتاز حیدر ڈاہر پیدا کیتی۔ جیرہلے 1981ء وچ اوندیں غزلیں دا مجموعہ ”سنگول  
وچ سمندر“ سامنے آیا۔ ممتاز حیدر سرائیکی غزل کوں کلاسیکی انداز وچ کڈھتے توں  
لہجے دی چاشنی ڈتی آتے اوکوں خواجہ فرید واگوں دھرتی نال وی جوڑیا۔ ایہ غزل ہوا  
دے ہک ٹھڈے جمولے واگوں ہئی۔ ایندے بعد 1984ء وچ رفعت عباس دیں  
غزلیں دا مجموعہ ”پڑچھیاں آتے مہل“ چھپیا۔ رفعت عباس ناصرف غزل دے  
مخالفین دا ایہ اعتراض بہن ترور ڈتا جو غزل دے موضوعات تے ڈکشن سرائیکی  
ویسب دے نال تعلق نہیں بلکہ اوں انھیں شاعریں کوں وی کھوکھلا کر ڈتا  
جیڑھے سرائیکی غزل وچ حسن عشق یا عوامی موضوعات کوں پروپیگنڈے دی سطح تے

درتیندے پئے مہن۔

رفعت عباس دی غزل دا اسلوب تے موضوعات سارے دے سارے  
نویں ہن آتے اوں ڈکشن آتے موضوعات کوں سراہیکی وسیب نال جوڑ ڈتے۔ ایہ  
یقیناً سراہیکی غزل وچ وڈا انقلاب ہا آتے سراہیکی غزل، سراہیکی غزل ہئی آتے اُردو  
غزل کنوں پابند چھڑا گھدا۔

لیونا رڈ وڈا اونچی دے قول دی روشنی وچ آکھیا وچ سبکدے رفعت عباس  
حیات دا شاعر اے تے اوندی شاعری کوں کہیں روایتی اسلوب، موضوع آتے  
نظریے نال نہیں سمجھیا وچ سبکدے۔ بلکہ ایہدا اثر صرف محسوس کیا وچ سبکدے یا لطف  
اندوز تھیا وچ سبکدے۔ البتہ اوندے وچ دھرتی ماہ دی بو باس تے محبت موجود ہے۔  
رفعت عباس دا سارا ماضی جیرھا اوندے دماغ دے یادداشت والے کہیں  
گوشے دا حصہ ہا ہئی تخلیقی شکل وچ آن ظاہر تھیا۔ چناب دی دھرتی اوندے مخنتی واسی  
، بارشیں وچ بیسے ہوئے لکھی آتے وسیب دیں لوک کہا نہیں رفعت عباس دی شاعری  
کوں اتھھی شکل ڈتی جو جے تائیں اسان انھیں ساریں صورتیں کوں اہئی یادداشت  
وچ تازہ نہ کروں انھیں کنوں لطف اندوز نہیں تھی سبکدے۔

سراہیکی دھرتی دے ایں بھر پور تخلیقی صلاحیتاں رکھن والے شاعر دیاں  
تقریباً ہک بجز وچ لکھیں ہوئیں غزلیں کوں ممکن اے محدود موضوعات دا حامل سمجھیا  
وئے لیکن میڈا خیال اے انسانی یادداشت دی غیر محدود دنیا وچ آئی بگڑ حالات آتے  
تصویرات رفعت عباس دی شاعری وچ اتلا پھیلے ہوئے ہن جو اسان صرف اکھیں بند  
کرتے ای تصویرات دی دنیا دے ذریعے انھیں دی وسعت دا اندازہ لاسکدوں۔

رفعت عباس دی غزل وچ سراہیکی وسیب اہئی حیددی جاگدی شکل وچ  
موجود اے آتے ایہدے واسیں دی حیاتی لپٹے سارے ڈکھیں آتے خوشیں نال موجود

نظر آندی اے۔ انھیں واسیں دیاں محنت مزدوریاں، میلے، تھیٹر آتے تھے قدم قدم  
تے حقیقی زندگی وی عکاسی کریندے ہوئے ملدین آتے انھیں دے شعر اساڈی  
حیاتی دیاں وی کئی پرناں نشا کریندین۔ کیوں جو رفعت عباس دے پیر ہر گھڑی  
دھرتی تے لکھے رہندن۔ آتے او خود عوامی زندگی دا ہک حصہ بٹیا رہندے بلکہ اوندی  
شاعری وچ دریائے چناب دے کنارے آباد مور قبیلے دی حیاتی اساکوں اینویں  
لکدی اے جو اوساڈی آہٹی حیاتی ہووے۔

حالی تاں بس کوندریں کپ تے سکو دیاں پاتیاں بیسے  
باقی دل توں ڈیکھیں ساکوں پچھیاں وٹھ دیاں چیندیاں

.....

ڈو ترے گاؤں ڈو ترے تھے یاد تاں کر گھدے ہن  
بے شک عمراں گزر گئی ہے اینویں پڑ چھ پدھیدیاں  
انھیں شعریں وچ جتھاں غریب آدمی کوں آہٹی بے وقعتی دا احساس  
نظر دے اتھاں آہٹی محنت دے شعور دا احساس وی ملدے۔ تاہم عوام دی زندگی سکنا  
بے وقعت ہے ایں حقیقی سچائی دا اظہار اساکوں کئی شعریں وچ ملدے۔  
پوری کھیڈ اچ ساڈا حصہ ایہو ہے بس رفعت  
جیرھے ویلے بادشاہ آوے بتیاں سرتے جاؤں  
غریب انسان کوں روزگار دے چکر وچ اپٹیاں سکنا خوشیاں قربان کر  
ڈیوٹیاں پوندن، انھیں شہیں دے ونجیجن دا غم وی شاعری وچ پورے تاثر نال جاہ  
جاہ تے ملدے۔ لیکن شاعر ایں ڈکھ دا اظہار سرائیکی وسیب دے حوالے نال ای  
کریندے۔ آتے ایں ڈکھ کوں پروپیگنڈا بناؤن کتوں وی بچیندے۔  
اساں وی کنڈے لہہ نہ سگے کینجھا موسم ہی او

سرہیوں دی خوشبو تاں ساکوں پڑیاں وچ دی پہنتی  
 پڑیاں رکٹک دے موسم دی پاٹیاں وچ نکھے  
 یاد ریہاں بس اڈ دیاں کونجاں دسرہئے سب کنڈے

.....  
 نہ ہنق لہراں سوہیاں جو ہیاں نہ ہنق کھھی جاٹوں  
 نوکرے وڈے وڈے نئے اسان کن دریاواں شعلے

روزگار لگا رہے تاں انسان ایندے واسطے اپٹیاں کئی خوشیاں قربان وی کی  
 سکھدے لیکن جیرھلے روزگار وی دہنچ ونچے تاں اوں غم کوں کیہ جڈے حوصلے نال  
 برداشت کرنا پوندے۔

خنگلی اُتے پڑیاں بھک تے کون کپڑاں خوش راہندے  
 دل دی دڈے رہندے ہسے دل کوں پکا کرتے

رفعت عباس دی شاعری وچ عوام دی زندگی دے کئی ڈو وچھے پہلو وی وڈی  
 خوبی نال اساڈے سامنے آئدن۔ کھیڈ ”تماشا“ میلے، ٹھیلے، تفریح واسب کتوں وڈا  
 ذریعہ ہن۔ رفعت اپنی شاعری وچ عوام دی انھیں چھوٹیں چھوٹیں خوشیاں دا ذکر جاہ  
 جاتے کرتے انھیں دے ڈکھیں دے ذکر دا ازالہ کریندے۔

جے تائیں ویٹھاں بگدیاں ہیاں ہن کھیڈ وی چلدی پئی اے  
 اپنی ذہن وچ میلہ ڈہدے سوئے شنگر جیون  
 گھوڑ سوار تاں بھانویں ہینہ نال کلہا بھڑیا ہوندے  
 ٹھیڈ دے وچ ہر کوئی اینویں تکیا پٹھا ہوندے

رفعت اپنی شاعری وچ عام طور تے عوام دے تکیوں تے کھلیئے ہوئے طبقے  
 کوں اپنا موضوع بنیندے۔ او معمولی معمولی آدمی دی روزمرہ زندگی اُتے انھیں



دیں دلچسپیں دا گہرا شعور رکھدے آتے لپٹے مخصوص اسلوب وچ بیان کریندے:

میرو بتیاں والا میرو مثالا جیہدا راہوے  
ساڈے سارے کھیل تماشے اینویں چلدے رہسن  
ڈدھ وچیندا خدا ککڑ ڈدھ وچیندیاں کگاندے  
اساں تاں ساریاں مرو پنچا ہے ساڈے قہے رہسن  
طالب شاہ داعرس ہووے یا چیتڑ دی ملھنن ہووے  
مردو ہووے بھ دے رلے، بھ دے رلے رہسن

لوک قہے دراصل لوک دانش دا اظہار ہوندین۔ خوب فریڈ لوک رومانیں  
دے ذریعے اپنا پیغام لوکیں تائیں بچایا لیکن رفعت عباس ایں روایت کوں  
ودھیندیں ہوئیں لوک قصیں دا ہک ہیا درشن ساڈے سامنے آندا آتے لوک قصیں  
دے مختلف کرداریں کوں علامتی طور تے درت کراہیں عوامی زندگی دے مختلف رویں  
کوں نشا کرکیتا۔ کیا ایہ شعرا آج دے کہیں سیاسی رہنما دے کردار کوں واضح نہیں کریندا۔  
جیہدے لیوں سرائیکی لوک قہے وچوں گڈڑی علامت کوں گھداہگئے۔

نیل تھلا وچ ڈدھ تے گڈڑ کیہ تائیں نیلے رہسن

آخر ہک ڈینہ رت بدلدی، ہک ڈینہ مینہ وی پوندا

اساڈی زندگی وچ کئی انہونے تے عجیب غریب واقعات آویندن۔ ات  
واسطے سرائیکی وچ آہدن ”آدی کرے تاں ڈرے نہ کرے تاں ڈرے“ سرائیکی  
لوک قصیں کوں کم گھدیں ہوئیں رفعت عباس ایں مفہوم کوں ڈیکھو کیوں ادا  
کریندے کزور آدمی دا اتھاں کیا حشر تھیندے (نزولہ بر عضو ضعیفے گرد)

گنگوویں تاں بس ڈو جھے کھاندے ہتھیں کونج آویندی

جیہدے ککے ککے بچے نہ پائی نہ چوگا

رفعت دی شاعری وچ اچھے معمولی معمولی موضوعات تے بے شمار مثالی شعر موجود ہن۔ انھیں شاعریں وچ لوک قصیں دے ہوں سارے کردار اپنے نوسے علامتیں دے حوالے نال اساڈے سامنے آئدن۔ مثال دے طور تے ایتھاں نیلا سیہڑ معصومیت دی علامت ہے۔

نیلا سیہڑ ریزھے آتے گا جراں لہڑ کُریا  
پر او چیز ہارستے دے وچ لومبڑ رہندا ہئی پیا  
ایزیں لومبڑ ہوشیاری آتے چالاکی دی علامت ہے۔

ہیند دا پیرہہ ڈیندیں ہوئیں وی کب او ہڈھا لومبڑ  
کھڑے کھڑے سم و نچنن دا گر پورا چاند اہئی پیا  
جنگل وچوں گھدیاں ہونیاں ایہ علامتاں شہری انسانیں تے دی منطبق  
کیتیاں وچ سبکدن۔

رفعت عباس دی شاعری وچ عوامی احساسات آتے تمثیلات دے علاوہ  
اوندیں ذاتی خواہشات دا اظہار، حسن عشق دے بارے اوندے داخلی احساسات،  
جذبات آتے واردات دا تذکرہ آتے انسانی نفسیات دے مختلف پہلوؤں بارے  
اوندے شعری تجزیں دے علاوہ ہوں سارے بے موضوعات ہن۔ مختصراً میں ایہ  
آکھساں رفعت عباس دی شاعری وچ سرائیکی وسیب ساکوں ساہ گھندا محسوس  
تھیوے ایہا عظیم شاعری دی علامت ہے۔

## ڈومعاصر شاعر

اساں ہک ہے کوں اہٹی ڈہنی سطح دے حوالے نال اپر وچ کریندوں۔  
 لکھن والے دا الیہ ایہ ہوندے جو او اہٹی تخلیق ہر قسم دے قاری واسطے چھوڑ ڈیندے۔  
 آتے دل مستقل عذاب سمہ او دار ہندے۔ ہر قاری اوہدے آتے اپنا تیرہ فرض وی  
 بکھدے تے درست وی۔

عالباً ایہ اذیت تخلیقی عمل دی اذیت کوں کئی طرح نال مختلف ہوندی ہے۔  
 کیوں جو تخلیقی عمل دی اذیت اپنے دوران وی ہک طرح دا لطف ڈیندی ہے۔ آتے  
 تکمیل تخلیق دے بعد تاں لازوال مسرت بخشیدی اے لیکن قاری دی تنقید ہوں  
 گھٹ مرحلے تے لطف ڈیندی اے بلکہ اکثر اوقات تاں او سراپا اذیت ہوندی ہے۔  
 سراپا نیکی نثر آتے شاعری وچ ہوں ذہین تخلیق کار آہنگین۔ جیڑھے وڈی  
 محنت تے ریاضت نال لکھن۔ آتے انھیں وی تخلیقی صلاحیت وی اعلیٰ درجے دی  
 ہوندی ہے۔ انھیں وچ خصوصی طور تے شاعری دے حوالے نال قابل ذکر رفعت  
 عباس آتے اشوالال بن۔ انھیں ڈوہیں دیاں نوپاں کتاباں 1995ء وچ آئین۔  
 آتے موضوع بحث بلڈین یا موضوع تنقید تنقیص وغیرہ۔

اساں ہک ڈو جھے دے نقطہ نظر کوں سمجھ بئیر اہٹی فوری رائے قائم کر  
 گھندوں جیڑھا میڈے خیال مطابق ابتدائی آتے سطحی ہوندے۔ آتے اوندی کوئی  
 علمی حیثیت نہیں ہوندی۔

رفعت عباس اہٹی نویں کتاب ”بھوندی بھونیں تے“ وچ سراپا نیکی نظم دے

مخصوص ڈھانچے کوں تر وڑتے رکھ ڈتے۔ شاید اوجھدے جو حیرتوں پوری دنیا وچ تبدیلی آندی پئی ہے تاں شعردی مخصوص فارم کوں کیوں نہیں تر وڑیا وچ سگد ا۔ اوندی موجودہ شکل ہرگز مقدس کاسی۔ او اوگوں تبدیل کرتے اپنے نوں خیالات کوں زیادہ چنگے طریقے نال بیان کر سکی۔ رفعت عباس بیک وقت فارم اتے خیالات وچ تبدیلی گمن آون چہدے۔ جیدی وچ کونوں اوند ا قاری حیرانی نال اوند امنہ تکبیر اپنے۔ قاری دا خیال ہے شاید رفعت عباس دے دماغ وچ کوئی گز بڑھی گئی ہے۔ حالانکہ ایہ تجربہ خاصا گنیمیر ہے اتے حالی قاری وی گرفت وچ محسوس آندی ا۔

اشوالال دی نوں کتاب ”گوتم نال تھیو ا“ دی وی کجھ ایہو جہیں کیفیت ہے۔ اوندے قاری واسطے ”چھیڑ دہتھ نہ ٹر لی“ کنوں ایہ تجربہ ہٹتے ہے۔ تاہم اوں ایں کتاب وچ ”بھونڈی بھونڈی تے“ دا گونوں فارم کوں نوں نثر نال شکل نہیں ڈتی۔ اشوالال وی اگرچہ بعض جاہیں تے پہلے دا گونوں ٹن وی مخصوص فارم کوں بھن سٹھے مگر اوندی بنیادی مسئلہ فارم نہیں خیالات من۔ اوندے سامنے اصل مسئلہ Origin دی پھول پھول ہے۔ اوہٹی پڑائی تہذیبی سائیکس کوں دریافت کرتے اوندے حوالے نال اظہار کرن چہدے۔ اوں اوہٹی پہلی کتاب وچ وی ایہو کجھ کہتا ہا۔ اوں ویلھے اوندے سامنے ایہ صورت حال درپیش ہئی جو کیا اوندے اظہار دا ایہ وسیلہ کامیاب تھیسی یا کائنا۔ لوک اوندی کالجھ کوں قبول کرین یا کائنا؟ عام طور تے ایں بارے وچ اوگوں کوئی ڈرنہ ہا۔ ات واسطے اوں اعتماد نال کالجھ کیتی ہئی اتے ٹن اوں نظر یے تے زیادہ پکا تھی گئے۔ جیدی اظہار ”گوتم نال تھیو ا“ وچ موجود ہے۔ میڈے خیال وچ ایں مرحلے تے لوکیں دے ذہن وچ ایہ سوال آسگدے جو آیا اشوالال گوتم نال کوئی تھیو ا دی ہے یا کائنا؟ یا ڈوجھے لفظیں وچ ایہ صرف ”نورا کشتی“ ہے۔

انھیں ڈوجہں کتابیں دا آپت وچ موازنہ مطلوب کئے نہیں اتے مشکل دی

ہے۔ تاہم ایہ ڈوہیاں کتاباں انھیں دیں ابتدائی کتابیں کنوں اسلوب دے حوالے نال مختلف ہن۔ آتے شاعری داسنروچ مختلف سمتیں وچ ہے۔ گوتم (583-563 ق م) دواعہد ہندوستان داہڈاکا عہد ہے۔ چڈاں جو ”بھونڈی بھونکیں تے“ معروف فرانسیسی شاعر، مترجم آتے نقاد چارلس بادلیئر (1867ء-1821ء) دے نثری نظمیں دے اثرات ہن۔ چیرھیاں 1868ء وچ (Petits poemes) دے نال نال چھپیاں۔ اشوالال دا تجربہ آہٹی ماضی کولں دریافت کرن ڈا واسطے ہزاراں سالہ پرائی تہذیب نال بھوت دی کوشش ہے۔ چڈاں جو رفعت عباس دا تجربہ انویویں صدی عیسوی دے نثری نظم دے حوالے نال مخصوص وزن رکھن والی شاعری دی فارم کولں بھن نال ہے۔ ڈوہیں تجربے آہٹی جاہ تے اہم ہن۔ تاہم انھیں کولں مقبولیت حاصل کرن وچ وقت لکسی۔ آتے شاید اینویں نہ تھیں جینویں ”پڑھیاں آتے بھل“ تے ”چھیڑو تھہ نہ مری“ دی مقبولیت دے ہینار اُسردے گئے ہن۔

## تراے دے شہر وچ پیر وراثی ترمیت

ترمیت دنیا وچ پیر وراثی ترمیت دنیا وچ ہندی ہے۔ (سین ڈی یوار)

انسان اپنے ارتقا دے سفر وچ ہوں عذاب کھٹکین۔ خصوصی طور تے عورت اوکوں ہمیشہ پورے انسان دا رتبہ دی کھس ڈتا گیا۔ تاریخ وچ جاہ جاہ تے اوندیاں منڈیاں لگدی یاں رہن آتے او وکدی رہی ہے۔ حتیٰ کہ سرائیکی وسیب وچ آج وی او وکادی ہے آتے کراچی وچ بہاری رہنگالی عورتیں دی خرید و فروخت تصدی ہے۔

تاہم سرائیکی ادب وچ خواجہ فرید عورت کوں زبان ڈتی۔ او خواجہ فرید وی شاعری وچ اولوں پنے وگئی آتے اپنے سارے ڈکھ سکھ بیان کیتے۔ ایندے نتیجہ ایہ تھیا جو عورت سرائیکی ادب وچ عورت جو وگئی تھی۔ دل سرائیکی وچ بے شمار عورتاں لکھن پنے گیاں۔ انھیں وچوں ہک سحریال وی ہے۔

سحریال وی شاعری دا مجموعہ ”تراے داشہر“ لہو کے دور دے عورت دے عذابیں وی شاعری ہے۔ جیویں جو کتاب دے ناں کنوں ظاہر ہے۔ ”تراے داشہر“ پچھلے ڈسٹھیں میکوں پڑھن واسطے ملی۔ میڈے واسطے ایہ یقیناً ہک خوشگوار حیرت دا سبب بیٹھے۔ جو ایں مجموعے وچ اساڈے خصوصاً ترمیت دے انفرادی تے اجتماعی ڈکھیں، خواہشیں آتے مستقبل دے اندیشیں کوں ہوں سوینے انداز وچ بیان کیتا گئے۔ میں ڈوگ (1961ء۔ 1875ء) دے ایں خیال وی تائید کر پنداں جو ترمیت وی نفسیات ہک ترمیت ای سمجھ سکدی ہے آتے ایہ سب کجھ ایں شعری مجموعے وچ ظاہر ہے۔

سرائیکی سماج وچ ترمیت جیرھے دا اعلیٰ کرب دا شکار رہندی ہے آتے

ادکوں آپٹیں خواہشیں کوں جیویں مارٹا پوندے۔ اوند اک اظہار اساکوں ایس کتاب  
 وچ ملدے۔ اگرچہ ایہ عورت واسطے اجتماعی عذاب ہے تاہم سماجی جبر دے تحت ہک  
 پڑھی لکھی شاعرہ دا ذاتی تجربہ وی تھی سکدے۔

اپنے اندر سکیاں سانھیاں  
 باہروں چندریاں وانگ مریوں

سرائیکی وسیب اپنے ہزاروں سالیں دے سماجی ڈھانچے دی وجہ کنوں  
 تربیت دی شخصی خود مختاری دے تصور کنوں شاید نا صرف نا واقف رہیے بلکہ حقیقتاً  
 مخالف رہیے۔ جیہذا نتیجہ ایہ نکلتے جو آج جبرمی تھوڑی پھوں تعلیم دے حوالے نال  
 آزادی ملی ہے۔ ادکوں عورت پوری طرح نا صرف استعمال نہیں پئی کریدی بلکہ  
 مستقبل دے اندیشیں دا شکار وی رہندی ہے۔

کیہ توٹیں پئے گرتے جیسوں کڈاں جیوٹن جوگے تھیوں  
 بیرو بیرو تھہاکے آندن کڈاں دہج کے وڈے تھیوں  
 اسان وی ہیر سیال دیاں سینکلیاں کسے تیں کھیڑیں نال منگیوں  
 ایہ تربیت توڑے جو صدیں کنیں ڈکھیں دا شکار ہے لیکن اول کڈاں امید  
 دا آسرا نہیں چھوڑیا بلکہ اوجھوٹیں چھوٹیں خوشیں کوں اپنی حیاتی دا سرمایہ سمجھتے اپنی  
 زندگی کوں مایوسی دی کھیڈ وچوں کڈھن دی کوشش کریدی رہی ہے۔

ساڈے دیرھے چڑیاں پولیاں اسان دے تہے تاکڑیاں کھولیاں  
 نویں رت دی چاہ سجا وچ اسان رل رل مینڈھیاں کھولیاں  
 شاید صرف سرائیکی وسیب وچ نہیں بلکہ دنیا دے بیشتر معاشریں وچ  
 تربیت ہوون ہک عذاب بن گیا ہے۔ ادکوں بچاری نکا کرتے منڈیں وچ  
 ڈھانڈیں دا گوں دھیچا آتے اوندے آتے کئی ناروا پابندیاں لایاں گیاں۔ جیرھیاں

آج دے دور وچ معطلہ خیز لگدن۔ سرائیکی ویب وچ ایہ پابندیاں شاید فضول توہمات دی بنیاد تے لایاں گئیں۔

آساں شیشہ کج تے رکھٹاں ساکوں ماء دی مس  
سحر سیال تریمت دیں محرومی کوں اپٹے کلام وچ مختلف انداز وچ بیان  
کریندی ہے۔ گاہٹاں تریمت دی بلاشبہ کب اجتماعی نفسیاتی کمزوری ہے۔ آتے اوں  
کنیں محرومی یقیناً اونداسب کنوں وڈا بڑا کھ ہے۔

ساڈا نکلے ہاجھوں متھا ساڈے کنکٹن وانجے ہتھ  
اساڈے سماج وچ گھردی ڈیکھ بھال تریمت دی ذمہ داری ہے آتے گھر  
دی ویرانی دا بڑا کھ وی مردوی نسبت تریمت کوں زیادہ سہٹا پوندے۔

ساڈا اچھاں توں خالی ویرھا ساڈی پکھیاں واندی چھت  
اتھاں تاں تریمت اپٹے ہالیں دی یکھ آتے دی پچ دے جندرے لاتے  
ہوئے ہن۔

نال دے گھرتندور ہے ہلیا

روٹی کندھوں پار

ماء دی پچ توں آتیں تھی گئی

ہالیں دی ڈسکار

تے تریمت کوں اپٹے جیوٹ دا سب کنوں وڈا اندیشہ مستقبل کنوں ہوندے

جو ادھیجھا ہوسی۔ سحر سیال دے کلام وچ ایہ اندیشہ ایس اپٹا اظہار پیندے۔

کیہ تائیں اپٹا ماس پچے کھاسوں

کیہ تائیں اینویں جوندے راہسوں

نیڑے تیڑے سو جھلا کسے نی



### کیڑھیاں دستیاں وچ وچ لاہسوں

میڈے خیال وچ تربیت دے مختلف ڈکھ جیہدا اوکوں صدیں کنوں سامنا ہے۔ سحرسیال دی شاعری وچ سب کنوں زیادہ تنوع آتے بھر پور تاثیر نال سامنے آندن۔ میں سمجھداں جو سراہیکی زبان وچ اتجھی کوئی وی ہی شاعرہ کاسی جنیں عورت دے غذاہیں کوں اہٹی مخصوص علاقہ آتے وسیب دے رواہیں نال پیش کیا ہووے۔ ویسے تاں سراہیکی زبان دا کیا ذکر ہے۔ اُردو وچ دی کشور ناہید، پروین شاکر، فہمیدہ ریاض پنجابی وچ امرتا پریم آتے کشمیری زبان وچ خجہ خاتون دی کیوں نہ ہووے۔ عورت دے ڈکھیں دا عذاب انھیں دی شاعری وچ ایس تو اترا آتے ذاتی حوالے نال نہیں ملدا۔ توڑے جو انھیں کہیں پے کئی موضوعات ہن آتے انھیں دے حوالے نال او شاعری جیوں والی وی ہے۔

توڑے جو کوئی شاعری عالمی نہیں ہوندی بلکہ لپٹے سماجی تے کچھل پس منظر دے حوالے نال ریجنل ہوندی ہے مگر انسان دے مشترکہ داخلی احساسات آتے جذبے دے حوالے نال بعض اوقات کہیں ہک ملک دی شاعری انھیں ملکین دے لوکین دے احساسات دی ترجمان بنی دیندی ہے۔ اہت واسطے اسان اوکوں عالمی شاعری آہوں۔

عالمی شاعری دے ایں نکتہ نظر دے حوالے نال اگر میں سحرسیال دا کجھ مشہور عالمی شاعرات دے نال جڑی موازنہ کراں تاں سحرسیال دی انفرادیت واضح کرک وچ مدد ملی۔ امریکی صوفی علامتی شاعرہ ایملی ڈکنسن (1830ء۔ 1886ء) (Emily Dickinson) دی شاعری وچ سحرسیال دا انوکھو تخلیقی اثر نمایاں ہے مگر سحرسیال دے مقابلے وچ او دے موضوعات آتے تجربہ محدود ہے۔ جیہدی وجہ کنوں ایملی ڈکنسن دی شاعری وچ تکرار پاتا دیندے۔ جڈاں جو سلویا پلاتھ

(1932-1963) دی شاعری وچ ہک تربیت دے تجربات تے احساسات دا  
 فقدان ہے۔ انھیں دے برعکس سمریال اپنی شاعری وچ Feminism کوں  
 اچھے حلیمی انداز وچ ورتیے جو تا صرف ادنیٰ شاعری ڈو جھی شاعرات دے مقابلے  
 وچ مؤثر تھی گئی ہے بلکہ ادب وچ جیرمی Feminism دی تحریک ہے اوندے وچ  
 روح پھوک ڈتی ہے۔ بلاشبہ مسرت کلاںجوی دے بعد سمریال سرائیکی ادب وچ  
 Feminism دی ڈو جھی وڈی ترجمان ہے۔ فی حوالے نال سمریال اپنے اظہار  
 واسطے اپنی علامتاں استعمال کیتن۔ تاہم اکثر جاہیں تے رفعت عباس دا اثر  
 نمایاں ہے۔

## اداس لکھنوی واسطے مرجات

شاعر انسانی جذبات دی روح نال سوچیندے تے عموں کریندے۔ (ورڈز ورتھ)

شاعری وی فنون لطیفہ وچ آندی ہے آتے ہر فن وانگوں اپٹے اظہار واسطے تخلیقی صلاحیت منکدی ہے۔ ہک وڈا فنکار پیدا کئی طور تے تخلیقی صلاحیتاں گھن تے آندے۔ جینکوں بعد وچ اہٹی محنت آتے مطالعے نال بہتر بنیندے۔ ولا ہولے ہولے او اپٹا اظہار دا ہک مخصوص اسلوب بٹا گھندے۔ جیر ہا عام طور تے اول فنکار دی شناخت بن ویندے۔ آتے انھیں فنکاریں کتوں اوکوں آنج ثابت کریندے۔

سرائیکی شاعری وچ خواجہ فرید، ممتاز حیدر پڑاہ، اشولال، رفعت عباس، سحر سیال، زبیر احمد وغیرہ اپنے مخصوص اسلوب دی وجہ کتوں ہک ہے کتوں واضح طور تے سچا لے ویندن۔

شاعر دا ایہ مخصوص اسلوب ای اوئدے مقام دا تعین کریندے۔ زبیر احمد دا نال میڈے واسطے نواں ہا۔ انھیں دا پہلا سرائیکی شعری مجموعہ ”چاندی مڑھیے طاق“ سامنے آئے تاں خوشگوار حیرت تھی ہے۔ ایہ سرائیکی نظمیں دا مجموعہ ہے۔ جیر حیاں جدید اسلوب دیاں نمائندہ بن آتے سرائیکی ادب وچ ہک نواں کچھ واہ کریندی ہے۔ زبیر احمد دا اپٹا شعری اسلوب ہے۔ او نوں لچھ تے تخیل دا شاعر ہے۔ جیر حیا اہٹی کالجھ اپنے مخصوص اسلوب تے تشبیہیں نال موثر بنیندے۔ انھیں دی ہک نظم پاکستان دی موجودہ صورتحال بارے ہے۔ جیر می اپنے مخصوص اسلوب آتے تشبیہیں دی نمائندہ مثال ہے۔

حاضر دا وی ہو ہے دل وچ  
 غیب دے وی میں ڈر وچ رہنداں  
 جینکوں پاکستان سڈیندوں  
 میں اول "بارے گھر" وچ رہنداں

سرائیکی وسیب وچ "بارا گھر" مخصوص معنی وچ استعمال تھیندے آتے  
 لوکین دے دلین وچ بارے گھر دا کوئی آزی خوف ہوندے۔ بعض اوقات انسان کہیں  
 اٹھجی واپنی کککش دا شکار ہوندے جو کوئی فیصلہ نہیں پیا کر سیکدا ہوندا۔ شاعر وی کوئی  
 اٹھجی دا غلی کککش دا شکار ہے او ایندا اظہار پھوں سوٹھے انداز وچ لپٹے شعرین وچ  
 بیان کریندے جو قاری دے سامٹے او کککش اوٹھی ساری اذیت نال آویندی ہے۔

"ریتیں دے شہرتے پریتیں دا بیٹ" جیہاں تشبیہاں شاعر وی تخلیقی صلاحیت  
 دا اظہار وی ہن آتے شعر کون تا شیر نال مالامال کریندن:

ہک پاسوں شہر ہے ریتیں دا  
 ہک پاسوں بیٹ پریتیں دا  
 نہیں آنجھن میں توں سلجھ سکی  
 ایہ شہر شاں او بیٹ شاں  
 بس اکثر سوچ دے ساحل تے  
 ہک حرف لکھاں ہک میٹ شاں

ادھورے وصال بارے انھیں وی ہک نظم تریہہ دے عنوان نال ہے۔ ایں  
 نظم توں شاعر دے اپنے خاص اسلوب دا اندازہ تھیندے جو او ہک چھوٹے جہیں  
 خیال کون کیوں تشبیہیں تے لفظیں دے بر محل استعمال نال بیان کریندے:

تریہہ اساڈی سچاک کر کے

شراب ہونیں دی لال چیز  
 ادھارِ حسیں دا چوگ چوگ کے  
 اڈر دی گئی ہے وصال چیز  
 تے لکھ موٹھیں دے سٹ کے گئی ہے  
 پتہ نہیں کینے پلٹ کے گئی ہے  
 مپڈے خواہیں کوں خاک کر کے  
 تریہہ کوں اہج دی اُشاک کر کے

تریہہ کوں اُشاک کرن، شراب ہونیں دی لال چیز، وصال چیز،  
 موٹھیں دے لکھ جیہاں تہیہاں ناصرف شاعر دے ذہن دی تخلیقی صلاحیتیں دا  
 اظہار ہن بلکہ او انھیں دے برعکس استعمال دا ہنرووی جامدے۔ جنیں پوری نظم کوں  
 حسن آتے تاثیر بخشی ہے۔ ایں پاروں میں انھیں دی شاعری کوں سرائیکی ادب وچ  
 نواں کچھ آکھے۔

اساڈے ماضی دے بہوں سارے شاعر عشقِ محبت دی شاعری دے علاوہ  
 کچھ سماجی جبر دے حوالے نال دی نظماں لکھدے رہ گھن جیرھیاں عام طور تے سطحی  
 پروپیگنڈے وچ آمدن۔ انھیں شاعریں وچوں بہوں گھٹ کوں ایہ اندازہ ہا جو ایہ  
 سماجی جبر انسان دے داخل تے کتنا اثر انداز تھیندے آتے داخل ول کیرھے انداز  
 وچ ایں کرب کوں شعری رنگ ڈیندے۔ تخلیقِ داخل خود تک پراسرار عمل ہے لیکن  
 اسماں اینکوں وڈے شاعریں دے کلام دے ذریعے سمجھ سکدوں۔

زیر احمد کوں ایں صورت حال دا ادراک ہے۔ سماج دا جبر اوندے سامنے  
 ہے مگر او ایذا اظہار کہیں پروپیگنڈے دی شکل وچ نہیں کریندا بلکہ اذکوں خواہیہ فرید  
 واگھوں داخلی ڈکھ دے حوالے نال بیان کریندے۔ اصل وچ عظیم شاعری کہیں دی

صورت حال کوں ہنرمندی آتے چا بکدستی نال بیان کرن دانناں۔ ہے۔ آپ وی زندگی  
دی تیز رفتاری انسان کوں جیویں بے بس کینے اوں صورتحال دا اظہار لپٹے مخصوص  
اسلوب وچ زبیر احمد ایں بیان کریندے:

وقت انھیں دی نور ٹردا ہا  
ہر پنڈیڑو دی بھال رکھدا ہا  
وقت کوں بے مہاب کیتی چمے  
جینیں وی پتھر کوں بھول گھڑیا ہا

آپ دے دور وچ ماضی دیاں پے سکون دستیاں کیویں آجو دیاں پھین او  
کیویں شہریں دی گھنجان آبادی دی شکل پاتے بے روزگاری، جرم، تشدد آتے دہشت  
پسندی دا نکالنا بنن، گھین۔ شاعر اپنے اس ڈکھ دا اظہار اپنی نظم ”انارکلی“ وچ ایں  
کریندے۔ اپنی دتی کوں ”انارکلی“ ناں تشبیہ ڈیوں کتلا خوبصورت ہے۔ انھیں  
ڈوہیں دا انجام وی سامنے رکھیا ونجے:

اومپی دتی  
اومپی سوئی انارکلی  
انارکلی کوں وقت چٹن چمے  
کچے سلھیں دی تار کندھ وچ  
وقت ڈاڑھا ہا، شہنشاہ ہا  
اوڈاڑھا پٹا ڈھپ کر چمے  
کچی مٹی دے خواب خوشبودے  
ہاب ہر یک کوں ٹھپ کر چمے  
سریندی خوشبو

کریندے ڈیلھے  
 تے چال ہیلھوں کوں زہر کرہئے  
 اومپڈی وتی کوں شہر کرہئے  
 میں کلہا بندہ  
 میں کیا کراں ہا  
 میں ہار موٹھیں دا پوندار ہیا  
 میں اہٹی وتی کوں روندار ہیا  
 اومپڈی وتی

اومپڈی سوٹھی اتار کلی

شاعر اجتماعی ڈیکھیں دے علاوہ اپنے ذاتی ڈیکھیں دا اظہار وی اچھے  
 خوبصورت اسلوب وچ کریندے جو اوندے آتے ”رومان“ دی ہک کیفیت طاری تھی  
 دیندی ہے۔

کہیں شرابی دے وانگ مستی وچ  
 چند دے نال نال خردی ہے  
 جیڈی آواز آہ وی وتی وچ

زیرک رجائیت پسند شاعر وی ہے۔ اوندے کلام وچ وتیں دے اچوں  
 دے مظاہر دے باوجود امید دا عنصر موجود ہے۔ ایں سلسلے وچ میں اوندی ہک نظم ”پو پوا  
 ہردم پالی رکھو“ دا ذکر کریاں۔

ڈیوا بھانویں جھجا ہودے  
 ڈیوا بھانویں جھتاں ہودے  
 آج تے ہلے جھک تے ہلے

بھانویں سہیں دی جھکی اندر  
 بھانویں نکل دی بھک تے پکے  
 کالی رات کوں تاڑی رکھدے  
 توڑے "کاکا" رات فی سڑوی  
 پاندتاں اونداساڑی رکھدے  
 رات دے پاندکوں ساڑن کیجے  
 ڈیو ابر دم پالی رکھو  
 ڈیو ابر بھانویں جھنجا ہووے

آپ سرائیکی شاعری دیں بے انت آوازیں تے شور شرابے وچ زبیر احمد دی  
 آواز کھ سچا پو ہے، نوویں لہجے، نوویں مسرت تے نوویں بصیرت نال "چاندی مڑھی  
 طاق" اساڈے آداس خسیں واسطے مرجات ہے۔

زبیر احمد دی شاعری وچ میکیوں انسانی داخلیت تے ویب دی محبت دا  
 ملاپ نظر آندے۔ خاص طور تے اوں اہٹی شاعری وچ رومانویت پسندیں وانگوں  
 جذبے کوں درمیانی حیثیت ڈتی ہے تے دھرتی کوں کھ زندہ شے وانگوں ٹریٹ کیجے  
 ۔ میں ولاد لا زبیر احمد دے نوویں اسلوب تے زور ڈتے لیکن انھیں دا شاعرانہ احساس  
 (موضوعیت) تے ادراک وی قطعی طور تے انفرادیت دا حامل ہے۔ انھیں اہٹی  
 شاعری دا انسانی جذبات نال تعلق کھائیں نہیں ٹھٹن ڈتا۔ شاعر داکم نظریات اکھارن  
 نہیں ہوندا جیویں علامہ اقبال کیجے۔ شاعری انسانی جذبے تے احساس دے زبان  
 نال تعلق قائم کرن نال ممکن تھیدی ہے۔



## منفرد شاعری دی گویا راج

(1)

فن وی دنیا وچ بعض اوقات وڈے وڈے وقفے آمدن۔ ہک حقیقی آتے  
 سچے فنکار دے کتھائیں بعد اوہو جہڑا ایسا فن کار آندے۔ ایسا تجزیہ کئی حوالیں نال  
 کیجا و ہج سکدے۔ ہک خیال ایہ ہے جو جیرھے کوئی وڈا فن کار اپنے فن کوں آسمان وی  
 اُچائی تاں گھن ویندے تال اوں فن کار وی ہک آمریت قائم تھی ویندی ہے آتے  
 کوئی بیافنکار لے عرصے تاں اوں فن کار وی چھاں تلے پروان نہیں چڑھ سکدا۔

مثال دے طور تے خواجہ فرید سرائیکی وچ کافی کون جیرھے مقام تے  
 منجائے۔ پورے ہک سوسال تاں کوئی بیاسرائیکی شاعر اوہو جہڑی وڈی کافی نہیں لکھ  
 سکیا۔ فارسی وچ حافظ شیرازی آتے اردو وچ غالب دی غزل دی مثال وی ڈتی و ہج  
 سکدی ہے۔ جدید سرائیکی شاعری وچ جیرھی غزل لکھی ویندی ہی ہے او اردو غزل  
 دے اثرات تلے ہی۔ رفعت عباس پہلا سرائیکی شاعر ہے جنہیں سرائیکی غزل کوں  
 بالکل نواں آتے قطعی انداز ڈتے۔ اوں انٹی غزل کوں سرائیکی وسیب دے نال  
 جوڑیے۔ اوندی غزل وچ سرائیکی دھرتی آتے خصوصاً چنانہہ دی وسوں آتے اتھوں  
 دے واسیں دی حیاتی مھلکدی ہے۔ اوں چنانہہ تے بیٹ دے واسیں دے ڈکھ سکھ  
 خوشیاں غمیاں آتے روزمرہ دے معمولات جیرھے انداز وچ بیان کیتن۔ اوندیاں پہلے  
 کوئی جواب نہ ہارفت عباس دی شاعری دا ایہ اثر تھئے جو اوں ہوں سارے شاعریں  
 کوں انٹی لپیٹ وچ گھن گھدے۔

سرائیکی دھرتی قسم و قسم دی جغرافیائی حدود رکھدی ہے۔ روہی، تھل، بیٹ،

دماں وغیرہ۔ خواجہ فرید دی شاعری روہی دی شاعری ہے۔ چڑیاں جو رفعت عباس دی شاعری بیٹ دی شاعری ہے۔ دماں دی حیاتی دا اپنا رنگ ڈھنگ ہے۔ ایہ کہیں حد تائیں اقبال سوکڑی دی شاعری وچ نظر آندے۔ لیکن حالی ایندی پوری نمائندگی نہیں تھئی۔ البتہ اہ کل جوگی فقیر دا مجموعہ کلام ”کھمبیاں کھمب کھنڈائے“ ساٹھے آئے۔ آتے ایندے وچ دماں دی حیاتی دا اک عکس موجود ہے۔ لیکن شاعر آتے رفعت عباس دا اثر ہوں گہرا ہے۔ جوگی فقیر اگرچہ غزل دے علاوہ ہنہیں اصناف وچ وی لکھیے۔ مگر ہر جاہ تے رفعت عباس دا تعاقب جاری ہے۔ جوگی فقیر دی شاعری وچ تخلیقی اہج موجود ہے۔

(2)

جوگی فقیر (خالد اقبال) دا ڈاڈا وچھا شعری مجموعہ میڈے مطالعے وچ آئے۔ خالد اقبال انھیں بیگر شاعراں وچوں ہے جیرھے سرائیکی دی مضبوط شعری روایت دے بعد اساڈے ساٹھے آئیں۔ انھیں دا ڈاڈا وچھا مجموعہ کلام ”پی وچے ہک نمیں“ (مطبوعہ جولائی 1994ء) کوں میں ڈو جھی یا ترنگھی داری رات پڑھدا رہیاں۔ ایں مجموعے وچ شعری مزاج آتے رویہ میکوں کھمبیاں کھمب کھنڈائے کوں مختلف نظر آئے۔ اینویں لگدے شاعر ہک منفرد شاعری دی پگورڈ اہج ہے۔ تاہم ایں مجموعے وچ لوک شاعری دی چیرھی جس رس ہوندی اے او زیادہ اے۔ اصل شاعری تاں لوک شاعری ہوندی اے۔ جیدے اندر عام لوکیں دے جذبات احساسات آتے ڈکھ لطف ترین لفظیں دی شکل اہج ڈھل ویندن۔ ات واسطے میڈے نزدیک جیرھے شاعر دا کلام لوک کہتیں دے جتلاوی کولھوں تھیدے ایسی شاعری اعلیٰ مقام دیاں اہتلا پوڑیاں آتے چڑھدی ویسی۔

خالد اقبال دی شاعری وی میکوں لوک کہتیں دے تیزے تیزے لگی اے۔

ات واسطے اس میکوں آپ ڈوستوجہ وی کہیتے۔ شاعر عینگر اے۔ اوکھوں حالی زندگی دا بھر پور تجربہ حاصل کرٹے۔ میڈا خیال اے ایندے بعد اوندی شاعری وچ زندگی دیاں آبدی صداقتاں بہتر طریقے تال اظہار پوسن۔ شاعر دا مشاہدہ، تجربہ آتے زندگی بارے رو یہ جتکا وسیع تھسی۔ شاعری دے موضوع آتے Vision وی اتلا وسیع ہوی۔

بہر حال شاعر واسطے ایہ ضرور چیلنج ہے جو آج سرائیکی شاعری ہوں اعلیٰ معیار تے پہنچ گئی اے تے اوندہ مقابلہ ہوں سخت اے۔ میڈی خواہش ہے جو اووڈا شاعر بن سکے۔ ایندے اچ میڈی اہٹی خود غرضی کوں وی اتلا دخل ضرور ہے جو میں سرائیکی شاعری کوں دنیاوی اعلیٰ شاعری دے مقابلے اچ ڈیکھن چاہنداں کیوں جو بہن ایہو ای میڈی مان آتے آنا اے۔ آخر اچ خالد اقبال وی نظم دا اک حصہ ملاحظہ فرماؤ:

عمر اں گزری تاکھہ تھکھیں

تمی سائے توں نہ پچیا

تیں نہ کھنیاؤ تیا

## مابعد نوآبادیاتی عہد و ابیانہ

”چندھ کوئلیاں کون“ دی شاعری کئی سطحیں تے ڈٹھی وچ سہدی اے۔ لیکن ابتدائی طور تے ایہ مابعد آبادیاتی (Post-Colonial) دور دی شاعری اے۔ اگرچہ ایندے وچ پچھلے دور دے فکری اثرات وی موجود ہن۔ آتے نوں نوآبادیاتی دور واپس چھانوواں وی ہے۔ ایس طور تے ایہ ماضی، حال، مستقبل دی شاعری ہن ویندی ہے۔ تاہم مابعد نوآبادیاتی دور واپس احساس آتے اسلوب زیادہ ہے۔

عام طور تے مابعد نوآبادیاتی دور دامنڈھ ڈی وچھی وڈی جنگ (1945ء)۔ 1939ء) دے خاتمے کنوں بچھیا ویندے۔ جڈاں تقریباً سو دے نیڑے تیزے ملک مرحلہ وار وڈیں وڈیں یورپی سامراجی ملکیں دی پکڑ کنوں آزاد تھیندے گئے۔ البتہ کہیں حد تائیں ایس تبدیلی دے اشارے پہلی وڈی جنگ دے خاتمے آتے سوویت یونین دے قیام (1917ء) نال ملن شروع تھی گئے ہن۔

عام خیال ہے جو آزاد تھیون والے ملکیں وادب مابعد نوآبادیاتی ادب وچ اندے لیکن حقیقتاً مابعد نوآبادیاتی ادب دی بنیاد یک مخصوص فکر آتے ادبی اسلوب تے ہے۔ جیہا کہ خاص قسم دے ادب دی وچ آسکدے۔ جیندے وچ فکری طور تے ایہی شناخت دامنڈھ آتے اسلوب دے حوالے نال مقامی زبان دا زیادہ درتاوا آتے ساوگی نمایاں حیثیت رکھدن۔

مابعد نوآبادیاتی صورت حال کون سمجھن واسطے ضروری ہے جو مختصر طور تے ایس عہد دیں کجھ خصوصیات دا ذکر کیتا ونجے۔

نوآبادیاتی عہد دے مندرجہ سب کچھ پہلے نوآبادکار کہیں نہ کہیں طریقے  
نال زمین تے قبضہ کریندے۔ ایندے بعد او اٹھان اٹھنی تہذیب، ثقافت آتے  
مذہب دی برتری دے حوالے نال مقامی تہذیب، ثقافت آتے مذہب کون کتر قرار  
ڈیندے۔ آتے اٹھنی ثقافت رائج کرن دی کوشش کریندے:

”.....یہ بات آسانی سے کہی جاسکتی ہے کہ یہ لوگ ہندوستان

کے سب سے زیادہ دھوکے باز اور جھوٹے لوگ ہیں۔ ان میں

اخلاقت کا کوئی معیار نہیں“ (صفحہ نمبر 19 غیر آریائی زبانوں

کی تقابلی لغت از سرولیم ولسن ہنٹر) (اردو ترجمہ)

ایندے علاوہ بیاہک اقتباس ڈیکھو:

”.....اب ہمیں یہ فیصلہ کرنا ہے کہ یہ راستہ ان کے لئے ہندومت

کی طرف جائے گا یا اس راستے وہ اس خالص دین اور تہذیب

تک پہنچیں گے جن کی ہم نمائندگی کرتے ہیں۔“ (ایضاً صفحہ 25)

ایندے علاوہ انگریز نوآبادکاروں نے ہندوستانی داسیوں کو اپنے ادب وچ دی

منفی شکل ڈتی۔ رڈیارد کپلنگ (1865ء۔1936ء) اپنے ناول ”کم“ (Kim)

وچ ہندوستانیوں کو لاپرواہ، روپے دے مہتی، ڈروک آتے کمیشن خور آکھے ایندے

علاوہ کپلنگ اٹھنی نظم ”The White Man's burdan“ وچ کالے آدمی

کوں سفید آدمی تے پوجہ دی قرار ڈتے۔

رڈیارد کپلنگ وانگوں ڈی۔ ایم۔ فورسٹر (1879ء۔1970ء) داروہ

دی ہندوستانیوں نال تقریباً ایہو ہا۔ حالانکہ اونگوں ہندوستانیوں دا ہمدردی دکھیا دیندے۔

اون اپنے ناول (A Passage to India) وچ ڈاکٹر عزیز کون ہک جذباتی

مسلمان ظاہر کیہتے۔ جڈاں جو اوندے مقابلے وچ کئی انگریز کردار متحمل مزاج ہن۔

انگریز نوآبادکاروں نے ہندوستانیوں کے بارے میں یہ روایتیں عام ہی کہی جو وہڑے  
وہڑے غیر جانبدار سکارلز دی دھوکا کھا گئے۔ حتیٰ کہ کارل مارکس (1883ء  
-1818ء) دی ایشیائی دیہات تے زراعت کوں تبدیلی کنوں عاری سمجھدے۔

ایہ صورت حال صرف ہندوستان تائیں محدود نہ ہئی۔ بلکہ پورے یورپی  
سامراجی ملکوں ایہ سوچ اٹھیں ساریں نوآبادیوں وچ پھیلاؤ تئی ایہا وجہ ہے جو فریڈرک  
اینگلر (1895ء-1820ء) الجوز اردے لوکیں کوں ڈرپوک نسل آکھئے۔ کیوں جو  
انہیں شکست کھاوٹ دے باوجود اپنا انتقامی جذبہ برقرار رکھیا۔ اینویں جوزف کونز دی  
مقامی آبادی کوں کابل قرار ڈتا۔ اس ساری صورت حال دی اصل وجہ ایہ ہئی جو محکوم عوام  
دے بارے انہیں دایا نیہ وی سامراجی ملکوں تیار کیا با۔ نتیجتاً کئی ملکوں وچ آزادی  
دے بعد وی پہلی صورت حال برقرار رہی۔ ایندی ہی وجہ ایہ ہئی جو اکثر ملکوں دی آزادی  
دے رہنما سامراجی ملکوں دی ثقافت دے اثرات پٹھن آتے انہیں دی یونیورسٹی  
وچ پڑھدے رہے ہن۔ ات واسطے فرانز فیسمن (1961ء-1925ء) انہنی  
کتاب *The wretched of the earth* وچ آکھیا جو کئی ملک آزادی  
دے بعد زیادہ پسماندہ تھی، کین۔ ایندے بعد آزادی ڈیون والے بعض سامراجی  
ملکوں آزادی ڈے کراہیں وی نوآزاد ملکوں دے خلاف سازشاں برقرار رکھیاں  
جیویں جو کانگو وچ بلجیم حریت پسند رہنما آتے وزیر اعظم ہینریس  
لومبا (1961ء-1925ء) کوں لپٹے کب ایجنٹ شو مے (Tshombe) دے  
ہتھوں شہید کراؤ تا۔ ایہ کب گنیمیر صورت حال ہئی۔ حیدرآباد تھیجہ ایہ نکھتا جو آزادی توں دے  
باوجود کئی ملکوں تے سامراجی ثقافتی اثرات اونویں دے اونویں رہے۔ آتے  
مقامی لوکیں وی خود کوں پسماندہ، نا اہل تے نکما سمجھن شروع کر ڈتا یا شاید بن وی گئے  
آتے انہیں دے لپٹے تخلیق کیجے ہوئے ادب وچ لپٹے بارے وی سامراجی ثقافت دا

بیانیہ ڈہریہ ہوا گیا۔ لیکن کچھ دانشوریوں کو ایسا احساس دی ہا آتے انہیں سامراجی بیانیے الٹ ڈتے۔ آتے انہی شناخت قائم کرنی دامنڈ ہدھا۔ ایں طرحاں مابعد نوآبادیاتی دور دے منڈھ وچ مقامی آدمی انہی شناخت داسفر شروع کیتا۔ جیویں حسین الاتاس مقامی آبادی دے کاہل ہون دے تصور کوں انہی کتاب The myth of the lazy native وچ رد کیتا۔ اینویں شمس الرحمن فاروقی وی انہی کتاب ”تعبیر کی شرح“ وچ سامراجی ثقافتی اثرات دا ذکر کریندیں ہوئیں آہدے۔

”اُردو والوں کو باور کرانا تھا کہ تمہارا ادب ناکارہ اور زوال یافتہ، کمزور، اخلاقی، عملی اعتبار سے دیوالیہ ہے۔ انگریزوں کے تہذیبی اور تعلیمی ایجنڈے میں سرفہرست تھا اس ایجنڈے کو وہ اتنی کامیابی سے عمل میں لائے کہ ہم لوگوں نے خود ہی اپنی تہذیبی میراث کو اپنے لئے باعث شرم و افسوس کہنا شروع کر دیا۔ اردو ادب کی کون سی ایسی صنف ہے جس پر نیم وحشی سے لے کر غیر اخلاقی، جھوٹ پڑنی الزام ہم نے خود نہیں عائد کیا۔“

بالکل ایسا صورت حال سرائیکی ادب وچ عام ہے لیکن خالد اقبال کوں سامراجی ثقافت دے ایں عیار اند آتے مقامی بندے دے خلاف بدتمتی تے مبنی رویے دا احساس پوری شدت نال ہے آتے او پوری شدت نال انہی کب نظم وچ حملہ آوریں دے معاشی استحصال دے نال انہیں دے ثقافتی رویے کوں وی بیان کریندن۔

برچھیاں نیزے

ڈنڈکلیہ دے

گھوڑے آتے ہبہ کے آئے ہن

بھائیں لیندے آئے ہن  
 ساڈی چاندی پھلئیں والئیں  
 دھرتی آتے  
 راہزن اٹا ساکوں  
 رخش سڈن؟

صرف ایہ نہیں جو خالد اقبال کوں صرف سا سراجی ثقافتی رویے دا ادراک  
 ہے۔ آتے اونا صرف انہیں دے کوڑے نقطہ نظر کوں رو کریندن بلکہ اوسرا نیکی عوام دی  
 عظمت وی بیان کریندن۔ اوسرا نیکی عوام کوں تختی آتے متحد وی قرار ڈیندن آتے  
 ایندے واسطے کویلی وی علامت استعمال کریندن جیڑھی بک تختی تے منظم مخلوق ہے۔

کویلی دے وانگوں  
 مگر ہوتساں ہن  
 بگٹری توں باہر  
 سرائیکی ودلوکا

کویلی اہنٹی کمزوری دے باوجود نہ کامل ہے نہ کم چور بلکہ اپنے مقصد دے  
 حصول لیوں اوبلا مکان جدوجہد جاری رکھدی ہے آتے ایں طور خالد اقبال داسرائیکی  
 عوام بارے لپٹا ماجد تو آبادیاتی نقطہ نظر سامنے آندے۔

رکدیاں نہیں کویلیاں  
 منگدیاں نہیں کویلیاں  
 کیس جاتے وی ہچکا ہووے  
 چکدیاں نہیں کویلیاں  
 توڑے ڈرہے پوناں دا



ڈرکدیاں نہیں کو یلیاں  
 لگدے ڈون لومڑ  
 گاجر کھاؤں والے  
 تھکدیاں نہیں کو یلیاں  
 بھانویں قدم قدم تے  
 دھکڑے ڈھوڑے دھاہے  
 فردے وگ کو یلیاں  
 رُکدیاں نہیں کو یلیاں  
 تھکدیاں نہیں کو یلیاں

کو یلیاں صرف محنتی آتے متحد نہیں بلکہ طاقتور وی ہن۔ ات واسطے انہیں  
 کنوں ہاتھی وی خوف زدہ رہندے۔

شہر لہور دے

چڑیا گھر وچ

ہاتھی ڈیکھتے ہال پلوڑے

بک ڈو جھے کوں آہدے پنے دس

ہاتھی کیوں دست کن ہلیہدے

ہاتھی تہوں تاں کن ہلیہدے

ایہ کو یلیاں توں ڈر دے

ایں نظم وچ لہور دا چڑیا گھر، ہاتھی آتے کو یلیاں دیاں علامتاں اہٹی مخصوص

معنویت رکھدن آتے پنجاب تے سرائیکی وسیب وی تاریخی کشمکش کوں ظاہر کریندن۔

انگریز سامراج بارے ایہ خیال عام ہے جو اوں ہندوستان وچ علمی آتے

معاشی ترقی واسطے ہوں کم کیے۔ حالانکہ ایہ غلط ہے بلکہ اوندے سارا علمی اُتے تحقیقی کم لپٹے مفادات واسطے بدینتی نال کیتا گیا ہا۔ یا اوت اصل صورت حال کنوں لاعلمی دا نتیجہ ہا۔ اُتے رعایتی طور تے اسان اوکوں اینڈ ریو ایلیگزینڈر دے لفظیں وچ Imperialism of Ignorance دا اثر آکھ سکدوں۔ حقیقتا ایں سارے سامراجی ثقافتی کم دی بنیادی وجہ ایہ ہئی جو مقامی بندے دی ثقافت و نجاتی دہنے کیوں جو کہیں کوں وی غلام بناوڻ واسطے اوندی شناخت و عداوت ضروری ہوندی ہے۔ جیویں کتاب Roots وچ انگریز مالک سب کوں پہلے لپٹے غلام داناں تبدیل کریندے۔

ات واسطے سامراج کنوں آزادی واسطے پہلا قدم اہٹی شناخت کوں قائم یا بحال رکھن اُتے ول اہٹی زمین واپس گھٹن ہے اُتے ایہ مابعد نوآبادیاتی عہد دا اعلامیہ ہے۔ سرمایگی و سیب دا مسلسل زد وچ تڑھن اُتے نوآباد کاریں دی طرفوں سرمایگی زبان کوں نت نویں نال ڈیوڻ دی وجہ نال سرمایگی قومیت دی سُچاڻ گم تھی گئی۔ مابعد نوآبادیاتی عہد وچ کچھیں ہوئیں قومیں دی پہلی جدوجہد اہٹی سُچاڻ دی واپسی ہے۔ خالد اقبال ایں حقیقت کنوں باخبر ہے۔ ات واسطے او اپنے قاری کنوں اہٹی شناخت برقرار رکھ تے جیوڻ دا مطالبہ کریندے۔

روہی تھل دمان دے ڈھولیو

نال ”سراییک“ سپڈا کے جیو

مابعد نوآبادیاتی فکر دے کچھ ہئے پہلو ہن جیندے تعلق تبدیلی نال ہے۔ ایندا منڈھ سوویت یونین دے قیام نال سامٹے آیا۔ ایندے وچ حاشیہ نشین (Marginalized) لوکیں کوں مرکزی حیثیت ڈتی گئی اُتے اوہ لوں پئے گئے۔ ایندے نتیجے وچ کئی بیانیئے دی بدل گئے۔ یعنی فرامنڈین دے مطابق آخری آدمی پہلا تے پہلا آدمی آخری تھی گیا۔ ایں فکر دے تحت سرمایہ دارانہ اُتے جاگیر دارانہ سماج

دے انسان دشمن روئیں دے خلاف آواز چاتی آگئی آتے پھریں پے ہوئیں لوکیں  
 کوں برابری دی سطح آتے گھن آیا گیا۔ ایہ پہلو دی خالد اقبال دی شاعری وچ خاصا  
 نشا برے بلکہ انہیں دی شاعری دامتبر حوالہ ہے۔ انہیں جاگیر دارانہ استحصال (ایں  
 دھرتی دے چٹ) سرمایہ دارانہ نظام دا افسر شاہانہ انداز (ہیچہ ویٹ) عورت دی بے  
 وقتی (آڈیکھو تصویر میڈی اے) جمہوریت دی جانگی (جمہوریت) عدالتی نا انصافیاں  
 (جرموں دودھ سزا) آتے سامراج دے جنگی جنون (استعمار یک نوہار) دے حوالے  
 نال کئی موثر نظماں آکھین۔ آؤ کجھ نظمیں کوں پڑھ گھن دوں۔

گجھ دے ڈہ۔ نہاں کالیاں راتاں دے وچ زلہ دے

کنڈتے پنڈ ڈکھاں دی چاتے

سرتے پھلے لیر کتیراں

دور خیاں دے پیراں تلے

تھانے دکھڑے دھوڑے کھاندے

وڈے بوہے ہن توں دی پہلے پہلے

ظالم کھس گھن دے دن ساری جمع پونجی

گھن آئے جو وچ وٹا کے ڈاندے تو جھے

وڈے بوہے درہ دلا ناں آتے سیوی خردی ویندی

کر دیاں بھر دیاں کندھاں آتے کر لیاں دے ہن جھے

وڈے بوہے ہن تاکیں بس ویندے دن

جو فائر کہ نکھاں کورٹ دی فیساں جوگا

آہوں اے غریبے تے ہر کارے آہن

عرضیاں تہاڈیاں تہاڈیاں ہن

وڈے صاحب دی میز دے آتے

پہر دیت دے تلے

پدر سری نظام دی بنیاد رکھن دے باوجود اکثر مردیں کول کوئی فائدہ نہیں تھیا  
۔ عورت تاں ظاہر اے وڈے عذاب و بچ آگئی ہے۔ نال نال چھوٹے چھوٹے پال  
وی اوندے ذمے لاڈتے و گھمن۔ خالد اقبال تک پئے دے ڈکھیں کتوں بے خبر ماہ تے  
پالیں دیں تک عذاب کول اپٹے خاص اسلوب نال بیان کیئے۔ خالد اقبال دے لپٹے  
خاص اسلوب دی تک گالھ ایہ ہے جو اد گالھ داننڈھ کھاواں ہدھیدے لیکن آخر و بچ  
گریز نال کم گھن تے تک نویں گالھ تے لطم دا خاتمہ کریندے:

نال اوندے کجھ ہال پلوڑے ویندے چے ہن

بکلوے بکلوے ہالٹیاں کول او

تھاڑے پئی مریندی ہی

”مرو جلدی کرو“

دی پئی جو تھیدے اے

بیگم صاحبہ مندے کدھسی“

نکے نکے پیراں دے نال

وڈے وڈے اڈ بھریندیاں

نکا جیبا لڑا لیا

”نر پوندی ہے برتن بھاٹے دھوون

نجریں نجر نال

ساکوں پوری نندرودی نی

کرک توں ڈیندی“؟

ما بعد نوآبادیاتی نظام دی خصوصیت ایہ وی ہے جو اپنا رستہ آپ کھولنا ہوندا ہے۔ اپنی شناخت واسطے اپنے کلچر وچ جیوٹا ہوندا ہے۔ سامراجی روایات دی نقل نہیں مارتی ہوندا۔ پاکستان وچ اسال اپنے سابقہ حکمرانیں داطرز جمہوریت دلاولا دتاتے اپنا دل دی کوشش کیتی آتے ہر دفعہ ٹھوکر کھادی۔ سو یقین دہانیاں دے باوجود اپج وی جمہوریت کول کئی خطرے برقرار رہن۔

ساوے ساوول بھریئے جئے

سوٹھے ساوے کھیت وچ اسال

چندل پونالیندے پے جئے

آکھیں کول تیں خواب ڈکھیدے

اپنے دل کول تیں وندلیندے

پالیں کول پے جئے تیں بھجیدے

ایہو پونادوڑ آتھسی

ٹھڈی ٹھڈی چھاں وٹھری

جنگر کھلدے ہسدے ہن

جنگر ایہو آہدے ہن

بک ڈیہ اینویں پچپ چیتے

کال کلونی پکری آسی

ایہو تے کول آتے کھاسی؟

جمہوریت کول ایہ مشکل آزادی دے حصول نال پیش آون پے گئی ہئی۔

کیوں جو نوآبادیاتی دور ختم تھیون آتے ما بعد نوآبادیاتی دور شروع تھیون نال ایہی بک نواں

نوآبادیاتی دور شروع کرن داترا تھیون پے گیا۔ نویں آزاد ملکیں وچ جمہوریت دا

خاتماً نہیں وچوں ہک ہایں نوآبادیاتی دور واسطے نویں ٹیکنالوجی کئی سہولتاں مہیا کر پڑتن۔  
 انٹرنیٹ دے ذریعے اپنے مخصوص نظریات کوں چھوٹے تے کمزور ملکیں  
 دی نویں نسل تائیں پھیلاون، انہیں ملکیں دیاں چوریاں کرتے جاسوسی کرن،  
 ڈرون حملے، براہ راست کہیں ملک تے حکومت کرن دی بجائے مقامی طور تے اپنے  
 ہتھیار دے ذریعے حکومت کرن، چھوٹے ملکیں دے گرد اگر واسطہ دے ڈھیر کھٹے  
 کرتے انہیں دا گھیرا جگ کرن نویں نوآبادیاتی نظام دیاں علامتاں دین۔ خالد اقبال  
 ایں صورت حال کونوں باخبر ہے۔ ات واسطے انہیں کونوں میں مستقبل دا شاعر آکھے:

بٹھی دریا پار دی

جیڑھی بکھدی پئی ہے

جیڑھی ہلدی پئی ہے

چیندے وچوں لوہاسا کون

دن پونے ڈکھ ڈکھیدا

بم بند و قال جیٹ جہاز

دھواں دھارا اندھا

زور اٹے

اسلحہ دودھ او بند اے

منڈی دے دج آگھ اچرا

اسلحہ دودھ او بند اے

ساڈے آسوں پاسوں

خالد اقبال جیٹیں ویلھے اپنی شناخت دی بھالی، جبر تے نا انصافی دے

خلاف مزاحمت اٹے اسلحہ دے ڈھیریں کونوں نفرت دا اظہار کریندے اُون ویلھے او

اصل وچ دھرتی کوں عذا میں کوں بچا تے خوشبو کس نال مال مال کرن آتے پیا رحمت  
کوں رواج ڈیوٹی دی خواہش دا اظہار پیا کریندا ہوندے۔

ساڑے شہراں چوکاں وچ

گناں

توپاں

ٹینک

بندوقاں

ادھ وچالے چوک شہر دے

بھنا جیٹ جہاز نصب ہے

تہا کوں لوڑ نمائش جنگیس دی ہے

سا کوں کسیر کیا روی ہے

آکھیں وچ بسک پیا روی ہے

خالد اقبال ایں خواہش دے سانگے ہک بامقصد شاعری کریندے او جبر دے  
خاتمے آتے آؤں والیں سلیس دیں خوشیں واسطے گیت لکھن چاہندے تاکہ انسانی سماعتاں  
ہزاریں سالیں دیں کر پیرہ حکمتاں کوں سُن سُن کر لکھن کینے سکوں محسوس کرن۔

میں گیت بٹاؤں چاہندا ہاں

میں گیت بٹاؤں چاہندا ہاں

اتھ سفنے ڈنڈے بندیاں دا

اتھ ڈیہاڑی دے مزدوراں دا

اتھ گتے نعل جنی سیکل دا

اتھ جیوٹ کوڑے تے دا

اتھ چیتا مھلی خلقت دا  
 ایہ دفتر جو سرکاری ہن  
 ایہ برزخ دی راہداری ہن  
 اتھ ساکھ دلدے بھر دے دن  
 ایہ وانگ کویلیاں بھجے دن  
 اتھ دھکے ، کھاندے بندیاں دا  
 میں گیت بٹاؤں چاہندا ہاں  
 میں گیت بٹاؤں چاہندا ہاں  
 میں تہاڑے جیوں جَل وچوں  
 اتھ شہراں وچدے گل وچوں  
 انہاں آنکھیں نیناں تھل وچوں  
 انہاں اُچے برج محل وچوں  
 تہاڑی ساویاں سدریاں کل وچوں  
 انھاں وہندے ڈگدے پائیاں دا  
 انھاں دن پونے مھلاں دا  
 انھاں ہالاں دی کھلکاراں دا  
 میں گیت بٹاؤں چاہندا ہاں  
 میں گیت بٹاؤں چاہندا ہاں

خالد اقبال تاں گیت بٹاؤں چاہندے لیکن میں آبدیاں جو ایہ خودک گیت  
 ہے آتے شاید سرائیکی وسیب دا قومی ترانہ جیرھا ساڈے صدیاں دے ڈگھیں کوں  
 اظہار دا موقع ڈیندے آتے لوک گیتیں دے وی نیڑے ہے (لوک گیت انسان دے



داخلی احساسات آتے جذبات دے بہترین نمائندہ ہوندا (ایہ نظم وی شاعر دے سچے جذبات دے بھرپور اظہار دے علاوہ فنی خوبیوں نال وی ہوں امیر ہے ایہ دے وچ نویاں ترکیباں سفنے وڈے بندے، کوڑے تھے دا جیوں، چیتا بھلی خلقت، برزخ وی راہداری، سادیاں سدریاں نظم دے تاثر کوں ہوں گہرا کر ڈیندا۔ اگر کجھ لوکیں مطابق شاعری نظریاتی وی بجائے صرف انسان دے داخلی احساسات دی ترجمان ہوندی ہے آتے اوند ا فنی رتبہ اوندی ہیئت نال طے تھیندے تے تاں ایہ نظم ایں حوالے نال شاعری دا یک بہترین نمونہ ہے۔

ماء دھرتی دی محبت وچ پڑی ہوئی ایہ شاعری ماء دھرتی کوں جبر آتے تا انصافی وچوں نجات ڈی پوراؤں دی خواہش دی شاعری ہے لیکن ایہ صرف ایں نظر یے آتے خواہش تائیں محدود نہیں بلکہ عام انسانی محبت آتے حسن عشق دیں واردات دی شاعری وی ہے۔ ایہ شاعری ایں مرحلے وچ داخل تھیندی ہے تاں زیادہ کوئل تے رسی تھی ویندی ہے آتے اوکوں پڑھن نال قاری خوشی دے نال نال کئی داخلی بصیرتاں وی حاصل کریندے۔ اٹھے کلام وچوں جاں بھل موچیے دے، آر پھل ہن پار پھل ہن، دل دا چور پاوے شور، موسیقیت نال وی مالامال ہن۔

جاں بھل موچیے دے میں پانواں

خشب و پٹن گوریاں ہا نہواں

جاں بھل موچیے دے میں پانواں

موچیے والے چنے جھمکے

نمی واپی لنگھے خم کے

رچی خشبو میڈے سا ہواں

جاں بھل موچیے.....

چمکھل موتی دے کنگھن  
 میں توں سکھیاں ول ول منگن  
 کنگھن ڈیکھاں تے شرمناواں  
 جاں بھل موچے.....  
 چمکھل موچے والا جوڑا  
 ماہی سپڈا قول دا کوڑا  
 ول دی گیت ماہی دے گانواں  
 جاں بھل موچے.....

خالد اقبال دی شاعری وچ جتھاں ما بعد نوآبادیاتی فکر نمایاں رہندی ہے۔  
 اتھاں اوندی شاعرانہ اسلوب دی ما بعد نوآبادیاتی روایات دے مطابق ہے نوآبادیاتی  
 دور دی عربی فارسی لفظیں نال لڈی رعب دار زبان آتے اظہار دا اچھیرہ تے نام نہاد  
 عالمانہ اسلوب دی بجائے ٹوک مقامی لفظیں دے استعمال نال اسلوب وچ بے  
 ساختگی آتے سادگی غالب رہندی ہے آتے ایس طور خالد اقبال دی شاعری وچ ہک  
 ناقابل بیان مشاس دی جس وگدی رہندی ہے۔

دل دا چور پاوے شور  
 میں تے نچاں بن تے مور  
 دل دا چور.....  
 دل ول آکھے سانول تھیاں  
 ناں کئی ہوور، ناں کئی ہوور  
 دل دا چور.....  
 لوکاں کولوں لگ لگ ڈیکھے

واہوے ڈھولا سیڑھی نور

دل دا چور.....

چوری چوری نتھاتیاں پاوے

روکاں کیوں، ہے منہ زور

دل دا چور.....

امریکہ دی معروف سائنس دان آتے سائیکالریسٹ نینسی اینڈرسن اپنے ہک انٹرویو وچ آہدی ہے جو تخلیق دا عمل دماغ دے ہک خاص حصے وچ تھیدے۔ جیڑھا ہک کونٹر فلش (Flash) دی شکل وچ تھی سگدے آتے اینکوں کئی سال دی لگب سگدن۔ اوندے دماغ دا ایہ حصہ خیالات آتے نظریات کوں ہک انوکھے انداز وچ مربوط کرن دے قابل ہوندے آتے تخلیق کار عام طور تے مسائل کوں مختلف انداز وچ ڈھدے۔

خالد اقبال دی شاعری کوں پڑھن دے بعد اساکوں ایذا احساس تھیدے جو اور واتی شاعری وچ لپٹے خیالات آتے نظریات کوں انوکھے اسلوب وچ نا صرف بیان کریندے بلکہ گریز تے ہک خاص انداز نال مربوط وی کریندے آتے ایس طرح اوندی شاعری وچ جدت آویندی ہے۔ ہن اساکوں ہک لقم پڑھدوں اینکوں تہاں جدید اسلوب دی غزل دی آکھ سگدے۔

دل توں دل تیں رستا ہوندا

تس وی تاں کجھ سوچیا ہوندا

میلے کوں تاں میلہ آہدے

میلے وچ جے ڈھولا ہوندا

داگ کویلیاں کیوں دت پھر دے

گھر وچ جیکر آتا ہوندا  
 روہی کھل گلزاراں ڈسدی  
 بدل کھل تے وِسیا ہوندا  
 توڑے مٹھکی ساہ مٹھن پاہوے  
 چڑیاں کوں سب پتا ہوندا

شاعرانہ فن دے حوالے نال خالد اقبال دی شاعری وچ موسیقیت دا اثر  
 ہوں گہرا ملدے۔ کیوں جو شاعر آوازیں، حرفیں دی موسیقیت دے اسرار و موزکوں  
 واقف ہے۔ اس نظم، غزل، وچ ”ن“۔ ”ز“ دے حرفیں دا تسلسل نال استعمال نظم کوں  
 موسیقیت دی دھوٹی لاڈ بندے۔

شکر و نڈاں مصری و نڈاں

لہجے تھیون شیر

کالھیں ساڈیاں کھڑیاں تھیون

ڈنگے تھیون تیر

کڈاں وانگوں ہٹدی کاوڑ

وڑی ہوں وگیر

اسلمہاں وچ سمندراں

تھیوے امن سفیر

نظم وچ امن وی بلاشبہ نیک خواہش موجود ہے لیکن اوندا اظہار سادہ آتے  
 رواں ہے چیرھا نظم دے موضوع کوں اثر انگیز بنیوے۔ لہجے تھیون شیر، کالھیں  
 کھڑیاں تھیون ڈنگے تھیون تیر، ہٹدی کاوڑ، جہیں ترکیبیں، کلام کوں جدت دا یک  
 دلکش رنگ ڈے ڈے تے۔

شعردی ہک خوبی درست میٹر (Metre) دا استعمال دی ہوندے جیرھا شعر کوں موثر بنیہدے۔ خالد اقبال کوں ایندا وی شعور حاصل ہے۔ کوئی وی نظم اگر لپٹے خیالات دے اظہار دے حوالے نال کہیں خاص وزن دا تقاضا کریندی ہے تاں اواد ہودرتیندن۔ ات واسطے انہیں دیں مختلف نظمیوں وچ بکر بدلدی رہندی ہے۔ اُتے بعض نظماں ایں وجہ کوں خاصیاں اثر انگیز ہن۔ ایں حوالے نال انھیں اپنی نظم نواب مظفر خان شہید وچ ”دار“ دا میٹر استعمال کیجے۔

میں ہاں سلطان ملو ہے دا  
میڈی غاصباں نال ہے جنگ  
میں سوہا جوڑا پاوٹاں  
ہے شہادت میڈی منگ

خالد اقبال دی شاعری دے فنی خوبیوں وچوں ہک اوندیں مخصوص علامتیں دا نظام دی ہے۔ جیرھا خصوصی طور تے کوہلی اُتے ہاتھی دے گرد گھومدے (ایندا تھوڑا جیہاں ذکر پہلے تھے آئے) کوہلی دی علامت ابتدائی طور تے خالد اقبال دی کتاب ”کوہلی دی کاوڑ“ وچ میڈے سامنے آئی۔ جاندار دی دنیا وچ کوہلی ہک حاشیہ نشین (Marginalized) مخلوق ہے اُتے ہاتھی کوں مرکزی (Central) حیثیت حاصل ہے۔ خالد اقبال مابعد نوآبادیاتی صورت حال وچ انہیں علامتیں کوں Deconstruct کرتے اُلٹ ڈتے انہیں اپنی شاعری وچ کوہلی (غریب سرانگی عوام) کوں مرکزی حیثیت ڈتی ہے اُتے ہاتھی (مقتدر طبقہ) کوں ذیلی حیثیت کوہلی توڑے جو کزور ہے اُتے ہاتھی رزق دی کول وچ زچھی ہوئی ہے۔ مگر آزاد متحد اُتے منظم ہے۔ جڈاں ہاتھی طاقتور ہے مگر چڑیا گھر وچ بند۔ ات واسطے ہاتھی کوہلی دے ڈر کوں چہرکیاں بھریندا کھڑے۔

ہاتھی تہوں گن بلیہے  
ایہ کویلیاں توں جو ڈرے

ویسے تاں وسیع معنی وچ کویلی کنوں مراد دنیا بھر دا معنی اُتے کچلیا ہویا طبقہ  
گھدا اوہج سگدے اُتے ہاتھی کوں دنیا دا مقتدر طبقہ لیکن ”چندھ کویلیاں کوں“ دے  
مجموعی متن دے حوالے نال ایہ علامتاں مخصوص طور تے سرائیکی عوام دے حوالے دے  
طور تے بہتر سمجھ آدن اُتے ایہ پوری شاعری سرائیکی خطے دا مقدمہ لگدی اے اُتے  
آج دے نویں مکالمے کوں اہکوں تے فریادی اے۔ ات واسطے میں کویلی کنوں مراد  
معنی سرائیکی عوام اُتے ہاتھی کنوں مراد ماشاقتدر طبقہ گھندا اے چونکہ سارا نظام  
ای ایس خود غرض طبقے دے گرد گھدے۔ خالد اقبال دا خیال ہے۔

نظام ہاتھی

تمام ہاتھی

مشیر ہاتھی

دزیر ہاتھی

سفیر ہاتھی

ایہ ڈیندوی ہاتھی

ایہ شام ہاتھی

ایہ رات ہاتھی

نظام ہاتھی

تمام ہاتھی

خالد اقبال اپنے انہیں مخصوص علامتیں دے حوالے نال انسانی رشتیں دے  
تعلقات دا تجزیہ وی کریدے اُتے طبقاتی تفریق کوں ہک سماجی المیہ دے انداز وچ

واضح کر بندے۔ جیر حاخود فرضانہ ہے۔

ساڈے وچوں بندے  
 ساڈی دسوں وچوں  
 اساں کوئلیاں کوں جے  
 کم کوئی پودے تاں  
 ساڈے کم دے اکوں  
 او بنن بہندن ہاتھی  
 ہاتھی کیندے ساتھی

تاریخ دے لمبے طبقاتی سفروج کچلیا ہو یا طبقہ لپٹے دشمن مقتدر طبقے دیں  
 عیاریاں کنوں واقف تھی گئے۔ خالد اقبال علاقیاں چڑیاں آتے مشکلی ناکگ دے  
 حوالے نال ایں صورت حال کوں لپٹے مخصوص اسلوب وچ ایں بیان کر بندے۔

توڑے مشکلی ساہ ٹھنٹھ ہوے  
 چڑیاں کوں سب پتا ہوندا

انہیں دے علاوہ موقع محل دے مطابق خالد اقبال کچھ ہی مخلوق کوں دی  
 اوندیں خصوصیات دے حوالے نال لپٹے اظہار و اذریعہ بٹھیرا ہے۔ جنہیں وچ شیر،  
 گدڑ، لومڑ، چھ، ہندرو غیرہ شامل ہن۔ ناٹھلیاں ناں دی کج موٹر نظم ہے آتے ”ممد کرو  
 دی گالھ اے“ وچ زندگی دی معنویت واسوال چا تاہئے۔

کتاب وچ خالد اقبال Walt Whitman دیں انگریزی نظمیں  
 کوں سرانیکلی نظمیں وچ وی ڈھالیے۔ شاعری دا ترجمہ بلاشبہ کج مشکل کم ہے ایہ لفظی  
 ہووے یا آزاد خالد اقبال دا ایہ آزاد ترجمہ ہے جیر حاصل نظمیں دے مفہوم دے  
 آسوں پاسوں رہندے۔ آتے ایہی آزاد حیثیت وی قائم رکھدے۔ اگر ترجمے کنوں

انگریزی دا اصل متن انج کر کھدا ونجے تاں ایہ خالد اقبال دیاں اپنیاں نظماں لکھن  
جیرہیاں اپنے مفہوم وچ فکر انگیز آتے فن دے حوالے نال مؤثر ہن۔

میڈے خیال مطابق کوئلی کوں حالی ہوں چندہ در پیش ہے اُتے ”راہ وچ

لڑوں چوڑا“ والی صورت حال دی موجود ہے۔

ہاتھی شیر گدڑ تے لومڑ

گدڑ جھگے رچھ تے بندر

راہواں مل کے پیٹھے ہن

لیکن پوری شاعری وچ کوئلی کھائیں مایوس نہیں نظر دی بلکہ اُمید نال مد اُیہ  
شاعری سرائیکی وسیب واسطے مخصوص نظریاتی رجائیت تے یقین کوں پکا کر بندی ہے۔

یاڈ وچھے لفظیں وچ ایہ آکھ سکدوں جو ”چندہ کوئلیاں کوں“ دا پورا متن پڑھن دے  
نال مجموعی تاثر ایہ بندے جو ایہ ڈیکھن نال اندر دے عذابیں دی وی کھ کھاٹی ہے

آتے معروض تے موضوع دی سوہٹی بشت نال مجموعی طور تے جدید سرائیکی شاعری دا  
کھ گلدستہ دی۔ حیدرے وچ انسان دے داخلی آتے خارجی احساسات اہٹی راہ

بٹھین۔ ایہدے نال ایہ شاعری سرائیکی وسیب دی ”گم شدگی“ دا ڈکھ آتے ”نویں  
شناخت“ دی تلاش وچ کامیابی دی اُمید کوں نال نال گھن تے فری ہے۔ ایہ بلاشبہ

ما بعد نو آبادیاتی عہد وچ سرائیکی بیانیہ دی ہے حیدر اظہار نا انصافی دے خلاف  
مزاحمت ماہ وھرتی نال پیار، امن دی خواہش، سچ نال محبت آتے محبت تائیں رسائی

دی کوشش وچ تصدیق آتے ایں بیانیہ کوں ما بعد نو آبادیاتی عہد نے سرائیکی وسیب  
وچ اپنے اظہار دا وسیلہ بنائے۔



## کون سا ڈے پیر کچھسی

شاعری اوشنے ہے جیومی ترھے بعد ختم تھی ویندی ہے۔ (رابرٹ فراسٹ)

صوفی تاج گوپا تک کون کیرھا سرائیکی قوم پرست نہیں جاندا۔ اوسرائیکی وسیب دے علاوہ پاکستان دے ساریں صوبیں وچ چائٹا سُچائٹا ویندے۔ اوہک روشن خیال، لبرل تے ترقی پسند قوم پرست ہے۔ اوس ساری حیاتی محنت نال پیئے ہوئیں تو مہیں آتے لوکیں واسطے خود کون وقف رکھیے۔ ایندے نال صوفی تاج گوپا تک صاف سقرا ادبی آتے طلہی ذوق وی رکھدے۔ اوندا مطالعہ وسیع اے آتے تجربہ وی۔ تاہم میڈے آتے جیومی اوندی نویں خوبی نشا برتھی اے او شاعری ہے۔ او کوئی مشاعرے کھاوٹ والا شاعر نہیں لیکن ہک بھر پور تخلیقی صلاحیتیں رکھن والا حقیقی تے سچے جذبیں دا شاعر ضرور ہے۔ جیومی گواہی اوندی ایہ کتاب ہے۔ ”صدیں سچ آلیا“

صوفی تاج گوپا تک چپ چپاتے ہک لمبی مدتائیں اوئی ایس کتاب تے محنت آتے دل جسی نال کم کریندا رہیے آتے آہ سرائیکی ادب کون ہک ”سوکھڑی“ ڈتی ہے۔

ترجیوں والے حصے تائیں چھن کون پہلے مترجم دی شاعرانہ صلاحیت دا اظہار اساڈے سامنے ہک نمونہ بن تے آندے۔ ایہ مترجم داسرائیکی قومی تحریک دے مرحوم سنگتیں دے ناں منظوم انتساب ہے۔ ایہ خود مترجم دی تخلیقی استعداد دا بہترین ثبوت ہے جیودا تاثر قاری دے دل دیں گہرائیں وچ لہو ویندے:

روزی کاک کراچی زلندے، ہر بے وطن بھرا دے نانویں  
 ذر ذر برتن مانجھن والی بھین دے نانویں ماو دے نانویں

انجم یار، سفیر لٹاری کون نہیں دکھرا کیوں ہولوں  
 فخری کون بہہ یاد کراں تے سہیں سرور کون سوروں  
 اسماعیل احمدائی سہیں دی ”امر کہانی“ فردی پئی اے  
 قہر کلور دی اُندھی کوشی سلہ سلہ تھی تے بھر دی پئی اے

ایہ کتاب جیویں جو تساں اہوں پڑھسو۔ چوٹیں عالمی شاعری دی سراہیکی  
 وچ منگوم تر جے دی پہلی کتاب ہے۔ ایہ کتاب کہیں ہک عہد، ہک زبان تے کہیں ہک  
 خطے تائیں محدود نہیں۔ مگر سارے زمانیں وچ ہک انسانی سچے وچ زت داگوں  
 سرائیت کیتی ہوئی انسان دوست آئیڈیالوجی دی نمائندہ ضرور ہے اُتے ہر زمانے تے  
 اوندے مخصوص سماجی حالات دے تحت شفٹ (Shift) تھیدے ہوئیں پراڈاٹم کون  
 دی سامنے رکھیا گئے۔ جیہدے ذریعے وڈے وڈے شاعریں انسان دوستی، رواداری،  
 برداشت، داخلی انسانی احساسات (جیہدے وچ عشقِ محبت دے سچے جذبے ہن)  
 اُتے جبر دے خلاف غیر مشروط مزاحمت دی چالھ کیتی گئی ہے۔

زبان کہیں ثقافت دا اہم حصہ ہوندی ہے اُتے اوندے لفظ تے معنی اوں  
 ثقافت وچ اپنا اظہار پیندن۔ ہر زبان اُتے ثقافت اپنے مخصوص جغرافیائی، سماجی تے  
 تاریخی حالات وچ پروان چڑھدی ہے۔ ات واسطے مختلف قومیتیں دیاں زبانوں  
 تے ثقافتاں انجوانج ہوندن۔ جیہدی وجہ کنوں ڈی مختلف زبانیں وچ درجے ہوئے  
 بعض جگہیں الفاظ متضاد معنی تے ثقافتی روئیں دے حامل ہوندن۔ جیہدی وجہ کنوں  
 بعض دانشور لکھاریں دا خیال ہے جو کہیں ہک وڈی زبان دی وڈی شاعری کون اوں  
 ساری جس تے لطف نال ڈی وجمی زبان وچ ترجمہ کرن ممکن نہیں ہوندا۔ ایں چالھ  
 کون جے سی یک ایٹی کتاب ”پوسٹ کالونیل ازم“ دے آخری باب  
 ”ٹرانسلیشن“ وچ ایں آکھے:

"The translated man disappear  
into what they have translated."

شاعری دراصل ایک صناعی ہے۔ مخصوص تے سنگریے ہنگریے لفظیں دا ایک ہے نال جوڑتے انہیں دی صوتی ہم آہنگی شعروچ ایک خاص جس تے مترنم کیفیت پیدا کریندی ہے اُتے ہر لفظ اپنے مخصوص ثقافتی پس منظر وچ معنی دا ایک خاص ابلاغ کریندے۔ چونکہ ترجمے وچ لفظیں دے ایہ جوڑے تے صوتی آہنگی ٹرٹ ویندی ہے اُتے اول لفظ تے معنی دا ثقافتی پس منظر گم تھی تے روہ ویندے ات واسطے ترجمے وچ قاری اول لطف، مسرت، چاشنی تے مفہوم کنوں محروم تھی ویندے جیرھا اصل زبان وچ آکھے ہوئے شعروچ ہوندے۔

اتھاں مترجم دی تخلیقی صلاحیت اُتے زبان تے قدرت کم آندی ہے۔ اوکوں لفظیں دے نویں جوڑے بناوٹے ہوندن تے انہیں وچ صوتی ہم آہنگی پیدا کرنی ہوندی ہے۔ ترجمے کوں اصل شعر دا مفہوم نال نال رکھٹا ہوندے تاکہ ترجمے تے اصل تخلیق دا گمان گزرے اُتے اوندے وچ اوٹھی ایک نویں جس پاوٹی ہوندی ہے۔

صوفی تاج گوپانگ دے انہیں ترجمیں وچ اوندی تخلیقی صلاحیت اُتے سرائیکی زبان تے قدرت پوری طرح نشاں ہے۔ ات واسطے اونداکم ایہ ہا جو اصل شعر دے ترجمے دے آسون پاسوں ریہا ونجے۔ اُتے ثقافتی تقاضے ملحوظ رکھ تے اوکوں سرائیکی شعری قالب وچ ڈھالیا ونجے۔

کتاب وچ مختلف زبانیں دیں ہوں ساریں نظمیں کوں ترجمہ کیتا مئے۔ میں اہنٹی محدود رسائی دی وجہ کنوں انہیں ساریں اصل لفظیں تائیں نہیں بچ سکیا تاہم ایں ترجمے دا کئی حوالیں نال مطالعہ کیتا و بچ سکدے۔ اگر مترجم اصل نظماں دی فراہم

کرے ہا تاں ترجمے دے خالص متن دے حوالے نال ایندا جائزہ ہوں بنیادی ریڈنگ (Reading) ہونے ہا۔ مگر میں ہنٹ اپنے طور تے کالج فریاں آتے ترجمے کوں پرکھن واسطے حافظ شیرازی دے دیوان دے پہلے شعر دے ترجمیں کوں سامنے رکھساں۔

إلا یو ایساقی اور کاسا دنا دلہا

کہ عشق آساں نمود اول دے افتاد مشکل ہا

مولانا شبلی نعمانی اردو وچ ایس شعر دا ایہ ترجمہ کیجے:

اے ساقی خبردار! کاسے کا دور جاری کر اور دے

کیونکہ اول عشق آساں نظر آیا مگر اب مشکلیں پیش آئیں

ہک انگریزی ترجمہ ایس طور کیجئے:

beautiful wine bearer bring forth the cup at put it  
to may lips. path of love seemed Easy at first,  
what came was many Hardships.

ہنٹ آساں صوفی تاج گوپاگ دے ترجمے کوں ڈھردوں:

جیویں پڑیند پھر دے دس لوکیں دے اونویں ساقی جام پھیریندا پئے

یہہ لاون اتنا اوکھا نہیں ، انجام اوکھا تھی دیندا پئے

ایہ ترجمہ تقریباً آزاداے آتے ڈوجھے مصرعے دانہ بننا اصل دے نیزے

تیزے۔ ایس ترجمے وچ جام پھیرن، یہہ لاون، ڈیند پھرن دے محاوریں دا استعمال

تے لفظ اوکھا دی نگرار ترجمے وچ ہک اونٹنی نویں جس پیدا کریندے۔ جتھوں مترجم

دی محنت، تخلیقی صلاحیت آتے سرائیکی زبان تے قدرت دا اندازہ ٹھیندے۔ اینویں

اوکھیں ساریں ترجمیں وچ مترجم سرائیکی زبان تے مہارت دے علاوہ اوندے مزاج

کوں وی سامنے رکھیے آتے کتھائیں وی اہٹی ماہولی دی مٹھاس تے ملاحت نہیں  
 ٹھلایا۔ ناصر ف اول ساریں ترجمیں وچ سرائیکی زبان دی نفاست دے خلاف ہر  
 اوپری تے پروہری زبان دے بوجھل تے مشکل لفظیں کتوں پابند چھڑائی رکھیے۔ بلکہ  
 اہٹی ہمسایہ ہم مزاج زبان ہندی دے سرائیکی نال رلدے ملدے اکھریں کوں وی  
 ورتیے جیدے نال مترجم دے لسانی شعور وی نمائندگی تھیدی ہے جینویں جواہر  
 تے تساں اٹھے لفظیں دا درتارا جاہ جاہ تے ڈیکھسو: دھر، رین، کرپا، اکھر، صوبھ،  
 کرہیل، جالٹ، واٹ، پیبادغیرہ

ادب تے شاعری ہارے ہک بحث کڈا ہیں ساڈی جان نہیں چھوڑی جو کیا  
 ایندے اندر کہیں مقصد دا اظہار ہووٹاں چاہیدا اے۔ یا صرف تخلیق کار دی اہٹی ذات  
 دا اظہار ہووے جیدے قاری نال کوئی تعلق نہیں ہوندا۔ میں این گلہ دا عام طور تے  
 قائل رہیاں جو تخلیق کوئی وی ہووے اوندا ساسح یا قاری نال بہر حال ہک تعلق  
 ہوندے۔ بیا کجھ وی نہ ہووے تاں کم از کم پڑھن یا سٹن والے دا کتھار س ضرور  
 تھیدیے آتے اوسرت یا بصیرت وی حاصل کریدیے۔ چیرھا اوندے اندر ہک  
 تبدیلی آئیدیے۔

اگرچہ ایں ترجمے وچ ایہ گلہ نمایاں ہے جو زیادہ تر اٹھے شاعر غلطے، بھین  
 جیرھے اہٹی مخصوص انسان دوست آئیڈیالوجی دی نمائندگی کریدن جیدے وچ صلح  
 صفائی تے پیار محبت دی گلہ ہے لیکن اٹھے شاعریں نال او شاعر وی ہن جیرھے  
 کٹ مار، ظلم آتے جبر دے خلاف مزاحمت دی گلہ کوں اپوں تے ٹوری رہین۔  
 انہیں وچوں شیخ ایاز، گل خان نصیر آتے محمود درویش خصوصی طور تے قابل ذکر ہن۔  
 گل خان نصیر دی ہک نظم دے ترجمے وچوں ہک بند ملاحظہ ہووے۔ ایہ ترجمہ اصل  
 دے نیزے رہوٹ دے علاوہ مترجم دی اہٹی تخلیق ہووٹاں دا احساس وی ڈویندے

حیدر اپنا آنج لطف ہے۔

ساڈی بھوئیں تے قابض تھی تے

ساڈا ترکہ ور کہ لئیے

بے ڈوہ، جرم، خطا دے

ساڈی کچی گھٹھے

سر ساڈے بارودو ساوے

ظلم کماوے

اساں ورت وی.....

اوندے گیت، قصیدے لکھوں

ایں نہ تھیسکی

ایں کتاب وچ کئی آنجھے ترجمے وی دن جیرھے انسان دی محبت دے

پاکیزہ جذبے تے خالص داخلی احساسات تے جذبات دی نمائندگی کریندن۔ شاہ

لطیف دے ہک شعر روائی دا ترجمہ ملاحظہ ہووے۔ حیدر دے وچ اصل شعر دی رس

چس موجوداے:

پلیکیں نال میں پیر پتل دے دم دم صاف کراں

پانھی بیاں بلوچ دی، تے سب کجھ معاف کراں

بلاشبہ عالمی نظمیں دا ایہ شاعر انتخاب ہے آتے ترجمے بذات خود شاعری دا

بہترین نمونہ وی عام طور تے آہ دے سماجی حالات وچ آنجھا اعلیٰ کم ہوں گھٹ کہتا

دیندا ہے۔

نوآبادیاتی دور وچ مغرب دے مشرق شناسیں (Orientalists)

وچوں زیادہ تر نے ہک خود ساختہ تے مخصوص کلامیئے رہنمائی (Discourse)

کوں قائم کرن دی کوشش کیتی جینکوں بعد وچ ایڈورڈ سعید نے Orientalism وچ رد کیجے۔ انہیں دے مطابق مشرق دے باشندے وحشی، پسماندہ آتے تہذیب کنوں ناواقف ہن آتے مغرب انہیں کوں تعلیم یافتہ تے مہذب بناوٹے۔ انہیں مشرقی آدمی کوں ”سفید آدمی تے بوجھ“ قرار ڈتا۔ آتے انہیں چھاوٹیں وچ اچھے پورڈ لائے جو ”گنتیں تے ہندوستانیں دا داخلہ ممنوع اے“ آتے نو آبادی واسطے اوہے اصطلاحات استعمال کیتیاں جیرھیاں ڈھاڈھیں واسطے استعمال کیتیاں دیندیاں ہن۔ انہیں مستشرقین وچوں ہوں گھٹ نے مشرقی دانش دا ذکر کیجے۔

اُچ پوسٹ ماڈرن ازم دور وچ جیرھلے مہابیانہ (Grand Narrative) گم تھی گئے آتے اوندی بجائے Small Narratives دی کالجھ فرمئی اے تاں معاشی طور تے پیسے ہوئے طبقے Subaltern تے خاک نشین (Marginalized) لوکیں کوں ہک نویں اہمیت ملی اے آتے او پوٹن پے مہین تاں انہیں دیں زبانیں تے ثقافتیں کوں دی سنجائ دا حق ملیے۔ ایں طور تے مشرق دیں ثقافتیں تے زبانیں وچوں دانش تے حکمت دی گھل تے سامنے آئی ہے۔ مترجم اگرچہ مشرق تے مغرب دی دانش وچ خاص فرق قائم نہیں رکھیا۔ مگر ”صدیں دا بچ“ دراصل مشرق دا بچ ہے۔ ایں طرح ایہ کتاب مشرق دی دانش دی ہک دستاویز بن گئی ہے۔

مترجم دا دراصل اپنے بچ کوں ہک دفعہ دل بولن دا عمل دراصل خود شناسی یا اپنے آپ کوں از سر نو رد یافتہ کرن دا عمل ہے۔ جینکوں خواجہ فرید ”اپنے آپ کوں بولے“ آہدے۔ ایہ دراصل مغرب نال مشرق دا ہک نواں مکالمہ وی ہے آتے اُچ دا کلامیہ (Discourse) وی۔ جینکوں اہوں تے ٹورن دی نوڑاے۔

ایہ کتاب ٹیکنالوجی، طاقت آتے استحصال دی بنیاد تے کھڑی مغرب دی

مغرور (proud) تہذیب کو ایہ سنیما وی ڈی وی ہے جو آؤ ڈیکھو! اسٹاڈیو صدیوں دا سچ ہونٹی جاہ تے آج وی اکیہہ اچھے۔ جنیں ماضی وچ انسان کوں بھراہنی تے جیوں دا ہنر سکھائے۔ جیڈاں جو تساں سرمائے دی توسیع دے جنون وچ انسانیں تے بارود دیندے پو۔ ”صدیوں دے سچ“ ایں کوڈ کوں وی چیلنج کیہے۔ جو مشرق دا آدی مغرب تے بوجھ ہاتے دانش کتوں محروم ہک جاہل، غیر مہذب تے وحشی انسان ہا۔

آخر وچ ایں سوال دا جواب جو ایں ساری محنت دا حاصل کیا ہے۔ ہک غریب شاعر دیود حاصل دے لفظیں وچ ڈیہاں۔ اُتے صوفی تاج گوپاگک دا شکر یہ وی ادا کریاں جو انھیں سرائیکی ادب کوں ہک اٹھھی شاندار کتاب ڈیٹی ہے۔

تمہیکو اُنت ایہو لکھتا اے

جو چھاں ساڈی  
صرف اسٹاڈیو بھجھی



## حبیب اللہ طارق دی ہک غزل دا ہیجی مطالعہ

تمام لسانی فنریں (Devices) دا مجموعہ ادب ہے۔ (شکل و سکی)

قیام پاکستان کنوں پہلے جان محمد گداز توں اہج سلیم انب تا میں سرانگی شاعرین دی جام پور وچ ہک کہکشاں ہے۔ ایں کہکشاں وچ خود کوں نکا بر کرن کوئی آسان کم نہ ہا۔ لیکن حبیب اللہ طارق ایہ چیلنج قبول کیجے آتے سرانگی دے معروف شاعر احمد خان طارق دا تجلص اختیار کرتے اہٹی آج شناخت دی بٹائی ہے۔ ایہ وی کوئی سوکھی کالھ نہ ہئی۔

حبیب اللہ طارق دی شاعری اپنے فنی حسن نال مالامال ہے ایندا اثبوت اوندنا پہلا مجموعہ کلام ”میریں پراہ گوے پیاردے“ اسٹاڈے ساٹھے ہے۔

ایں کتاب دی شاعری دا رُجہ متعین کرن ہک چھوٹے جہیں مضمون وچ ممکن کاسی۔ ات واسطے ہک غزل کوں اپنے مطالعے دا موضوع بیٹیاں آتے صرف ہیجی حوالے نال اوندنا جائزہ گھنناں۔ اگرچہ ایندا مطالعہ ڈی کنسٹرکشن Deconstruction دے حوالے نال وی کیئا وچ سگد اہا۔ جیدے ذریعے تہہ درتہہ معنی گھلن ہا۔ مگر اوکھیں ہی نشست وچ۔

ہجی تنقید وچ ایہیگیں ڈیکھٹا ہوندا جو کیا آکھیا گئے بلکہ ایہی ڈیکھٹا ہوندا جو جیرہا کجھ آکھیا گئے۔ اوکھیں آکھیا گئے۔ ایہ تنقیدی طریقہ کار روسی ہیٹ پسنڈیں متعارف کروایا ہا۔

عاشقانہ واردات دا اظہار شاعری دا عام موضوع ہے۔ پرائے آتے کھسیئے پیئے خیالات کوں کہیں جدت آتے خاص اسلوب دے بغیر بیان کرن تاروی یا سامع

تے کوئی خاص تاثر نہیں چھوڑتا۔ ات واسطے کہیں وی منفرد شاعر واسطے ایہ ضروری ہونڈے جو اول کہیں اگر خیال پڑا ہے تاں اداؤں کوں خاص اسلوب تے جدت نال بیان کرے۔

”جیریں پراہ گولے پیاروے“ داناں ایہ ظاہر کریندے جو ایں مجموعے دا مزاج عاشقانہ احساسات تے جذبات دے اظہار تے مبنی ہے۔ اگر چہ ایندے اندر ہوں سارے انسانی زندگی دے تجزیں دا بیان وی ہے مگر زیادہ تر شاعری ایں موضوع دے گرد گھومندی ہے۔ ات واسطے میں انھیں دی ہک آنجھی عزل چٹی ہے جیرھی عاشقانہ تجربے دے ارد گرد رہندی ہے۔ او غزل ٹساں وی پڑھو:

اساں اینویں پییت پائشی ہی      حیاتی چکے تے گاٹشی ہی  
 اساں تاں ہانمی دے ہال واگوں      ایہ پنگھ تکیوں جھلاٹشی ہی  
 گھلی اندھاری میڈی طلب دی      آنا دی چادر سنبھاٹشی ہی  
 اے جان! تیں ہاسفر تے ونچٹاں      میں مونجھ ہانہہ تے سٹاٹشی ہی  
 جبردی رات وچ لکھیدوں غزلاں      میں دل وی اوٹھی ونداٹشی ہی  
 ایہ غزل عشق دے مختلف مرحلیں، مشقتیں آتے پڑھیں دا مرحلہ دار اظہار ہے۔ ایندے موضوعات اگر چہ روایتی سن لیکن ایندے باوجود ہر شعر وچ نویں چس رس ہے آتے سارا لطف کلام دی جدت آتے شعر دے مخصوص اسلوب دی وجہ کنوں ہے۔ ایہ جدت آتے اسلوب انھیں قافیں، ترکیبیں، لفظیں دی ملائمت موسیقیت آتے انھیں دے پھاڑ تے بر محل استعمال تے ہے۔

غزل دی سب کنوں پہلی گالھ جیرھی اسا کوں متوجہ کریندی ہے او ایندے قافیے ہن۔ کہیں لفظ دی تصغیر وچ ہک خصوصی تاثیر آتے موسیقیت ہونڈی ہے۔ ایں غزل وچ قافیے پائشی، اگاٹشی، جھلاٹشی، سنبھاٹشی، سٹاٹشی، ونداٹشی وغیرہ دی تصغیر

جنتاں شعر دی تاثیر کوں ڈوڑا کریندی ہے اتھاں موسیقیت دی ایندا حصہ ہے۔ ایہ خوبی خصوصی طور تے خواجہ فرید آتے عمومی طور تے اقبال سوکڑی دی شاعری وچ نشاں رہندی ہے۔ ایہا وجہ ہے جو ایں غزل دے تاثر وچ قافیوں داوی اپنا خصوصی کردار ہے۔

ڈو جھی کالھ ایہ ہے جو شاعر کوں زبان تے قدرت، لفظیں دی شناس آتے انھیں دے استعمال دا اثر آوٹا چاہیدا ہے اتے ایہ شاعر دی پیدائشی استھیک سنس (Aesthetic Sense) تے منحصر ہوندے۔ حبیب اللہ طارق دا Aesthetic Sense کافی بیدار ہے۔ او شاعری وچ کول تے نرم لفظ استعمال کریندے۔ پیت، حیاتی، ہانہ، پنہ، آتے مونجھ وغیرہ۔ او انھیں دی جاہ تے محبت، زندگی، خادمہ، آنسو، غم وغیرہ وی استعمال کر سگدا ہا۔ مگر اوہو جمل آتے بھاری بھر کم لفظیں کتوں گریز کریندے اتے لفظیں دی ایہ ملامت اوندی شاعری وچ موسیقی دیں کول سڑیں داگنوں ہے۔ جیرھی اوندے کلام کوں نغمہ بنا ڈیندی ہے۔

ترجھی کالھ ایہ ہے۔ حبیب اللہ طارق خصوصی طور تے نوایاں ترکیباں وضع کریندے یا تہ اٹیں ترکیبیں کوں نواں رنگ ڈیندے جینویں چٹکے تے حیاتی کچالوں، ہانہ داگنوں جھالوں، طلب دی اندھاری، آنا دی چادر، منج نال اکھ اگھالوں لٹھی لٹھی کنوار داگنوں وغیرہ۔ غزل وچ ایہ ترکیباں شعر کوں روایتی بیان کتوں بچاتے بک جدت عطا کریندین اتے شعر دی تاثیر کوں بیا گہرا کر ڈیندن۔

حبیب اللہ طارق عام طور تے چھوٹی بحر استعمال کریندے۔ چھوٹی بحر وچ کوئی قادر الکلام شاعر سوہا شعر آکھ سگدے مگر حبیب اللہ طارق اپنئے تخلیقی ہنر نال ایں فن تے قدرت رکھدے۔ ایں طرح ایں غزل دا ہر شعر سہل متنع دی تعریف وچ آویندے۔ ایہ شاعری دا اپنا منج کمال ہے۔

عشق دے ہوں سارے مرحلے دہشت دی پیدا کریندا حیدر تجزیہ  
 ”وجودی فکر“ نال کینا دہج سبکدے۔ آتے این غزل دج این دہشت دا ہک تاثر  
 موجود ہے لیکن او حقیقی دہشت پیدا نہیں کریندا بلکہ اوکوں حبیب اللہ طارق اپنے  
 Aesthetic sense آتے Poetic logic نال ہک اچھے فنی حسن دے  
 ذریعے پس پردہ دکھیل ڈیندے جو قاری عشق کنوں خوفزدہ تھیون دی بجائے اوں  
 کنوں لطف اندوز تھیوے۔ حبیب اللہ طارق عشق دے بھوکیں آتے ہجر دی کالی  
 رات کوں اہٹی شعری زبان نال او مقام ڈتے جیر ماخولہ فرید روہی دی ڈراکلی تے  
 ہجر دھرتی کوں اپنے کلام دج گل گلزارے ٹاڈتاہ۔

## نویں سرانگیکی شاعری اُتے ثقافتیں دے درمیان مدافعتی عمل

ہک زبان بولن ہک دنیا ہک ثقافت ورتی ہے۔ (فرانز فینن)

1960ء دا ڈہا کا سرانگیکی زبان تے ادب اُتے تحریک دے سلسلے وچ ہک

اہم ڈہا کا ہے۔ ایں ڈہا کے وچ سرانگیکی زبان کوں باقاعدہ سرانگیکی دا ناں ڈہا تا ہیا۔ جیرہا ہوں تیزی نال مقبول تھیا اُتے بعد وچ ایں ڈہا کے وچ ہک وڈا ثقافتی پروگرام دی تھیا۔ جنیں سرانگیکی وچ لوکیں دی دلچسپی کوں ودھایا۔ اُتے اہل قلم کوں سرانگیکی ڈو متوجہ کیا اُتے سرانگیکی اکیڈمی، ملتان دی بنیاد رکھی گئی۔ ایں ڈہا کے وچ سرانگیکی ویسب وچ پاکستان پیپلز پارٹی دی تحریک کئی سرانگیکی شاعریں کوں متحرک کیا اُتے انھیں ترقی پسندانہ سیاسی نظماں لکھن شروع کیتیاں اُتے ایں طور تے ہک نویں سرانگیکی شاعری دی بنیاد پٹی۔

جنوبی ایشیاء وچ 1936ء دی اُردو دے حوالے نال ترقی پسندانہ ادبی

تحریک نویں شکل وچ 1968ء وچ سرانگیکی ادب وچ جھکی۔ جنیں لمبیں لمبیں نظماں لکھن دے رجحان کوں عام کیا۔ ایہ نظماں لپٹے ماضی دے حوالے کوں کافی مختلف بنن۔ اُتے انھیں وچ کاوڑ اُتے احتجاج دی صورت نمایاں آئی جیرہی پہلے ہوں گھٹ سرانگیکی شاعری دا موضوع رہی آئی۔

لغاری رہے نہ مزاری رہے

جنگ جاری رہے جنگ جاری رہے

ایں دور وچ سرانگیکی نظم وچ موضوعات اُتے ہیئت دی تبدیلی نال نویں

سرانگیکی غزل وی آہنی شکل بناون شروع کیتی۔ اُتے لپٹے روایتی موضوعات اُتے

عشق دے علاوہ ہمیں پہلوئیں کوں اپنا موضوع بنایا۔ اقبال سوکڑی دی غزل ایندی  
 ہک عمدہ مثال ہے۔ تاہم سرائیکی غزل تے اردو غزل دے اثرات نمایاں ریے آتے  
 عام طور تے اوقامی ثقافتی حوالیں کنوں ہک حد تاں میں محروم رہی۔

لمبیں آتے پابند نظمیں دے نال ستر آتے اسی دے ڈہاکے وچ سرائیکی وچ  
 آزاد نظم لکھن دارحجان عام تھیا آتے ایہ اپنے نال فارم دی تبدیلی نال نویں نویں  
 موضوعات وی گھن آئی۔ خصوصی طور تے ایں دور وچ ارشاد تونسوی دیں نظمیں وچ  
 ترقی پسندانہ خیالات عام ملدن۔ جنھیں کوں بعد وچ عاشق بزدار اپنا موضوع بنایا۔  
 البتہ ایں دور وچ نصر اللہ خان ناصر ویں نظمیں وچ سرائیکی وسیب نال جوت آتے  
 مقامی ثقافتی حوالے ہوں معتبر ہن۔ جیرھے بعد وچ عاشق بزدار وی ترقی پسندانہ فکر  
 دے نال اعلیٰ ڈوڑی سنجان واسطے مشہور تھے۔

میڈے نزدیک سب کنوں اہم گالھ ایہ ہے جو نویں سرائیکی شاعری کہیں  
 وی دور وچ اپنے آپ کوں اردو گردے ماحول آتے تبدیل تھیدی ہوئی سوچ کنوں انج  
 نہیں رکھیا۔ ترقی پسند فکر وادور گزرڻ دے بعد موجودہ دور دے گلوبل ازم کنوں نویں  
 سرائیکی شاعری اپنے مضبوط ثقافتی مدافعتی عمل دے ہتھیار نال جدوجہد وچ مصروف  
 ہے۔ جیرھی اپنے اعلیٰ فکری فنی حوالیں نال ممتاز حیدر پڑاہر، اشولال آتے رفعت عباس  
 دی شاعری وچ نمایاں ہے آتے خصوصی طور تے اشودے تازہ ترین مجموعے ”سندھ  
 ساگر نال ہمیشاں“ آتے رفعت عباس دے ”پرو بھرے ہک شہر وچوں“ کوں نمونے  
 دے طور تے پیش کر سگدی ہے۔

گلوبل ازم دے حامی دانشوریں دا خیال ہے جو ہوں جلدی ایہ تحریک  
 ساریں چھوٹیں محبتیں آتے ثقافتیں کوں چٹ کر ویسی۔ ایندے اثرات کنوں سکر نہ  
 ہون دے بعد میں سمجھداں جو اینویں کڈا ہن نہ تھی سگسی۔ کیوں جو جیرھے تکھپ

نال گلوٹیل ازم دار۔ تھان اہوں تے دوحد اہے۔ آہیں تکھپ نال مقامی سیاسی، لسانی آتے ثقافتی تحریک دی اہٹے مدافعتی عمل نال پڑوچ داخل تصیدی پئی ہے۔ خود سرائیکی زبان تے ثقافت بارے عوامی شعور ایندا آغاز ہے آتے نویں سرائیکی شاعری تاں خود ایں مدافعتی عمل دا حصہ بن چکی ہے آتے میڈے خیال مطابق اہ کل ایہو ایندا نمایاں رہ تھان ہے۔

نویں سرائیکی شاعری دا ایہ عمل جیڑھی طاقت آتے خود اعتمادی نال رفعت عباس دی غزل وچ تھئے تے اوں پورے وسیب وچ بھونچال دی کیفیت پیدا کر پئی ہے آتے صدیں کنوں قائم ایران تے ہندوستان وچ رائج غزل دے مخصوص مزاج کوں وی یکسر الٹ ڈتے آتے اوکوں بیرونی حوالیں کنوں کڈھ تے اہٹے وسیب دے حوالیں نال جوڑ ڈتے۔ ایندے بعد رفعت عباس دی ساری شاعری وچ فارم دی بھج ٹرٹ آتے روایتی خیالات کنوں انحراف ہک مستقل انداز وچ اہٹی شناخت تے اصرار کیئے۔ جیڑھا عالمی ثقافتی یلغار کنوں بغاوت دا اوندا اپنا مخصوص انداز ہے۔

اشوالال دی ساری شاعری مرکز کنوں گریزا دا ہک توانا اظہار ہے۔ جیڑھ حلے تہاں مقامی ثقافت دی گلجھ کریندو تاں ظاہر ہے عالمی ثقافت دی Authority کوں چیلنج کریندو۔ پوری وادی سندھ دی پرائی تہذیب دا احیاء آتے اوکوں نویں آتے پڑ اعتماد کیفیت نال پینٹ کرک نویں عالمی ثقافت دی یلغار نال ہک مدافعتی لڑائی لڑن ہے آتے اشودی پوری شاعری ایں تسلسل نال اوندی روشن مثال ہے۔ اشودی شاعری ایہ عمل کاوڑ آتے جارحانہ رویے دی بجائے ہک بھوں ای ٹھڈے مزاج نال کریندی ہے جیڑھی ایندی فکری گہرائی آتے فنی بلندی دی مثال ہے۔ البتہ رفعت عباس اہٹی نویں کتاب ”پردہ بھرے ہک شہر اچوں“ اندر ہک نواں انداز اختیار کیئے۔ ادا تھان اہٹی فکر وچ بھوں پختہ نظر آندے آتے اوں مقامی ثقافتیں نال تجوت دا نواں نظریہ پیش

کہتے۔ اوندے نزدیک ہک مقامی مدافعتی سیاسی اُتے ثقافتی عمل ای دراصل ایں عالمی ثقافتی عمل دا رخ متعین کریندے اُتے اُنھیں کوں ہک رشتے وچ سلجھو بندے۔ میکسیکو نال اپنا رشتہ تسلیم کرن دے باوجود رفعت عباس دی شاعری وچ ”پرو بھرنے“ شہر (ایہ ملتان، مظفر گڑھ یا کوئی بیا شہر دی تھی سگدے) ای اصل وچ مرکزی حیثیت رکھدے۔ اُتے سرائیکی وسیب دے کہیں ”پرو بھرا“ شہر دی سرائیکی ثقافت کوں مرکزی حیثیت ڈیون ای اصل وچ عالمی ثقافت دی بالادستی کوں چیلنج کرن دا ناں ہے۔ اُتے ایہ چیلنج شبیر حسن اختر دی درکھی نظم ”ملو بہہ“ وچ لپٹے عروج تے ہے۔ جیر حالہ دی تاریخ دے بھیتے کوں چرکھے دے حوالے نال جائدے۔ اُتے خود کوں عالمی ثقافت دی بھاری بھر کم مشین دے بھیتے تلے کچلی جن کوں پچا گھندے۔

سرائیکی کافی سرائیکی ثقافت دا ہک نمایاں حوالہ رہی ہے۔ اوندی اہٹی شعریت ہے۔ نویں سرائیکی کافی اُن لپٹے نویں ثقافتی حوالیس اُتے فارم دے حوالے نال قبولیت حاصل کریندی پئی ہے۔ ایں صنف وچ کجھ ہمیں شاعریں نال رفعت عباس اُتے سلمان سہو خصوصی طور تے قابل ذکر ہن۔ تاہم حالی تاہیں اوندے اُتے تصوف دا غلبہ ہے جیندے وچوں اوکوں کڈھن اُتے نویں موضوعات نال شناسا کرن ضروری ہے۔ ورنہ اوندے اُتے ہک وار ڈول جو ودھاری تھی دیسی۔

عالمی سامراجی طاقتاں جیرمی عالمی ثقافت کوں رواج ڈتے تے لپٹے استحصال کوں نویں شکل ڈیون چھدن۔ مقامی ثقافتاں ایں کوں پوری طرح Aware ہن اُتے اواہٹی بھادی شاعر مدافعت کریندیاں ہکین۔ سرائیکی وسیب دی اہٹی خواہش دی ثقافتی احیاء دی شکل وچ پروان چڑھدی پئی ہے۔

1960ء دے ڈہاکے وچ ترقی پسندانہ سرائیکی شاعری پاکستان پہنچا پارٹی دے حوالے نال جیرمی مدافعتی تحریک دا اہٹی نعرہ بازی نال منڈھ پدھا ہا۔ اوہن



ہوں Mature تھی، مگنی ہے۔ اُتے ہن اوندے اندر نعرہ بازی دا عنصر ختم تھی چکے  
 ہن او اپنے تو اتنا ثقافتی حوالے دے نال جیہڑا منڈھ خواجہ فرید دی کافی کنوں پدھا گیا  
 ہاپٹے فنی تے فکری بلندی نال نا صرف نویں عالمی شاعری دے نال آنکھیں ملاوٹ کوں  
 تیار ہے بلکہ عالمی ثقافتی جلسیں وچ سرائیکی ثقافت دی بقا دی ضامن وی ہے۔ خوشی دی  
 کالھ اے ہے جو ایندے وچ ترقی پسندانہ فکر وی شامل ہے مگر نعرہ بازی گھٹ ہے۔  
 ایں سلسلے وچ ممتاز حیدر پڑاہر دی شاعری خصوصی طور تے قابل ذکر ہے۔ جڈاں جو  
 اخلاق مزاری، خورشید بخاری، عزیز شاہد، نذیر فیض، جہانگیر عظمیٰ اُتے غیور بخاری وی  
 اچھا حصہ پیندے پھین۔ میں اہٹی کالھ کوں منگیدیں ہونیں اخلاق مزاری دا شعر  
 لکھساں جیہڑا موجودہ صورت حال کوں نشاہر کریندے تے ایں بحث دا حاصل ہے۔

کھا ہیاں راخس بلائیں ہا کڑے دی حور کوں

تاگ جیہڑے رہ گئے، ”چھن منارا“ مرہیا

## نویں سرانیکسی کافی دایینی فیسٹو

زبان ہستی دا گھر ہے۔ (مارٹن ہیڈیگر)

رولاں ہارتھ دا خیال ہے جو جیویں زبان دا سٹم لانگ آتے پیرول دی شکل وچ ہوندے اینویں ادب دا وی تھی سگدے۔ میڈے خیال وچ ایہ نثر آتے شاعری وچ اہٹی بنیادی تفریق دی وجہ کنوں اُنج اُنج ہے۔ سرانیکسی کافی وچ ایہ لانگ تخلیقی عمل دے طور تے یونیورسل گرائمر دے انداز وچ شاعر دے ذہن وچ ہوندے جیہیں شاعریں دی کافی تے صدیں دی مشق دے بعد تاریخ وچ تشکیل پاتے آتے پیرول (Speech) دی شکل وچ اپنا اظہار پیندے۔

کافی دی رمزیت تے آہنگ ڈڈا ہے۔ ایندی شعریت وچ کافی راگ دا وی اپنا اثر موجود رہندے۔ جیہدے نال ایندی اہٹی مخصوص شعریت دی سنجائ بڈی ہے۔ جیڑھی فکر تے احساس وی نرمی، جذبے دی شدت آتے خاص ڈکشن نال مخصوص ہے۔ ماضی وچ سرانیکسی کافی دے وڈے شاعریں پچھل سرست، بلیہ شاہ آتے بیدل سندھی دے کلام وچ سماجی حالات دے تحت تصوف آتے وحدت الوجود اپنا شعری رنگ بٹایا۔ مگر حالات دی تبدیلی نال خوبج فرید تائیں آندیں آندیں بدل گیا آتے اوندے وچ سرانیکسی دھرتی نال محبت، اوندے ثقافتی تے فطری تاظر دی عکاسی تے عام انسانی رویے دا اظہار رواج پائیا۔ گلہ آہوں تے ٹورن توں پہلے میں ترانے نکاتی ایجنڈا سامنے رکھساں:

1۔ نویں سرانیکسی کافی ہیڈیگرین نظریہ زبان کنوں استفادہ

کرے۔ ہیڈیگر دے نزدیک ہستی وی حقیقت زبان دے

ذریعے ہی کھل سکتی ہے۔ (خارجی حقیقت دا ادراک زبان دے ذریعے تصدیق ہے)۔ کافی دی زبان دی نویں تشکیل نال کافی دے موضوعات تے اسلوب وچ ریڈیکل تبدیلی واقع تھیسے۔

2۔ نویں سرائیکی کافی کون پوسٹ کالونیل تحریک نال جوڑیا وچے تے ساڈی پوسٹ کالونیل کیفیت کون بیان کرن کیئے کافی کون موضوعاتی تجربے وچوں لنگھاؤں ضروری ہے۔

3۔ نویں سرائیکی کافی کون چھند رپنگل دے علاوہ عربی عروض دے مطابق دی لکھیا وچے۔ تاہم نویں سرائیکی کافی وچ ظفیانیہ تے مزاحمتی موضوعات شامل کرن دے علاوہ خوبہ فریدواگنوں کافی دانشمندی حوالہ برقرار رہوے۔

انسان اپنے کلچر وچ حیاتی گزریندے۔ ایہ کالم پوسٹ کالونیل دور وچ مغربی مفکرین کون دی سمجھ آگئی ہے جیرھے ماضی وچ ماڈرن ازم دے تحت ساری دنیا کون ہک سسٹم تے ہک نظریاتی ڈنڈے نال ہسکلیدے ہن۔ اہج سرائیکی لکھاری لپٹے کلچر دی نویں شناخت تے احیاء دی تحریک نال جڑیے ہوئے ہن اتے او شعری وچ نویں تجربے کریندے ہین۔ جنھیں وچ کافی دی نویں تشکیل وی ہے۔ جیرھی ہوں چکی کالم ہے۔ اتے لپٹے کلچر وچ نویں جیون دی ہک کوشش ہے مگر صرف پرائی کافی دی نقل مارن کافی نہیں بلکہ کافی دے مزاج تے نظام کون سمجھ تے اوندے وچ وقت دے مطابق تبدیلی گمن آون دے تقاضے کون دی سامنے رکھیا وچے اتے ایہ نویں کافی دا ہک امتیازی وصف ہوی۔ جیویں جو خوبہ فرید لپٹے دور وچ کہتا۔ اوں کافی دے روایتی انداز وچوں خود کون کڈھیا۔ تصوف کون زیادہ جنھیں موضوعات کون

کافی وچ داخل کیا۔ مثال دے طور تے فطری منظر نگاری، عام آدمی دے روزمرہ دے کم کار، ذاتی تعلقات دے حوالے آتے سیاسی فکر وغیرہ۔ جدیدی وجہ کنوں انھیں اپنے موضوعات دے تقاضے دی وجہ کنوں کافی دی پرائی فارم کون وی بھن سٹیا آتے ایں حوالے نال کئی تجربے کیجے۔ انھیں دیاں کافیاں غزل وانگوں ڈومرے تے مشتعل ہک شعر دی شکل وچ وی ہن آتے مثلث، مربع خمس تے مسدس دی شکل وچ وی۔ انھیں دی کافی دا مطلع بعض اوقات غزل وانگوں ڈومرے تے آتے بعض اوقات ہک مصرعے تے مشتعل ہوندے۔

اتھاں ہک اہم مسئلہ (جدیدی بنیادار سطا حالیسی فلسفے تے ہے) ایہ وی ہے جو مواد آتے ہیئت دا ہک ہے نال گہرا تعلق ہوندے او ہک ہے نال نچوے ہوندن بلکہ رومی ہیئت پسندیں دے نیڑے اے ہک ہے کنوں ناقابل جدا ہن۔ کہیں صنف دی ہک مخصوص ہیئت جیر حلے اپنے مخصوص موضوع نال نچوےندی ہے تاں ول اوں کنیں جان چھڑاؤں ہوں مشکل ہوندی ہے۔ میڈے خیال وچ اہم نوں کافی تحریک نال وابستہ شاعریں کون ایہا مشکل درپیش ہے۔ او ماضی وچ کافی نال وابستہ روایتی موضوعات کنوں جان نہیں چھڑا سکدے۔ سیں رفعت عباس جیرھا ایں نوں کافی تحریک دا اہم گواہ ہے۔ اہم ماضی دی شاعری دی نسبت ہن ایہیں کافیں وچ سریت پسندی دا شکار ہے۔ سلیمان سہوہک تخلیقی کار شاعر ہے مگر اوندی وی ایہا کیفیت ہے۔ تاہم ارشاد تو نسوی دیاں حراصتی کافیاں قابل ستائش ہن۔

جیر حلے کہیں پرائی صنف دا احیاء کیجا ویندے تاں ضروری ہوندے جو اوندے موضوعات وی وقت دے تقاضے دے مطابق ہوں۔ جیویں خواجہ فرید روایتی تصوف تے عشق محبت دے علاوہ عام انسانی مسائل کون وی اہم شاعری دا موضوع بنائے تے حتیٰ کہ فلسفیانہ موضوعات تے وی کافیاں لکھیں۔ اینوں اہم کافی وچ

حالات میں تقاضیں مطابق نویں موضوعات گھن آوٹے ہون۔ جبرھے سراپکی تومی  
تحریک دی فکر دے علاوہ سماجی جبر دے خلاف مدافعی رویے تے منحصر تھی سگدن۔  
جیندے وچ عام انسان دی حقیقی زندگی وی نشا بر تھیوے۔ ایندے نال ایندی وی  
لوڑ پوسی جونویں خیالات واسطے کافی دی پرائی فارم کون خواجہ فرید وانگوں بھن سٹیا ونچے  
۔ جیکر نویں سراپکی کافی لکھن والے شاعر کافی دی قدیم فارم کون قائم رکھن تاں ول  
اوسکی دی داستان عشق آتے تصوف دے دائرے وچ پھس تے رہ ویسن۔ انھیں  
دے موضوعات دے علاوہ ڈکشن آتے علامات وی اوہے ہون جبرھے پرائی کافی  
دے ہن۔ حالانکہ آہ انھیں سب کون تبدیل کرن دی لوڑ ہے کیوں جو لوہ کے آدی  
دے دنیا دے ادراک دی ساخت وچ ریڈکل تبدیلی واقع تھی چکی ہے۔ نویں کافی  
لکھن توں پہلے اوہ کے آدی دی سائیکس کون پکڑ وچ آہن ضروری ہے۔

میڈا خیال ہے جو کافی دے احیا دی تحریک سراپکی ادب دی  
Nationalization کرن دا حصہ ہے مگر ایندے کیچے تخلیقی انداز وچ کافی دی  
ہک وڈی تبدیلی ضرورت ہے۔ جیندے وچ کافی دی مخصوص شعریت کون برقرار  
رکھن ضروری ہے۔

ادب وچ موضوعات آتے خیالات یقینی طور تے سماجی حالات دی پیداوار  
ہوندن۔ ماضی وچ ستارھویں صدی کنوں انویں ہویں صدی عیسوی تاکیں سراپکی  
وسیب دا جاگیردارانہ نظام آتے اوندے نال بڑیا ہویا تاریخی سیاسی بادشاہانہ نظام اپنے  
سماجی حالات دا نتیجہ ہا۔ آتے انھیں حالات دے نتیجے وچ وحدت الوجودی فکر پرورش  
پہندی پئی ہئی۔ است واسطے اوں دور وچ کافی وچ وحدت الوجودی خیالات دا بھر پور  
عکس ملدے۔ دلچسپ گلہ ایہ ہے جو انہیں خیالات دے حامل صوفیاء کہیں نہ کہیں  
شکل وچ درباریں نال (دور دے تعلق دارسی) وابستہ رہ سگھن۔ خود خواجہ فرید دے

خاندان وی مثال وی اسٹاڈے سامنے ہے۔

آج جاگیردارانہ نظام بچ کرٹ دا شکار ہے۔ بادشاہت دا دور ختم تھی گئے۔ سرمایہ دارانہ نظام وچ مزدور ہک کسان یا مزارع وانگوں زمین نال وابستہ مخصوص رشتے دا پابند نہیں رہیا۔ بلکہ اوہ اپنے روزگار وی تلاش وچ آزاد ہے اتے روزگار دی آزادی فکر کون آزاد کر بندی ہے۔ ات واسطے جیویں پابند نظم دی بجائے آزاد یا نثری نظم ہک تاریخی جبر دے نتیجے وچ سامنے آئی ہے۔ اینویں آج دے دور وچ کافی وچ آزاد فکر دے حوالے نال فارم دی مخصوص شکل دی پابندی وی ضروری کانتی۔ میں سمجھداں نویں کافی لکھن دی تحریک دے پچھوں نویں پوسٹ کالونیل فکر دے علاوہ ہک تاریخی جبر وی موجود ہے جنہیں کون آنکھیں ٹوٹن دی ضرورت کانتی اتے نہ کافی کون پڑانے موضوعات دا پابند رکھتے اوندے احیاء دے فطری مگر جبری تقاضے کون روکن دی ضرورت ہے۔ ات واسطے نویں کافی کون نویں فکر اتے نویں ہیئت نال آشنا کرن دی ضرورت ہے۔ پڑائیں علامتیں اتے ڈکشن کون وی جان چھڑاون دی لوڑ ہے۔ اتے نویں علامتیں اتے ڈکشن کون ورتن ضروری ہے۔ علاوہ ازیں نویں موضوعات جبرھے سیاسی اتے تاریخی وی تھی سگدن نال آشنا کرن دی ضرورت وی ہے۔ میں ایہ وی واضح کر ڈیواں جو نویں کافی دے موضوعات مقرر وی نہیں کیئے وچ سگدے۔ اُنس و محبت کون گھن تے جنسی موضوعات تے کافیاں لکھیاں وچ سگدین۔ جیکر ایویں نہ تھیا اتے شاعر پڑائی فارم تے سریت پسندانہ فکر نال جوڑے رہن دی کوشش وچ زنجیرے رہیے تاں ول کافی وچ کہیں وڈی تبدیلی دی امید رکھن بے معنی ہوی اتے کافی دے احیاء دی ایہ تحریک اہٹی موت آپ مروسی۔

نثری ادب

## سرائیکی کیوں؟

پہلے زمانے وچ برصغیر کوں سونے دی چیز دی سمجھا ویدا ہاتے بے شمار  
 قوماں ہزاریں سالیں کنوں ایں چیز دی دسے شکار لیوں اساڈی مقدس دھرتی کوں  
 تڑپندیاں رہیں۔ ہوں گھٹ حملہ آور جیرھے مغرب کنوں آئین یا شمال کنوں  
 ہندوستان دے مشرقی حصے تائیں پہنچن بلکہ انھیں وچوں بیشتر برصغیر دی آدھل تائیں  
 دی ٹھیں گئے۔ زیادہ تر پاکستان دے سرائیکی علاقے تائیں اپڑن آتے دولت کٹھی کر  
 تے واپس ول گھنن یا اپنا مستقل گھر بنا پٹھن۔ اگر کجھ اگوتے دی وگین تاں  
 سرائیکی علاقے دی دولت کنوں کھیسے بھرتے گھنن۔ ات واسطے اساڈا ایہ علاقہ  
 دولت کنوں مالا مال ہووٹ دے باوجود اپنے واسیں کوں بلکھ آتے تنگ کنوں سوایا کجھ  
 نہیں ڈے سکیا۔

انگریزیں دے دور کنوں پہلے دی صدی تائیں ایہ غیر ملکی حملہ آوریں دی  
 لٹ دا شکار رہیے لیکن انگریزیں دے زمانے وچ سرائیکی دھرتی دی لٹ ہٹ ڈوڑی  
 تھی گئی ہی۔ ہک تاں ایہ غیر ملکی استحصال دا شکار ہی آتے ڈو جھماقتا جاگیرداریں  
 دی۔ ایہا وجہ ہے جو ایں عرصے وچ اساڈی ایہ محبوب دھرتی ڈکھیں دا گھر بن گئی ہی۔  
 کہیں دی علاقے تے جیرھلے کوئی ہا ہردی قوم قبضہ کر کے اپنی حکومت قائم  
 کر بندی اے تاں سب کنوں پہلے اٹھاں اونٹنی زبان کوں رواج ڈیندی ہے۔  
 سرائیکی علاقے نال غیر ملکی حملہ آوریں دی ایہو سلوک کینا۔ آتے اپنے اپنے دور وچ  
 انٹیں انٹیں زبانیں مثلاً عربی، فارسی آتے انگریزی کوں رواج ڈتا آتے ہر دور وچ



سرائیکی کول ہک غیر ترقی یافتہ تے پسماندہ لی قرار ڈے تے نظر انداز کر ڈتا۔ اُتے اُتھوں دے لوکیں کول اہٹی (حاکم طبقے دی) زبان وچ لکھن پڑھن، سوچن اُتے گفتگو کرن دی ہدایت کیتی تے اُنھیں کول مہذب تے تعلیم یافتہ قرار ڈتا۔ جنیں ایں ہدایت تے عمل کیتا۔ ایندے برخلاف ماموں لی سرائیکی پورن واپس کول آن پڑھ، جاہل تے اُچڈ آکھیا گیا۔ ایندے نال نال اُتھوں دی تہذیب تے ثقافت کول وی فضول سمجھیا تے ایں طرح مقامی باشندیں کول احساس کمتری دا شکار کرتے اُتے خود کول برتر منواتے غلامی قبول کرن دا عادی کیتا۔

پاکستان اُٹرن دے بعد لوک آزاد فضا وچ سوچن لگے تے اُنھیں کول اہٹی زبان، تہذیب اُتے ثقافت دی عظمت دا احساس تھیا۔ ایندے نتیجے وچ کجھ سرائیکی دانشور اہٹی زبان دی ترقی بارے سوچن لگ پئے اُتے ایندے وچ لکھن وی لگے۔ سرائیکی بلاشبہ ہک قدم زبان اے، اُتے ہر مشکل دور وچ پوری توانائی نال زندہ رہی اے۔ اینداز خیرہ الفاظ دی وسیع اُتے معانی دی وسعت دی بے پناہ ہے۔ ایندی ایں استعداد دا اندازہ کلاسیکی شاعری کول وی کیتا وچ سیکدے تے جدید ادب کول وی جو ایہ زبان کیوں نویں خیالات تے ڈو جھے زبانیں دے الفاظ کول خود وچ جذب کرن دی صلاحیت رکھدی ہے۔ ایندی ایں استعداد دا اندازہ لاوڻ دے بعد دور غلامی دا پیدا کیتا ہو یا ایہ وہم ختم تھی ویندے جو سرائیکی غیر ترقی یافتہ زبان ہے اُتے اُتھوں دے لوک صلاحیتیں کول محروم ہن۔

نشاۃ ثانیہ دے موجودہ دور وچ سرائیکی زبان کول نصابی زبان بنا کر ایں اُتے خصوصاً ابتدائی جماعتیں وچ رائج کرتے طالبیں کول اہٹی زبان وچ تعلیم ڈیوڻ دے جیرھے فائدے ہن او حاصل کیتے وچ سیکدن۔ اُتے ایں طرح پالیں دے معصوم ذہن تے جیرھا غیر زبان وچ تعلیم حاصل کرن دا جو ہونڈے او دور کیتا وچ

سکدے آتے گھرتے سکول دی این اُنچ اُنچ زبان دے نتیجے وچ پیدا تھیون والے تضاد تے الجھاؤ کوں ہالیں دے ذہن توں پاک کیئا وپن سکدے آتے این طرح نویں نسل کوں دور غلامی دی پیدا کیتی ہوئی احساس کمتری وچوں کڈھیا وپن سکدے تے خود اعتمادی پیدا کیتی وپن سکدی ہے۔

سرائیکی زبان کوں ترقی پڑیون دی تحریک دراصل اتھوں دے لوکیں دی خود شناسی دی تحریک ہے۔ انھیں کوں اعتماد بخشن دی کوشش ہے۔ اہلی تہذیب، ثقافت نال پیار سکھاون دی خواہش ہے۔ غلامی دے پیدا کیجے ہوئے فرسودہ خیالات آتے اندرونی تے بیرونی استحصال دے خلاف بک بن بدھن دا عمل ہے۔ ڈوجھے لفظیں وچ ایہ حقیقی طور تے سیاسی تے اقتصادی لحاظ نال اتھوں دے لوکیں وچ اپنا تحفظ کرن دا شعور پیدا کرن دی تحریک ہے۔ ایہا وجہ ہے جو مفاد پرست طبقہ این تحریک دی مخالفت کریندے آتے سرائیکی زبان دے احیاء دی کوشش بارے غلط خیالات پھیلیدے۔ جنھیں کتوں متاثر تھی کر اہیں بعض اہل سرائیکی اُردو یا انگریزی وچ لکھدن۔ یا گھریں وچ اپن ہالیں کوں ایسے زبانوں سکھیدن۔ شاید انھیں کوں علم نہیں جو ہر زبان صدیاں کنیں اپن پو لوں والیں دے مزاج دی نمائندہ بن گئی ہوندی ہے آتے اتھوں دی تہذیب، ثقافت دی راز دار ہوندی ہے۔ ات واسطے کڈا اہیں کوئی شخص اپن پورے ثقافتی پس منظر کوں نال گھن تے کہیں طرح ڈوجھی زبان وچ اپنا پورا مافی الضمیر ادا نہیں کر سکدا آتے ہمیشہ ادھ گونگا رہندے تے خیالات دی پوری ادائیگی نہ کر سکوں دی وجہ کنوں ذہن وچ بک خلش محسوس کریندے۔ ڈوجھی زبان وچ مافی الضمیر ادا نہ کرن سکوں دی سب کنوں چنگی مثال تر جھے دیاں مشکلات ہن۔ ترجمہ جتلا ای بہتر کیوں نہ ہووے کڈا اہیں دی اصل تخلیق دے برابر نہیں تھی سکدا۔

سپڈے این نقطہ نظر دی تائید امریکی فلسفی ڈبلیو۔ وی۔ تو آکین دے Thesis of

untransability کوں دی تھیدی ہے۔

سرائیکی دی احیاء دی موجودہ تحریک وچ اہل سرائیکی داعموی آتے سرائیکی  
 لکھاریں دا خصوصی فرض بندے جو اوہانہہ پئی تھیون۔ میں اہماں انھیں سرائیکی  
 لکھاریں کوں یاد پڑیویاں چیرھے اُردو وچ لکھدن جو ماضی ایں حقیقت دا گواہ ہے جو  
 سرائیکی علاقے دے اُردو لکھاریں دیاں پھلیاں اکثر تخلیقاں تاریخ دی دھوڑ وچ گم  
 تھی، مگین آتے حال دے لکھاریں دے خوش خواہیں دیاں مستقبل وچ پڑاوتیاں  
 تعبیراں شکر کن۔

## سرائیکی قومی تحریک اُتے سرائیکی ادب دا فیدا

سرائیکی دے کجھ اہل قلم دا خیال ہے جو سرائیکی قومی تحریک سرائیکی ادب کوں نقصان ڈتے تے کیوں جو ہوں سارے لکھاری ایں تحریک دا حصہ بنن گھمیں۔ حالانکہ او اہل قلم ایں تحریک دے ایں پہلو کوں نظر انداز کر ڈیندن جو تقریباً ہک ہزار سال کنوں سرائیکی شاعر سرائیکی زبان کوں مالا مال کریندے کھڑن اُتے اہج او شاعر سرائیکی قومی تحریک کوں وی اہوں تے فریندے گھمیں۔

سرائیکی زبان کوں انج زبان منواون واسطے اُتے سرائیکی ادب دی ترقی واسطے انھیں شاعریں دا حصہ منٹا پوسی، اُتے انھیں داسیاسی عمل دج حصہ گھنن لازمی ہے۔

سرائیکی ادیب اُتے شاعر جیرھے ساری زندگی مفلسی دا شکار تھئے رہندن اُتے انھیں دیاں تھلیتھاں پر بس دامتہ وی نہیں ڈیکھ سکدیاں۔ انھیں کوں اہج ایہ مسئلہ سمجھ آپئے جو ساریں مسئلہیں داخل وی انج سرائیکی صوبہ دا قیام ہے۔ ایت واسطے ایں تحریک دا حصہ بنن۔

میڈا ہک سنگتی جیرھا خود سرائیکی زبان دا بہترین شاعر ہے اُتے سرائیکی تحریک دا ہڈ جوش کارکن ہے اکثر اوقات شکایت کریندے جو سرائیکی دے مہاندے شاعر خواجہ فرید کوں ہمیشہ نصیبی تا میں اچ پنجابی دا شاعر لکھیا دیندے اُتے ایں طور نوں نسل کوں ناصر سچائی کنوں محروم کیتا دیندے بلکہ سرائیکی ادیب دے طالب علم کوں پریشان وی کیتا دیندے جو او جی کنگلش دا شکار رہن جو آیا میڈے ماہ پوٹھیک آہن

جو خواجہ فرید سرائیکی شاعر ہے یا میڈے نصاب دیاں کتاباں جیرھیاں اہدن جو خواجہ فرید پنجابی شاعر ہے۔ ات واسطے اوندا خیال ہے جو اسرائیکی قومی تحریک دا حصہ بیٹھے۔ آتے جیرھے شاعر ایں تحریک دا حصہ نہیں بیٹھے اودقت دی سچائی دا ادراک نہیں رکھدے۔

اصل مسئلہ ایہ ہے جو جیرھے ویلھے تائیں سرائیکی وسیب پنجاب دا حصہ رسمی ایہ سارے مسئلے باقی رہسن۔ ورنہ حقیقت ایہ ہے جو پنجابی اہل قلم وی جانندن جو پنجابی آتے سرائیکی ڈی مختلف زبانان دہن تے خواجہ فرید پنجابی داکھیں بلکہ سرائیکی دا شاعر ہے۔ سوال ایہ ہے جو نصاب مرتب کرن والیاں کوں اتلاوڑی کیا مجبوری ہے جو او مسلسل کوڑ مریندے رہ ویندن آتے سرائیکی وسیب دی طرفوں ولادلا احتجاج دے باوجود دی او خواجہ فرید کوں پنجابی شاعر لکھدن۔ ایہ مسئلہ صرف سیاسی لیڈر حل نہیں کر سکدے بلکہ دانشور، سیاست وچ حصہ گھن تے حل کر سکدن۔

حقیقت دراصل ایہ ہے جو سرائیکی صوبہ بنن و نچن نال اپر پنجاب جیرھے اقتصادی مفادات کنوں محروم تھیسے او پنجابی دانشوریں کوں پڑ ریندے آتے ایہ جیڑے وڈے کوڑ لاوٹ تے مجبور کریندے۔ ایہ کوڑ جیرھا پورا نسلیں کوں گمراہ کریندے آتے خود نصاب مرتب کرن والیں آتے حکومتیں دے اعتماد کوں وی برباد کریندے۔

میڈی ساری گفتگو دا حاصل ایہ ہے جو سرائیکی صوبہ دا قیام جتھاں ساڈے اقتصادی آتے ثقافتی مسائل دا حل ہے۔ اتھاں لپٹے نوین نسلیں کوں نصابی کوڑیں کنوں بچن دا حل وی ہے۔ آتے ہنٹی حکومت تے اعتماد بحال کرن دا مسئلہ وی ہے۔ سرائیکی تحریک کوں سرائیکی ادب واسطے نقصان دہ سمجھن والے دانشور اگر اپٹے خول وچوں نکل آون آتے سرائیکی قومی تحریک دا حصہ بنن تاں انھیں دیاں تخلیقات وی زندہ رہسن ورنہ او مروہن۔

## سرائیکی رسم الخط وادفاع

سرائیکی زبان نال دلچسپی ہولے ہولے دودھ دی ویندی ہے جیہدی وجہ کنوں جاہ جاہ ادبی ثقافتی تنظیمیں نال سیاسی جماعتاں یا گروپس وی وجود وچ آندے ویندن آتے لپٹے نال نویاں نویاں تجویزاں دی گھن تے آندے ہین۔ انھیں وچوں کجھ سرائیکی رسم الخط بارے دی ہن۔

رسم الخط دا مسئلہ ہک ٹیکنیکل مسئلہ ہے آتے زبان دیں بنیادی آوازیں آتے رسم الخط (orthography) دی تاریخ تے ارتقاء کوں کجھ بغیر ایندے آتے بحث کرن قدرے مشکل ہے۔ سرائیکی دے موجودہ رسم الخط (جیہدے وچ اوہدیاں مخصوص آوازاں دے حروف چھی وی شامل ہن) دے ارتقاء دی تاریخ کم از کم سو سال کنوں وی زیادہ ہے۔ کیوں جو عام طور تے ایہ خیال کیتا ویندے سرائیکی اہل قلم وچوں سب کنوں پہلے قاضی فخر الدین راضی (دیرہ غازی خان وفات 1933ء) اپنے سرائیکی تحریریں واسطے سرائیکی رقم الخط بٹایا ہا۔ جیرہا آج وی اوہدیں کتابیں ”ملتان قاعدہ“ وچ ملدے۔ تقریباً ایں دور کنوں کجھ عرصے پہلے دیرہ غازی خان وچ مقیم مشنری اینڈ ریو جیو کس (1847ء۔ 1933ء) 1900ء وچ اہنی لغت چھپوائی۔ جیہدے وچ اوں محمد حسن نامی لپٹے مقامی کاتب دی مدد نال سرائیکی دارم الخط بٹایا تے اہنی لغت وچ استعمال کیتا۔ (سیکوں نیہا پتہ جو جیو کس یا محمد حسن دا قاضی راضی نال کوئی تعلق ہا۔ بعد وچ ایہ سلسلہ جاری رہیا۔ مولانا عزیز الرحمن خان بہاول پوری (1871ء۔ 1943ء) 1942ء وچ ہک سرائیکی رسم الخط کمیشن دے ذریعے

حیدر سے وچ انہیں دے علاوہ مولانا نور احمد فریدی، خرم بہاول پوری، پنڈت واحد بخش آتے دلشاد کلا نچوی وغیرہ شامل ہن، نیں ہک رسم الخط تیار کیا حیدر سے بعد مولانا عزیز الرحمن خان اپنا معروف دیوان فرید (مترجم) شائع کرایا۔

1943ء وچ مولانا عبید اللہ سندھی (1872ء-1944ء) دی تحریک تے ریاستی قاعدہ شائع تھیا آتے سرائیکی دی مخصوص آوازیں واسطے حرف بٹائے گئے۔ بعد وچ ایہ سلسلہ خرم بہاول پوری (1951ء-1854ء) وحید اختر انصاری (1953ء) بشیر احمد غلامی بہاول پوری (1955ء)، دلشاد کلا نچوی آتے سرائیکی کانفرنس ملتان (1962ء)، حیدر سے وچ سرائیکی کون موجودہ ناں ملیا) کنوں گزردا ہویا 1975ء دی سرائیکی کانفرنس ملتان دی رسم الخط کمیٹی تائیں پہنچیا۔ حیدر سے ممبران وچ ڈاکٹر مہر عبدالحق، ظفر مرزا، مولانا نور احمد خان فریدی، پروفیسر دلشاد کلا نچوی، عطا محمد حامی آتے راقم الحروف وغیرہ شامل ہن۔ تاہم ایندے بعد وی انفرادی آتے اجتماعی کمیٹیاں دے ذریعے ایہ سلسلہ چلدا رہیا آتے ایس طرح گزشتہ سو سالہ مدت وچ سرائیکی رسم الخط دے تعین واسطے اجتماعی آتے انفرادی کوششیں دے نتیجے وچ ہک اچھے رسم الخط تے اتفاق تھی گئے جیرھا عام طور تے آج کل زیر استعمال ہے آتے کہیں وڈے اختلاف دے بغیر سارے سرائیکی لکھاری اینکوں درتیندے ہئین۔

انہیں کوششیں دے دوران سندھی آتے سرائیکی آوازیں دی مشابہت دی وجہ نال سرائیکی اضافی حرفیں کون وی سندھی اضافی حرفیں وچ ڈھالن دی کوشش کیتی گئی (جیرھا انگریزیں دی کوشش نال سندھی دانشوریں 1853ء وچ بٹایا) کجھ لوکیں دا خیال ہا جو ایس طرح سندھی زبان دے پڑھن آتے لکھن والیں واسطے وی سوکھ تھی ویسی۔ حالانکہ اصل معاملہ ایہ ہے جو سندھی دا ہک انج رسم الخط ہے حیدر سے

وچ ہوں سارے اٹھجھے حرف آتے شکلاں شامل ہن چڑھیاں پاستانی عوام دیں  
 مانوس زبانیں اردو، عربی آتے فارسی کنوں مختلف ہے۔ چویدی مثال ف، ک، ٹ، ڈ،  
 ژ، بھ، پھ، کھ، جھ، ٹھ وچ ڈنھی وچ سہکدی ہے۔ ات واسطے سرائیکی رسم الخط دی  
 ہر کیشی سندھی رسم الخط کوں مستر دکر ڈتا۔ آتے ایندے واسطے سرائیکی ماہرین اردو  
 رسم الخط (ستعلیق) دیاں پہلے کنوں مقرر کردہ علامتیں واسطے کجھ ہئے نقطے یا  
 چھوٹی ”ط“ کوں گھدا آتے انھیں دے ذریعے سرائیکی دیں مخصوص آوازیں  
 دیاں نویاں شکلاں مقرر کیتیاں۔

سرائیکی دیاں کل اضافی آوازاں ست ہن۔ جنھیں وچ ڈنھلوٹ آوازاں دین  
 انھیں کوں Diagraph (ڈوڑی ترمیم) آکھیا ویندے۔ ایندیاں کئی مثالیں دینا  
 دے کئی زبانیں وچ ملدین۔ جیویں انگریزی وچ ae دا کھٹا استعمال۔ انھیں ڈنھلوٹ  
 آوازیں دی سندھی دا گونج علامت یا علامتاں بناؤن دی لوڑ کانتی۔ لہذا سرائیکی  
 وچ پنج مخصوص آوازیں واسطے انج علامتاں ر حرف بنائے گئے آتے انھیں واسطے ستعلیق  
 انداز وچ لکھینے ہوئے اردو دے قریبی ہم شکل حرفیں تے کج یا ڈنھنٹیں آتے چھوٹی  
 طوئے دا اضافہ کر ڈتا گئے۔ چویدے نال چار دورں کس (Implosive) آوازاں  
 ’پ، بھ، ڈ، گپ، ہے تاں ’ن‘ آتے چھوٹی ’ط‘ لاتے ’ٹ‘ بٹا ڈتا گئے۔ چڈاں جو  
 باقی ڈنھلوٹ آوازاں یعنی ڈوڑی ترمیم (Diagraph) دا تعلق ہے تاں نون غنہ  
 (ں) نال ’ح‘ زلا کرائیں ’ج‘ بٹا یا گئے۔ جتھوں وچ پھلے۔ آتے دل نون غنہ  
 (ن) نال ’گپ‘ زلا تے ’گپ‘ بٹا یا وچ سہکدے۔ جتھوں لفظ سگپ (سینگ) دی  
 ادا لگی کیتی وچ سہکدی ہے۔ آتے ایں طرح سو سالہ جدو جہد دے بعد سرائیکی دے  
 اضافی حرف طے تھی گئیں۔

سرائیکی دے علاوہ عربی زبان دیاں کجھ اٹھجھیاں آوازیں دین جنھیں کوں



سرائیکی کافی تربیت دے بغیر آدائیں کر سگدے۔ جنھیں وچاٹ، ذ، ص، ض، ط، ظ، آتے، وغیرہ بن مگر اسلامی الفاظ دے تلفظ واسطے انھیں حرفیں کوں وی سرائیکی رسم الخط وچ شامل کر گھداہئے۔ ایں طرح فارسی دی ”ز“ کوں وی من گھداہئے۔ حالانکہ سرائیکی آوازیں وچ انھیں دی گنجائش کانتی۔ ات واسطے سرائیکی دے رسم الخط وچ حرفیں دی بہتات دی وجہ کوں مزید ڈے غیر ضروری آوازیں/حرفیں جنھیں دا آتے ذکر آچکے ضرورت نہہئی۔ کیوں جو مخلوط آوازیں ہوں دی وجہ کوں انھیں دے مخلوط حرف/شکل پہلے کوں موجودہئی۔ جیویں جو آتے نمونے ڈتے، لکھین۔

۱۷ صدی بھردی محنت کوں متنازعہ بناؤن دی کوئی خاص وجہ نظر نہیں آندی۔ کیوں جو سارے سرائیکی لکھاری ایں رسم الخط نال اپڑیاں ساریاں ضرورتاں پوریاں کریدے لکھین۔

میڈے خیال وچ محترم تحسین یزدانی جبرھے سوال چاتن انھیں دچوں بیوں سارے غیر علمی آتے عدم واقفیت دی بنا تے بن۔ چڈاں جو فرید ساجد دا ایہ اعتراض جوگ دے تے ڈے نقطے ڈیوں دی بجائے اوندے آتے ہک نقطہ لایا ونجے۔ ایہ تا صرف ہک چھوٹی جہیں کالھ واسطے سارے معاملے کوں Re-open کرن ہے بلکہ گ دے آتے ڈے ڈے ٹڈیں نال نقطہ لاؤن انہام تفہیم آتے قرأت واسطے لکھن دا باعث بنی۔ آتے حقیقی کالھ ایہ ہے جو دلشاد کلا نچوی دی وجہ کوں ایں معاملے تے غور دی کجیا گیا مگر متفقہ طور تے ایں کوں رد کر ڈے تا پکیرا اگر آتے نقطے دا معاملہ ہے تاں دل ہم آہنگی واسطے اردو وچ ب آتے پ دے آتے نقطے لائے وئجن۔ تاکہ اڈت“ دے نال ہم آہنگ تھی ونجے۔ ایہدے علاوہ ب دے تے ڈے نقطے لاؤن تے وی اعتراض کجیا گئے۔ جو ایہدے نال بعض لفظیں خصوصاً ”تے ڈے نقطے لاؤن نال ابہام پیدا تھی سگدے جیہدے نال جنسی عمل دا گمان تھی سگدے۔ ایہ کالھ ایں طور تے قابل قبول

کانتی۔ جو کہیں لفظ دامفہوم اوندے سیاق و سباق کنوں ہٹ تے نہیں گھدا وچ سگدا۔ ہرزبان وچ اچھے کئی لفظ ہن جیندے کئی کئی معانی ہن آتے کوئی وی قاری اصل مفہوم کنوں ہٹ تے اوندے معانی نہیں گھندا۔ اُردو وچ ”سونا“ دے ڈے معنی ہن لیکن کہیں کون قرأت دے دوران اوندے اصل معنی سمجھن وچ مشکل پیش نہیں آئی بلکہ قاری ہمیشہ اوندے سیاق و سباق دے پس منظر وچ وچ افہام تفہیم نال کم گھندے۔ سرائیکی وچ وی ہک لفظ دے کئی کئی معنی ہن مگر کڈا ہن وی کوئی قاری اصل مفہوم کنوں نہیں گھدا۔

ویسے دنیا واد شاید کوئی اچھا رسم الخط ہودے جیندے وچ اچھے چھوٹے چھوٹے مسئلے موجود نہ ہون۔ ایس سلسلے وچ انگریزی، اُردو، سندھی، دیوناگری آتے مگر کھی رسم الخطیں دے بارے اعتراض اٹھائے دیندے ریہن۔ مگر آج تائیں ایہ مشہور زبان اپنٹے رسم الخطیں دی وجہ کنوں ابلاغ کنوں محروم نہیں ریہاں۔

سرائیکی رسم الخط وچ اچھی کوئی وڈی خامی کانتی۔ جیندے وچ لکھاریں کون کوئی وڈی مشکل پیش آندی پئی ہودے۔ ہنن تاں وسیب ڈاٹ کام آتے ان سچ سرائیکی رسم الخط دیں اضافی حرف وی شامل کر گھندن آتے نسخ تے نستعلیق وچ سرائیکی زبان اپنٹیں اضافی حروف نال کپوز تصدی پئی ہے۔ ایس سلسلے وچ مزید مطالعے واسطے مپڈی کتاب ”سرائیکی رسم الخط کی مختصر کہانی“ آتے شوکت مغل دی ”سرائیکی دیاں خاص آوازاں دی کہانی“ دا مطالعہ کیجا وچ سگدا۔

## منشی محمد حسن داوطن

ہندوستان آتے انگریزیوں کی حکومت دے دوران جنھیں مشنریں یا افسران  
سرائیکی زبان واسطے مختلف حوالیس نال کم کیجے۔ انھیں وچوں ہک اینڈریو جیوکس  
(1847ء۔ 1933ء) وی ہا۔ اینڈریو جیوکس کینیڈا وچ جایا۔ لندن وچ پڑھیا آتے  
ہندوستان وچ عیسائیت دی تبلیغ واسطے آیا۔ اس سلسلے وچ اوہک لمبا عرصہ ڈیرہ غازی  
خان (ہرائے) وچ مقیم رہیا۔ اوں اتھاں انجیل دے ترجمے وی کیجے آتے سرائیکی  
زبان دی ہک قابل اعتبار لغت وی تیار کیتی جیڑی آج وی معتبر ہے آتے حیدرآباد ہے۔

Dictionary of the Jatki or Western Punjabi Language

ایہ پہلی دفعہ فتح رسم الخط وچ لکھی گئی۔ جڈاں جو اس کونوں پہلے کم کرن  
والے انگریزیوں مثلاً ولیم کیرے (William Carey) سرائیکی زبان وچ کیجے  
ہوئے انجیل دے ترجمے واسطے لنڈا رسم الخط استعمال کیا آتے زبان کونوں وی ”وچ“  
(Wuch) داناں ڈتا۔ سرائیکی زبان کونوں کھنوں آتے لکھنوں دی تربیت اینڈریو جیوکس  
کون منشی محمد حسن ڈتی۔ اگرچہ اس سلسلے وچ خود جیوکس وی منشی محمد حسن دی مدد کیتی تے  
اونکوں کتابت تے اشاعت دے مرحلے کون سکھنوں واسطے ہک لمبے عرصے واسطے  
لاہور بھجیا۔

منشی محمد حسن دی تاریخ پیدائش، وفات آتے اوندے اصل وطن (شہر)  
بارے معلومات اسا کون کتھاؤں میں ملدیاں۔ سوائے ایندے جو جیوکس اوٹی علی  
ضرورت واسطے ہرچ مشنری سوسائٹی کون امداد لیوں جیڑے خط لکھیں انھیں وچ منشی  
محمد حسن دا ذکر کیجے۔

جیوکس 25 مارچ 1895ء کو اپنے ہک خط وچ حیر حال لندن وچوں لکھیا  
ہئے۔ آہدے جو ادیشی محمد حسن کوں اپنے کم دی امداد واسطے لندن منگواون چہندے۔  
ات واسطے سوسائٹی امداد آخر چہ بھوہیے۔ لیکن جیوکس دی ایہ درخواست مسترد کر ڈتی وگئی  
۔ ایں خط نال منشی محمد حسن دافونووی چسپاں ہا۔

ایندے علاوہ 1897ء وچ ہک پے خط وچ جیوکس لکھدے اوں منشی محمد  
حسن کوں 1884ء وچ ملازم رکھیا ہا۔ ادتیرھاں سال کنوں خدمات سرانجام ڈیندا  
ہئے۔ ایں خط وچ اکوی (21) روپے ماہانہ امداد (شاید منشی دی تنخواہ واسطے) دی  
استدعا ہے۔ جیڑھی منظور کر گھدی وگئی۔

منشی محمد حسن انتہائی خوش نویس ہا۔ اوندے ہتھ دیاں لکھیاں ہونیاں  
چھوی (26) جلدوں وی لائبریری آف پارلیمنٹ لندن وچ موجود ہن جیڑھیاں  
چھپ نہیں سکیاں۔

ایڈیٹریو جیوکس دیں ساریں علمی آتے مشنری خدمات دے پچھوں منشی محمد  
حسن دا ہتھ ہا۔ منشی محمد حسن دا جیوکس دی تربیت تے علمی کم اتلا اہم ہا جو نا صرف  
سرائیکی ڈکشنری (اشاعت اول 1900ء) ہک صدی گزرک دے باوجود آج  
تائیں قابل قدر ہے بلکہ سرائیکی کوں لٹریچر دی بجائے آج شیخ یا نستعلیق وچ لکھیا ویندا  
تاں ایندی ابتدا وی منشی محمد حسن تے جیوکس کیتی۔ منشی محمد حسن ایڈیٹریو جیوکس واسطے  
سرائیکی دے اضافی حروف دیاں شکلاں وی بنائیاں۔ جیڑھیاں پہلی دفعہ ہن آتے  
انھیں وچوں کئی آج تائیں قائم ہن۔ جیوکس دی لغت وچ جیڑھے اضافی سرائیکی  
حروف استعمال کیے وگھن۔ انھیں دیاں شکلاں ایہ ہن۔

پ ، ہ ، ڈ ، گ ، ٹ ، ن ، گ

جیوکس دے خطیں وچوں ایہ پتہ چلدے۔ جو منشی محمد حسن دا تعلق ڈیرہ غازی

خان نال ہا لیکن ایہ پتہ نہیں چلدا جو منشی صاحب خاص ڈیرہ غازی خان شہر دے ہن یا ضلع ڈیرہ غازی خان دے کہیں ہے شہر دے۔ تاہم اسماں جزوی طور تے بائبل دے ترجمے یا ڈکشنری وچ ڈتے ہوئے حروف ابجد تے انھیں دے تلفظ کنوں اندازہ لا سکدوں جو منشی صاحب دا تعلق کیرھے علاقے نال تھی سکدے۔

ڈکشنری وچ ڈتے ہوئے ہک حرف (چ) دا تلفظ جمیم ڈتا گئے۔ جیرھا عام طور تے ضلع ڈیرہ غازی خان دے اُچھے علاقے شاہ صدر دین کنوں پروتے شادان لٹڈ آتے توں نہ دے پاسے آلا یا ویندے۔

انجیل دے ترجمے وچ ہک جاہ تے ترجمہ وی جمیم دے حوالے نال کیٹا گئے۔ ”..... پس باغ واما لک چہ کر لسی؟۔ او آوی آتے باغوانیں کوں ہلاک کر لسی آتے انگوریں و باغ انھیں کوں ڈ لسی.....“

ایں ترجمے وچ ”چہ کر لسی“ دا تلفظ وی شاہ صدر دین کنوں اُچھے والے پاسے دا ہے۔ جتھاں ”چے“ کوں جمیم آکھیا ویندے۔ تے کیا کر لسی کوں چہ کر لسی؟ کنوں وی ایہو ظاہر ہے۔

چونکہ جو کس کوں سرائیکی منشی محمد حسن پڑھائی آتے ترجمہ وی اوں کرایا آتے کتابت وی منشی صاحب کیتی۔ جتھوں ظاہر تھیندے جو منشی محمد حسن دا تعلق شہر ڈیرہ غازی خان شہر نال نہ ہا۔ بلکہ شاہ صدر دین کنوں پرو کہیں اُچھے پاسے نال ہا۔ آتے ایہ شاید تحصیل توں نہ داکوئی علاقہ تھی سکدے۔ کیوں جو ڈیرہ غازی خان شہر آتے تیزے تیزے وچ جمیم نہیں آلا یا ویندا۔

## حوالے

1: Dictionary of the Jatki or Western Panjabi Language

2: سرائیکی مطالعے دے سوسال ازسی۔ شیکل۔ سرائیکی ترجمہ و لٹڈا دکا پنجوی

## سرائیکی گلاسری وچ نویکلکم: پوتھی

لغت دی ہک شکل گلاسری وی ہوندی ہے۔ جیڑھی عام طور تے لغت نویسی کنوں پہلے تیار کیتی ویندی ہے۔ گلاسری (Glossary) دے معنی تشریح الفاظ، فرہنگ اتے لغت ہن لیکن اصل وچ ایندما مطلب ”لغت تراشنا“ ہے۔ گلاسری وچ عام طور تے ہک زبان دے موضوع دار لفظ کٹھے کیتے ویندن اتے او قول باقاعدہ مرہبہ معنی وچ لغت دی بنیادین۔

اس سلسلے وچ سرائیکی دے حوالے نال مولوی خدا بخش جراح تونسوی دی کتاب نصاب ضروری (1797ء) سب کنوں پہلے اسٹاڈے سامنے آندی ہے۔ جیندے وچ موضوع دار فارسی لفظیں دا سرائیکی وچ منظوم ترجمہ کیتا گئے۔ ایندے بعد انگریزی عہد وچ اینڈر یو الکارن مزدو 1856ء وچ آتے آر۔ فریئر 1876ء وچ سرائیکی دے مختلف حوالیں نال لفظ کٹھے کیتے لیکن بعد وچ ای۔ او، برائن باقاعدہ طور تے 1881ء وچ گلاسری آف ملٹانی لینگویج چھاپی۔ جیندے وچ زیادہ تر لفظ زراعت دے متعلق ہن البتہ ایندے وچ گیت، کہانیاں، اکھاٹاں وغیرہ وی شامل ہن۔ تقریباً اس گلاسری دی مد نال اینڈریو جیکس (1847ء - 1933ء) 1900ء وچ ”ڈکشنری آف ہٹلی آرویسٹرن پنجابی لینگویج“ چھپوائی۔ ذلایہ سلسلہ پیا اتے سرائیکی لغت نویسیں وچوں خای بہاول پوری، دلشاد کلا نجوی، سعد اللہ خان کھیران، پروفیسر شوکت مغل اس کم کوں اہوں تے نوریا۔ جڈاں جو جزوی طور تے کچھ لکھاری وی ایہ کم کریندے رہے۔ تاہم لغت نویسی دا کم کڈاں کھل نہیں چھیدا۔

کیوں جو زبان ہر ویلے تبدیلی دے عمل وچوں لکھدی رہندی ہے۔ آتے رت نویں لفظ اوندے وچ شامل تھیدیے رہندن۔ پڑائی لغت تاں صرف لفظیں دا گستان ہوندی ہے۔ جے تاں کیں اوندے وچ نویں لفظ داخل نہ کیئے وچن۔ ات واسطے نویں لغت دی ترتیب یا پڑائی لغت کوں نواں کرن واسطے ہک نویں گلاسری دی ہر ویلے ضرورت رہندی ہے۔ میڈے خیال نزدیک ”پوتھی“ دی ہک انجھی گلاسری ہے۔ چیرگی اکوں تے آون والیں سرائیکی لغتیں واسطے ہک لازمی ضرورت ہوئی۔ ہندی وچ ”پوتھی“ عام طور تے علم نجوم دی کتاب یا ہندوؤ کیں دی مقدس کتاب واسطے استعمال تھیدیے ائے۔ لیکن اسہاڑے علاقے وچ مروجہ طور تے ”پوتھی“ یادداشت دی انجھی کتاب ہوندی ہے جیدے وچ لکھن والا اپیاں مختلف یادداشتاں یا کم کوں محفوظ کریندے۔ اگرچہ ایہ عام طور تے لغت دے معانی وچ استعمال نہیں تھیدی۔ لیکن غلام خزان کنڈانی مرحوم اسٹی ”پوتھی“ وچ سرائیکی لفظ ایں طور تے کٹھے کین جو ایہ ہک ”گلاسری“ بنی گئی ہے۔

ایں ”پوتھی“ وچ تقریباً پورے سرائیکی وسیب دے ہر حوالے نال آتے ہر موضوع تے ممکن آتے معلوم حد تاں لفظیں کوں کٹھا کیتا گئے۔ آتے انھیں لفظیں دے معانی تے بعض جہیں تے تفصیل وی پڑتی گئی ہے۔ مثال دے طور تے اگر کہیں جنس (غلہ) دا ذکر آئے تاں ایہ ڈسایا گئے جو او کیرھے علاقے وچ تھیدی ہے۔ اوندا ذائقہ کیا ہوندے، آتے ایں کوں کیا کیا شے بندی ہے۔

ایویں ہک لفظ دے مختلف علاقیاں وچ جیرھے تلفظ استعمال تھیدیں انھیں دی وی وضاحت کیتی گئی ہے۔ جیویں جو جو باریا جا رو غیرہ۔ اگر کہیں لفظ نال دنیا دے کہیں علاقے دی کوئی دیو مالائی کہانی وابستہ ہے تاں اوندا وی ذکر کیتا گئے جیویں جو کی دغیرہ۔

سرائیکی کھیڑیں دے لفظیں دے حوالے نال خصوصی طور تے سرائیکی وسیب

دے وڑے کھلاڑیں دے نانویں، ڈاک تاریخی ریکارڈ وی مرتب کیا ہے۔ جیویں جو کھیڈ  
 ”وودہ“ دے سلسلے وچ۔ ایندے علاوہ لپٹے دور دے سرائیکی وسیب دے معروف گھر ویس  
 دے نال وی محفوظ کیجے، مگین ای ای او برائن دی گلاسری وی نسبت نو بھلا کم ہے۔

سرائیکی زبان دے اولفظ جبرھے کہیں خاص موضوع نال ہک دور وچ رائج  
 ہن آتے ہن ختم تھیندے دیندن۔ انھیں کوں وی محفوظ کیجائے۔ جیویں جو کھوہ آتے  
 اوندے نال متعلق لفظ اڈ، جھلا رو غیرہ۔

ایندے علاوہ سرائیکی وسیب وچ مشہور تقریباً سارے رومان مثلاً راول سہی،  
 مرزا صاحبان وغیرہ دی وی تفصیل ڈالی گئی ہے آتے جاہ جاہ تے اہٹی کالجھ دی  
 وضاحت واسطے سرائیکی شعریں دے ایں طرح حوالے موجود ہن۔ جو محسوس  
 تھیندے غلام خرخان کنڈانی کلاسیکی آتے جدید شاعری دے حافظ ہن۔ ایندے علاوہ  
 ضرورت پوون تے سرائیکی اکھاٹیں آتے لوک گیتیں دے ریفرنس وی موجود ہن۔  
 اہم کالجھ ایہ ہے جو سرائیکی زبان دی گرائمر دا حصہ وی ڈتا ہے۔

مسودے کوں پڑھ تے میں اینویں محسوس کیجے جو ایہ صبر آزمائے ہک حوصلے  
 آتے توجہ نال لمبے عرصے تائیں جاری رکھیا گئے۔ ایندے نال جتھاں کنڈانی صاحب  
 دی اہٹی ماہولی سرائیکی نال محبت ظاہر تھیندی ہے اتھاں او اہٹی زبان تے مکمل طور  
 تے ہک قادر شخص دے علاوہ ماہر زبان دے طور تے وی اسٹاڈے سامنے آندن۔

لغت نویسی یا ترجمہ کرن ہک فن ہے۔ بعض اوقات کہیں لفظ دا ہو بہو مترادف یا  
 معنی مشکل نال سمجھدے۔ بلکہ بعض ماہرین لسانیات دا خیال ہے جو کہیں لفظ دا حقیقی مترادف  
 ہوندی کائنی۔ لیکن کئی جاہیں تے کنڈانی صاحب ایں مشکل تے قابو پاوون ویلے ہنرمندی  
 آتے مہارت نال کم سمجھدے۔ ”چوتھی“ وچ تھا کوں آنجھیاں مثالاں جاہ جاہ تے ملیں۔

اگر کنڈانی صاحب زندہ ہون ہا تاں ممکن ہے او ایں کتاب کوں مزید مکمل



کرن ہاتے اہٹی پسندواناں وی ڈیون ہا۔ لیکن انھیں وی اچانک وفات دی وجہ کنوں  
ایہ کم جیرمی صورت وچ اسڈے سامنے آئے اووی ہک بھر پور کم ہے اتے اہوں تے  
سرائیکی لغت نویسی وچ بنیادی کردار وی ادا کر لسی۔

ایں لغت رگلا سری دیاں بے شمار اڳیاں خصوصیات ہن جنھیں وچوں کجھ میں  
آتے بیان کرا آیاں لیکن ایندی سب کنوں وڈی تے بنیادی خوبی ایہ ہے جو ایہ سرائیکی  
زبان وچ پہلی گلاسری ہے جیدے وچ سرائیکی لفظیں کون سرائیکی معانی آتے  
تشریحات نال درج کیتا گئے آتے ایہ سرائیکی رسم الخط وچ مرتب کیتی گئی ہے۔ ایں  
طرح اہٹی صنف وچ ایہ اہٹی نوعیت دا پہلا کم ہے۔ ایں طرح ایندے وچ کہیں وی  
لغت دے برخلاف قاری آتے متحقق کون اپنٹے موضوع تے کم دیلے آسانی نال سارے  
لفظ کھٹل دیں۔ جیرمی ہی خاص گالھ میکوں اچھاں آکھٹی ہے او ایہ ہے جو ایں  
گلاسری وچ خصوصی طور تے کجھی دے لفظ پوری طرح شامل کر ڈتے گھین۔ جیرما  
اہ کنوں پہلے ات واسطے ممکن نہیں تھیا کیوں جو سرائیکی دے سارے لغت نویسیں  
وچوں کہیں داوی تعلق کجھی دے علاوے نال نہ ہا۔

”پوٹھی“ وچ اگر متعلقہ موضوعات ہک ہے نال مربوط ہوں ہا جیرمی  
میکوں ضرورت محسوس تھیدی رہی ہے۔ آتے ہر موضوع تے لفظیں دی ترتیب ابجد  
دی رونال ہودے ہاتاں قاری کون کہیں لفظ دی گول وچ زیادہ سوکھ تھیوے ہا۔

بہر حال سرائیکی دے ایں اہم کم دی ترتیب آتے اشاعت غلام مخر خان  
کنڈانی دی وفات دے بعد انھیں دے خاندان سرائیکی زبان دے عینگر لکھاری، محقق  
شاعر آتے صحافی سید مالک اُشتر دے ذمے لائی۔ جینکوں انھیں پوری محنت، توجہ آتے  
وچھی نال کیجے۔ آتے ایں طرح ایہ سرمایہ آساں تائیں چکے۔ آتے سرائیکی لغت نویسی  
وچ ہک نادر اضافے دا سبب بیٹے۔



ہے۔ اگرچہ انھیں وچ ذاتی محبت دا ڈکھ دی شامل ہے۔ لیکن اوہدے ہوں بچوں کھائیں ادا اجتماعی الیہ دی لکھا کھڑا رہندے۔ جیہد الیہ ویسب شکار ریہے۔

سرائیکی افسانیں دی تعداد تال سینکڑاں تائیں ہے۔ جنھیں وچ خواتین افسانہ نگاروی کافی ہن۔ انھیں ساریں افسانہ نگاریں وچوں کجھ ناول نگاروی ہن۔ سرائیکی وچ ڈرامہ وی کافی سارا لکھیا گئے۔ ابتدا وچ ایہ ناگھیں دے حوالے نال ہا۔ دل تھیر آیا تے ریڈیو سٹیشن تے ٹی وی سٹیشن وغیرہ۔ ریڈیو دے آون نال کافی سارے ڈرامے لکھینے گئے تے نشر وی تھیندے رہیے۔ اہم ڈرامہ نگاروی کافی ہن۔ لیکن جیہدے ڈرامے نشر تھئے انھیں وچوں کئی انھیں دے علاوہ حفیظ خان، خالد اقبال آتے مسرت کلا نجوی وغیرہ کافی جانے سچاٹے ہن۔

سرائیکی ناول، افسانے آتے ڈرامے دے لکھاریں دا تعلق چونکہ سرائیکی ویسب نال ہے۔ ات واسطے ادا انھوں دے تا صرف زمینی حقائق کون واقف ہن بلکہ انھیں دا پتہ تے خاندانی حوالے نال دی انھوں دے مسائل نال واسطہ وی رہیے۔ ات واسطے انھیں دیں زیادہ تر تحریریں دے موضوعات آتے کرداروی سرائیکی ویسب دے ہن۔ چونکہ ایہ سارے لکھاری پڑھیے لکھینے ہن۔ ات واسطے انھیں دارویدہ دی عام طور تے سماجی مسائل کون بیان کرن کچھ حقیقت پسندانہ رہیے۔ جیرھا انھیں دیں تحریریں وچ ادنویں داونویں نشانہ تھئے۔ سرائیکی دے کلچر دے اندر رہندے ہوئے لکھاریں کون بذات خود انھیں رسمیں ریتیں نال واسطہ پنے جیرھیاں تا صرف موجودہ حالات وچ انسانی زندگی دے ارتقاء وچ رکاوٹاں ہن بلکہ ادا انھیں رسماں یا رواج ہن۔ جیرھے مشکلات دا سبب دی ہن۔ مثال دے طور تے جاگیردارانہ لٹ پیٹ، ڈکھ سٹ، چھوٹے لا دی شادی وغیرہ۔ دنیا بھر دے بہتر ملکیں وچ شاید اینویں ہوی لیکن سرائیکی ویسب وچ حالی تائیں قائم پڑائیں رسمیں دی وچ کون عورت اتھان

کہ غلامی کی زندگی گزر رہی پئی ہے آتے آہ وی بعض علاقوں وچ اوہدی خرید و فروخت تھیدی ہے۔ سرائیکی افسانے وچ مسرت کلا نچی آتے بتول رحمانی گونا گوں پیچیدہ مسائل دے حوالے نال خواتین دیاں کہانیاں بیان کھتیں۔ جیڑھیاں ڈکھی وی ہن تے حقیقت پسندانہ وی۔

براہ راست سرائیکی وسیب دے مسائل نال بچھے ہوئے لکھاریں دیاں تحریراں نام صرف حقیقت پسندانہ ہن بلکہ اسلوب وی سادہ ہے۔ آتے حیاتی دے واقعات دا مشاہدہ وی دیانتدارانہ ہے۔ انھیں کڈا ہن تخیلاتی یا فرضی کہانیاں نہیں بنائیاں۔ عورتیں دے مسائل دے علاوہ بچوں سارے انھیں لکھاریں انھوں دے معاشرتی آتے معاشی جبر آتے لٹ مار دے حوالے نال زندگی دے مختلف پہلوؤں کیں دا وی حقیقت پسندانہ تجزیے کرتے لکھیے۔ جیویں باسط بھٹی دے افسانے ”وکاڈ چھانورا“ وچ ایندیاں کئی مثالیں موجود ہن آتے قاصر فریدی دے ناول وچ سرائیکی ثقافت نشا ہے۔

مجموعی طور تے سارے سرائیکی افسانوی ادب دے اسلوب وچ سادگی، مسائل دا براہ راست مشاہدہ آتے انہیں تحریریں وچ اوندی حقیقت پسندانہ اظہار ملدے۔ ات واسطے میں سرائیکی افسانوی ادب دا مجموعی مزاج حقیقت پسندانہ سمجھداں۔ دلچسپ گالھ ایہ ہے جو سرائیکی لکھاریں وی ایہ حقیقت پسندی انویویں صدی عیسوی وچ یورپ وچ چلن والی حقیقت پسندانہ تحریک نال کڈا ہن متعلق نہیں رہی۔ توڑے جو یورپ دی اول تحریک وانگوں انھوں دیں لکھاریں دا اسلوب وچ سادہ آتے موضوعات عام روزمرہ زندگی کنوں گھدے ہوئے ہوندے ہن مگر سرائیکی لکھاریں دیاں او خودورتیاں ہا یا ایہ اسلوب فطری ہا، کہیں کنوں مستعار نہ ہا۔

جیڑھی ہئی دلچسپ گالھ ہے او ایہ ہے جو سرائیکی لکھاریں دا پٹے وسیب آتے

کلچر نال مستقل آتے حقیقت پسندانہ انداز وچ بھو یا رہن آتے انہی شناخت تے  
 کون قائم رکھن تے اوندی ول دریافت کرن یا اوندے وچ برائیں دا خاتمہ چاہن  
 تے اوکوں ہک مفید سماج بناون انہیں لکھاریں کون آہ دی پوسٹ کالونیل تحریک نال  
 دی ہک حد تائیں جوڑن دا سبب بڻدے۔

پوسٹ کالونیل ادبی تحریک ابتدائی آتے کمزور انداز وچ سابقہ کالونیل دے  
 لکھاریں وچ نمایاں تھی ہی۔ جنہیں وچوں زیادہ تر دا تعلق یورپ نال ہا۔ انگریزی  
 دے معروف ناول نگار نے پال دا تعلق دی ایس تحریک نال ہے آتے اوکوں 2001ء  
 وچ نوبل پرائز دی ملیئے۔

پوسٹ کالونیل تحریک جتھاں مغربی آبادکاریں دیں انہیں نوآبادیوں دے  
 معاشی، سیاسی آتے علمی تے ثقافتی استحصال دا ذکر کریندی ہے اتھاں اولہٹے ویب  
 تے کلچر دی وی گلہ کریندی ہے آتے دنیا بھر دیں کلچر زکوں برابر اہمیت ڈیندی ہے۔  
 اپنٹے کلچر وچ زندہ رہن آتے اوندے نال بھو یا رہن سرائیکی زبان، تہذیب تے  
 قومیت دی بقاء دا سبب بڻیے آتے آہ سرائیکی لکھاریں دا اپنٹے کلچر وچ رہ تے مسائل  
 بارے حقیقت پسندانہ انداز وچ لکھن انہیں کون آہ دی پوسٹ کالونیل ادبی علمی  
 تحریک نال وی بھیندا ہے۔ جیرمی اپنٹے کلچر وچ زندہ رہن آتے اوندے نال بھو یا  
 رہن دی حمایت کریندی ہے۔

میں پورے سرائیکی ادب کون کہیں ہک سسٹم یا نظریے دے تحت نہیں رکھن  
 چھدا۔ ایہ صرف سرائیکی دے نثری ادب دے مجموعی مزاج دی گلہ ہی۔ ورنہ  
 ایندے وچ جزوی استثناء وی موجود ہے جیویں ہر سسٹم وچ ہوندے۔ کجھ خاص تے  
 اہم لکھاریں اپنٹے تحریریں دا مواد ویب کنوں گھن تے وی اپنٹے مخصوص اسلوب دی وجہ  
 کنوں اپنا منفرد مقام بڻا گھدے۔ انہیں لکھاریں وچوں محمد اسماعیل احمدانی، عامر نعیم

کاشف بلوچ، سلیم شہزاد آتے کہیں حد تا نہیں حفیظ خان وی ہن۔ مثال دے طور تے سرائیکی افسانے وچ عام فہم وی کتاب ”جاگدی اکھ دے خواب“ وچ علامتیں دے حوالے نال کہانی کوں اہکوں تے نور یا گئے۔ اینویں اسماعیل احمد آئی دا ناول ”امر کہانی“ وی ہے آتے ”چھولیاں“ نال وچ وی ایندے اثرات موجود ہن۔ جڈاں جو اسماعیل احمد آئی دے بعض افسانے وی ایندے اثر تلے ہن۔ ایندے علاوہ سلیم شہزاد دا ناول ”گھائی“ وی علامتیں دے سہارے نال اہکوں تے فردے۔ جڈاں جو سفر نامیں کوں شامل کروں تاں اوہدے وچ سفر نامہ نگاریں دا حقیقت پسندانہ رویہ نمایاں ہے۔ تاہم اسماعیل احمد آئی دا سفر نامہ ”پیت دے پنڈھ“ شعور وی رو دے اثرات تلے ہے۔ اُردو وچ محمود نظامی دا ”نظر نامہ“ ایندی ہک مثال ہے۔ جیندے اثر دا اسماعیل احمد آئی خود میڈے اہکوں کہیا۔ آتے ول ایہ اثر جزوی طور تے نذیر لغاری دے سفر نامے وچ وی آ گیا۔ تاہم ایندے ہا وجود حقیقت پسندی کہیں نہ کہیں شکل وچ اچھاں وی موجود ہندی ہے۔

محمد اسماعیل احمد آئی دے ناول ”چھولیاں“ وچ وجودیت دے اثرات وی ملدین۔ آتے کاشف بلوچ دے ناول ”پھوگ“ وچ وی۔ جڈاں جو ”پھوگ“ وچ وجودیت دا ہک خاص پہلو (جیرھا البرٹ کامیونیس عام ہا) زندگی دی لائے بیسیف Absurdism نمایاں ہے۔ جیویں جواہر دے نال کون وی ظاہر ہے۔

تاہم ایہ سب کچھ سرائیکی افسانوی ادب دے مجموعی مزاج کوں متاثر نہیں کریندے۔ او اہک وی ادویں حقیقت پسندانہ ہے۔ ایہ انفرادی یا رستے کونوں ہنیاں ہونیاں ”لہراں“ تقریباً ہر ادب وچ موجود ہندیں۔ آتے سرائیکی ادب وچ اہکوں تے وی شاید موجود ہن۔ لیکن فوری طور تے میکوں ایندے امکان نظر نہیں آندا جو سرائیکی افسانوی ادب دا ایہ حقیقت پسندانہ مزاج قطعی طور تے تبدیل تھی دہئے۔

## چھوٹی زبان اچ وڈے ادب دے امکانات

میڈے بک اہل قلم سکتی داسوال ایہ ہے جو کیا سرائیکی زبان اچ اعلیٰ ادب دی تخلیق ممکن ہے؟ اوندے نزدیک سرائیکی ہک چھوٹی زبان ہے۔ اہٹے علاقے دی وسعت دے حوالے نال بلکہ علمی سرمائے دے حوالے نال او آہدے جو سرائیکی اچ علمی حوالیں دی کوئی وڈی روایت کائنی۔ ات واسطے اس روایت دے بغیر سرائیکی وچ اعلیٰ ادب تخلیق نہیں تھی سہکد۔ ات واسطے اوسرا سرائیکی وچ لکھن کتوں گریز کر بندے۔

اوسوال کوئی نواں سوال کائنی بلکہ اٹا سوال ہے۔ نظر یاتی طور تے ممکن ہے ایہ کالھ درست نظر آندی ہووے۔ اے دکش وی۔ مگر جیویں زندگی اچ عام طور تے تھیدے جو ہک چیز نظر یاتی طور تے درست نظر آندی ہے مگر عملی طور تے اونویں نہیں ہوندی۔ ایں سوال داسلہ وی کجھ اہٹجھا ہے۔

ایں سلسلے وچ سب کتوں پہلی کالھ تاں ایہ ہے جو کیا کہیں عظیم ذہنی صلاحیتیں والے انسان دی پیدائش کہیں خاص علاقے نال مخصوص ہے۔ ہاہر علاقے اچ بھر پور تخلیقی صلاحیتیں رکھن والا انسان پیدا تھی سہکدے۔ جنیکر فطری طور تے بھر پور صلاحیتیں والا انسان کہیں جاہ تے جاسہکدے تاں اہندے اچ کوئی شک کائنی جو او اہٹے خیالات یا مافی الضمیر دا اظہار سب کتوں بہتر آہٹی ماموولی اچ کر سہکدے۔ خواہ او زبان سائنسی یا علمی سرمائے نال مالا مال نہ ہووے۔

دنیا دے ہوں سارے اعلیٰ تخلیق کار لہیاں اعلیٰ تخلیقات اہٹجھیں زبانیں اچ کتیں چیرھیاں اعلیٰ سرمائے نال مالا مال نہ ہن۔ غالب دے دور اچ اردو زبان علمی سرمائے نال مالا مال نہ ہئی لیکن غالب بہر حال اعلیٰ شاعری تخلیق کیتی ہے۔ حافظ شیرازی تے

اوندے معاصرین دے دور اِچ فاری زبان اِچ ہرگز سائنسی علوم نہ آئے ہن، پر حافظ آتے اوندے معاصرین بہترین شاعری تخلیق کیتی۔ اینویں پاکستان دیں قومی زبانیں دے شاعر مثلاً شاہ لطیف، بھٹائی، وارث شاہ، شاہ حسین، بلھے شاہ، خوشحال خٹک، رحمن بابا، جام ڈرک آتے خواجہ فرید ناٹاں گھداوہ سگدے۔ جنیں لازوال شاعری تخلیق کیتی ہے۔

سائنسی علوم آتے تخلیقی ادب بالکل ہی چیز ہے آتے ادبی تخلیقات ہی چیز ہن۔ سائنس دان اگر چہ ک تخلیق کار ہے مگر اوندے اظہار دی سمت ہی ہے آتے شاعری دی ہی۔ سائنس دان واسطے اپنے اظہار لیوں سائنسی اصطلاحات دا ہک ذخیرہ چاہیدا ہے۔ اگر اوندی زبان اِچ کائی تاں اوندے واسطے اظہار دیاں مشکلاں آسگدن۔ لیکن ہک شاعر واسطے اظہار دا سارا ادبی سرمایہ اِنجھی زبان وچ موجود ہوندے جیڑھی عام لوکیں وچ بولی ویندی ہے تے لوکیں دے احساسات آتے جذبات کون ڈوجھیں تائیں منتقل کر سگدی ہے۔ آتے ایہ صلاحیت تقریباً ہر زبان وچ ہوندی ہے۔ ات واسطے ہر زبان اِچ اعلیٰ ادب وی موجود ہے آتے تخلیق تھی سگدے۔ سو سرائیکی زبان اِچ اعلیٰ ادب وی تخلیق ممکن اے۔ بشرطیکہ تخلیق کار کون اپنے اظہار تے قدرت ہووے۔ البتہ ایہی کالھ ہے جو کہیں زبان دی ترقی آتے زمانے دے نال چلن واسطے اوندے اِچ سائنسی تخلیقی آتے تنقیدی کم دی ہر ویلھے ضرورت رہندی ہے آتے ایں حالات حاضرہ دے تقاضے نال ایہ زبان وقت دی رفتار دا ساتھ ڈے سگدی ہے۔ اگر تازہ تازہ علم اوندے اِچ نہ ہوسی تاں اوچھوں رہ ولسی۔ سرائیکی دے بارے آکھیاوہ سگدے جو ایدو بیرونی حملہ آوریں دی زبانیں تلے پس کراہیں وقت دی رفتار دا ساتھ کس ڈے سگی تے پچھڑ گئی ہے لیکن ایہ کس آکھیاوہ سگد اوندے اِچ اعلیٰ ادب تخلیق کس تھی سگدا۔ تاہم ایہ کالھ تسلیم کرنی پوسی جو موجودہ دور دا ساتھ ڈیون واسطے سرائیکی کون سائنسی علوم نال جوڑنا پوسی۔ ورنہ اوند ایہو حال رہ ولسی آتے بالآخر اوندی کیوں جو ایدو چھوٹی زبانیں دے مرگ دادور ہے۔



## غلام حسن حیدر رائی دیاں سرانیکئی ادبی خدمتاں

غلام حسن حیدر رائی (1975ء۔ 1922ء) سرانیکئی دے ہمہ صفت مصنف ہن۔ اگرچہ او اوردو وچ دی لکھدے رہے مگھن تے انھیں دے کئی اوردو ڈرامے ماہنامہ ”بلوچی دنیا“ وچ چھپے وی ہن لیکن انھیں بالآخر اپنے آپ کوں سرانیکئی واسطے وقف کر ڈتا ہاتے انھیں دی زبردست خواہش ہی جو او سرانیکئی دی بھرپور خدمت کر سکے۔ ایں شے دا اظہار او اپنی غیر مشغولی بگڑ وچ ایں کریدن۔

ع: مثالا ”ماہ“ دی پئی دارب میکوں خدمت گار کرے

حیدر رائی اپنے آپ کوں بنیادی طور تے افسانہ نگار سمجھدے ہن تے انھیں ہک موقع تے میکوں آکھیا دی ہا۔ جو افسانہ میں جتلا خود اعتمادی نال لکھداں ہی کوئی شے نہیں لکھدا۔ لیکن حیرانگی دی چالھ ہے جو ایندے باوجود انھیں ساری عمر وچ صرف ڈاہ افسانے لکھین۔ اگرچہ ایہ افسانے کتابی شکل صورت وچ نہیں چھپ سکے لیکن وقتاً فوقتاً مختلف سرانیکئی رسالیں وچ چھپدے رہے مگھن۔ (لیکن ہن ایہ افسانے کتابی صورت وچ چھپ سکے)

حیدر رائی دے افسانے دا مطالعہ کریدیں ہوئیں سب کنوں پہلی چیز جرمی سائے آندی ہے او ایہ ہے جو حیدر رائی دے ہر افسانے دا ہر کردار کہیں نہ کہیں پہلو نال سرانیکئی دیس دی تہذیب تے ثقافت دا نمائندہ ہے۔ انھیں دے تقریباً اکثر کردار دیہات دے نال تعلق رکھدن تے اتھوں دی زندگی دی نمائندگی کریدن آتے انھیں دیاں ساریاں خوشیاں تے ڈکھ دیہاتی زندگی نال وابستہ ہن۔ ایندے علاوہ

حیدرائی دے افسانے داہر کردار مشرقی اخلاق دی بھرپور نمائندگی کریندے ادا عام طور تے غیر متند تے صحت مآب ہوندے۔ انھیں دے افسانے ”خدا“ دا مرکزی کردار اپنے اخلاق دی بلندی دی وجہ کنوں مشرقی تہذیب دا غیر فانی مظہر ہے۔

حیدرائی دے تقریباً سارے افسانے رومانوی ہن لیکن ایندے باوجود انھیں دے کردار اپنے رومان دے دوران جبر طے سرائیکی تہذیب دی طرفوں لائیں ہوئیں پابندی وچوں گزردن تاں ایں علاقے دی سماجی بندھنیں دا ہوں خوبصورت اظہار ہن ویندن۔ حیدری وجہ نال اساڈے سماج دیاں خرابیاں تے خوبیاں پوری وضاحت نال قاری دے سامنے آویندن۔

حیدرائی کون اپنے افسانے وچوں ”خدا“ تے ”ترتے پر“ ہوں پسند ہن۔ انھیں دا افسانہ ”ترتے پر“ دی اساڈی زندگی دی بھرپور نمائندگی کریندے۔ ایں افسانے وچ مرکزی کردار اپنے خاندان دی آبرو واسطے محبت دی قربانی جبرمی ہمت تے جرات نال ڈیندے۔ ادا تازہ دست ہے جو قاری سوچن تے مجبور تھی ویندے کہ کیا انسان کون اپنے آپ تے ایسا قدرت حاصل دی ہے؟

حیدرائی کون چونکہ اپنا اے افسانہ ڈاڈھا پسند ہا۔ ات واسطے انھیں اپنے افسانے دے ایں اکلوتے مجموعے دا ناں وی ”ترتے پر“ تجویز کیتا ہا۔ (لیکن ہن ایہ مجموعہ غلام حسن حیدرائی دے افسانے مرتبہ گل محمد دے ناں نال چھپے)۔

حیدرائی اپنی زندگی وچ ڈو ناول وی لکھے ہن لیکن بد قسمتی نال انھیں وچوں کوئی وی نئس چھپ سکیا۔ انھیں دے ناول ”گلو“ دیاں کجھ قسطاں ماہنامہ ”سرائیکی ادب“ وچ چھپدیاں رہ گئیں لیکن بعد وچ ایہ سلسلہ بند کر ڈتا گیا ہا۔ نہ جانے کیوں؟

انھیں دا ایسا ناول ”اصل اصل کہ ختم تاثیر“ تاں مسودے دی صورت وچ

انھیں دے گمروچ ای بیارہ گئے۔

حیدرائی دے ناول وی انھیں دے افسانے وانگوں سرائیکی دیس وی دیہاتی زندگی وی عکاسی کریندن تے مشرقی تہذیب دا ہک عمدہ نمونہ پیش کریندن۔ ایندے علاوہ انھیں دے کردار ہوں حدتیں ”بلوچ“ تہذیب دے نمائندہ وی ہن۔ افسانے وانگوں ڈوہیں ناول وی بنیادی طور تے رومانی ہن لیکن ایندے نال نال سماجی زندگی وی سوئٹی نمائندگی وی ملدی ہے۔ بہر حال ایہ گلہ طے ہے جو انھیں دے کردار خلاء وچ رہن والے نہیں۔ بلکہ ایں دھرتی نال تعلق رکھدن۔

حیدرائی دا ناول ”اصل اصل“ کہ ”حجم تاثیر“ جیر حامیڈے خیال وچ ”گلو“ کنوں پہلے دا لکھیا ہویا ہے۔ ہک دلچسپ پڑائے تے عجیب موضوع دا حامل ہے۔ ایں ناول وچ حیدرائی ایہ سوال اٹھائے جو کیا انسان دی سرشت وراثت تے چلدی ہے یا تربیت تے ماحول دے اثر نال اپنے اجداد وی سرشت کنوں مختلف وی تھی سگدی ہے۔ حیدرائی ایں نظریے دی حمایت کیتی ہے جو انسان بالآخر اپنے اجداد دے طرفوں ڈتی ہوئی سرشت کنوں نہیں ہٹ سگدا۔ حیدرائی دے خیال مطابق ہر چیز اپنے اصل کوں لوہدی ہے۔ میڈے خیال وچ سماجی اثرات کوں بالکل بے اثر قرار ڈیوں حقیقت پسندانہ سوچ کنوں انحراف ہے۔

جے تیں حیدرائی دے فن دا تعلق ہے اوہوں زیادہ اچا کانتی۔ انھیں دے افسانے تے ناول وچ بعض جاہیں تے جھول وی ملدن تے کئی بیاں فنی کمزوریاں وی پاتیاں ویندن۔ لیکن کیا اے اعزاز تموڑا ہے جو حیدرائی سرائیکی دا پہلا افسانہ نگار تے ناول نویس ہے۔ اگرچہ ادعیاں اے تخلیقات وقت تے عوام دے سامنے نہیں آسکیاں تے آج ہوں سارے بے لوک زبردستی طور تے ایں اعزاز تے فیصلہ جمادان دی کوشش وچ مصروف ہن۔

حیدرائی کوں عام طور تے شاعر نہ سمجھیا ویندا ہاتے ایں گلہ دا اظہار انھیں خود مثنوی ”سمی“ دے ابتدا سہ وچ وی کیجے۔ لیکن حیرانگی دی گلہ ہے جو انھیں دی اے نظم ”سمی“ اِٹلا زیادہ مشہور تھئی ہے جو سب لوکیں حیدرائی کوں شاعر تسلیم کر گھدے۔

ایں سلسلے وچ میں حیدرائی نال گفتگو کیتی تاں معلوم تھیا جو حیدرائی صاحب ابتدا وچ شاعری کریندے رہے، لیکن بلکہ انھیں شاعری دی ابتدا بارہ سال دی عمر وچ کیتی ہی لیکن بعد وچ چھوڑ ڈتی ہائیں تے نثر و دستوجھی گئے ہن۔

شاعری وچ حیدرائی کل ڈ و مثنویاں یادگار چھوڑین۔ ہک ”بگڑو“ جبرمی شائع نہیں تھی سکی تے ڈ جھی ”سمی“ جبرمی چھپ کر ایں سرائیکی اہل ذوق کتوں بھر پور داد حاصل کر چکی ہے۔

حیدرائی دیاں اے ڈ وئیں نظماں رومانوی سن تے دیرہ غازی خان دے ڈ و مشہور رومان ”بگڑو“ تے ”سمی“ دے بارے وچ لکھیاں ہوئیاں ہن۔ ”بگڑو“ ہک بلوچ رومان ہے تے ایندے اُتے سرائیکی وچ حیدرائی سب کتوں پہلے لکھیے۔ اے ”سمی“ جتلا ضخیم مثنوی ہے تے ایندے وچ شروع کتوں آخرتیں ہکار ردیف چلدی ہے تے ابتدا قافیہ مخمور۔ ہمارے سرشار قسم دا ہے۔ ایندے 53 بند ہن۔ انھیں وچ صرف ڈ وچ تے مقررہ ردیف، قافیے کتوں انحراف کیا گئے۔ ہک جاہ ”زاری بگڑو“ دے عنوان نال غزل شامل کیتی گئی ہے تے ڈ و جھا بالکل آخر وچ مقولہ شاعر دے عنوان نال جبر حال وچ کتاب دا خاتمہ ہے۔

ایہ حیدرائی دی پہلی مثنوی ہے تے زیادہ کامیاب نہیں۔ اِت واسطے ایہدی بجائے ”سمی“ کوں شائع کرایا گیا ہا۔ ”سمی“ دی اشاعت دے بعد جبرھے حیدرائی کتوں ”بگڑو“ دے چھاپاؤں دی گلہ کیتی انھیں ایندے وچ کوئی دلچسپی نہ گھدی۔

فنی طور تے ایہ مثنوی ات واسطے وی کامیاب نہیں تھی سکی۔ جو حیدر راٹی  
 ایندے دوج ردیف قافیے دی پابندی اپنئے اُتے عائد کر گھدی ہی۔ جیندی وجہ کنوں او  
 صحیح تے رہ گئے ہن۔ خاتمہ کتاب ملاحظہ ہووے۔ جیر ہا ردیف قافیے دی اول  
 پابندی کنوں ہٹ تے لکھیا گئے:

جو پیار کوں کجی تند آکھے او ہرگز دانشمند نہیں  
 ہے سخت زنجیر محبت والا، اصلوں کجی تند نہیں  
 کیا احساس جہاں اے جھلپا درد فراق دا ڈنڈ نہیں  
 برہوں زہر ہلا ہل ظالم مکھن ماکھی قند نہیں  
 پانچھ مٹھے دلبر دے عاشق جیون کرن پسند نہیں  
 تھی قربان پلیدے پیتاں کھاندے کھڑ سو گند نہیں  
 دلبر دے دیدار بناں کہیں شے دے خواہش مند نہیں  
 رکھدے تاگھ پنل دی زنت کہیں کالجھ دے حاجت مند نہیں  
 دامن صاف صفا کر دے شافل دن دلبر نہیں  
 لوڑ اٹھاں کوں دلبر دی دن دلبر او خورسند نہیں  
 صادق صاف اندر دے کر دے مکر فریب تے قند نہیں  
 غلام حسن جتھ عشق آیا پھر سود نصیحت پند نہیں

”سعی“ حیدر راٹی دی چھپی ہوئی مثنوی ہے تے اوندے اُتے کئی مضمون لکھے

دوچ چکین۔ ایس مثنوی کوں پردھن دے بعد ایہ یقین تھی ویندے جو حیدر راٹی شاعر ہا  
 تے اول ”سعی“ دے دیباچے دوج کسر قافی نال کم گھدے۔

”سعی“ دوج حیدر راٹی دی شاعری پورے عروج تے ہے۔ کلام دوج

زبردست زور پاتا ویندے۔ چست بندشیں دے علاوہ لفظیں دے انتخاب دوج ہوں

سلیقے دانشور ملدے۔ نمونہ تک بند ملاحظہ ہو دے۔ راول کی کون چا کر ہیں گھر گھن  
آندے۔ راول دی ماہ اندے اس فعل دی خدمت کریندی ہے۔

بد کردار پرین تھی میں توں نہ ہن ڈھیر لباسی  
کک کمزور نمائی کون کر رو لیو اللہ راسی  
پائی کان چلی ہئی ٹوہے تھی کر بے وسواسی  
آ و سیاں ہتھ ظالم دے ایہ اصلوں کل نہ ہاسی  
آمڑی ایندی گھر وچ ہوسی ورد اندر ڈکھ واسی  
مچھلی دانگ تڑپدی ہوسی ہڑوی کان پیاسی  
کک کک اوندی کوک دا دلدا عرش عظیم توں آسی  
ویر تے باہل رو رو ہوسن پیش خدا ارداسی  
کر مجبور کراں بے شادی ڈے کرائیوں پھاسی  
کیویں خوش گزران کر لیکسی پاجھوں آمڑی ماسی  
وچ پرویس دے عمراں ساری رات ڈیہاں گر لاسی  
اے پردیسن دیس پرانے رہسی توڑ اُداسی  
پھل پھلیا گل زگس دا، وٹھ لکھے دے گھاسی  
پکری ہٹھ پکھیا دے ڈیواں نہیں انصاف شناسی  
اتنا ظلم اندھار کڈا ہیں رب کون مول نہ بھاسی  
مونجھ موں بھاری دے وچ کی رت بہہ روی کھاسی  
تیکوں ڈیس بھوساں کی نہ تھی توں بے آسی  
حالی رہ سنگ شیریں دے ایہ دل حیڈا وند لاسی  
آکھ حسن بے چنتی رہ وٹھ مہر تیڈا رنگ لاسی

حیدرائی اس مثنوی وچ سرائیکی شاعری تے اہٹی قدرت دے اظہار دے  
نال نال پرائے شعراء وانگوں فارسی وچ وی کہ بند لکھیے۔ اوں بند وچ خاصا زور ہے  
تے حیدرائی دی فارسی قابلیت کوں ظاہر کریندے:

سرگردان گریزد کالو چوں سی گم گشتہ  
سلب سکون شدہ برگشتہ بر سینہ دل خستہ  
گم گشتہ شد روز روش او غنچہ نورستہ  
آزرده شد پڑ مردہ چوں گل ز شاخ شکستہ  
سوز الم زین فرقیہ دختر، تیر جگر پیوستہ  
گردوں کج رفتار الم این سر سر بار نشستہ  
گفت خدا لا تقطو پس مامد حسن دل بستہ

انھیں ڈی مثنویاں دے علاوہ حیدرائی ’عیبۃ الحمد‘ دے نال نال کہ طویل  
نظم وی لکھدے پے ہن چیرمی لطف علی دے سیظل نامے دی بحر وچ ہی۔ لیکن  
افسوس ہے موت حیدرائی کوں مہلت نہ ڈتی تے ایہ نظم نامکمل رہ گئی ’عیبۃ الحمد‘ دا  
آغاز تخلیق کائنات کنوں تھیندے۔ اوہدے بعد حضرت آدم کنوں سلسلہ گزر کر اچیں  
تاغیر اسلام تیں آندے۔ لیکن چونکہ ایہ نظم مکمل طور تے میڈی نظر وچوں نہیں گزر سکی۔  
ات واسطے ایندے بارے وچ کجھ عرض کرن مشکل ہے۔ البتہ حیدرائی ایندے کجھ  
حصے میکیوں سٹاے ہن تے نظم ہوں رواں محسوس تھیندی ہی۔ ویسے حیدرائی اس نظم دا  
ذکر ڈاڈھے جوش خروش نال کریندے ہن۔

حیدرائی انھیں دے علاوہ ہیاں دی کئی کوششاں کیتن۔ لیکن افسوس ہے او  
مکمل نہیں تھی سکیاں۔ انھیں وچوں کہ دیوان فریدی دا اردو ترجمہ وی ہے۔ حیدرائی  
اے ترجمہ ہوں محنت نال پئے کریندے ہن لیکن اہن ابتدائی کافیں وچ ہن جو

انہیں کوں ادھر تک تھی بکھرتے ایسے کم اتھائیں رہ گیا۔

ایہ ہے حیدرآئی دی 54 سالہ زندگی میں ادبی کوششیں دا مختصر تعارف۔  
حقیقت ایہ ہے جو حیدرآئی میں انہیں ادبی خدمات دا تفصیلی جائزہ کھنڈن واسطے پوری  
کتاب دی لوڑ ہے لیکن بھلا آج ایسے اصحاب کھن دور وچ اظہار فرمت کینکوں ہے جو  
سراہیکی دے ایسے عاشق نال اظہار پیا ردا مظاہرہ کرے۔



## سرائیکی ادب وچ اسماعیل احمد اٹی دا حصہ

اساں محمد اسماعیل احمد اٹی کوں تاریخ دے سپرد کر چکیوں۔ او اٹی وفات کنوں پہلے اپنٹے چھوٹے پتر اسعد موسیٰ خان کنیں کراچی وچ رہندے پئے ہن۔ انھیں اٹی موت کنوں پہلے اٹی اولاد کوں آکھیا ہا جو میں جتھوں دی مٹی ہاں میکوں اتھائیں گھن دیا ہے۔ انھیں اٹی اولاد کنوں وعدہ گھدا جو او اسماعیل احمد اٹی دی وصیت تے عمل کریں۔ محمد اسماعیل احمد اٹی دی اولاد اپنٹے والد دے حکم دی تعمیل کیتی آتے انھیں کوں اپنٹے آبائی گستان رسول پور وچ 7 جون 2007ء کوں انہیں دے والد محمد موسیٰ خان (وفات 1943ء) آتے ڈپڑے حاجی حسو خان (وفات 1937ء) دے پہلو وچ دفن کر ڈتا۔

محمد اسماعیل احمد اٹی دی وفات دے بعد انھیں دی یاد وچ ملتان وچ ڈو جاہن تے ریفرنس تھئے۔ آتے ہک اخبار انھیں آتے مس واصفہ جین دا مضمون چھاپیا۔ جیوندے وچ اسماعیل احمد اٹی کوں جدید سرائیکی ادب دے بانیں وچوں ہک قرار ڈتا گیا۔ انھیں آتے محبوب تابش دا مضمون وچ چھپیا۔

محمد اسماعیل احمد اٹی بلاشبہ ہک وڈے تخلیق کار ہن۔ تاہم انھیں دے کم دا فیصلہ تاریخ حالی کرٹے۔ تاریخ عام طور تے ایہ فیصلہ پنجاہ سال کنوں سو سال دے اندر کریندی ہے۔ جڈاں مرحوم فنکار دے حامی آتے مخالف ”پردہ“ نوٹا ویندن آتے سو سال بعد جیر ہلے فنکار تاریخ دی دھوڑ وچوں نکل آندے تاں ول آکھیا وئج سگدے جو ادبی تخلیقات کوں ثبات حاصل ہے۔ تاہم تاریخ کوں ایہ شہادت ضرور فراہم کرنی ہوندی ہے۔ جو ایں ثبات دا کیا جواز ہے۔

محمد اسماعیل احمد اُٹی دیاں ترائے اہم مطبوعات دین جنھیں بارے جزوی طور تے کجھ نہ کجھ لکھیا گئے۔ تاہم جیر ہلے انھیں دی کہیں تصنیف کوں نامعلوم تعصبات دی وجہ کوں طرز تشیع دانشاندینا یا ہیکیا تاں انھیں اوندہ کوئی جواب نہ ڈتا۔

1980ء وچ محمد اسماعیل احمد اُٹی دا پہلا سفر نامہ ”پیت دے چندھ“ (جیر ہا ساگھڑ (سندھ، جتھاں او وکالت کریندے ہن) کوں فورٹ منرو تائیں دو تیس نال سفر دی ہک کہانی ہے چھپ تے سامنے آیا۔ ایہ روایتی سفر نال صدیں دے تاریخی سفر دی داستان وی ہے۔ جیر گی تصوراتی ہے۔ اسماعیل احمد اُٹی دے سفر دے دوران تاریخِ رماضی دی پوری قلم انھیں دے دماغ وچ گھمدی رہی ہے۔ جیر گی اصل وچ سرائیکی وسیب وچ انسانی شناخت اتے شعور دے سفر دی داستان ہے۔ حقیقتاً ایہ سفر نامہ سرائیکی وسیب دے ماضی دے تجزیے، دھرتی نال محبت، حال دے تجزیے اتے مستقبل دے خواہیں دی داستان ہے۔ جیدے وچ سفر نامے دے علاوہ بیادوی ہوں کجھ ہے۔ ایہ سفر نامہ لکھن واسطے میں اسماعیل احمد اُٹی کوں فرمائش کیتی ہئی۔ انھیں ایہ لکھ کراہیں میکوں ڈکھایا۔ اوندے وچ اتلا زیادہ کاٹ چھانٹ ہئی جو پڑھدے وقت میکوں کوفت تھیون لگی۔ لیکن میں جیر ہلے اوکوں پڑھن شروع کیتا تاں دل او اتلا دلچسپ لگا جو میں جوتھی تے رہ گئیم۔ میں اسماعیل احمد اُٹی کوں اوندے چھپو اون دا آکھیا تاں او چکچو اون لکھے لیکن میڈے اصرار تے تیار تھی گئے۔ مگر اوندے چھپو اون دی ساری ذمہ داری میڈے اتے سٹ ڈتی۔ ہن اوکوں صاف کرن دا معاملہ ہا۔ او میں ڈر کوں اسماعیل احمد اُٹی کوں نہ آکھیا کیوں جو او مشکل نال اشاعت واسطے تیار تھے ہن۔ ات واسطے ہو بہو میں اوکوں گھر گھن آئیم۔

انھیں ڈیہا زیں میڈے سارے کم دی کتابت اجازت ڈیروی کریندے ہن۔ اسان ڈوہیں وڈی محنت نال مسودہ کوں پڑھیا۔ اتے سیں اجازت ڈیروی اوندی

کتابت کہتی۔ بہن طباعت واسطے میں اوکوں ملتان ہک پرنٹنگ پریس وچ گھن گئیم۔ پریس دے مالک میڈی نا تجربہ کاری کنوں فائدہ چاتا آتے اوکوں انتہائی باریک کاغذ تے چھاپیا۔ جیدے نال اوندرا حلہ وی وگہو پگیا۔ میکوں او اسماعیل احمدائی کوں پیش کریندے ہوئیں بے حد شرمندگی داسلا کرٹا پیا مگر انھیں اوکوں ڈیکھ تے مبردا گھٹ پی گھدا۔ ”پیت دے پندھ“ دیاں پہلے دیرہ غازی خان وچ چھوٹیاں چھوٹیاں افتتاحی تقریبات تھیاں جتھاں پڑھے لکھے طبقے آتے انھیں قارئین کتاب کوں سراہا آتے اوکوں سراہیکی وچ نواں آتے کامیاب تجربہ قرار ڈتا پگیا۔ جیدے پہلے کوئی مثال نہ ملدی ہئی۔ مگر ایندے نال کجھ لوکیں دا ادبی غرور وی خٹا۔ آتے دکاناں اُچو یاں دل کتاب تے طرز تفتیح دے تیر و سٹ پے گئے۔ خان پور ضلع رحیم یار خان وچوں جھین والے ہک رسالے وچ میڈم فرحت نواز (جبرمی اسماعیل احمدائی دے دوست تے کلاس فیوڈی وی ہئی) کتاب دے خلاف کئی مضمون چھپوائے۔ مگر اسماعیل احمدائی کوئی جواب نہ ڈتا۔ اگرچہ میں اپنئے طور تے اوندے جواب ڈتے۔ تاہم کتاب دی پذیرائی جاری رہی آتے ایندے نتیجے وچ اوکوں سال دی بہترین کتاب قرار ڈتا پگیا آتے خواجہ فرید ایوارڈ ”پیت دے پندھ“ کوں ای ملیا۔ جیرھا سراہیکی دا پہلا ایوارڈ ہا۔

ہوں سارے لوکیں ایں سفر نامے کوں ذاتی حوالے نال ڈٹھا۔ بہاول پور دے کجھ دوستیں دا خیال ہا جو ریاست بہاول پور دی تاریخ آتے ثقافت دے نال انھیں دے خدمات دا کوئی ذکر کائنی۔ اسماعیل احمدائی کوں وی ایندرا احساس ہا آتے انھیں میڈے نال ایندرا اظہار وی کیتا۔ انھیں ایندے ازالے واسطے اپنا ڈرامہ ”ہاکڑہ دل ویسے“ تحریر کیتا، آتے اوندے وچ سراہیکی زبان دا بہاول پوری لہجہ استعمال کیتا۔ ایں ڈرامہ کوں اشاعت واسطے خان پور ضلع رحیم یار خان کوں نکلن

والے رسالے ”روسی پہلی کیشنز“ کو روانہ کیا۔ ایدے وچ شاید اوندی پہلی قسط دی چھپی ہئی۔ لیکن بعد وچ ایہ ڈرامہ نہ چھپیا۔

اسماعیل احمدائی اپنے سفر نامے ”پیت دے ہندھ“ دا اسلوب اُردو دے ہک پڑا لے آتے اہ کل غیر معروف سفر نامہ نگار محمود نظامی دے اسلوب کون متاثر تھی تے لکھیا۔ ایہ اذکر اسماعیل احمدائی خود میکیوں کہیا۔ لیکن او این اسلوب کون نظامی کون کتھائیں اہوں تے گھن ہئے۔ سرائیکی وچ کجھ سفر نامہ نگاریں این اسلوب دے نقل دی کوشش کیتی ہے۔ مگر کامیاب نہیں تھی سکے۔ اہ دی انھیں دا سفر نامہ اپنے اسلوب دے حوالے نال منفرد ہے۔

محمد اسماعیل احمدائی دی ڈوجھی تصنیف انھیں ”نانا دل“ چھولیاں“ ہے۔ این ناول دے لکھے وچن دے بعد حسب معمول میں گرمیں دیاں چھٹیاں گزارن واسطے احمدائی صاحب کولوں سا گھڑ گیم تاں انھیں میکیوں ایہدا مسودہ ڈکھایا آتے اوکوں توجہ آتے تنقیدی نظر نال ڈیکھن دا آکھیا۔ انھیں ڈسایا جو میں ایکیوں ترے مغنیں وچ مکمل کیتم۔ کیوں جو میں سوچیندا ہم جو اگر ایہ اُدھورا رہ گیا تاں دل کڈا ہن پورا نہ تھی سکسی۔ میں این ناول کون توجہ نال پڑھیم۔ میکیوں سرائیکی ادب وچ ”پیت دے ہندھ“ کون ایہ مختلف تجربہ لگا۔ جدیدی زبان آتے اسلوب دی انج ہا۔ میں ایہدا اظہار اسماعیل احمدائی کون کیتم۔ جدید انھیں کون احساس وی ہا۔ این ناول وچ کہانی آتے کردار موجود ہن لیکن ایہ اسلوب، زبان آتے فکر دے حوالے نال این طور منفرد ہے جو ایدے وچ سرائیکی ویب دے ہک علاقے جیرھا تقریباً جام پور تحصیل تے مشتمل ہے وچ اُدھ صدی دے اندر تھیون والی فکری ارتقاء دی داستان ہے۔ اسماعیل احمدائی دے لہئے خیال مطابق ایہ وقت دے ہک خاص لمحے آتے کائنات دے ہک گوشے وچ انسانی فہم فراست دے ارتقاء دی کہانی ہے۔ (این ناول کون موجودیت

Existentialism دے حوالے نال وی سجدہ فتح سیکہ دے)۔ ایہ ناول 1983ء وچ معروف سرائیکی دانشور ارشاد امین دے تعاون نال سوئٹے انداز وچ چھپیا اے اتے ایندی کتابت یسٹین فخری کیتی اے 1983ء وچ ای اسلامیہ یونیورسٹی بہاول پور دے ایم اے دے ہک طالب علم محمد اقبال گھلو اپنے مقالے دے طور تے ایندا اُردو وچ ترجمہ کیتا۔ ایہ ناول اہٹی اشاعت دے نال کجھ لوکیں دے نشانے تے آ گیا۔ دلشاد گلانچوی اپنے ہک مضمون جبرہا سرائیکی ادب ملتان وچ چھپیا۔ اینکوں ناول معنی کنوں انکار کر ڈتا۔ جڈاں جو رفعت عباس (ر۔ع) دے ناں نال ایندے خلاف لکھیا۔ جیند اسماعیل احمدائی کوں زندگی بھر ڈکھریا۔ لیکن اوں کہیں دے خلاف کجھ نہ آکھیا۔ بلکہ رفعت عباس دی کتاب ”بھوندی بھونس تے“ ہک سوہنا جیہاں مضمون وی لکھیا۔ ایہ ناول تعلیم یافتہ طبقے وچ حیرت آتے مسرت انگیز جذبے نال قبول کیتا گیا۔ اے اتے اینکوں اپنے سال دا بہترین ناول قرار ڈتا گیا اے خوب فرید ایوارڈ وی ڈتا گیا۔ ایہ اسماعیل احمدائی دا ڈوجھا ایوارڈ ہا۔

اسماعیل احمدائی دی ترجمہجی تصنیف ”امر کہانی“ ہے۔ ایندے لکھن دے بارے اسماعیل احمدائی میکوں ڈسایا ہا۔ لیکن اینکوں چھن کنوں پہلے پڑھیا نہ ہم۔ ایہ 1988 وچ چھپے۔ سرائیکی تحریک دے آغاز آتے ارتقاء بارے قصے دے انداز وچ لکھیا گئے۔ ڈو ایوارڈ گھنن دے بعد اسماعیل احمدائی دانستہ طور تے اینکوں ایوارڈ واسطے پیش نہ کیتا تا کہ کہیں ڈوجھے دوست کوں ایوارڈ مل سگے لیکن ایندے باوجود ایہ دوستیں دی زد وچ آ گیا۔ اسماعیل احمدائی ہک دوست پرور انسان ہئی۔ انھیں دی کوشش ہوندی ہئی جو کہیں نہ کہیں طرح انھیں دی تحریریں وچ دوستیں دا تذکرہ آونجے۔ مگر ہر دفعہ اینویں تھیرا ہا۔ جو کجھ دوستیں دے نال رہ ویندے ہن۔ ”پیت دے پندھ“ دا گنوں ایس ناول وچ وی کجھ سنگٹیش دا ذکر نہ آسکیا۔ جیندی وجہ کنوں اونارا ض

ہن۔ ارشاد تو نسوی اس ناول بارے کا ڈبھریا ہک مضمون لکھیا۔ چیرھا سہ ماہی سرائیکی بہاول پور وچ چھپیا۔ بعد وچ میں اوندے جواب وچ ہک خط لکھیم۔ اووی چھپیا۔ میں بطور نقاد محمد اسماعیل احمد اٹی دی لکھتیں بارے extensively لکھینے تے انھیں دی تنقیم کرداتے انھیں دے سرائیکی ادب وچ حقیقی مقام متعین کر اوں دی کوشش کیتی۔

اسماعیل احمد اٹی دا اس ناول بارے خیال ہے جو ہلگے سالیں وچ ایہ ناول سرائیکی قومی تحریک دی تاریخ بارے ہک دستاویز دا کم ڈیسی۔ ایہ ناول ”چھولیاں“ کئوں مختلف ہک ہی قسم آتے اسلوب دا ناول ہے۔ تاہم ایہ لپٹے اسلوب وچ آج وی منفرد ہے۔ آج تائیں کہیں سرائیکی ناولست اس قسم دا ناول لکھن دی کوشش نہیں کیتی۔ اسماعیل احمد اٹی اپنی خود نوشت سوانح عمری وی لکھی۔ آتے انھیں او میکوں پڑھن واسطے ڈتی۔ میکوں ایہ سوانح عمری ہک بھر پور آتے ہمہ جہت حیاتی گزارن والے شخص دے مقابلے وچ اڈھوری لگی۔ تاہم میں ایندی اشاعت واسطے آکھیا۔ چیرھا کافی آکھن دے بعد میڈے دوست ناشر رئیس عدیم دے حوالے کیتی گئی آتے اوہی کتابت وی تھی گئی مگر ایندے بعد اسماعیل احمد اٹی اوکوں اشاعت کنوں روک ڈتا۔ انھیں دا خیال ہا جو ایندے وچ وکالت کنوں ریٹائرمنٹ دے بعد دی زندگی دا ذکر کاسی۔ میکوں علم کاسی جو او بعد وچ تحریر وی تھیا یا کاسا؟ تاہم سوانح عمری دا پہلے ناں ”یادیں دا کاک محل“ ہا۔ بعد وچ اسماعیل احمد اٹی ایٹکوں بدل تے ”یادیں دا خواب محل“ کر ڈتا۔ (ایہ سوانح عمری اسماعیل احمد اٹی دی وفات دے بعد چھپ گئی اے۔ اس سوانح عمری کوں اصل وچ یادداشتاں آکھیا وچ سبھدے۔) اسماعیل احمد اٹی سرائیکی افسانے وی لکھینے ہن۔ انھیں دے افسانیں وچوں بعض علامتی ہن آتے انسان دین نفسیاتی الجھنیں کوں وی نشاہر کریندین۔ حقیظ خان لپٹے ہک انٹرویو وچ اسماعیل احمد اٹی کوں بجا طور تے افسانہ نگار معن کنوں انکار کر ڈتا۔

اسامیل احمد اٹنی خاکے وی لکھیں جنہیں وچ انھیں دے ذاتی دوست ملک عبدالقادر دا خاکہ ”میڈیکھلو اوں گلٹی“ ہے۔ اسامیل احمد اٹنی انشائیے وی لکھیں اُتے ادبی تنقید وی۔ انھیں دے ادبی تنقیدی مضمون جیکر چھپ وئجن تاں سرانیکگی ادبی تنقید وچ بک قابل قدر اضافہ ہوی۔ ایندے علاوہ سرانیکگی لسانیات دے حوالے نال وی کئی مضمون لکھیں۔

اسامیل احمد اٹنی سرانیکگی وچ شاعری وی کہتی۔ انھیں دا تخلص بیل احمد اٹنی ہا۔ انھیں دی بک نظم ”کالے تزدوی فریاد“ کافی مشہور تھی۔ اُتے خصوصی طور تے کالے تتریں دے شوقین اوکوں زبانی یاد رکھدے ہن۔ انھیں تھوڑے عرصے واسطے اردو شاعری وی کہتی لیکن او اردو ادبی گروہیں دے شکار تھی ہئے۔ انھیں اردو وچ لکھی ہوئی ابھی بک بہترین نظم جیر می میں وی پڑھی ہی ماہنامہ ”فنون“ لاہور کوں بھیجی۔ لیکن اوں شائع نہ کہتی۔ البتہ ایں کونوں پہلے انھیں دیاں ڈونگھماں ”بزم صفا“ اُتے ”رحائی“ دے تاں نال اُنچ اُنچ کتابیں وچ ساگھڑ کونوں چھپ چکیاں ہن۔

اسامیل احمد اٹنی اٹنی علمی اُتے ادبی زندگی وچ اردو وچ تاریخی اُتے تحقیقی مضمون وی لکھیں۔ جیرھے زیادہ تر بلوچی تاریخ دے بارے وچ ہن۔ اُتے خصوصی طور تے ماہنامہ ”بلوچی دنیا“ ملتان وچ چھپدے رہیے۔ انھیں دے لکھیں ہوئے کئی مضمون 1958ء تا 1960ء دے عرصے وچ میں لپٹے تھہ نال صاف کرتے ”بلوچی دنیا“ ملتان کوں بھیجے ہن۔

ایہ مضمون بلوچ لفظ دی تحقیق اُتے تاریخ تے قیمتی سرمایہ ہن۔ سرانیکگی ادب تے وی انھیں دے کئی تحقیقی مضمون چھپدے رہیے۔ جیرھے ماہنامہ ”آخر“ ملتان وچ چھپے۔ جیرھے لسانی مباحث تے ہن۔ انھیں سرانیکگی اِمل اُتے آوازاں بارے وی کافی کم کیتا۔ ایندے علاوہ انھیں شاہ لطف دی شاعری دے ترجمے وی کیتے۔

جیرھا ”لطیفی تمکات“ دے ناں نال سرائیکی ادب وچ چھپے۔ اینویں انھیں مولانا نور احمد خان فریدی کوں دیوان فرید دے اُردو ترجمے آتے شرح وچ کافی مدد دیتی۔  
 حیدر اذکر ”دیوان فرید“ وچ موجود ہے۔ اسماعیل احمدائی سرائیکی وسیب دے ہمہ  
 صفت ہک نابذ لکھاری ہن۔

میڈے خیال مطابق اسماعیل احمدائی دیاں افسانوی لکھتاں ہک بھر پور  
 نفسیاتی تجزیے دا تقاضا کریندین۔ حیدر نے نال انھیں دی داخلی شخصیات دے کئی پہلو  
 اسٹڈے سامنے آسکدن۔ انھیں دا سفر نامہ ”پیت دے پندھ“ اہٹی ذات دے حوالے  
 نال ہے۔ حیدرے او مرکزی کردار ہن۔ اینویں ”امر کہانی“ وچ سرائیکی ادبی تحریک  
 دے منازل وچ وی او خود ہک اہم کردار ہے۔ انھیں دے ناول ”چھولیاں“ واپس منظر  
 وی دلچسپ ہے۔ ایہ جام پور تحصیل دے مغربی (پچادھی) علاقے دے حوالے نال ہے  
 ۔ اوندا مرکزی کردار مزار خان ہے۔ اسماعیل احمدائی دے والد پچادھ دے علاقے  
 دے مشہور شہر ٹہی لڈاں وچ سکول ماسٹر ہے آتے اوں دور وچ ایہ لہبا سفر پیدل  
 کریندے ہن تے ٹہی لڈاں وچ مزار خان ناں دا ہک لڈا سردار نال سنگت ہئی۔  
 اسماعیل احمدائی دے والد روکوہی قباکوں وی جھاگ تے عبور کریندے ہن۔ ایہ کہانی  
 دراصل اوندے والد دی زندگی دا عکس ہے۔ جنیں اوں علاقے وچ علمی شعور بیدار کرن  
 دی کوشش کیتی۔ اسماعیل احمدائی دے والد دیاں ایہ یادداشتاں انھیں دے ناول  
 چھولیاں واپس منظر ہن۔ اینویں انھیں دیاں یادداشتاں ”یادیں دے خواب محل“ وچ  
 وی ظاہر ہے جو او آپ مرکزی کردار ہن۔ ایں طرح نال انھیں دیاں اہم ترین تحریراں  
 کہیں نہ کہیں حوالے نال انھیں دیں ذاتی تجربے تے یادداشتیں تے منحصر ہن۔ مگر ناول  
 چھولیاں تے امر کہانی دے علاقہ روپ وچ لکھیاں ہوئیاں ہن۔ جنھیں دا نفسیاتی تجزیہ  
 اسماعیل احمدائی دے کئی داخلی پہلو نشا کر سگدے۔



## سراییکی ادب دا منفرد سفر نامہ

سیاٹے آبدن سفر وسیلہ نظر ہے۔ شاید ایہا وجہ ہے جو انسان منڈھ لاکنوں سفر کوں اہٹی عادت بٹا گھدے۔ انسان دا سفر باغ بہشت کنوں ہووے یا ابتداء ورج اپٹے پیریں تے کھڑا تھیوون دے بعد ہک علاقے کنوں پے علاقے ڈ سفر۔ بہر حال او انسانی زندگی نال گنڈھیا ہویا ہے۔

سفر روزی حاصل کرن واسطے وی کیجا ویندے تے علم دے حصول واسطے وی۔ ایہہ محض سیر تفریح واسطے وی تھی سگدے لیکن ”پیت دے پنڈھ“ تاں سب کنوں اوکھے ہوندن تے کوئی انسانی عظمتیں کنوں واقف ”منصور“ ای ایند بار اچا سگدے۔ پیت تاں اہٹی سُچاں دا ڈوجھاناں ہے تے ایہ کتاب ”پیت دے پنڈھ“ اہٹی ماہ پو لی تے دھرتی ماہ دتے ماضی، حال تے مستقبل دی سُچاں واسطے کیجے ہوئے ہک سفر دی داستان ہے۔ جیرھا کہیں سوڈیاں یا تفریح کنوں بالا ترقی تے کیجا گے۔ عام طور تے سفر ڈوجھ دے ہوندن، جسمانی تے ذہنی۔ جسمانی سفر کہیں ہک علاقے کنوں کہیں پے علاقے تاں تھی سگدے تے ہمیشہ جغرافیائی حدود دا پابند رہندے۔ لیکن ذہنی سفر تاں ازل کنوں ابد تاں محیط ہے تے بعض ویلھے ایہ زمان مکان دیاں ساریاں حدیں وی توڑ سگدے۔

”پیت دے پنڈھ“ بنیادی طور تے مصنف دے جسم تے ذہن دے مشترک سفر دی ہک داستان ہے۔ ایس سفر کوں تاں جغرافیہ تے تاریخ دا سفر آکھ سگدے کیوں جو سفر وچ جغرافیہ دے شعور دے نال نال تاریخی شعور وی لوڑ رہندی ہے

تے ایہ کتاب اس سچائی دا غیر فانی ثبوت تے اظہار ہے۔

ایہ کتاب سرائیکی ادب وچ ہک نویں صنف دا اضافہ ہے ایہکوں تساں سفر نامہ آکوڈ ٹریولاگ یار پور تاڑ مصنف تہاڑے اُتے کوئی پابندی نہیں لائی۔ لیکن میں یقین نال آکھ سکدہاں جو ایہ صنف سرائیکی وسیب وچ پہلی دفعہ ورتی وگئی ہے اُتے اس کئیں اُچھے موجود کتاہی۔

سفر نامے ہنھیں زباناں وچ تاں شروع کنوں لکھیندے آئین مگر ادوی غیر ملکی سفر کر کے دے بعد (جیر حاما م طور تے سفر نامے واسطے ضروری سمجھیا ویندے) اہج کل اُردو وچ اسجھے سفر نامیاں دے بھر مار تھی وگئی ہے لیکن اہج کوئی اسجھا سفر نامہ نہیں لکھیا گیا جینکوں شہکار آکھیا ونچے۔ ویسے ایہ ممکن ای نہیں تھی سکدا۔ کیوں جو آئزک سنگر دے مطابق ”اولوک جیرھے اہٹی پاڑ کنوں مگر ہن وڈے سکالر تاں شہیت تھی وچن لیکن وڈے فنکار نہیں تھی سکدے۔ ادب، ادیب دے نمڈھ، ادیب دی پاڑ نال گنڈھیا ہویا ہے۔“ ات واسطے میں سمجھداں غیر ملکی دورے دے حال بہہ لکھن یقیناً اہٹی پاڑ کنوں ٹرٹ تے ادب تخلیق کرن ہے تے ات لیوں ایہ سفر نامے ادب وچ کوئی اُچا مقام نہیں گھن سکے۔

لیکن ”پیت دے پندھ“ دی کہانی تاں اس کنوں مختلف ہے۔ اوندا مصنف اہٹی پاڑ نال گنڈھیا ہویا ہے تے اوندا سارا سفر ای اہٹی ماہ پو لی دے صدیاں دے اندر ریہے اوکھیں ویلھے ای انھیں حدیں کنوں نہیں گھلتا تے نہ نکلن چہدے۔ کیوں جو اوندے نزدیک اہٹی پاڑ کنوں ٹرٹ وچن اہٹی موت کوں دعوت ڈیون اے۔ ات واسطے اگر تہاڑے نزدیک ایہ کتاب ہک سفر نامہ ہے تاں یقیناً فاماہیان، ہیون سانگ تے ہن بطوطہ دے سفر نامے کنوں مختلف ہے۔ کیوں جو ایندے وچ ماہ پو لی تے دھرتی ماہ نال ازلی ابدی پیار دی روح پورے جذبے، بے ساختگی تے سچائی نال

ہولینڈی پئی اے تے ایں طرح ایہ سفر نامہ اٹنی مٹی نال محبت تے وطن پرستی دا ہک منہ ہولینڈ اشہکار بن گئے۔ ایہ سفر نامہ ”چلتے ہوتو چین کو چلے“ قسم دا سفر نامہ دی کائنی کیوں جو ایہ تاں اپنٹے دیس تے زبان دے حوالے نال اٹنی ذات تے اپنٹے اندر دی سنجان دی داستان ہے۔ نہ کہ جسم تے نظر دی سیرابی واسطے غیریں دیں اچھیں اچھیں عمارتیں تے بھاری بھر کم مشینیں دی زیارت مقصد ہے۔ ایہ صرف رپورٹاژ دی کائنی حیدے وچ سیر تفریح دی خاطر کیجے ہوئے کہیں سفر و صحافیانہ انداز وچ بیان ہووے بلکہ ایہ کتاب ہک ادبی تخلیق اے جیرھی اٹنی صنف دے سارے فنی تقاضیں دے شرائط کوں ٹھیک طرح تے پورا کریندی ہے۔

فنی حیثیت نال وی ایہ سفر نامہ عام سفر نامے کونوں جدا ہے۔ ایندا اسلوب روایتی انداز کونوں ہٹ تے جدید قسم دا اسلوب ہے۔ جیر حای ارج کل کجھ انگریزیں تے اردو افسانے تے ناولیں وچ پاتا ویندے۔ ات واسطے اگر اسلوب دے حوالے نال گالھ کیتی ونجے تاں ”پیت دے پنڈھ“ سرائیکی ادب وچ جدید اسلوب دی پہلی نمائندہ کتاب ہے۔

ایہ جدید اسلوب ہک مشکل تے پیچیدہ اسلوب ہے، خیالات دی روح وچ دہندا ونجی تاں بے شک سوکھا ہے مگر اوکوں اٹنی گرفت وچ رکھن تے اوکوں اٹنی مرضی مطابق مناسب جاہ تے اظہار دا موقع ڈیوں یقیناً اوکھی گالھ ہے۔

”پیت دے پنڈھ“ دے مصنف دی اپنٹے خیالات تے قلم تے ہر مقام تے گرفت رہ گئی ہے۔ اوکوں خیالات دے اظہار وچ کھائیں افراط تفریط دی مشکل پیش نہیں آئی تے ایں طرح انھیں سب خوبیں زل کرائیں ایں سفر نامے کوں ادبی معراج تے پہنچاؤ تے۔

دیسے ایہ کتاب بنیادی طور تے اٹنی ماہ پوئی تے دھرتی ماہ نال ہک بے

ساختہ محبت دا اظہار ہے۔ ایں کتاب دے ہر ہر لفظ کنوں سراہیکی زبان، ادب تے ویس نال غیر فانی محبت تے پیار دا اظہار تھیندے۔ کتاب دے منڈھ کنوں گھن کر ایں پاند تاں ایں حقیقت دا وا فر تے بھر پور اظہار ملدے جو مصنف تے اوندنا قلم اپنے ویس دی محبت وچ فنا دا درجہ حاصل کر گھدے تے خواجہ فرید دے ایں شعر کون حقیقت دا روپ ڈے ڈے تے:

ہنٹ میں رانجھن ہوئی، رہیا فرق نہ کوئی

ماضی نال وابستگی تے محبت صرف ات واسطے ضروری کانتی جو اوسوہا ہونے بلکہ اپنے روشن ماضی دا حقیقت پسندانہ شعور ہر فرد تے قوم کون نواں حوصلہ دی عطا کریندے تے اپنے حال تے مستقبل وچ کامیابیں دا ضامن وی تھی سگدے ”پیت دے پنہ“ دا مصنف نا صرف اپنے روشن ماضی دا صحیح شعور رکھدے بلکہ اوندی حال دیں خامیں تے خوبئیں تے وی نظر ہے۔ ات واسطے ایہ کتاب پوری سراہیکی قوم دی تاریخ دا آئینہ بن گئی ہے۔ ساگھڑ کنوں فورٹ منرو دا کئی سومیل دا سفر صرف سراہیکی ویس دے ماضی حال تے مستقبل دے ہزاریں سالیں دا سفر ایں جھن بلکہ ایہ مصنف دیں تخلیقی صلاحیتیں واسطے وی مہینز دا سبب بئیے۔ جسم تے ذہن دے ایں مشترک سفر وچ تخلیقی رواہٹی پوری روانی نال اظہار دا راستہ پا گھدے۔ تاریخ، جغرافیہ، مذہب، آثار قدیمہ، سیاست، طبیعات ادب تے علم الانسان دا اوسارا مطالعہ جیرہا مصنف دے لاشعور دی اندھاری کوٹھی وچ بندہا۔ محاسب کون ماں بہ کرم ڈکھ کر ایں شعور تے یلغار کیتی ہے لیکن لاشعور اہٹی عادت کنوں ہٹ تے شرافت دا اظہار کریندیں ہوئیں فنی ثقافتیں دا پورا احترام کیجے تے ایں طرح اظہار دا ایہ مسئلہ ہک انجھی لطیف قسم دی ادبی تخلیق بن گئی ہے۔ جیرہی بہوں سارے سائنسی علوم دے بھاری بھر کم خشک نظریات کون اپنے ملائم لہجے وچ سوکراہیں اسڈے واسطے مسرت،

معلومات تے بصیرت داسامان فراہم کر ڈتے۔ ماضی دا حقیقت پسندانہ شعور، حال تے نظر، روشن مستقبل دے امکانات، دا جائزہ ماہوولی نال محبت، دھرتی ماہ نال پیار، وطن پرستی دا جذبہ تے فنی تقاضیں تے گرفت ”پیت دے پنڈھ“ کوں سرائیکی ادب وچ زندہ جاوید مقام ڈے ڈتے۔

میں آخر وچ ایہ آکھ تے اہٹی گفتگو ختم کریاں جو ”پیت دے پنڈھ“ دی ساری داستان اہٹی ذات تے لپٹے اندر دے سُچاڻ دی کہانی ہے تے انسان صدیں کنیں اہٹی ایں سُچاڻ تے لکھتا ہویا ہے تے ایہا اہٹی سُچاڻ ای انسان دی معراج ہے۔ اہٹی ایں سُچاڻ دے سفر دی کہانی جیر حلقے ادب دی زبان وچ بیان کیتی ونجے تاں جیویں انسان کوں اہٹی سُچاڻ نال معراج انسانیت ملدی ہے تے اونویں ہک تصنیف کوں وی ادبی معراج نصیب تھیدی ہے۔ ”پیت دے پنڈھ“ کوں ایں کنیں وڈا خراجِ تحسین پیش کرن میڈے دس کتوں باہر ہے۔

## پکھی واس تے ہک جھات

سرائیکی وچ حالی تیں سفرنامے گھٹ لکھینے گھمیں، میڈے تھوڑے جہیں علم دے مطابق کتابی صورت وچ صرف ڈو جھمیں۔ پہلا مشہور لکھاری سیں محمد اسماعیل احمد اٹی دا خواجہ فرید ایوارڈ یافتہ سفرنامہ ”پیت دے پندھ“ ہے۔ آتے ڈو جھا ممتاز حیدر ڈو اہر دا ایہو ”پکھی واس“ ایہ ڈو وین سفرنامے اپنے اسلوب آتے مضمون دے حوالے نال ہک ہے کنوں بالکل مختلف ہن۔

”پکھی واس“ بھارت دی سیاحت دا حال احوال ہے لیکن ایندے نال ایہ موجودہ ہندوستان دے کچھ شہریں دی سیر دے علاوہ ہندوستان دی پراٹی تاریخ دا جزوی مطالعہ وی ہے۔ ایندے وچ بعض انجھیاں معلومات وی ہن چیرھیاں میں جہیں گھٹ مطالعے والے شخص کوں حاصل کا کتا ہن آتے او وڈی محنت نال کٹھیاں کیتیاں گھمیں۔ ات واسطے جتھاں ایہ سیاحت دا حال ہے اتھاں تاریخ دی کتاب وی ہے۔

ہندوستان بارے لکھدے ہوئے ساڈے کچھ اہل قلم اپنے مخصوص نظریات دا شکار تھی ویندن، مگر ”پکھی واس“ ہر قسم دے تعصب کنوں پاک سفرنامہ ہے۔ ایندے وچ بھارت دے تلوں طبقے دی جتھاں بے روزگاری آتے غربت دا تذکرہ ہے اتھاں سیاسی عمل دے تسلسل آتے اظہار دی آزادی دی کہانی وی ہے۔ ”پکھی واس“ ہندوستانی لوکیں دی عام زندگی اتے انھیں دی پاکستانیں نال محبت دے سوہنے واقعات دے اظہار دی کہانی وی ہے۔ آتے بعض علمی آتے تاریخی شخصیات نال

ملاقات و امرتسار دی ہے۔ جبرمی وہ کون پاکستان تے بھارت دے شہریں دے درمیان ایہ کتاب امن تے دوستی دی دستاویز بن گئی ہے۔

پوری کتاب وچ روانی آتے تسلسل موجود ہے۔ طرز تحریر ہوں موثر ہے آتے بعض حیرانگراں دل کوں ہوں بھانڈن۔ ات واسطے ایہدا مطالعہ ہوں دلچسپ ہے۔ ایہدے علاوہ جاہ جاہ تے ظرافت آتے چٹکے دی ملدین۔ جبرھے تحریر وچ خشکی پیدا نہیں تھیون ڈیندے۔

ابھی ذات آتے طرز یقینا یک دل گردے والے انسان داکم ہوندے آتے ایہ رویہ ممتاز حیدر دی تحریر وچ ڈھیر سارا موجود ہے۔ جبرھا اوکوں حوصلہ مند لکھاریں دی قطار وچ آن کھڑا کریندے۔

مشہور ہے جو سیاح آتے شکاری ہوں کوڑ مریندن۔ کم از کم ممتاز حیدر ایں اکھاں کوں کوڑا کر ڈتے۔ کیوں جو کتاب پوری دیانتداری نال لکھی گئی ہے آتے ایہدے وچ اپٹے آتے غیریں دے عیب ثواب دے معاملے وچ افراط تفریط نال کم ہرگز نہیں گھدا گیا۔

کتاب وچ ڈھیر ساریاں تصویراں وی ہن۔ حیدرے نال کتاب دی اہمیت وچ اضافہ تھی گئے۔ ات واسطے اپٹے مواد تے اشاعت ڈوہیں چیشیتیں نال لکھی واس سرا نیکی ادب وچ قابل تعریف اضافہ ہے۔

## سراسر نیکی ادب دا اگواٹ افسانہ نویس

انقلاب میکیوں فن نال تحارف کرایا تے ابدے بدلے فن میکیوں  
انقلاب نال تحارف کرایا۔ (آئن سٹائن)

چیویں جو احسن دا گھاپٹے پہلے افسانوی مجموعے ”تھل کرن دریا“ (شائع شدہ 1979ء) وچ آکھئے جوڑ دشوق منڈھ لاء دے ہن۔ ہک عاشق بیٹن داتے یا مصنف بیٹن دا۔ ہن مصنف تاں اوہن گئے تے عاشق او پہلے کنوں ہا۔ شاید ایسا وجہ ہے جو اوندے اکثر افسانے عشق محبت نال بھرے ہین۔ جنھیں وچوں کجھ کوں لوک فحش دی آکھ سکدن۔

عشق دے نال ”انقلاب“ انھیں دا ڈوجھا موضوع ہے۔ تاہم زبانی جج خرچ دے علاوہ انھیں کوں انقلاب نال کوئی خاص دلچسپی کانتی۔ ات واسطے انھیں دے افسانیں وچ اکثر کامریڈ اخلاقی کمزوریں دا شکار نظر آدن۔ انھیں دے پہلے افسانے ”سواء واسیک“ وچ کامریڈیں دی بزدلی، کالج وچ انقلابی آتے عام زندگی دے وچ روایتی ہووٹ پاروں انقلاب نال قاری کوں کہیں قسم ہمدردی پیدا نہیں کریندا۔ اینویں کہانی ”ڈکھئے لوک“ وچ مزدوریں دیاں بے ایمانیاں ایں قسم دی ہک ہی مثال ہے۔ دل ”وتھاں“ نال گلہ ای ختم کر ڈیندے جتھاں ہک انقلابی بے روزگاری تے بکھ دے ہتھوں مجبور تھی کراہیں چھوہریں ملاوٹ واکم کریندے۔ ایں سانگے ارسطو آکھیا ہا غربت، انقلاب تے جرم ڈوہیں دی ماء ہے۔ ”بگھا جٹ“ دی کامریڈیں دی بے عملی تے اپنے خاندان کوں برباد کرن دی کہانی ہے۔ خراب حالات وچ انقلاب کیتے صلاحیتیں والے لوک چاہیدے ہوندن



تے خراب حالات وچ عام لوک انقلاب دی بجائے جرم دامنہ کریندن۔ ایہ ہے انقلاب دی تمام تر کج فہمی دا جواب۔

میکوں ہک سنگتی آکھیا جو "احسن واگھے، تساں انقلاب پرست دوستیں دا ککھ کھن رکھیا۔" میں جواب ڈتا جو "تھل کرن دریا داصنف دی اساں وچوں ہے۔"

اسں مجموعے وچ کئی افسانے خالص رومانی وی ہن۔ جیویں جو "اولوں" اسں کہائی وچ سلیمہ دا ڈکھ اپنے ماحول کنوں ٹرٹ وئجن کہائی کوں ٹریجڈی بنا ڈیندے۔ انسان دے داخلی ڈکھ کوں بیان کرن ہک ہنر ہے۔ احسن واگھا کوں ایہ ہنر آندے۔ اینویں افسانہ پچھلا وی ہے آتے شاہ رانجھا وی ہک ہنر مند عورت بازدا کہیں عورت کوں راضی کرن دا ڈھنگ نشاہر کریندے۔ ہی کہائی "ایہا کندھ اوڈھر دی" کوں وی اساں اسں قطار وچ رکھ سکدوں۔ البتہ میکوں ایہ کہائی فنی طور تے انھیں کہانیاں کنوں کمزور لگی ہے۔

کئی کہانیاں انقلاب تے رومان دے حوالے نال رزٹو ملوہن۔ جیویں جو ڈھونڈا ایہ افسانہ محبت آتے انقلابی جدوجہد دے درمیان کھٹکھٹ کوں ظاہر کریندے۔ اینویں کہائی "تھل کرن دریا" وی ہے البتہ اسں افسانے وچ تصوف آتے انقلاب دا زلا ہے۔ اٹھال انقلابی دوستیں دے کیں کاریں تے سو جھلا پاتا پگے۔ انھیں کوں رقم دی کہیں خفیہ ذریعے نال آندی ہے۔ احسن واگھا دا ذاتی طور تے انقلابی دوستیں نال انھن پہن انقلابی کوں مہانگا ہے۔ مصنف کوں انھیں نال کھاکس دی ہمدردی نہیں ملدی۔ احسن واگھا دے افسانے وچ میکوں قرۃ العین حیدر نال وی کوئی نامعلوم قسم دی رقابت نظر آندی ہے۔

بعض افسانے سماجی حالات دی عکاسی وی کریندن۔ جیویں جو ماس دے مل ہے۔ ایہ ہک بے بس تے غریب انسان دی مجبوری دی کہائی ہے۔ جیرھا

قوت ارادی کنوں محروم ہے۔ ایں کہانی وچ بے پناہ کردار ننگے تھیدے نظر دن۔ اتے انسان اپٹے کمینہ پن نال سامٹے آندے۔ اینویں بھنڈی روی ہک تکلیف دہ کہانی ہے۔ چیرھی انسان کون ڈکھار اکر ڈیندی ہے۔ ہک مجبور انسان دیں مجبوریں کنوں مفاد پرست لوک کیوں فائیدہ چیندن۔ ایہ کہانی اول صورت حال کون نشا بر کریندی ہے۔ ڈراکلے چہرے میکوں ہک نفسیاتی کہانی لکھی ہے۔ چیرھی ٹیوٹردی نفسیات کون سمجھن وچ مدد ڈیندی ہے۔ احسن دا گھاسرا نیگی افسانے کون اوندی پڑائی روایت کنوں ہٹتے نواں رخ ڈتے۔ اول انقلاب (سیاسی فکر) دے حوالے نال چیرھے موضوعات درتین اوسرا نیگی افسانے وچ ہوں گھٹ ملدین۔ بلاشبہ ”تھل کرن دریا“ سرا نیگی افسانے ادب وچ ہک نو ہنگامہ مجموعہ ہے۔ اوں سرا نیگی افسانے کون معتبر کیجے توڑے جو او کجھ مذہبی حلقیں دی طرفوں اوندے اتے فحاشی دا الزام آسکدے او شاید ات واسطے جو مصنف دا پٹا بٹایا ہو یا ٹاکسل مولویں کون ناگوار گزرے۔ ایندے علاوہ ہک کردار فحاشی دا شکار وی آکھیا دہنج سکدے۔ چیرھا جو ”جھوٹی“ نال بد فعلی کریندے۔ تاہم اگر ایکوں اول کردار دے نفسیاتی پس منظر وچ سمجھیا ونجے تاں شاید تہا کون ایندا کوئی جواز ملے۔ ایں کردار بارے اسٹڈے ہک دوست سوال کیا ہا جو کیا اٹھجے کردار اعلیٰ ادب دا معیار بن سکدن۔ میکوں نیگما پتہ جو احسن دا گھاسرا ایندا کیا جواب ڈتا۔

ایندے علاوہ شاید ہوں سارے کامریڈ وی ایہ آکھ سکدن جو ہوں سارے افسانیں وچ کامریڈیں دی کردار کشی کیتی گئی ہے اتے انقلاب کون بدنام کیا گئے۔ انقلاب کنوں باہر ہک فنکار کیجے انقلاب نا قابل فہم تھی سکدے تے انقلاب ای ساکوں ایندی بہتری سمجھ ڈے سکدے۔ تاہم ”تھل کرن دریا“ دا مصنف جینکوں میں ذاتی طور تے جانداں ہک ذہین اتے چا بکدست تخلیق کار ہے۔

اوندے وچ افسانے دے حوالے نال فطری تخلیقی صلاحیتاں وافر طور تے موجود ہن۔  
 جید اول اپنے افسانیں وچ بھرپور اظہار وی کیجے۔ اوند امشاہدہ تیز ہے تے تجربہ وی  
 وافر۔ اوند ا تجربہ حقیقی، گہرا آتے جاندار ہے۔ ادکالھ دی تہہ تاں فوراً طور تے جین  
 دی صلاحیت رکھدے۔ تاہم او بعض اوقات اپنے افسانے وچ خود دی ظاہر تھی  
 دیندے۔ جینکوں ئی۔ ایس۔ ایلٹ جیمس نقاد مناسب نہیں سمجھدے۔

مجموعی طور تے کتاب دیاں اکثر کہانیاں فنی طور تے پختہ ہن۔ کہانی آتے  
 مصنف دی گرفت موجود رہندی ہے آتے زبان افسانے دے مزاج مطابق ہے۔

کہانی دی ٹیکنیک وچ بعض تبدیلیاں جرأت مندانہ ہن۔ جیرہیاں افسانے  
 دے مجموعی ڈھانچے کوں مجرد کرن دی بجائے اوند ا تاثر گہرا کریندن۔ اگرچہ بعض  
 جیمس تے ابلاغ متاثر تھیند انظر آندے۔ لیکن ایندے باوجود سرائیکی دیاں ایہ کہانیاں  
 اُردو افسانے دے کہیں ڈڑے کہانی کارویں کہانیاں دے مقابل رکھیاں وچ سگدن۔  
 کرداریں دی گفتگو پٹے موضوع خصوصاً عشق محبت دے حوالے نال حقیقی آتے آرمودہ  
 لگدی ہے۔ البتہ ایں مجموعے وچ موضوعات محدود ہن۔ زیادہ تر افسانے لپٹے پسندیدہ  
 موضوعات دے آسوں پاسوں پھردے رہندن۔ بہر حال احسن واگھاسرا نیکی افسانے  
 کوں نویں امکانات داسونہاں کیجے آتے یقین نال اُمید کیتی وچ سگدے جو مصنف  
 اہوں تے انھیں کون وی زیادہ اعلیٰ افسانے تخلیق کریسی۔ تاہم میں اہج دے سرائیکی  
 ادب دا احسن واگھاسرا کوں اہوں افسانہ نویس آکھ سگداں۔

آخر وچ میگوں ایہ کالھ آکھن ضروری لگدی ہے جو سرائیکی زبان دے  
 طے شدہ اِلما وچ ”ن“ استعمال کرن دی بجائے مصنف اٹنی کتاب وچ پنجابی  
 اِلما ”ن“ استعمال کیتی ہے۔ جیدے نتیجے وچ سرائیکی لکھاریں وچ اختلاف پیدا تھی  
 سگدے۔ میگوں نہیں پتہ ”ن“ دی اِلماد اکیا پس منظر ہوسی۔

## حجھ داسنیہا وچ سرائیکی دسوں

ڈاکٹر اسلم عزیز درانی کوں ایہ اعزاز حاصل ہے جو او جام پور دے اُردو ادب وچ پہلے پی۔ ایچ۔ ڈی دهن۔ ایندے نال انھیں کوں ایہ اعزاز وی حاصل ہے جو راجن پور دے اہل قلم وچوں سب کوں پہلے انھیں دے سرائیکی افسانیں دا مجموعہ ”حجھ داسنیہا“ منظر عام تے آئے۔

ڈاکٹر اسلم عزیز درانی کہیں تعارف دے محتاج کانتی۔ او اُردو آتے سرائیکی دے معروف ڈرامہ نگار، افسانہ نویس، محقق آتے نقاد دهن۔ انھیں دا ایہ ادبی کم پاکستان بھر دے معروف رسائل آتے اخبارات وچ مسلسل مجھد ارہ ویندے۔ ٹیلی ویژن تے انھیں دے آئن کثت پروگرام نشر تھین۔ ڈاکٹر صاحب اگرچہ کالج وچ پڑھیندین لیکن اپنی ایس تعلیمی مصروفیات وچوں وقت کڈھ تے ادب دی ترقی واسطے مسلسل محنت نال لکھدے رہ ویندن۔ سرائیکی وچ انھیں دے افسانیں دا پہلا مجموعہ ”حجھ داسنیہا“ 1995ء وچ چھپ تے اساڈے سامنے آئے۔ کتاب دا انتساب لپٹے کھٹے مٹھے سنگتیں طاہر تونسوی تے محسن نقوی دے نال ہے۔

افسانیں دے ایں مجموعے وچ ہارھاں کہانیاں دهن آتے ایہ کہانیاں ڈاکٹر صاحب دی افسانے دے فن تے گرفت دی عمدہ مثال دهن۔ ڈاکٹر صاحب کوں کہانی بیان کرن دا ڈھنگ خوب آندے۔ انھیں ہر افسانے دے موضوع کوں بہوں خوبی آتے چابکدستی نال نبھائے۔ انھیں دی زبان سلیس آتے رواں ہے۔ آتے چالھ کوں ایں بیان کریندن جو اوقاری دے دل وچ بہہ ویندی ہے۔ افسانیں دا ماحول زیادہ تر لپٹے ارد گردا ہے آتے کرداریں دے کئی نال قطعی طور تے سرائیکی دهن۔ جیویں اللہ

ڈنٹ وغیرہ۔ انھیں افسانیں دے اکثر موضوعات سرائیکی وسیب نال تعلق رکھدن۔ اکثر کہانیاں اتھوں دے جبر کول اپنا موضوع بنیندن۔ آتے ڈکھی لوکیں دیں مسئلہ کول لوکیں تائیں پھیندین۔ افسانہ ”تند“ وچ وڈی حویلی دی ”آنا“ دی سوہنے انداز وچ عکاسی ملدی ہے آتے ایں حویلی تے کھلا دا خون وہندے۔ ایہ اوندی عمدہ تصویر ہے۔

تجریدیت دی جبرمی دبانے ہک زمانے وچ افسانے کول اہٹی گرفت وچ گھن گھدا۔ ڈاکٹر صاحب ایں کول خود کول محفوظ رکھیے۔ ڈاکٹر صاحب دے نزدیک کہانی دے بغیر کوئی افسانہ نہیں تھی سگدا۔ ات واسطے انھیں دے ہر افسانے وچ کہانی اول افسانے دی روح ہوندی ہے آتے کردار اندلنت۔ چڈاں جو ماحول لوندیں انھیں دا کمپوزیندن۔

ڈاکٹر صاحب دا ہر افسانہ پڑھدی ہونکیں قاری اوندی فضا وچ گم تھی ویندے، آتے گرد و نواح دے ماحول کول بے خبر تھی ویندے۔ ڈاکٹر صاحب اپنئے متن دے زور تے قاری کول اہٹی گرفت وچ گھن گھدن۔ ہر افسانے دا منڈھ اوندا عروج آتے آخری موڑ ایہ سب اتار چھاؤ ڈاکٹر صاحب اہٹی مرضی دے مطابق طے کریندن۔ کجھ لکھاری آہدن جو کہانی خود اپنے آپ کول لکھویندی ہے۔ لیکن اتھاں کہانی ڈاکٹر صاحب دے اکول اہٹی مرضی نہیں کر سگدی۔ کہانی کول ڈاکٹر صاحب اہٹی مرضی دے مطابق انجام تے پھیندین۔

کردار ایں دی اپنے ماحول نال مناسبت دا افسانہ نگار کول پورا شعور ہے۔ او انھیں کول انھیں دے مزاج آتے ماحول دے مطابق Build کریندن۔ آتے انھیں کول انھیں دے منطقی انجام تے گھن ویندن۔ ”سجھ داسلیہا“ سرائیکی وسیب دی وسوں دی جیددی جاگدی تصویر ہے۔ جبرمی اساڈے معاشرے کول پوری سچائی نال قاری آتے مشکف کریندی ہے۔ اتے پوری سرائیکی وسوں کول پڑھن والے تے نشابر کریندی ہے۔ بلاشبہ سرائیکی افسانے دی تاریخ وچ ایہ ہک معتبر حوالہ ہے جبرھا اساکول اہٹی دھرتی نال بھویندے۔

## مسرت کلا نچوی: تانیثیت کنوں اگاں

مسرت کلا نچوی بارے میڈے نزدیک ایہا گالھ ملے ہے جو اوسرا نیکی دی ہک چنگی افسانہ نگار ہے۔ اہنٹ تائیں جیڑھلے ایہ گالھ موضوع بحث ہے جو سرائیکی دے کجھ افسانہ نگار فن دے تقاضیں کنوں واقف وی ہن یا کانتاں۔ مسرت کلا نچوی بارے اے تسلیم کر گھنن جو او افسانے دے فن تے قدرت رکھدی ہے۔ یقیناً ہک اعزاز دی گالھ ہے۔

مسرت دا پہلا افسانوی مجموعہ ”اچی دھرتی جھکا آسمان“ ایں گالھ دا پہلا ثبوت ہے جو او افسانے دے مرحلے تیزی نال ملے کر بندی پئی ہے۔ اہج چیزھلے اسان اوندے ڈو جھے افسانوی مجموعے ”پوکھن کنیں دیاں والیاں“ کوں پڑھدوں تاں یقینی طور تے ایں سچائی کوں محسوس کریندوں جو ایں عرصے وچ مسرت نہ صرف فنی چنگی حاصل کیتی ہے بلکہ فن دے پئے سب تقاضے وی پوری کیتن۔ مسرت دے ہکے افسانے اوندے وڈے افسانے دی نسبت فنی حسن دے زیادہ اہم ہن تے ایہ فنی تقاضیں تے گرفت دا ثبوت ہے۔

مسرت دے افسانیں کوں کہیں ہک مخصوص نظریاتی لہجے تے نہیں پرکھیا وچ سکیندا، اولہ پئے فن کوں کہیں خاص فکر دی تبلیغ واسطے استعمال نہیں کر بندی۔ ات واسطے سارے افسانیں وچ کوئی مخصوص فکری یا نظریاتی تسلسل پورن بے معنی ہے۔

اوندے افسانے ذاتی تجربے آتے مشاہدے دے عکاس ہن، آتے مختلف ذہنی کیفیات آتے مشاہدیں دی نمائندگی کریندن۔ ایہا وجہ ہے جو انہیں افسانیں کوں

موضوعاتی اعتبار نال نفسیاتی، جنسی اُتے سماجی انسانیں دے اُنچ اُنچ درجیں وچ رکھیا وچ سکیہ دے۔ توہیں جو بعض انسانیں کوں خواہ مخواہ انھیں درجیں وچ فٹ کرن بے معنی وی ہے کیوں جو او زندگی دے مختلف پہلو دیکھیں اُتے کئی انسانیں دی عکاسی کریندن۔ ”اچی دھرتی جھکا آسمان“ وچ مسرت دی فکر تائیسیت دے گھر گھومدی ہے۔ لیکن ”ڈکھیں کنیں دیاں والیاں“ وچ تائیسیت کنوں اگوں سفر کرتے سماجی حقیقت پسندی دے نظریے کوں درتیاہئے۔

ایندے بعض انسان دی پیچیدہ ذہنی کیفیات دے انسانے دن جیویں جو ”ڈکھیا مسافر“، ”کھپے دی وس“، توہیں جو ہک سماجی مجبوری دا نتیجہ ہے۔ تاہم کھپے دے دوران ہک بال دی ذہنی کیفیت اُتے اوندا انجام ایس حقیقت دا اظہار ہے جو نفسیاتی مسائل دی سماجی مسائل نال جوڑے ہوئے دن اُتے ایہ انسان ہک خاتون ای لکھ سکدی ہے۔ ”ڈکھیا مسافر“ وی اپنیں مختلف شبہیں دے حوالے نال اصل مسافر دے ماضی دی عکاسی کریندے کیوں جو اوہی بالآخر اسٹیڈی زندگی کنوں جنم گھنن۔

”ڈکھیں کنیں دیاں والیاں“ اسٹیڈے جنسی مسائل نال وابستہ کجھ کہانیاں دی بیان کریندی ہے۔ بہر حال ایہ مسائل دی زندگی کنوں کہیں صورت وچ اُنچ کائی، اُتے تقدس دے گوڑے لبادے پاتے اسان انہاں مسائل کنوں نظر انھیں پڑاسکدے۔

”پنٹالیہواں سال“ ہک شہکار ہے اُتے ایس شیطان جذبے کوں کنٹرول رکھن دی زبردست کوشش اے جیڑے حلے وضع داری اُتے نزاکت دے دباؤ وچ دیکھا ہویا ایہ جذبہ کھڑویندے۔ انسان کوں اپنئے اندر نال جیہہ جیڑی جنگ لڑنی پوندی ہے ایہ اوندی ہک شاندار مثال ہے اُتے انسان دی اصل معراج انسانیت دی خوشبو

اساڑے روح تائیں کھنڈر ویندی ہے۔

”نواں رستہ“ اساڑے جنسی مسائل دے ہک ہئے پہلو دی نمائندگی کریندے جیڑھلے جو ”نقاب دے اوڈھر“ اساڑیں منافقتیں آتے اخلاقی دیوالیہ پن دا کچا چٹھا کھول ڈیندے۔

مست کلاںچھی کوں اساڑے سماجی مسائل داوی گہرا شعور ہے۔ اوندے سماجی مسائل نال وابستہ افسانے ”غلام دا غلام“ آتے ”کھپے دی وِس“ اساڑے ایس بوسیدہ سماج دے جبر دے المیے دی داستان دین آتے اسان کیزھے کیزھے ڈکھیں وچ زندگی گزریںدوں۔ ایہ افسانیں انہیں دامنہ پولینڈ اثبوت دین۔

انسانی زندگی نال ہزاراں لمبے وابستہ دین آتے ایہ والیاں پاوٹ دے کرب کنوں وی شاید کئی گنا زیادہ اذیت تاک دین۔ ”ڈکھن کنیں دیاں والیاں“ دے کئی افسانے انہیں لمبیں نال وابستہ کہانیاں کوں بیان کریںدے۔

”کھوہ تے سمندر“ موت دے ڈکھ دی کہانی ہے۔ موت دا ڈکھ دراصل دائمی جدائی، فنا تے کالعدم ہون ڈکھ ہے۔ آتے ایس ڈکھ کنوں بچن دا انسان آسرا بکولیندے۔ ایہ کہانی فنا دے انکار آتے زندگی دے تسلسل دے قائم رہ وچنن دا کوڑا سچا جواز فراہم کریںدی ہے آتے اساڑے ایس زخم لیوں مرہم دا کم ڈیندی ہے۔

”بختیں دا گپ دلائی“ ہک مشترک محبت، مشترک درد آتے مشترک لہودی داستان ہے جیڑھی بھنے ٹرے رشتیں کوں دلا جوڑیندی ہے۔

”چوراسی پوڑیاں“ آپنے بوجھ کوں لپٹے نسلیں ڈونٹھل کر ڈیوٹن دی کہانی ہے آتے ایس قول کوں سچا ثابت کریںدی ہے جو عورت کوں شادی کنوں پہلے آتے مرد کوں شادی دے بعد مستقبل دی فکر لگدی ہے۔

”انسان دا انسان“ انسانی اخلاقی دیوالیہ پن دی کہانی اے۔ جہاں



جانوریں کوں وی انسانیں نال ہمدردی پیدا تھی ویندی ہے مگر فسوس! انسان ایندا کوئی چنگاں آجر نہیں ڈیندا۔ البتہ کڈا ہیں کڈا ہیں اپٹے ایں دیوالیہ پن کنوں گھبر اویندے تے ول جانوریں نال پیار شروع کر ڈیندے آتے اتھوں ”مجت دے کھنڈارے“ جیہاں کہانیاں جنم گھندن۔ ایہ ڈوہیں کہانیاں انسان مزاج دے تضادات کوں نمایاں کریندن۔

مرت کلا نچوی اپٹے تجربے آتے مشاہدے دے ذریعے زندگی وچ جیڑھے جیڑھے المہیں نال ڈو چار تھئی اے۔ او انھیں کنوں جان چھراوٹن آتے کتھارس حاصل کرن دا ایہو طریقہ سوچیندی ہے جو انھیں المہیں کوں اپٹے فن دے ذریعے اساڈے اندر نخل کر ڈیوے۔ لیکن حقیقت تاں اے ہے جو اسال خودی کئی والیاں لپٹے کنیں وچ پاتیاں ہونیاں دن۔ (سرائیکی وسیب وچ کڈا ہیں مردوی کنیں وچ والیاں پیندے ہن) آتے ایہ زرخیز آتے بد نصیب وسیب دا مقدر ہے۔

مرت دے افسانے اسا کوں زندگی دا بہتر شعور آتے بصیرت ڈیندن۔ ایں بصیرت نال ہک لطیف قسم دی مرت وی ملدی ہے جیڑھی دراصل اعلیٰ فن دی بخشش ہے۔

مرت کلا نچوی اہٹی زندگی وچ جیڑھا کجھ محسوس کیتے اوندا کجھ حصہ اسا کوں وی ڈسائے۔ پتہ نہیں فنکار اپٹے محسوسات کوں کتلا حد توئیں قاری کوں پہچا سکدے فرانز کا فکا آبدے ”میں جیڑھا کجھ لکھداں ایہ اوکوں مختلف ہے جیڑھا میں الیند اں۔ جیڑھا میں الیند اں اول کنوں مختلف ہے جیڑھا میں سچیند اں۔“ تاہم فنکار جیڑھا کجھ سمجھدے اوندے ہارے دی یقین نال تمہیں آکھیا وچ سکدا اجو قاری او پورا دا پورا حاصل کر گھندے تاہم لکھاری واسطے او ہو کجھ اے جیڑھا کجھ اوندا قاری حاصل کریندے۔ مرت کلا نچوی دا قاری کیوں جو اوندے افسانیں کنوں بہوں سارا شعور

آتے بصیرت حاصل کریندے۔ ات واسطے ایہ وی اوندے فن دی کامیابی دی علامت ہے۔

سرت جتھاں اپنے افسانیں وچ چھڑا مشاہدے آتے تجربے بیان کر ڈیندی اے۔ اتھاں کجھ امکانات دی گالھ وی کریندی ہے۔ اتے امکانات دا اظہار دراصل اساکوں مستقبل دا شعور ڈیندے۔ ایندے علاوہ اے کجھ غیر شیعہ وی ہے آتے فنکاریں دا ایندے وچ چال پھال حصہ کھنیا دیندے۔

سرت اپنے خیالات دے اظہار کیجے علاقہ امتی انداز وی اختیار کیجے آتے سادہ (حقیقت پسندانہ) وی، علاقہ کھانیں وچ ’پڑوجھا مسافر‘، ’انسان دا نشان‘ تے ’چوراسی پوڑیاں‘ سوچنے افسانے کن تے علاقہ امتی انداز تے لکھاری دی گرفت کوں ظاہر کریندن۔

سرت دے کردار صحت مند آتے توانا کن او زندگی کنوں ہارے ہوئے نہیں بلکہ کہیں نہ کہیں حوالے نال جدوجہد کریندے ہوئے ملدن۔ خواہ اوہ زندگی دے کہیں طبقے نال وی تعلق کیوں نہ رکھدے ہوں آتے اے وی سرت دے افسانیں دی کجھ وڈی خوبی ہے۔

## ویندی رُت دی شام وچ حقیقت تے ترقی پسندی

گھولن ای انقلاب ہے۔ (انٹونیو گرامی)

پاکستانی سماج قبائلی آتے جاگیردارانہ نظام دی بچ کُٹ آتے سرمایہ دارانہ نظام دی ابتدائی تشکیل نال عبارت ہے۔ جتھاں پرانے عقائد، نظریات آتے اخلاقی قدراں زوال دیاں شکار دین۔ اُتھاں نویں خیالات کوں قبول کرن وچ اساڈی سوسائٹی کوں کجھ مشکلاں درپیش دین۔ ایہا وجہ ہے جو اساڈیاں شکلاں تے کردار ادھور، مسخ شدہ، نامعلوم نفسیاتی، جسمانی آتے جنسی الجھن دانمونہ دین۔

میڈے خیال وچ اساں وچوں ڈھیر سارے لوک ایں کالج تے متفق ہون جو کوئی وی فنکار جبرمی سوسائٹی دا حصہ ہوندے لپٹے نظریات آتے کردار اُتھاؤں گھنڈے۔ آتے دل انہیں کوں ہک تخلیقی رنگ روپ ڈے تے قارئین دے سامنے پیش کریںدے۔

حفظ خان دی اساں وچوں ہے۔ اوندے افسانوی مجموعے ’ویندی رُت دی شام‘ کوں پڑھوں تاں ایندی تائید تھیندی ہے کیوں جو اوندے سارے کردار اساڈی سوسائٹی آتے روزمرہ زندگی دا حصہ دار لگدن چیزھے ہر ویلے اساڈے سامنے کنوں لگھدن۔ لیکن اساں انہیں ڈو توجہ نئے ڈیندے۔ شاید کوئی تخلیق کار اساں عام آدمیں وانگوں نہ گزر دا ہودے۔ اگر گزر داوی ہودے تاں اوندا لاشعور انہیں ساریں منظرین آتے کردارین کوں از خود تے چُپ چاپ محفوظ کر گھنڈے۔ دل کہیں وی تخلیقی عمل وچ اوسب کجھ فنکار دے قلم دے سپرد کر ڈیندے جیندے بعض اوقات خود تخلیق کار کوں وی احساس نہیں تھیندا۔

حفیظ خان اپنے سب کردار خود تخلیق کتہن۔ بعض جاہل تے میکوں احساس تھئے جو اوں اپنے خیال کوں پیش کرن کہتے کہانی دے کرداریں دی پشت وچ خاصی وچنی اذیت بھوگی ہے۔ تاہم ایہ کبڑاہیں نہیں آکھیا وچ سکیہدہ جو اوندی کہانی داسواد تے کردار خلا وچ تخلیق تھین۔ ایہا وجہ ہے جو ایس بھج دے ٹرندے تے نویں تعمیر تھیدے سماج دا نگوں انہیں وچوں اکثر نامکمل، معذور، جنسی صلاحیت توں محروم، جنسی عدم تسکین دا شکار آتے جذباتی بیجا نہیں وچ گرفتار دن۔ لیکن ایندے برخلاف دی ہوں سارے ہئے کردار زندگی دے نویں جذبیں نال سرشار، بے عزم جدوجہد دے ہیکر، ماتا دے جذبات نال مست آتے زندگی دی بقاء دے تسلسل کوں قائم رکھن کہتے سیدہ پیرہن۔ ایہا وجہ ہے جو ایہ سارے کردار جیڑھے کج ٹرٹ دا شکار وی دن تے زندگی دی بقاء دی جدوجہد وچ ہمت نال شامل وی، سماج دے حقیقی نمائندے تے سچے عکاس ہن۔

”تیلی“ جیڑھا جنسی صلاحیت توں محروم ہے۔ سماج دیاں زوال پذیر قدراں دا طعنہ نہیں شلن چاہندا تے روزانہ سویرے نال تو لیا تے صابن چاہ تے حمام ڈوبے وجہ وٹھنن دا کرب سہدے..... آتے نوجوان رشیدہ جنسی تسکین توں محروم کھنڈے آتے آکساں بھنن تے تھکاڈیوں والے عمل توں بیزار تھی ویندی ہے آتے بالآخر بوسیدہ سماجی قدریں کوں ٹھڈا مار تے جیدے رہن دانواں اہر کریندی ہے۔ جیدہ نتیجہ سماج دی بُرائی قدریں دی نمائندہ ماہ تے وضع دار تیلی دی موت وی شکل وچ ظاہر تھیدے۔

”جام مراد“ دی پوری زندگی جنسی عدم تسکین دا شکار رہندے آتے اونگوں جیڑھے آئیڈیل ملدے تاں اوندے آتے اخلاقی قدریں دا ایہو جیڑھا دپاؤ ہوندے جو ادا نہیں کوں بھن نہیں سکدا تے دھڑام نال مرویندے۔

”پہچاتی مہنگی“ دا کردار صمیم ہڈاٹے آتے نوں سماج دی نگر دے نتیجے وچ غیر متوازن شخصیت آتے جذباتی بیجان دا بیکر لگدی ہے۔ اوہ پرانے قد ریں دی پاسداری وچ اہٹی محبت نال وقاداری دا حواگی عصمت دی حد تاں اظہار کریندی ہے لیکن نوں مادی قدریں دے دباؤ دا شکار تھی کر اہیں دولت دے پچھوں وی بچ ڈھرک کریندی راہندی ہے۔ لیکن بالآخر ٹھٹ بچ دا انجھا شکار حمیدی ہے جو شخصیت دی نوں تعمیر دی بجائے سب کچھ ونجا ہا ہندی ہے آتے اوندرا حاصل ہئے کھاویندن۔

جنتاں حفیظ خان دے ایہ سارے کردار سماجی بچ خُرت دا انفسیاتی اظہار دین اتھاں نوں سماج دے آغاز تے تعمیر کیجے نوں جذبتیں نال سرشار کردار وی ملدن۔ جسانی نقائص دے باوجود ”پاپاپ“ ہک باہمت آتے پُر عزم کردار ہے جیڑھا اہٹی فطری کمزوری دے ازالے آتے اہٹی ذات دی تکمیل اللہ ڈیوائے دی شکل وچ کریندے آتے اہٹی حیران کن جدوجہد نال دنیا کوں تعمیر کر ڈیندے مگر آخر وچ اہٹی محرومی تے رووی پوندے جو او قدرت دی ہک انجھی تخلیق تھی جنس کنیں جذبے تاں ہن مگر تسکین کیجے جسانی نقائص نہ ہن۔

”بو تے“ دا کردار رضوان، زندگی دی بقاء کیجے بھر پور جدوجہد کہیں حالت وچ تے کہیں مقام تے ترک نہیں کریندا۔ او اُجاڑ روی وچ اندھاری گھمپ رات کوں پیدل بچ بچ تے زندگی کوں بچاؤں تے اوندے تسلسل کوں قائم رکھن کیجے اُن تھک جدوجہد کریندے آتے ایس طرح پوری کتاب دا ہک مثالی تے محترم کردار بن ویندے۔

”مگھی“ دا معصوم تے سادہ کردار زندگی نال سچی محبت آتے مانتا دے جذبے دا شاندار اظہار ہے۔ توڑے جو ”مگھی“ کوں شادی نصیب ای نہیں تھی لیکن او زندگی دے تسلسل کوں اوں مقام تے وی قائم رکھن دی جدوجہد کریندی ہے جنتاں

بک حقیقی تے چھی ماسادی بے بس تے لاچار نظر آمدی ہے آتے ”مگلی“ ایس جدوجہد  
 وچ اگئی زندگی قربان کرن توں وی نہیں چکدی !!

”ویندی رُت دی شام“ دے سارے افسانوی کرداریں دا تجزیہ کیجا ونجے  
 تاں اوہنے طبعی میلانات آتے اختلافات دے باوجود بک مشترکہ جذبے تے  
 جدوجہد دی عکاسی کریندن آتے او جذبہ، زندگی دے تسلسل کوں قائم رکھن آتے  
 اوندی بقاء کوں تحفظ فراہم کرن دا جذبہ ہے۔

تیلی ہووے، بھانویں رشیدہ، نسیم ہووے، بھانویں مگلی، مولوی  
 عبدالقدوس ہووے، بھانویں خور بی بی، جام مراد ہووے، بھانویں اپا چپ، سبھ  
 کردار توڑے جو کوئی معذور ہووے، بھانویں جنسی عدم تسکین دا شکار، زندگی دے  
 تسلسل کوں قائم رکھن دے فطری تقاضے کنوں محسوس بھلہ بلکہ اوکوں ہر حالت وچ  
 قائم رکھن دا اہر کریندے۔

افسانہ ”بوتے“ توہیں جو لپٹے مزاج دی روح نال ”ویندی رُت دی شام“  
 دے ہمیں افسانیں کنوں قطعی مختلف ہے (آتے اوندی کہانی تے رومانی یا جنسی فضا  
 طاری نہیں راہندی) ایندے باوجود واضح طور تے زندگی وی بقاء دی جدوجہد دکھایا  
 تے نمائندہ افسانہ ہے۔

”زندگی وی بقاء دی جدوجہد“ ایہ ہے حفیظ خان دے سارے کرداریں  
 دے نفسیاتی تجزیے دا حاصل۔ اگرچہ ظاہر طور تے اکثر کردار جنسی حوالیں نال لپٹے  
 مختلف روپہا تے اساڈے سامنے آمدن۔

”ویندی رُت دی شام“ دے ساریں کرداریں دی ساخت فطری آتے  
 بے ساختہ ہے۔ انہاں وچ بناوٹ آتے تصحیح کتھاہیں نظر نہیں آندا۔ ات واسطے  
 حفیظ خان دافن کہیں نظریاتی پروپیگنڈا دا شکار نہیں تھیوے۔ پوری کتاب دے

افسانوں کا مجموعی تاثر ملے۔ لیکن یہ مجموعی تاثر بلاؤں کی شعوری کوشش کی نہیں کہتی، مگر آتے نہ کہیں حکیم دانگوں دو پلاؤں کا جبر کتنا مگرے جو اوضرو افسانہ نگار دے نظریے کو تسلیم کرے۔ نظریہ یا فکر جتنا ہی کہانی دے اندر لکھا کھڑا ہو دے فن دا معیار اٹلا ہی اچا ہوندے۔

حفیظ خان ساکوں صرف کہانیاں سٹائین یا ایہ یاد ڈیوائے جو اٹھے کردار کی اسٹاڈے وسیب دا حصہ ہن۔ اسان انہیں کول ڈیکھتے بصیرت تے عبرت حاصل کردوں، تے تھی سبکدے تاں انہیں واسطے اپنے دل وچ ہمدردی دا جذبہ وی پیدا کردوں۔

میڈے خیال وچ اگر کوئی تخلیق کار اپنے قاری اندر ایہ جذبہ پیدا کر گھنڈے جیرھا او پیدا کرن چاہندے تاں او کامیاب فنکار ہے آتے اس حساب نال ہک سول جج کول شاہس اے جو ادبی نقادیں دی عدالت وچ او نمائینٹ رزلٹ Maintain رہ گئے آتے اوئیاں کہانیاں اعلیٰ ادبی معیار تے پوریاں آن لئھن جیرھیاں حقیقت پسندی تے ترقی پسندی دی فکر دی بھرپور نمائندگی کریں۔

## سرائیکی افسانے دافنی ویورا

”سرائیکی افسانے دافنی ویورا“ قدسیہ قاسم دائیم۔ اسے دامقالہ ہے۔ جیرھا انھیں 1991ء وچ مکمل کیا آتے 2007ء وچ چھپے۔ انھیں پٹے ”مہاگ“ وچ لکھیے جو 1991ء دے بعد سرائیکی افسانے دے ارتقاء کوں وی سامنے رکھیا پئے۔ ایت واسطے آکھیا وچ سگدے جو ایہ سرائیکی افسانے دا 2007ء تاں تک دا جائزہ ہے۔ کتاب دے منڈھ وچ افسانہ نگاری دافنی، مختصر افسانے دا آغاز، افسانے دا موضوع آتے ”سرائیکی افسانے دا ارتقاء“ بارے مضمون شامل ہن آتے آخر وچ ”سرائیکی افسانے دا مستقبل“ ناں دا وی ہک مضمون ہے۔ پٹے ”مہاگ“ وچ قدسیہ آہدی ہے جو 1991ء دے بعد اتنے سالیں وچ کوئی وڈا افسانوی ادب تخلیق تھی تے سامنے نہیں آیا۔ (صفحہ 2) اہوں تے یک ہی جاہ تے اینکوں اوڈو جھے لفظیں وچ ایس بیان کریندی ہے جو سرائیکی افسانے دا تخلیقی عمل دیکھلے سولہاں سال وچ میکوں کوئی دی نور کر دانظر دے۔

قدسیہ قاسم پٹے آخری مضمون ”سرائیکی افسانے دا مستقبل“ وچ کہیں حد تاں ایس گلچہ کنوں مایوس نظر دی ہے جو سرائیکی افسانہ نگار اپٹے پڑلے سو سالہ موضوعات دے لہڑوں اوڈوں پھر دے کھڑن۔ جیکر کہیں نویں موضوعات تے لکھن دی شعوری کوشش کیتی وی ہے تاں فنی سطح تے ابہام تے کمزوریاں ملیں۔ ایس طرح کہانی صرف نویں موضوع دے نانویں تھی، گئی ہے۔ وڈی کہانی داوڈ اور تاوا اونڈے وچ موجود کائی۔ ایہ سارے مسائل اہ کے دور وی سرائیکی کہانی دے سامنے کندھ بن تے کھڑ گھین۔ او پٹے مضمون دے آخر وچ امید کریندی ہے جو پٹے خاص



اسلوب تے انداز وچ کہانی لکھن والے افسانہ نگار روایتی موضوعات تے کرداریں وچوں نکل تے کجھ نویں پہلوں تے اپنا قلم چسمن تے عصری تقاضیں مطابق سرائیکی ادب وچ دوہارا کریں۔

کتاب وچ تریہہ افسانہ نگاریں بارے مضمون شامل ہن جیدے وچ انہیں دے فن دا جائزہ گھد اہئے۔ انہیں وچ نون خواتین افسانہ نگار ہن۔ کتاب دے آخر وچ حوالے دے طور تے 18 کتاباں، 35 رسالے آتے 13 افسانہ نگاریں دے انٹرویوز دا ذکر ہے۔ ایہ تحقیق دے سلسلے وچ قابل تعریف کالج ہے جو صرف لائبریری وچ بہہ تے کتابیں تے رسالیں اخباریں تے بھروسہ نہیں کیتا گیا۔ بلکہ خود افسانہ نگاریں کوں مل تے انہیں نال انہیں دے فن بارے کالج مہاڑکتی گئی ہے آتے ایں کالج مہاڑ مختلف افسانیں کوں سمجھن وچ مدد دیتی ہے آتے ات واسطے عام طور تے تجزیے درست ہن۔

تاہم کتابت دیاں کجھ غلطیاں یا شاید مصنفہ دی لاپرواہی دے نمونے وی کتاب وچ موجود ہن۔ مثال دے طور تے کتابیات وچ ”تھل کرن دریا“ دی تاریخ اشاعت 1984ء ہڈتی گئی ہے۔ جڈاں جو صفحہ نمبر 30 تے ایں کتاب دی اشاعت دا سن 1980ء لکھیا گئے۔ حالانکہ ایہ کتاب 1979ء وچ چھپ گئی ہئی۔ اینویں ہک ہی غلطی صفحہ نمبر 2 تے وی موجود ہے جیدے وچ غلام حسن حیدر آئی دے ہک افسانے دی اشاعت یکم جون 1069ء درج ہے۔ انجھیاں کئی بیاں غلطیاں وی ہن۔ محمد اسماعیل احمد آئی دی ہک تصنیف داناں ”فیملی ساگا“ دی ہڈتاہئے۔ جیرھا درست کاہئی۔

کتاب وچ عام طور تے افسانہ نگاریں دے فن دا جائزہ تفصیلی یا جزوی طور تے متوازن انداز وچ گھد اہئے۔ اپنئے ایں موقف کوں ثابت کرن واسطے افسانیں وچوں اقتباسات وی ہڈتے گھمن۔

ظاہر تھیں۔ مقالے کی تیاری وچ کافی کوشش کی تھی، مگر ہے۔ افسانہ نگاریں وچ انھیں کوں وی شامل کیا گئے۔ جیرھے صاحب کتاب نہ بن۔ تاہم کچھ اچھے افسانہ نگار چھوڑ ڈتے، مگر۔ جیرھے ماضی وچ افسانے لکھدے رہ گھن۔ جیویں اقبال سوکڑی، نجمہ کوکب، رمضان طالب، سجاد بریلوی، (انھیں دے افسانے رسالہ ”آخر“ ملتان دے افسانہ نمبر ستمبر اکتوبر 1969ء وچ چھپے ہوئے سن) عمر علی خان، ممتاز حیدر ڈاہر، شیخ علاؤ الدین، اکرم اللہ غوری (سرائیکی ادب ملتان مارچ 1976ء)۔ بعض افسانہ نگاریں بارے اچھا تبصرہ وی شامل کر ڈتا گئے۔ جیرھا تقریباً اعلیٰ تے منی ہے۔ جیویں جو میں پہلے آکھ آیاں محمد اسماعیل احمد ائی دیں کتابیں وچ ”چھولیاں“ دے علاوہ ”امر کہانی“، ”پیت دا پنڈھ“ تے ”فیملی ساگا“ دے ناں لکھیں، مگر۔ حالانکہ ”فیملی ساگا“ انھیں دی کوئی کتاب کانتی۔ بلکہ اوں ائی کتاب ”امر کہانی“ کوں ”لٹریس ہسٹری ساگا“ آکھیں۔ ایج دے علاوہ محمد اسماعیل احمد ائی دے فن بارے لکھیا گئے جو انھیں کوں سرائیکی افسانہ نگاری وچ کوئی مقام حاصل کانتی۔ ایہا گالھ حفیظ خان وی روزنامہ ”خبریں“ ملتان کوں اپٹے ہک انٹرویو وچ وی آکھی ہے جو میں اسماعیل احمد ائی کوں افسانہ نگار نہیں منید۔ آتے قدسیہ دی وی شاید ایہ خیال اتھاؤں گھدے یا وقت قدسیہ ایہ رائے انھیں دے افسانے ”نرک مونالیزا جیہیں“ کوں گھدے۔ میڈا خیال اے جو قدسیہ ایہ افسانہ پڑھیا دی کانتی کیوں جو افسانے واناں وی صرف ”مونالیزا“ لکھیا گئے۔ جیرھا غلط ہے۔ آتے پورا ناں ”نرک مونالیزا جیہیں“ ہے۔

محمد اسماعیل احمد ائی ماضی دے سرائیکی افسانہ نگاریں وچوں ہک کتابی افسانہ نگار ہا۔ انھیں دے افسانے انسان وی نفسیات تے داخلی کیفیات کوں بیان کریدن آتے شعور کٹوں اکوں تے ودھ کے لاشعور دیں اندھاریں پر تیں کوں نشانہ

کریں دین۔ میں ا تھاں قد سید دے اہ گوں دے کم واسطے محمد اسماعیل احمد اٹی دے کجھ  
افسانیں دا ذکر کریں داں۔

- 1: ترے ہر ایگی رسالہ ”آخر“ ملتان افسانہ نمبر جلد نمبر 6 شمارہ نمبر 32 ستمبر اکتوبر 1969ء
- 2: ”قبا“، ماہنامہ سر ایگی ادب ملتان نومبر 1975ء
- 3: ”لوی“، ماہنامہ سر ایگی ادب ملتان مارچ 1977ء
- 4: ”بھیکوی انسان“، ماہنامہ سر ایگی ادب ملتان جون 1978ء
- 5: جواہاں، رسالہ سوجھلا بھٹے واہن مئی جون 1979ء
- 6: ”موکھو دے جالے“، کتاب لڑی سنیہا، دیرہ غازی خان کتاب لڑی نمبر 17، مئی 1979ء

7: وقت دی چھولی، ماہنامہ سر ایگی ادب ملتان، نومبر 1980ء

8: نگال، ماہنامہ سر ایگی ادب ملتان، جون 1984ء

9: نرک مونالیزا جئیں، ماہنامہ سر ایگی ادب ملتان، دسمبر 1984ء

10: وچھوڑے داوچھوں، سہ ماہی ”سر ایگی“ بہاول پور، جنوری تا مارچ 2000ء

11: کھپ دا عذاب، سوئل نمبر، بہاول پور

انہیں دے علاوہ انہیں دے کئی ہے افسانے وی ہن۔

1: ”تریکڑا“، بحوالہ ماہنامہ سر ایگی ادب اکتوبر 1983ء، صفحہ نمبر 7

2: ”فصل تمنا“، بحوالہ ماہنامہ سر ایگی ادب اکتوبر 1983ء، صفحہ نمبر 7

بہر حال مجموعی طور تے قد سید دا ایہ کم ہیوں اہم ہے جینکوں کہیں طور گھٹایا

کہیں دہج سگدا۔ ایہ پتہ کہیں سر ایگی افسانے دی نور بارے ایں کتوں چنگی کتاب

کہڑاں آوے۔ تاہم میکوں امید ہے جو قد سید ایں کتاب کوں دلا موجودہ دور دے

افسانیں تائیں مکمل کریں۔

## سرائیکی افسانے وچ عورت دے مسائل

”سرائیکی افسانے وچ عورت دے مسائل“ محترمہ نسیم اختر دی تنقیدی کتاب ہے۔ اس کتاب وچ انہیں سرائیکی دے چار افسانہ نگارین کول اپنا موضوع بٹائے۔ ایہ چار افسانہ نگار ایہ ہن: غلام حسن حیدرائی، حفیظ خان، بتول رحمانی تے مسرت کلانچوی۔ آتے آخر وچ انہیں افسانہ نگارین دے منتخب افسانے دی ضمیمے دے طور تے شامل کیتن۔

بلاشبہ دنیا وچ شروع کنوں عورت کول Second Sex دی حیثیت پڑتی ویندی رہی ہے لیکن اٹھارویں صدی عیسوی وچ باقاعدہ طور تے یورپ وچ ہک فکر آتے تحریک دے حوالے نال عورت کول زندگی دے ہر شعبے وچ مرد دے برابر حقوق پڑتے و نچن دی کوشش شروع تھئی۔ جنکوں فینم ازم (Feminism) آکھیا ویندے۔ توڑے جو ایہ کوئی باقاعدہ ”ازم“ کانئی۔ لیکن ایندے باوجود اس آغشی وسعت نال کئی شکلاں اختیار کیتیاں۔ مثلاً مارکسٹ فینم ازم، ریڈیکل فینم ازم، کلچرل فینم ازم، میٹرل فینم ازم وغیرہ۔

سرائیکی وسیب وچ اگرچہ عورت باشعور تھئی ہے لیکن جزوی طور تے۔ البتہ ایندے اثرات سرائیکی ادب وچ وی ملین لیکن روایتی قسم دے یعنی مرد دی بالادستی آتے عورت دی مظلومیت وغیرہ دی حد تاکیں۔ البتہ ہوں گھٹ تحریریں وچ آغھے اثرات لکھسن جو سرائیکی لکھاری خواتین باقاعدہ فینم ازم کول متاثر ہن آتے اوندی تقاضیاں دے مطابق لکھدین۔ ایہا وجہ ہے جو آغھے کردار تخلیق نہیں کیتے گئے۔

جبر سے عورتیں دے حقوق واسطے شعوری جدوجہد پئے کریندے ہوں۔ اے مجھے  
کردار میں نال وابستہ مسائل داڈکروی سرائیکی افسانے وچ نہیں لکھدا۔

کتاب دے منڈھ وچ سرائیکی افسانے دا لکری و پورا، سرائیکی افسانے  
دی ٹور آتے سرائیکی افسانے دے موضوعات دے حوالے نال مضمون شامل  
ہن۔ ایہ مضمون نسبتاً معلوماتی ہوں نال سرائیکی وچ افسانے دے موضوعات کون  
کجھن وچ مدد دین۔

باقاعدہ افسانہ نگاریں آتے گفتگو کرن کون پہلے اپنئے مضمون سرائیکی  
افسانے دی ٹور وچ ایہ طے کرن دی کوشش کیتی گئی ہے جو سرائیکی دا پہلا افسانہ نگار  
کون ہا۔ مصنفہ دے مطابق اوتھیں سبائے والوی ہے۔ ایہ نظریہ شائع شدہ افسانیں  
دے حوالے نال ہے۔ تاہم خود مصنفہ اٹن تھپے سرائیکی افسانہ نگاریں دی جبرمی  
فہرست ڈیتی ہے اوندے مطابق آصف علی اچوی پہلا سرائیکی افسانہ نگار بنڈے۔  
ویسے پہلے جھپٹن والیں افسانہ نگاریں وچ ماہنامہ ”آخر“ ملتان وچ نجمہ کوکب دے  
افسانے دی بھپدے ریے۔ ایس حوالے نال مصنفہ کوئی گفتگو نہیں کیتی۔ حالانکہ ایہ دی  
ہک موضوع ہے۔ کیوں جو بعض لوکیں دا خیال ہے جو نجمہ کوکب ہک فرضی ناں ہے  
آتے ایس ناں نال غلام حسن حیدر اٹی لکھدارہ گئے (جڈاں جو نجمہ کوکب دی تصویر دی  
جھپی۔ دل اوکیندی تصویر ہی؟)

خواتین وچ پہلی افسانہ نگار مصنفہ دے مطابق مسرت کلانجوی ہے مگر  
ایس بارے پوری تحقیق نہیں کیتی گئی۔ اگر نجمہ کوکب کوئی فرضی ناں کاسی تاں او  
بہر حال سرائیکی وچ پہلی خاتون افسانہ نگار بنڈی ہے جوندے افسانے سب کون  
پہلے جھپٹن۔

مترجمہ نسیم اختر نہیں سب کون پہلے ”غلام حسین حیدر اٹی دے افسانیں دا

تائیشی کردار“ دے حوالے نال انھیں دے افسانیں وچ عورت دے مسائل دا جائزہ گھدے۔ مصنفہ دا خیال ہے جو غلام حسن حیدرائی دی کہانی وچ عورت دا کردار اہمیتیں تمام تر توانائیں سو دھا نظر نہیں آندا۔ بلکہ ہک مردی عینک نال ڈٹھا پیا معاشرتی کردار نظر آندے (صفحہ 58) ایندے علاوہ او حیدرائی دے افسانہ دی زبان بارے اہدن جو او ادبی زبان دی نئی لکدی ہے۔ محترمہ دے مطابق حیدرائی دی کہانی ”کیری دی ٹٹھ“ واحد کہانی ہے جیندے وچ تربیت دے مسائل حقیقت پسندانہ انداز وچ پیش کیے گھن۔

حفیظ خان دے ڈو افسانے ”قابل“ آتے ”تن من سیس سریر“ دا جائزہ گھدا گئے۔ ”تن من سیس سریر“ دا جائزہ گھدیں ہوئیں مصنفہ دا خیال ہے جو عورت اساڈے وسیب دی اتجھی ہستی ہے جیرھی ساڈی تہذیب تے معاشرت دی ہک سوہنی نشانی ہے آتے مرد سراپا شیطانیت ہے۔ (صفحہ 70)

بتول رحمانی دے افسانیں دا جائزہ گھدیں ہوئیں محترمہ نسیم اختر دا خیال ہے جو بتول رحمانی دے سارے افسانیں وچ نسوانی کردار استحصال دا شکار نظر دن۔ بتول رحمانی دے افسانے ”سچا کفن“ آتے ”مام یا عورت“ دا جائزہ گھدا گئے۔ کتاب دے آخری باب ”نارا“ وچ بتول رحمانی بارے مصنفہ دا خیال ہے جو بتول رحمانی دے موضوعات عمدہ دن۔ پر گھنیکلی اعتبار نال کمزور افسانے دن۔

مسرت کلا نچوی والے باب وچ مصنفہ اوئیں ترہیں کتابیں ”اچی دھرتی جھکا آسمان“، ”ڈکھن کنیں دیاں والیاں“ آتے ”تھل مارو دا پینڈا“ دا تفصیلی جائزہ گھدے۔ بلاشبہ مسرت کلا نچوی سرائیکی افسانہ نگار خواتین وچ سب کنوں زیادہ معروف آتے بہتر افسانہ لکھن والی ہے۔

مسرت کلا نچوی دے افسانیں دے موضوعات دیہاتی وی ہن تے شہری

دی۔ اس حوالے نال محترمہ نسیم اختر مسرت کلا نچوی صاحبہ دے ہوں سارے افسانیں دا تفصیلی جائزہ گھدے آتے مسرت کلا نچوی بارے مختلف لکھاریں دی رائے آتے تاثرات دی بیان کیتن۔

مسرت کلا نچوی لپٹے کرداریں دی تعبیر ہوں ہنر مندی تے خوبی نال کریدی ہے مگر اوندے خیالات سوائے چند ہک افسانیں دے اکثر روایتی ہن۔ اوں لپٹے کئی افسانیں وچ مرد دی بالادستی آتے عورت دی مظلومیت دے حوالے نال کئی کردار تخلیق کیتن۔ مگر عورت کوں مظلوم ہونڈ دے باوجود مرد دے پٹائے ہوئے اختلافات دا پابند یعنی وفا شعار دی ڈکھائے۔ جیویں ”ساری عمر گزاریم“ وچ زیب النساء دا کردار ہے۔ کتاب وچ کئی جاہیں تے مصنفہ موجودہ سماج کوں ”پدرسری“ آکھے۔ جیر حاددست ہے۔ لیکن کتھائیں اوں ایں فرسودہ سماج کوں چیلنج کرن دا اشارہ نہیں ڈتا آتے سارے سرائیکی افسانہ نگاریں کنیں دی کوئی ہک استغما باغی کردار کائی۔ جیر حا عورت بارے مرد دے پٹائے ہوئے اخلاقی ضابطے کوں چیلنج کرے۔ سرائیکی افسانہ نگار خواتین مرد دے پٹائے ہوئے اختلافات آتے عورت دے درتا دے واسطے مرد دی پٹائی ہوئی زبان وچ بہرے تے تخلیقی عمل کریدین۔

سرائیکی افسانہ نگاریں دے عورت دے مسائل بارے موضوعات زیادہ تر روایتی تے محدود ہن۔ انھیں پڑلے موضوعات وچ کئی استغما ہیاں روایات دی ہن جینکوں موضوع نہیں بٹایا گیا۔ جیویں جو صدیں کنوں عورت دی خرید و فروخت تھیدی آئی ہے آتے اہح تائیں جاری ہے۔ (سرائیکی لوک گھنیں وچ اینداؤ کر موجود ہے) کوٹھے آتے مچھل سکدے

اندروں پیاری آں ہا ہروں جتھڑی دے مل چکدے  
لیکن میکوں تلاش دے باوجود سرائیکی وچ ایں موضوع تے کوئی افسانہ نہیں

ملیا۔ ایندے علاوہ نویں شہری زندگی وچ عورتیں دے بے کئی مسائل ہن۔ مثال دے طور تے پڑھی لکھی خواتین جیڑھیاں مرد دے زیر اثر سکولیں، اکیڈمیں، بینکنیں، دفتریں، یونیورسٹیں، این جی اوز وچ کم کریندیں آتے عام طور تے جنسی خوفزدگی دا شکار ہوندیں دے مسائل بارے اسٹاڈ افسانہ نگارنا صرف چُپ ہے بلکہ کتاب دی مصنفہ وی ایس کی ڈا اشارہ نہیں کیتا۔

پدرسری نظام دے اندر مرد ہر دور وچ عورت کوں غلام رکھن دے ریت نویں تے استعمال کیتن۔ عورت تے مردی صرف حکمرانی دا ذکر کافی نہیں۔ بلکہ مرد دیں انھیں حریتیں داوی اظہار ضروری ہوندے۔ جیڑھا او عورت کوں کثیر پٹاؤن واسطے استعمال کریندے۔ افسانہ صرف کہانی بیان کرکے داتاں نہیں۔ افسانہ لپٹے افسانوی آرٹ نال مردی ہر قسم دی خیانت دا تجزیہ وی کر سکدے تاکہ عورت تہدی ملی لیوں باشعور تھی سکے۔ ایہ وی فینن ازم دی سرائیکی افسانہ وچ ہک بنیاد بن سکدی ہے۔ توڑے جو سرائیکی وسیب وچ جنم ازم دی تحریک زیادہ موثر کائنی۔ لیکن ترقی یافتہ ملکیں وچ وی فینن ازم تحریک نال وابستہ کئی خواتین ایچ وی مردیں دے عورت کوں غلام پٹاؤن دے حریتیں کوں واقف کائنی بلکہ اوندیاں شکار بن۔ معروف امریکی تانبیت پسند لکھاری ٹومی وولف اہٹی کتاب *The Beauty Myth* وچ مرد دا عورت کوں غلام پٹاؤن بارے جدید حریتیں دا ذکر کریندی ہوئی آہدی ہے۔ ”خوبصورت ہون دا تصور آج دے دور دی ہک موثر شکل ہے۔ جہدے نال عورت کوں کنٹرول کیتا ویندے۔ سماج دی ایہ توقع جو عورت لپٹے حسن کوں ودھاوے، نہج دے دور دی عورت دے خلاف سب کونوں وڈا ہتھیار ہے۔“ وولف آہدی ہے ”چونکہ ایہ مطالبہ ہے کہ عورت زیادہ وقت، پیسہ، جذباتی کوشش وغیرہ خود کوں سوہا پٹاؤن تے لاوے ات واسطے اول کنیں استقامت باقی نہیں رہندی جو او معاشی میدان وچ مرد دا



مقابلہ کرے۔“ اینویس وولف اینٹی ڈوجھی کتاب (Fire with Fire) وچ لکھدی ہے۔ جو ”عورت پہلے کنوں زیادہ سیاسی قوت رکھدی ہے لیکن لاشی تائیں اودنکوں استعمال نہیں کر سکی۔“ وولف دا مطلب ایہ ہے جو ”عورت کپڑا ایں وی خود کوں ریڈیکل سیاسی تحریک نال نہیں جوڑیا۔ توڑے جواوں ہوں سارے فیمن ازم دے خیالات قبول کیجے ہوئے ہن۔ شخصیت ات واسطے گیارہویں صدی واک دا خیال ہے جو مغربی فہمست وی انٹرنیشنل کمپنل ازم دے ذریعے ترقی پزیر ملکین وچ عورت دا استحصال کریندن (اوپن ازم کوں وی اپنے مقصد واسطے استعمال کریندن)۔

ایہ نویں خیالات آتے استحصال دیاں ایہ نویاں شکلاں سراہیکی افسانے دا حالی تائیں موضوع نہیں بٹیاں۔ نقاد دا ایہ فریضہ ہوندے جو ادا تمبھیں پہلوئیں کوں نشا بر کرے۔

سراہیکی افسانہ عام طور تے حالی وی روایتی ہے۔ ات واسطے اوندی تنقید وی روایتی ہے۔ تاہم ایہ کتاب ”سراہیکی افسانے وچ خواتین دے مسائل“ سراہیکی زبان وچ اپنے موضوع آتے نوعیت دے حوالے نال نوٹ لکھی ہے۔ ایہ اپنے افسانہ نگاریں خصوصاً محترمہ مسرت کلانچوی دے افسانیں دی تفہیم وچ مدد ڈیسی۔ بلاشبہ اینکوں خوش آمدید آکھٹا چاہیدا ہے۔ کیوں جو ہک خاتون سراہیکی ادبی تنقید وچ قابل ذکر کم کیجے۔ توڑے جوادبی تخلیق تے تنقید دے حوالے نال انھیں دا پہلے وی کم موجود ہے۔

## سرائیکی ادب وچ تریختیں دا حصہ

سرائیکی زبان دی ترقی واسطے جیویں جیویں مردیں کم کیئے اونویں شانہ  
بشانہ عورتیں وی کم کیئے۔ مردیں وانگوں انہیں وی ہر میدان وچ سرائیکی دی ترقی  
واسطے کوشش کیتی ہے۔ ایں مختصر جہیں مضمون وچ تریختیں دیں انہاں کوششاں دا  
سرسری طور تے جائزہ گھد اویندے۔

سرائیکی زبان دا تقریباً بیشتر ادبی سرمایہ شاعری تے مبنی ہے۔ مردیں وانگوں  
تریختیں وی شاعری وچ اپنا فرض ادا کیئے۔ سب کنیں پہلے ایں سلسلے وچ باقاعدہ طور  
تے ججائی مائی غلام جنت صاحبہ داناں سامنے آئدے۔ او خوبہ غلام فریدی دانی بہن  
تے انہیں خوبہ فرید کون جیرمی لولی آکھی بہن او انہیں دی اوٹی کھسی ہوئی بہن تے خوبہ  
فرید واسطے مخصوص بہن۔ لولی دے علاوہ انہیں داییا کلام وی سلدے جویدے وچ کجھ  
کانیاں بہن۔ ہک کافی دے ڈریند ملاحظہ ہودن:

میکوں مرشد رنگ لاتے ژئی  
رنگ لاتے ولبر چاتے ژئی  
بھلی غیر غرور دی طاصحے ژئی  
تھیا دین ایمان سمولا۔۔۔ ژئی  
لکھ جند ژئی پیر توں گھولاں ژئی  
تھی مست ولا حق پولاں ژئی  
ہنن مرشد من وچ پھولاں ژئی

پا پریت پریم دا چولا ڈی  
 جڈاں دے سرائیکی زبان کوں رسالے ملین انہیں دے ذریعے بعض  
 ترتیبتیں دیاں تخلیقات دی سامنے آئیں۔ ایں سلسلے وچ محترمہ نور شاہین صاحبہ دی  
 شاعری نال وی اسان متعارف تھیوں۔ انہیں دی ہک کافی دے ڈے ہند ملاحظہ ہوں:

روز قیامت شالا آوے ایں بہانے یار سڈاوے

ڈینہ محشر دا ہوی عید

کھ ڈکھلاوٹ ڈھولہ آسی من دیاں مرادوں شاہیں پاسی

عید ڈھبھنسی یار دی دید

بچھلے ڈیہاڑیں سرائیکی دے معروف شاعر جناب ممتاز حیدر ڈی اہر  
 ”دہندے نیر“ دے نال سرائیکی شاعریں دے کلام دا ہک انتخاب شائع کیا ہا۔  
 انہیں اپنے ایں انتخاب وچ کجھ خواتین دا کلام وی شامل کیا۔ انہیں وچوں محترمہ رفیعہ  
 قرصاحبہ، سیدہ انجم گیلانی صاحبہ تے محترمہ شمینہ چندا صاحبہ دے کلام دا نمونہ پیش  
 خدمت ہے۔

محترمہ رفیعہ قرصاحبہ انہی کافی دے ہک بند وچ آہدین:

نی بھاندے اصلوں کھیڑے

جیزھے لاوون دل دل تھیڑے

نی ڈسدی منزل نیرے

پئی ہجر دی بھاء سڑیندی

محترمہ سیدہ انجم گیلانی صاحبہ دی کافی دا ہک بند ہے:

دل آسیں تاں خوشیاں دلین

آہلسیں تاں مونجھاں ٹلین

آپس دے وچ وڑیاں زلسن  
ہن محترمہ شمینہ چندا صاحبہ دی کافی دے ترے شعر ملاحظہ ہوں:

دل آہوی آباد کہتی  
آہ کیوں چا یاد کہتی  
تیں بھانویں سو ظلم دے  
کہیں ڈینہ میں فریاد کہتی  
میکوں خون روا تے چندا  
غیریں کوں تاں شاد کہتی!

پچھلے ڈیہاڑیں ماہنامہ ”سرائیکی ادب“ وچ محترمہ گہت فردوس صاحبہ دی  
ہک نظم ”سرائیکی دی دھانہہ“ شائع تھی ہے۔ اے آواز پچھیں ساریں آوازیں کوں  
مختلف ہئی۔ نظم دی ہیئت وی نویں ہی تے خیالات وی جدا کن۔ ایہ آواز عورتیں دی  
شاعری وچ ہک موڈ وی حیثیت رکھدی ہئی جے تاکیں عورتیں دی شاعری دا مجموعی  
تاثر ہے او زیادہ تر کلاسیکل ہے۔ تے موضوع وی رواکتی قسم دا تے پٹیا چایا ہے۔ بعض  
خواتین مثلاً محترمہ جانی مائی غلام جنت صاحبہ تے محترمہ نور شاہین صاحبہ دے کلام وچ  
تصوف دے اثرات ملدن۔ بعض خواتین اپنے خیالات دا اظہار ہیر راٹھا دے  
رومان دے حوالے نال وی کیجے۔

نثر نگار خواتین دے وچ محترمہ نجمہ کوکب صاحبہ (اگر چاے تاں متاثر فیہ  
ہے) سرفہرست ہے۔ ایہ سب کنیں پہلی خاتون ہے۔ جنیں سرائیکی وچ بہوں سارے  
افسانے تخلیق کیتن۔ جیندے وچوں ”روٹی مفت نی ملدی“، ”منگدا“ تے ”پٹاں  
جرم ہے“ قابل تعریف ہن۔ جے تاکیں افسانہ ”روٹی مفت نی ملدی“ دا تعلق ہے۔  
میڈے نزدیک اوسرائیکی دے اعلیٰ افسانیں وچ شامل کیجا وئج سگدے۔ افسانہ

نویسی دے سلسلے وچ ڈوجھی چیز مہی خاتون دا ذکر آندے۔ او محترمہ مسرت سر دوش صاحبہ ہن۔ انھیں نجمہ کوکب دے خلا کوں پڑ کرن دی پوری کوشش کیتی ہے۔ انہیں دے افسانے حقیقت دے ہوں قریب ہونن۔ اُتے وسعت نظر دی نشاندہی کرینن۔ انہیں دے افسانے وچوں ”ماء دے ہنجوں“، ”کفن چوری“، ”چاندی دے کلگن“ تے ”طلحے مینے“ سوہیاں تخلیقات ہن۔ افسانے دے نال نال محترمہ مسرت سر دوش کلا نچوی صاحبہ ڈرامے تے مزاحیہ مضامین وی لکھن۔ افسانے دے سلسلے وچ محترمہ زبیدہ سلہری صاحبہ تے مس آئی ملک صاحبہ دے نال وی سامنے آئین۔ مس آئی ملک صاحبہ دا افسانہ ”میں ناں ای پڑھ اتاں چنگا ہا“ یک اہم موضوع تے عورت دی بے بسی ڈا اشارہ کریندے۔ اگرچہ فنی طور تے مزید توجہ دا مستحق ہے۔ تنقیدی مضامین دے سلسلے وچ بیگم شاہین قریشی صاحبہ، مسرت رفیعہ قمر صاحبہ تے محترمہ مسرت سر دوش کلا نچوی صاحبہ دے نال نظر دے سامنے اُبھرون۔

1975ء سرائیکی ادبی کانفرنس وچ بیگم شاہین قریشی صاحبہ دا مقالہ ”سرائیکی ادب وچ خواتین دا حصہ“ تے محترمہ رفیعہ قمر صاحبہ دا مضمون ”سرائیکی ثقافت ضرب الامثال دی روشنی وچ“ ہوں محنت تے تخلیق نال لکھینے ہوئے ہن تے انہاں دے ”سرائیکی ادب“ نال لگاؤ دے علاوہ انہیں دی ذہانت تے قابلیت دی وی نمائندگی کریندے ہن۔ افسانے دے علاوہ نہایت کئی موضوعات تے دی خواتین کم کیجے۔ ع۔ ص۔

بلوچ صاحبہ دا ”چاکرا عظیم“ دا ترجمہ ہوں سوہا ہے تے قابلیت نال کیجا گئے۔ ایویں مس ایف۔۔ جے شیخ دا مضمون پردہ کیوں ضروری ہے۔ اسلام دی یک اہم ہدایت دی وضاحت کریندے۔ مس عصمت رانی صاحبہ دا مضمون ”اتھال میں ٹھہری رحمت جان بلب“ ہوں تحقیقی تے درمندانہ ہے تے قاری واسطے وی معلومات وا ذریعہ ہے۔

انہیں دے علاوہ بیباں وی ہوں ساریاں خواتین ہن۔ جیڑھیاں علمی ادبی کم کریندیاں

رہ ویدین۔ لیکن انہیں دے کم اچھن تاکیں سامنے نہیں آئے۔ اینویں ممکن ہے جو بعض خواتین دیاں کچھ چیزاں رسالیں یا کتابیں وچ چھپیاں ہوں۔ لیکن میڈی نظرتوں نہ گزر سکیاں ہوں۔ ایس شے دے علاوہ سرائیکی زبان دی ترقی واسطے عملی حیثیت نال وی بعض خواتین ہوں محنت تے کوشش نال کم کیجے۔ سرائیکی ادبی کانفرنس 1975ء وچ محترمہ بیگم شاہین قریشی صاحبہ، محترمہ حمیدہ غوری صاحبہ، محترمہ رفیعہ قمر صاحبہ تے ہمیں ہوں ساریں خواتین وڈی سرگرمی نال حصہ گھدے۔ تے اپنے خیالات وی پیش کیتن۔ میں انہاں گلوکارہ خواتین محترمہ زاہدہ پروین مرحومہ، محترمہ ثریا ملتانیکر، محترمہ خورشید بانو تے محترمہ شمشاد بانو صاحبہ دا ذکر وی مناسب سمجھداں۔ جنہیں اہٹی زبان دے گیت تے کافیاں پکا کراہیں سرائیکی زبان کول پرے پرے تیں مقبول کیجے۔ تے ایہدی شہرت تے ترقی واسبب بنن۔

آخر وچ اے عرض کرن ضروری سمجھداں جو بعض مرد حضرات اپنیاں بعض تحریراں اہٹی کہیں رشتہ دار خاتون دے ناں نال لکھ کراہیں شائع کراڈ پدن یا وقت خود کہیں خاتون دے قلمی ناں نال لکھدن۔ ایس طرحاں نال نا صرف قاری کول دھوکہ لگدے بلکہ آون والے مورخ تے نقاد واسطے وی مشکل پیدا تھی ویدی ہے۔ میڈے نزدیک اے کوئی سوہٹی چالھ کاسی بلکہ دھوکاڈیون آلی چالھ ہے۔ ات واسطے میں اُمید کریدیاں جو دانشور حضرات ایس گزارش کول پیش نظر رکھ کراہیں آئندہ ایس کنول گریز کریں۔ تاں جو صحیح صورت حال سامنے رہوئے۔

---

ہذا یہ مضمون ماہنامہ سرائیکی ادب ملتان جنوری 1976ء وچ چھپیا۔ منق سرائیکی ادب وچ ہوں ساریاں دیاں خواتین آگئیں۔

## سرائیکی ڈرامے دا المیہ

ڈرامے دے بارے وچ عام طور تے ایہ خیال ہے جو ایہ ہک یونانی لفظ کنوں نکلتے۔ جدید اصطلاح ”کرتے ڈکھائی ہوئی چیز“ ہے۔ اُتے کجھ لوک ایں لفظ دے معنی ”میں کرینداں“ دی کریندن۔ ایہ وی خیال ہے جو ڈرامے دا منڈھ ہک یونانی بولی ”ڈروک“ کنوں آئے جدیدی اصل ڈرین ”Dran“ ہے۔ تاہم ارسطو ایندی اصل ڈرین کوں نہیں میندا۔

جیرھے دور وچ یونان وچ ڈرامہ لپٹے عروج تے ہاتے اتھاں وڈے وڈے ڈرامہ نویس چندے پئے ہن۔ ہندوستان وچ وی ڈرامائی کھیل لکھیدے تے کھپڑے ویں دیندے پئے ہن۔ اگرچہ اتھاں ایندے بارے حتی کالجھ نہیں کیتی وئج سگدی۔ تاہم منسکرت دے دور وچ کئی وڈے ڈرامہ نویس پیدا تھئے۔ جنھیں وچوں کالیداس ہوں مشہور ہے۔ ایہ شاید پنجویں صدی عیسوی وچ بکرماجیت دے دربار نال وابستہ ہا۔ ایں کئی معروف ڈرامے (نانک) لکھئے۔ جنھیں وچ وکرما اردی اُتے شکنتلا ہوں مشہور ہن۔ اُردو سمیت انھیں دا دنیاوی کئی زبانیں وچ ترجمہ تھی چکئے۔ اوں دور دے ڈراماں دا موضوع عام طور تے ہندو دیو مالا ہوندا ہا۔ لیکن بعد وچ بدھ مت ڈرامے (نانک) کوں اپنئے تبلیغی مقاصد واسطے استعمال کیتا۔

ہندوستان دے ڈرامے دی تاریخ دے مطالعے نال احساس تھیندے جو ڈرامہ (نانک) کہیں نہ کہیں شکل وچ تا صرف ہر دور وچ رائج رہیے بلکہ ہندوستان دے ہر علاقے وچ ڈکھایا ویندا ہا۔ ایں کوں عام طور تے نانک سڈیا ویندا ہا۔ ایہ ہندو، بدھ مت کنوں گھن تے اسلامی آتے انگریزیں دے دور وچ جاری رہیا۔ اُتے بعض

مسلمان حکمرانیں واجد علی شاہ وغیرہ ایندی تروچ وچ مدد کیتی۔

پاکستان دے قیام کنوں وی پہلے سرانگیکی وسیب وچ ایہ موہائل نائک ٹولیاں کم کریندیاں پیاں ہن۔ اتے قیام پاکستان دے بعد وی ایہ سلسلہ جاری رہیا۔ ایہ نائک ٹولیاں دیہاتیں وچ لوکیں واسطے تفریح دی ضرورت پوری کریندیاں ہن اتے خود وی روزی کمیندیاں ہن۔ نائک لکھن والے بعض اوقات خود وی اداکاری کریندے ہن۔ اچ وی اہوں دور دے ایہ نائک مختلف کتابیں دی شکل وچ مل ویندن چیرھے نظم اتے نثر دی ملی جلی صورت وچ ہن۔ ایہ نائک عام طور تے معروف لوک قصیں یا لوک رومانس دے حوالے نال ہوندے ہن۔ جیندے وچ لوکیں دی خصوصی دلچسپی اتے تفریح ہوندی ہی اتے نفسیاتی طور تے لوکیں دیں کئی خواہشیں تے خواہیں دی تعبیر وی ہوندی ہن۔ انھیں لوک نائکیں وچ چنگی آواز وچ بگاؤن والے وی ہوندے ہن اتے اکثر اوقات ہارمونیم یا ٹھیں سازندیں دی سنگت وی ہوندی ہی۔ انھیں لوک ڈرامیں دا ہک اہم کردار ”نعلی“ (مخترہ) وی ہوندا ہا۔ عام طور تے اوندی مزاح تے طنز معاشرے دے برائیاں تے طنز دی کوئی شکل بڈی ہی۔ انھیں نائکیں ٹولیاں دی تعداد عام ہوندی ہی۔ اتے انھیں کول لکھن والے کچھ لوک کافی مشہور وی ہوندے ہن۔ مثلاً حسرت ملتان (غلام رسول) کریم بخش واصل، پیر بخش پیرن (ملتان) اتے نور محمد نورن گدائی وغیرہ۔ پاکستان وچ انھیں دیہاتی نائکیں نال شہریں وچ موہائل تھیئریں دارواج دی ہا۔ انھیں وچ ولی شاہ، عنایت حسین بھٹی اتے استاد گنمٹن دے تھیئریں سرانگیکی علاقے وچ جاہ جاہ تے پروگرام کریندے ہن۔ لیکن عام طور تے انھیں دے ڈرامے وی روایتی ہوون نال لوکیں دی تفریح تے مالک دی روزی دا سبب بڈے ہن۔ انھیں دے سامنے خاص نظر یاتی مقاصد گھٹ ہوندے ہن۔ ہولے ہولے نائکیں دے رواج دے خاتمے نال ایہ تھیئریں وی منک سٹے۔



1960ء دی دہائی وچ جیرھے سرائیکی وچ نثری کم شروع تھیا تاں ہوں سارے ادبی ڈرامے وی چھن پئے گئے۔ جیرھے مختلف سرائیکی ادبی رسالیں وچ بھمدے ریہے آتے ایہ وی اچھی تعداد وچ ڈھیر سارے ہن۔ لیکن بیشتر ڈرامیں دے موضوعات روایتی ہن۔ جیویں ڈیٹہ، ڈاج دا مسئلہ، پہان دے بھیدے، سس نوہدی چچکاش، ذالیں دی چالاک، ادھار قرضہ دے مسائل وغیرہ۔ انھیں وچ ہوں گھٹ اچھے ڈرامے ہن جیرھے پاکستان یا سرائیکی وسیب دے مسائل کوں عالمی تناظر وچ ڈیکھن ہا۔ مثلاً پاکستان دی خارجہ پالیسی جنیں ملک کوں ایں صورت تے بچائے۔ عالمی سازشیں، پاکستانی اداریں دا انہدام، سرائیکی وچ درس گاہیں وچ جہادیں دی تیاری وغیرہ۔

ریڈیو آتے ٹیلی ویژن دے آون نال ایہ ڈرامے وی نشر تھیون لپے آتے ڈرامہ نویس تے اداکاریں دا اوہم مچ گیا۔ لہذا ایہ معاملہ جاری ہا جو مخصوص سرائیکی ٹی وی چینلوں آہئے۔ انھیں چینل جزدی آہٹی ضرورت آتے ڈرامے وچ لوکیں دی دلچسپی دی وجہ نال ڈرامے دے فن کونوں ناواقف لوک وی ڈرامہ نگار بنی گئے آتے فن اداکاری کونوں نا آشنا آتے غیر تربیت یافتہ لوک وی اداکار بنی پٹھے۔ ایہدے علاوہ ذاتی سٹوڈیوز وی ٹیلی فلماں بناون شروع کر ڈتیاں آتے کیشیں دے اجراء نال پیسے کماون شروع کر ڈتے۔ ہن سرائیکی ڈرامہ مذاق بن گیا۔ کم تعلیم یافتہ اداکاریں دی ناشائستہ ہٹ کڑاک، جگت بازی، اوٹ پٹانگ معاشقے، بے گھم آوازیں وچ بے تکے گھنیں رہیاں سہیا بھرم وی ختم کر ڈتا۔ سرائیکی کلچر دی شرمناک حد تاں رسوائی تھیون لگی آتے انھیں ڈرامیں وچ کہیں قسم دا کوئی سنجیدہ سماجی یا سیاسی ایٹونہ رہیا بلکہ معاملہ سارا ہٹ کڑاک، جذباتی گائیں، قابل اعتراض مناظر تاں محمد و تھی گیا۔ آتے سرائیکی ڈرامہ اپنی تباہی تے وچ کھڑا۔ ایں عرصے وچ سرائیکی دے کجھ دڑے لکھاریں دی ڈرامے لکھیے۔ جنھیں وچ قاسم جلال، حفیظ خان، مسرت کلانچوی،

خالد اقبال، مقبول عباس کا شرتے راقم الحروف وغیرہ شامل ہیں۔ انھیں دے ڈرامے ریڈیو تے ٹیلی ویژن توں پیش وی تھے۔ اُتے بعد وچ کتابی شکل وچ وی بچھے۔ انھیں وچوں کجھ اپنے موضوعات اُتے فن دے حوالے نال قابل قدر اُتے حوصلہ افزاء ہیں۔ مگر اکثر دے موضوعات روایتی ہیں۔ ات واسطے وڈی تہدیلی نہ ائی اُتے نہ صورت حال بدلی۔ کجھ سرائیکی لکھاریں اپنے معیار مطابق انگریزی اُتے اُردو وچوں کئی ڈرامیں کوں سرائیکی وچ ترجمہ کیتا۔ جنھیں وچ فدائے اطہر (کوڑا خواب)، اسلم قریشی (رستم تے سہراب)، دلشاد کلانچوی (بیچ ڈکھاں دی بیچ بھلاں دی)، حمید اُلفت ملغانی، اقبال نسیم صحرائی (دینس دا تاجر) وغیرہ شامل ہیں۔ مگر بہتر ہوندا جو ایہ ڈرامے کہیں اچھے تھیڑ تے پیش کیتے ویندے۔ تاں انھیں دا کوئی مثبت نتیجہ نکلے ہا۔ کیوں جو ڈرامہ تھیڑ دے بغیر اُدھورا ہے۔ ادات واسطے جو ’اُوکرتے ڈکھاں دی وُجھن والی چیز‘ ہے۔ ایہ ریڈیو وچ ہوں گھٹ اُتے ٹی وی تے کجھ محدود حد تاں ضرورت پوری کریندے۔ میڈے خیال وچ ڈرامے واسطے باقاعدہ تھیڑ ہون ضروری ہیں۔ جیرھے یورپ وچ میڈیا اُتے فلمی ترقی دے باوجود اُج دی قائم دائم ہیں۔ اُتے انھیں وچ ناظرین دی حاضری وی خاطر خواہ ہوندی ہے۔ اساوڈے پاسے اگر کوئی ہک اُدھ تھیڑ ہے وی سہی تاں پیسہ کھاوٹ واسطے اُتھاں کڈا ہیں کڈا ہیں نرگس دی ٹپ سچ (رقص تیں) پڑیکھن واسطے لوک کشمی تھی ویندن۔

یورپ وچ تھیڑیں دی بنیاد صرف ہٹ سچ یا کاروبار نہ ہوندی ہی بلکہ کہیں مقصد یا نظریاتی حوالے نال تفریح دا سبب بڈی ہی۔ معروف ترقی پسند ڈرامہ نویس بریخت ہک مقصدی تھیڑ بٹایا۔ جیرھا ہوں مقبول تھیا۔ بریخت دا ہک ڈرامہ ’گلیلیو‘ پاکستان وچ اُردو وچ سچ کیتا گئے اُتے مقبول تھیا (ایند علاوہ Absurdism دے حوالے نال وی تھیڑ بیٹھے۔ جیندے وچ آدموف، آیونیسکو تے البرٹ کامیو دے نظریہ

زندگی یعنی بے معنویت دے حوالے نال ڈرامے ڈکھائے ویدے ہن۔ اینویں محروم

ا تے کچلے ہوئے لوکیں دے حوالے نال وی ہک تھیٹر The Theater of

Opressed People. بٹا یا گیا جیدی بنیاوا آگستو بوال رکھی تے اوہک فکری تے

فنی تربیت داسکول وی ہا۔ ایہ ا تے این کنوں وی زیادہ وسیع نظریات دے حوالے نال

بٹائے ہوئے کئی تھیٹر مغربی ملکیں دے لوکیں دی ذہنی تربیت کیتی۔ انھیں کول لبرل،

روادار، انسان دوست ا تے باشعور بٹایا۔ جیدی وجہ کنوں ہک مہذب دنیا وجود وچ آئی۔

ڈرامہ لوکیں دے خیالات وچ تبدیلی پیدا کر سکدے۔ جیویں جو اوں

یورپ وچ کیتی ہے ا تے ماضی وچ ہندوستان وچ بدھ مت دے پورے جنوبی ایشیاء

وچ پھیلاؤ واسطے کم کیتا۔ جیدے نال عدم تشدد ا تے ذات پات دی نفی دی روایت

ا ہوں تے ودھی۔ جیرمی ماضی دے ہندوستان دی شناخت کیتی۔

سراییکی ڈرامہ ہک لمبے عرصے کنوں تھیٹر کنوں محروم تھی گئے ا تے ابتداء وچ

صرف تفریح تے روزی کماؤں دا ذریعہ ہے ا تے آج وی ریڈیائی ڈرامہ ٹی۔ وی ڈرامہ

تے ٹیلی فلماں وی ایہو کچھ کریدیاں پھین۔ جنیں ناصر صرف سراییکی ثقافت، ادنی

انسان دوستی دی روایات ا تے تاریخ کول مسخ کر ڈتے بلکہ بد مذاقی وچ اضافہ کیتے۔

آج دے لکھاری کول عالمی تناظر وچ ملکی تے وسیب کول پیش کرنا نال نہ کوئی

دلچسپی ہے، نہ صلاحیت ہے جیرمی وسیب دی صورت حال کول تبدیل کر سکے ا تے نہ آج دے

ڈرامیں وچ سماجی حقیقت پسندی دا کوئی شعور ہے۔ کیوں جو آج دا لکھاری ا ہوں تے

ڈیکھن دے بعد کئی سوسال پچھوں تے ڈہدے ا تے جاگیر دارانہ سماج دیں روایات تے

انحصار کریدے تے انھیں کول موضوع بٹیدے ا تے نہ مغرب وچ تھیوٹن وائس علمی،

ادبی تے فلسفیانہ تبدیلیں کنوں واقف ہے۔ اسلئے پروڈیوسر وی مغربی تھیٹر دی روایات

کنوں ناواقف ہن۔ جیدی وجہ کنوں سراییکی ڈرامہ تنزلی دے لمبے نال ڈوچار ہے۔

## سرائیکی دے پہلے چار ناولیں دا تنقیدی جائزہ

ناول نثر وچ ہک اٹیجھی کہانی ہوندی اے جیدے وچ کردار اپٹے ساریں پہلوؤں آتے نفسیاتی حوالیں نال موجود ہوندن آتے زندگی اہٹی ساری تفصیل تے چھپدی نال سامنے آندی ہے۔ مختصر طور تے ناول کھل زندگی کون قاری دے سامنے پیش کریندے جیویں جو ادمو موجود ہوندی ہے یا جیویں جو اوند ا مکان ہوندے۔ سرائیکی ادب وچ ناول دی روایت موجود کئے نہیں۔ ناول اردو دے حوالے نال سرائیکی وچ آئے تے اپیاں ساریاں خصوصیات دی اتھاؤں گھن آئے۔

گزشتہ بارھاں سالیں وچ سرائیکی وچ چار ناول سامنے آئین۔ جیدھا اوند اکل سرمایہ ہن۔ ترانے ناول نازو، اہٹی رت جو پاٹی تھی آتے چھولیاں کتابی صورت وچ آدن۔ جڈاں جو ”پہان“ رسالہ سرائیکی ادب وچ قسط وار چھپے تے حالی تائیں کتابی صورت وچ نہیں آیا۔ ایندے علاوہ حیدرآئی دے جاسوسی ناول گھو دی ہک قسط وی سرائیکی ادب وچ چھپی ہئی۔

سرائیکی وچ سب کنوں پہلا ناول ظفر لاشاری نازو دے ناں نال لکھیے۔ اوں اپٹے این ناول نال سرائیکی وچ رومانی ناول لکھن دی روایت قائم کیتی ہے۔ ظفر لاشاری دے این ناول وچ مرکزی حیثیت محبت کون حاصل ہے۔ ایندے علاوہ منظر نگاری آتے زبان بیان دی صفائی نال ناول وچ جان پاوٹ دی کوشش کیتی گئی ہے۔ لاشاری دے ڈوجھے ناول پہان وچ وی زبان دی صفائی عروج تے ہے آتے زبان بقول کسے کوثر نسیم وچ دھوتی پوتی ہوئی ہے مگر این روایت کون حالی سرائیکی

دے کہیں ہے ناول نویس اگوں پتے تے ہمیں ودھایا۔ علوی صاحب کنوں کہیں حد تاہیں توقع تھی سہدی ہی مگر انہیں لپٹے ناول ”اہٹی رت جو پاٹی تھی“ وچ اصلاحی روایت دی بنیاد رکھی ہے جیڑھی جو مقبول نہیں تھی سگھی کیوں جو تعلیم دی مخالفت کرتے اصلاح دے نظریے کوں پذیرائی نہیں بخشی وگئی آتے ایں طرح ایں روایت کوں ظفر لشاری اپٹے اگلے ناول ”پہاج“ وچ قبول کیجے آتے نہ اسماعیل احمدائی اپٹے ناول ”چھولیاں“ وچ بلکہ اسماعیل احمدائی تاں سرانگی وچ ناول نگاری دیاں مروج ساریاں روایتاں وی تروڑن۔

ظفر لشاری رومانی ناول دے فن دا ایر اپدھے آتے اوں اپٹے ناول ”نازد“ وچ ایہدی بنیاد بٹائی ہے۔ البتہ اوں مولوی نذیر احمد و اگوں فن دے کجھ تقاضیں کوں نظر انداز وی کر چکے آتے ”پہاج“ وچ بعض جہیں تے چند نصیحت دے پنڈارے کھول پٹھے۔ منیر احمد علوی اپٹے ناول وچ ناول نگاریں دے فن دیاں کئی خلاف و زریاں کیتن آتے ایں طرح اوں اردو کنوں گھدی ہوئی فنی روایت کوں سمجھے بغیر قلم چا گھدے۔

البتہ اسماعیل احمدائی اپٹے ناول ”چھولیاں“ وچ ناول نگاری دے روایتی فن کنوں باقاعدہ آتے شعوری طور تے انحراف کیجے آتے ایہدا اعتراف ناول دے مؤلف، وچ کیادوی ہے لیکن انہیں سرانگی وچ انہی شعوری ناول دی روایت قائم نہیں کیتی بلکہ کہاٹی دی روایت کوں ہک منفرد انداز وچ اگوں تے ودھائے۔

سرانگی ناول نگاریں اپٹے اپنے مخصوص انداز وچ سرانگی وسیب کنوں مواد گھدے آتے اوہدے نال وابستہ رہن دا جتن کیجے اگرچہ ایں سلسلے وچ انہاں کنوں غلطیاں وی تھکین۔ جیویں جو ”اہٹی رت جو پاٹی تھی“ وچ منیر احمد علوی تعلیم حاصل کرن دی مخالفت کیتی ہے کیوں جو انسان محسنیں کوں بھل و بندے آتے اہٹی روایات

کنوں ٹرٹ پھندے ٹھیٹھ سرائیکی دا استعمال سرائیکی نانوواں دا ورتاوا اُتے تعلیم دی مخالفت علوی صاحب دے مطابق سرائیکی وسیب نال وابستگی دی علامت ہن۔ البتہ ظفر لشاری ایہ غلطی نہیں کیتی۔ انھیں دی سرائیکی وسیب وچوں نال گھندن مگر انھیں لپٹے ناول ”نازہ“ کوں ایں اعزاز وچ سرائیکی وسیب دا ناول بناون دا ترائیں کیتا۔ اسماعیل احمد اٹی لپٹے ناول لیوں کرداریں، شہریں، پہاڑی اُتے رودکو ہیں دے نال دی سرائیکی وسیب توں گھندن تے علامتاں وی۔ ات لیوں ایہ سرائیکی دا پہلا علامتی ناول وی ہن گئے۔

لیکن انھیں دا ناول ”چھولیاں“ ٹھیک ٹھاک طریقے نال سرائیکی وسیب دا ناول اوں دیکھے بیٹے چیرھلے اووندے وچ سرائیکی وسیب دے کرداریں دے ذہنی ارتقاء کوں کہانی دا موضوع بنایا گئے۔

سرائیکی وچ ناولیں دی تعداد ہوں مختصر ہے انھیں ناولیں دے موضوع دی مختلف ہن اُتے ایہ ناول نگاری دیں مختلف روایات دے امین وی ہن۔ ات واسطے انھیں ساریں ناولیں وچ کوئی اٹھھی روایت پروان نہیں چڑھ سکی۔ جینکوں مشترکہ آکھیا وچ سگے۔

البتہ صرف کہیں حد تاں حقیقت پسندی اُتے سرائیکی وسیب نال وابستگی انھیں ناولیں دی خصوصیت قرار دتی وچ سگدی ہے جینکوں ظفر لشاری اُتے منیر احمد علوی ٹھیٹھ سرائیکی لفظیں اُتے سرائیکی نانوویں نال شروع کیجے اُتے جینکوں محمد اسماعیل احمد اٹی سرائیکی کرداریں دے ذہنی ارتقاء دی کہانی بیان قرار دتے۔

## کیا بستنی اہم ناول ہے؟

”بستنی“ سب سے اقبال حسن بھٹلا دا ناول ہے۔ ایہ میکیوں 2006ء کوں ملیئے۔ ایہ صرف چھیا نوے صفحے تے مشتمل ہے۔ جینکوں میں بکے ڈیڑھ پڑھ گھدم۔ ایں ناول دا انتساب ”سیکولر مزاج لوکیں“ دے ناں ہے۔ جیرہا میکیوں حیرت انگیز لکھئے۔ کیوں جو بھٹلا صاحب کوں ڈو ترائے دفعہ سرائیکی ریسرچ سنٹر بہاء الدین زکریا یونیورسٹی وچ لمیاں تے میکیوں اوہک یار دوست لیکن مذہبی آدمی لگن۔ شاید صوفی منش ہون آتے ات واسطے انھیں ایں ناول دا انتساب ایں طرح دے لوکیں دے ناں کیجے۔

ایہ ناول سرائیکی ریسرچ سنٹر بہاء الدین زکریا یونیورسٹی چھاپے۔ آتے ایہدا ڈو صفحیں دا پیش لفظ ڈاکٹر انوار احمد آتے محمد اجمل مہار لکھئے۔

ڈاکٹر انوار احمد نال میڈی نیاز مندی کم از کم چالیہ سال کنوں ہے آتے میں انھیں دیاں کئی کتاباں آتے مختلف تحریراں پڑھیم۔ ایں پیش لفظ دی زبان آتے اسلوب ڈاکٹر صاحب دا نہیں لگدا۔ نہ ایں تحریر وچ انھیں دی ذہانت آتے حاضر دماغی مھلکدی ہے۔ شاید ایہ محمد اجمل مہار لکھئے تے ڈاکٹر صاحب دا ناں احترام اپٹے ناں اتوں لکھ ڈتے۔ حیرت دی گالھ ایہ ہے جو دیباچے وچ جتھاں سرائیکی ناولیں دا ذکر کیجا گئے اتھاں محمد اسماعیل احمد آئی دے سفر نامے ”پیت دے پندھ“ کوں وی ناول شمار کیجا گئے۔ حالانکہ جیرہلے ایں سفر نامے دی چھوٹی جہیں تقریب رونمائی ”شہر وڈ“ لمان وچ تھئی ہی تاں اتھاں ڈاکٹر انوار احمد صاحب دی موجودگی۔

”بہنستی“ کہ Love Story ہے۔ ایہ کہ کبھی واس چھوہروی کہ زمیندار گھرانے دے ننگر ”لچال“ نال عشق دی کہانی ہے۔ ایہ کہانی انگریزی عہد وچ دریائے چناب دے ہیٹ وی کہ وتی واقعہ ہے۔ اوں وقت دے انگریز ڈپٹی کمشنر دی دھی وی لچال دے عشق وچ گرفتار ہوندی ہے لیکن او ”بہنستی“ واسطے اپنی محبت دی قربانی ڈیندی ہے تے ”بہنستی“ کوں ”لچال“ نال اپنے تھیں نال پریندی ہے۔

”لچال“ بہنستی دے عشق وچ لپٹے معزز زمیندار گھرانے کوں چھوڑتے کبھی واسیں دیں جھکسیں وچ ونج رہندے آتے بہنستی نال شادی واسطے کبھی واسیں دے رواج دے مطابق انھیں دیاں ذلت آمیز شرطیں قبول کریندے۔ رچھیں نال رہندے، رچھ نچواتے ذر ذر خیرات پندے وغیرہ۔ ایہ کہ قیاسی، سنسی خیز کہانی لگدی ہے۔ جیرھی قارئین کوں اپٹے ناقابل یقین واقعات نال حیرت زدہ کرن دی کوشش ہے۔ جید اساجی حقیقتیں نال کوئی تعلق کاسی۔ میڈے واسطے ایہ وی حیرت دی گالھ ہے جو جیرھلے اساڈے فکشن رائٹر حقیقت پسندی نال کم گھندے ہین۔ بھلا صاحب ایہ کیا تماشا لایا ہویا ہے۔

کہانی وچ البتہ دیہاتی زمیندارانہ زندگی تے معاشرت دی عکاسی نظر ضرور آندی ہے۔ اینویں کبھی واسیں دی زندگی تے روایات وغیرہ بارے وی علم تھیندے۔ تاہم کبھی واس لچال نال بہنستی دی شادی دیاں جیرھیاں شرطیں طے کریندن او محض مصنف دیاں خیال آرائیاں ہن آتے اینویں انگریز ڈپٹی کمشنر اوندی ذال آتے دھی بارے جیرھی داستان آرائی کہتی، گئی ہے اودی غیر حقیقی لگدی ہے آتے ایں طرح ساری کہانی غیر حقیقی ہن ویندی ہے۔

2006ء وچ ایں ناول دے چھپن کنوں ہوں پہلے سراہیکی وچ محمد

اسامیل احمدی دا ایوارڈ یافتہ ناول ”چھولیاں“ چھپ گیا لیکن منصف کوں نہ اودنا



پتہ ہا آتے نہ سراپکی ناول دی نوی ٹیکنیک تے مقام دا۔ کہیں وی قلم کار کون جبر حلقہ کہیں وی موضوع تے لکھٹا ہووے اوندے بارے مصنف کون ہوں کجھ پڑھٹا چاہیدا ہے اگر کوئی ناول لکھٹے تاں تا صرف ناول دے فن بارے پڑھٹے بلکہ چنگے چنگے ناول وی پڑھٹے چاہیدے ہن آتے اپٹے مقامی ناول دے معیار نال عالمی ناول دے معیار کون دی سامٹے رکھٹا چاہیدا ہے۔ اینویں نہیں کرکٹا چاہیدا جو روح آکھیا تاں کم کون بچپ گیا۔

مصنف ناول وچ جاہ جاہ تے موقع بٹا تے ہنٹی شاعری وی نمونے وی پڑتن جیویں جو اردو وچ ایم۔ اسلم اپٹے ناولیں وچ شعر لکھدا ہا آتے اوندے تقریباً ڈھسو ناولیں وچوں کوئی وی حیدر نہیں رہ گیا۔

ناول دی کہانی کجے باب تے مشتمل ہے آتے ہوں گٹ موافقیں تے قاری کون جذباتی کریندے۔ میکوں ایہ ناول جیویں جو ایندی کہانی کون ظاہر ہے۔ سماجی حالات آتے انسانی زندگی دے مسائل کون قطعی طور تے لا تعلق لکھدے۔

ہک Love Story دی بے شک اپٹے فنی رُتبے آتے محبت کرن والیں دے داخلی احساسات دیں پیچیدگیں کون ہک موثر تے دلکش کہانی بن سکدی ہے لیکن افسوس ہے جو ایہ ناول ایہ مقام وی حاصل نہیں کر سکیا۔ میکوں نہیں پتہ جو سراپکی ریسرچ سنٹر ملتان کون ایس ناول وچ کیا نظریے آتے اوکوں ایندے آتے پیسے لاواں دی کیا ضرورت پئی ہوئی۔ کیوں جو میڈے نزدیک ایہ کہیں حوالے نال نہج دے سراپکی ناول دے معیار تے پورا نہیں اہندا۔

## اسلم میٹلا دے سرائیکی انشائیے

ادب پر دیکھنا بالکل نہیں ہوندا تاہم ہر تخلیق کار اپنے تجربے، مشاہدے آتے مطالعے کنوں چیز ہا نظر یہ آتے فکر بھیندے او اوندی تخلیق اوج غیر محسوس طریقے نال ایس انداز وچ موجود ہوندے جو آخر اوج اسماں غیر شعوری طور تے اوندی سوچ تے فکر دی گرفت اوج ہوندوں۔ کہیں وی تخلیق دا اثر اہل لطیف ہوندے جو اسماں ہی طبیعت تے بوجھ یا گراں گزرن دی بجائے اسماں مسرت آتے سر مستی عطا کریندے۔ میڈے نزدیک اوہا تخلیق ای حقیقی تخلیق قرار ڈتی وچ سکدی ہے جیڑھی اسماں مسرت آتے بصیرت ڈیوے۔

انشائیے وی لطیف تے ہلکے پھلکے ادب دا ہر حصہ ہے۔ ایہ عام طور تے نویں صنف سمجھی ویندی ہے تاہم کچھ لوک ایندے ڈانڈے انگریزی وچ فرانسس، لیکن یا اُردو وچ سر سید احمد خان دے مضمونیں نال ملیندن۔ تاہم اُردو وچ ایہہ صنف پچھلے کئی سالیں کنوں مقبول تھی ہے۔ ایندے مزاج آتے بناوٹ بارے اُردو دے اہم انشائیے نگاریں آتے نقادیں دے وچ اختلافی بحثاں وی چلدا یاں رہین آتے ایندے مزاج کون مخصوص کر ڈیوں بارے تھیراوی رہیے تاہم ایندی قبولیت وچ فرق نہیں آیا۔ سرائیکی وچ انشائیے دی تاریخ وی مختصر ہے۔ سرائیکی وچ انشائیے لکھن والیں اُردو انشائیے کولوں تحریک گھدی اے کیوں جو ہوائی سرائیکی نثر وچ انشائیے دا وجود نہیں ملدا۔ البتہ نویں نثری دور وچ سرائیکی دے کئی انشائیے نگار سامنے آئین جنہیں وچوں سر کڈھواں نال اسلم میٹلا دا ہے۔ اسلم میٹلا مختصر دور اوج ہوں سارے

انشائیے لکھیں اُتے ایہہ اعزاز وی اسلم میٹرا کوں حاصل ہے جو انہیں دے انشائیے سب کونوں پہلے کتابی صورت وچ آئیں اُتے ہُن تائیں انہاں دیاں ڈ و کتاباں ”سرائیکی انشائیے“ اُتے ”وسیب رنگ“ چھپ چکین۔

اسلم میٹرا کوں عام طور تیں سرائیکی انشائیے نگاریں وچوں زیادہ پختہ کار انشائیے نگار سمجھیا ویندے اُتے انہیں دی فن تے گرفت مضبوط ہے۔

توئیں جو اچن تائیں سرائیکی انشائیے اپنا مخصوص رنگ نہیں بٹایا تاہم اسلم میٹرا دا انشائیے جیویں جو انہیں دی ہک کتاب، ووسیب رنگ کونوں ظاہر ہے۔ ووسیب دا حوالہ ضرور آن بیئدے۔

انشائیے دا موضوع عام طور تے کوئی چھوٹی تے معمولی جیہیں چیز ہوندی ہے جیندے اُتے انشائیے نگار انشائیے لکھدے ہوئیں کئی خاص مفہوم پیدا کریندے اُتے ایں طرح اپنئے خیالات دے تسلسل کوں وی قائم رکھیندے۔ انشائیے یقیناً طرز اُتے مزاج کونوں مختلف تحریر ہوندی ہے پر انہیں کونوں جدا وی ہرگز نہیں ہوندی۔ انشائیے اچ کئی اُتے غیر محسوس طرز دا اظہار اپنئے موضوع دے حوالے نال انشائیے کوں فنی معراج ڈیندے اُتے ایں طرح مزاج بالکل ہلکی پھلی ہوندی ہے اُتے اوندے وچ ٹھکارا شامل نہیں ہوندا۔ ہلکی پھلکی مزاج انشائیے دے رنگ کوں چھوکا کریندی ہے۔ میڈے اپنئے خیال مطابق انشائیے وچ کوئی کہانی یا واقعہ بیان کرن مفہوم اچ مفہوم کڈھن دے اسلوب کوں نقصان ڈیندے اُتے ات واسطے انشائیے اپنئے فنی تقاضے پورے کرن کونوں معذور تھی ویندے۔

لیکن اسلم میٹرا دے ہوں سارے انشائیے مفہوم اچوں مفہوم پیدا کریندن لیکن ایں طرح اپناں فنی رتبہ وی قائم رکھیندن ”قہنی“ دے علاوہ ہوں سارے ہنئے انشائیے ایہی عمدہ مثال ہن۔

اسلم میٹلا دے انٹائیں ایچ جتھاں سرائیکی وسیب لپٹے کلچر سمیت موجود نظر آندے اُتھاں کئی انٹائیں وچ انٹائیہ نگار خودوی موجود ہوندے۔ قانون دے پٹی نال وابستہ ہونڈ پاروں قانونی اصطلاحات آتے حوالے انہیں دیں انٹائیں ایچ کئی جاہ تے ملدن آتے قانون دے پٹی نال وابستہ لوکیں کوں ڈ وڑ امرہ ڈ بندن جیویں جو میں خودوی بار بار محفوظ تھیں اریہاں۔ اُتھاں میں اے آکھ سگداں جو اسلم میٹلا دے انٹائیے وچ خود تخلیق کار آتے اوندا وسیب ہک پئے نال بچوئے ہوئے دن۔

اسلم میٹلا دے انٹائیں دے موضوع سدھے سادے آتے عام ہن جیویں جو ہووٹے چاہیدن۔ ات واسطے انہیں دے انٹائیں کوں ہر قسم دا قاری محفوظ تھی سگدے۔ اسلم میٹلا کتھائیں وی علمی آتے فلسفیانہ انداز وچ اہٹی تحریر کوں بوجھل نہیں کریندے بلکہ ہر جاہ تے ہکا پکا انداز رکھدن جیڑھا انٹائیے دے مزاج دے عین مطابق ہے۔

اسلم میٹلا کئی پئے حوالیں نال لپٹے فن تے دسترس رکھندے ہوئے نظر آندن جیویں جو انٹائیے دی زبان سادہ، عام فہم آتے رواں ہووٹی چاہیدی ہے اینویں ای انہیں دی تحریر وی سادہ، رواں آتے عام فہم ہے۔

سرائیکی انٹائیہ بلا شک و شبہ اسلم میٹلا دے فن دے حوالے ارتقاء دی شاندار منزل طے کیتی ہے ایہ فن جیڑھے ایچ سرائیکی عام طور تے پچھوں نظر آندی ہئی۔ ایں قابل تھی اے جو فخر نال آکھ سگے۔ میں وی ہاں انٹائیے دے سفر ایچ آردودے نال نال ٹردی آندی۔

میکوں یقین اے جو اسلم میٹلا ایٹا ایہ سفر جاری رکھیں آتے سرائیکی کوں انٹائی ادب نال مالا مال کرتے ڈ وچھیں ترقی یافتہ زبانیں نال کھڑا کرن ایچ ماہولی دی خدمت کرن وافر فیض ادا کریندے رہو لین۔

## م۔ی۔ قیصرائی بطور سرائیکی محقق

سرائیکی وچ کجھ سالیں کنوں جبرہا تحقیقی کم تھیندا اپنے اوندے وچ م۔ی۔ قیصرائی دا تحقیقی کم خصوصی اہمیت دا حال ہے۔ مختلف اخباریں آتے رسالیں وچ انھیں دے تحقیقی مقالے سرائیکی، اردو آتے انگریزی وچ تھیندے رہندن۔ ایہ اعزاز وی انھیں کوں حاصل ریہے جو انگریزی زبان وچ سرائیکی وسیب، اوندے کلچر آتے تاریخ بارے تحقیقی مضمون وی انھیں دے تھیندن۔

م۔ی۔ قیصرائی صاف ستھرا آتے سنجیدہ قسم دا علمی آتے ادبی ذوق رکھدن آتے توجہ نال کہیں موضوع تے تحقیق کریندن۔ ایں سلسلے وچ انھیں دی پہلی کتاب ”سرائیکی تاریخی داراں پہلی جلد“ مارچ 1994ء وچ منظر عام تے آئی ہے۔

ایں کتاب دی اشاعت دے وقت کنوں ای میکوں ایں کتاب دے مطالعے واسطے بے چینی محسوس تھیندی پئی جی آتے میں اینکوں ایندی بانڈنگ تھیون کنوں پہلے ای پریس دے مالک دی اجازت نال (لیکن مصنف دی اجازت دے بغیر) پریس وچوں چا گھدا ہا۔ کتاب کوں ادھاتاں سفر دے دوران پڑھ گھدم آتے باقی ادھا گھر وچ تے پڑھیم۔ آتے اوں ویلھے تاں میں یا کم نہ کیتم جے تاں میں اینکوں مکا نہ شیم۔

لیکن تباڑے واسطے آتے خود میڈے واسطے وی حیرانی دی گالھ ایہ ہے جو میں تقریباً ہک سال تاں میں ایں کتاب بارے کجھ نہ لکھ سکیم۔ تاں میڈی حیاتی دیاں بے جواز مصروفیات دا اتھوں اندازہ لاسکدو۔

م۔ی۔ قیصرائی دی ایہ کتاب کئی حوالیں نال ہک عہد ساز کتاب ہے۔ ایہ

سب کتوں پہلے اہٹی تحقیق دے حوالے نال این حد تائیں قابل تعریف ہے جو اہج تائیں سرانگی زبان وچ بعض اٹھجیں ”واریں“ کوں منظر عام تے نہیں آندا پیا جیہہ آڈن ضروری ہا۔ آتے این موضوع تے کم کرن والے لوکیں اوکوں نظر انداز کر ڈتا ہا۔ این کتاب کوں کئی اٹھجیں واریں کوں پہلی دفعہ منظر عام تے کھن آڈن دا اعزاز حاصل ہے۔ جیرہا پہلے کتوں نہیں تھیا۔

کتاب وچ سرانگی زبان کوں خالص شکل وچ پیش کیا گئے۔ کہیں قسم دی سستی یا جلد بازی دا مظاہرہ کریندے ہوئے بے وجہ اُردو یا انگریزی لفظ نہیں ورتینے پئے بلکہ محنت، کوشش آتے جان سچا نال انگریزی یا اُردو لفظیں وے ورتا دے دی جاہ تے سرانگی لفظ استعمال کیجے گھین۔ جیہدے نال نا صرف سرانگی ڈسٹری وچ ودھارا تھئے بلکہ زبان وی خالص آتے سوئی تھی گئی ہے۔

این کتاب دی ایہ وی خاص خوبی ہے جو اہج تائیں سرانگی وی کہیں کتاب وچ اہل تعداد وچ ”سرانگی واراں“ کٹھیاں نہیں کیتیاں ہیاں آتے این طرح ایہ سرانگی واریں دا پہلا مکمل مجموعہ ہے۔ توڑے جو ”سرانگی تاریخی واراں“ دا پہلا حصہ ہے آتے ایہدے کئی حصے آج منظر عام تے آئوٹن۔

ایہدے علاوہ ہک ہی اہم کالھ ایہ وی ہے جو مختلف واریں وے ہٹھ جیرہیاں وضاحتاں ڈتیاں گھین او پوں قیمتی دکن۔ جیرہیاں سرانگی وسیب آتے ادنیٰ ترخ دے اہم واقعات کوں نکا کریندن آتے این طرح قاری کوں ”وار“ دے کچھن وچ امداد ڈیندن۔

کتاب دا دیباچہ ہوں معلوماتی ہے آتے تاریخ کوں کچھن واسطے ہک نواں، انقلابی آتے قومی تصور پیش کریندے۔ سرانگی ادب وچ باقاعدہ طور تے این تصور کوں پہلی دفعہ تحریری حوالے نال متعارف کرایا گئے آتے سرانگی قومی تحریک نال

وابستہ لوکیں واسطے نویں آنے انقلابی سوچ دے دروازے وا کیتے مگھن۔ درباریں  
 وچ لکھی ہوئی سرائیکی عوام دی توہین آمیز تاریخ دا تصور ختم کرتے تاریخ دے ایں نویں  
 تصور سرائیکی اعلیٰ قلم وچ سوچن دی نویں تحریک پیدا کیتی ہے۔ ایں حوالے نال ایہ  
 کتاب سرائیکی قومی تحریک وچ ہک نویں ”عہد نامے“ دا کم پڑیندی ہے آنے انگوں  
 ایں حوالے نال وی پڑھنا چاہیدا ہے۔

## سرائیکی ثقافت تک نظر وچ

سوویت یونین دے خاتمے کنوں پہلے وی آتے بعد وچ وی میں اپنے نظریات تے ول ول غور فکر کریندا رہیاں (ظاہر ہے میں حیدر انسان ہاں) آتے ہنن ایں بارے وچ سنجیدہ طور تے سوچینداں جو شہیت طبقاتی نظام فطری ہے۔ جیکر انسان کوں کھلا چھوڑ ڈتا ونجے (جیرہا سرمایہ دارانہ نظام دا پہلا تقاضا ہے) تاں تلنگے، عیار مکار، آتے طاقتور لوک بالادستی حاصل کر گھسن۔ سادہ، نا اہل، کمزور، بزدل (شاید شریف) لوک پچھوں رہ وین آتے ایں طرح طبقاتی نظام منصفہ ہدھیندے تے پرورش پیندے اگر ایں طرح دی مادر پدر آزادی کوں کہیں طرح قابو کیتا ونج سکے آتے تلویں طبقے کوں حیدر ارہن وچ مدد دیتی ونجے آتے اتلے طبقے دیں زیادتی کوں کنٹرول کیتا ونجے تاں شہیت من و سلوئی لہن دی وچلی راہ نکل آوے۔

معاف کرا ہے! ایہ صرف جملہ معترضہ ای ہا۔ البتہ ایں حوالے نال ایہ آکھن چھداں جو انسانی حیاتی وچ طبقاتی نظام کتلا ای مؤثر کیوں نہ ہودے عام لوک ایندے سامنے کتلا ای بے بس کیوں نہ ہوں آتے تاریخ وچ ایں اعلیٰ طبقے دیاں کتلا ای فرضی سخاوت آتے علم دوستی دیاں کہانیاں کیوں نہ لکھیاں گیاں ہوں آتے انھیں دی بہادری دے افسانے صفحہ قرطاس تے کیوں نہ ور گھریے چے ہوں۔ مگر کئی معاملات وچ عوام کوں ای بالادستی حاصل ہے مثال دے طور تے کجھ درویش مزاج لوکیں دا تعلق بہر طور عوام نال ریہے۔ ات واسطے او حیاتی وچ آتے موت دے بعد عوام دے محبوب رہنن۔ جڈاں جو اکثر بادشاہیں دے مقبرے ویران ہوندن آتے



انھیں وچ میں جمیں دے دیرے اُکھیں نال ڈٹھن۔ بعض اوقات انھیں مقبریں دا نشان تائیں نہیں رہندا۔ جیویں جو مکھی دے گستان وچ ہے۔ اینویں بکی قومیت نال تعلق رکھن والے حکمرانیں اُتے عوام دی ثقافت دی عام طور تے ہک بے کنوں انج ہوندی ہے۔ کیوں جو ثقافت دی اصل وچ ہر طبقے دی آہٹی ہوندی ہے اُتے ایں طور تے طبقاتی ہوندی ہے۔ جیویں تاریخ وچ عام طور تے صوفیا دے مقبریں تے روٹھان ہوندا۔ اُتے شاہی مقبرے نور جہاں دے مقبرے دی مثال طے رہندا۔ اینویں ثقافت دی صرف عوام دی زندہ رہندی ہے اُتے اوکوں پذیرائی حاصل تھیوی ہے۔

جاوید احسن خان دی کتاب ”سرائیکی ثقافت“ ڈیکھ کر اہیں میکوں ایہدے اُتے پیا وی یقین آگئے کیوں جو انھیں دی کتاب وچ پیر صی قسم دی ثقافت دا ذکر کیتا گئے اوسرا نیکی وسیب دی عوامی ثقافت ہے۔ او میلیں ٹھیلیں اُتے کھیڑیں دی ثقافت ہے۔ جیہ تعلق تلوں طبقے نال ہے اُتے ایں طرح ایہ کتاب ہک طرح تے عوامی زندگی دی بھرپور اُتے شاندار طریقے نال نمائندگی کریندی ہے۔

تاہم ایں کتاب وچ ہک حد تائیں ثقافت دا ”حاکمانہ“ تصور دی نظر آندے۔ کیوں جو حکمران عوامی ثقافت کوں صرف میلے ٹھیلے دی ثقافت آہن اُتے ایہو سلوک سرائیکی ثقافت نال وی کیتا ویندے۔ حالانکہ سرائیکی ثقافت دا ہک اہم پہلو مدافعتی جدوجہد داوی ہے اُتے لوک ناک وچ ایہدا اظہار نقلی دے حوالیں نال کئی جاہیں تے ملدے۔ سرائیکی وسیب چونکہ آہٹی زرخیزی دی وجہ کتوں ہمیشہ حملہ آوریں دا نشانہ رہیے۔ ایت واسطے اتھاں ہک طاقتور مدافعتی جدوجہد دی روایت وی رہی ہے۔ سکندر یونانی کتوں گھن کراہیں مٹن تائیں ایندیاں نشانیاں ملدین۔ جیویں اٹھو ل دے بزرگیں دے روٹھے تھوں دی ثقافت دا حصہ بن۔ اینویں اٹھوں دی قلعبیں ہڑند، آسٹی، ڈیر اور وغیرہ وی ہک بہادرانہ اُتے مدافعتی جدوجہد دی ثقافت کوں پروان

چڑھائے۔ آتے ایندا ثقافتی اثر سرائیکی نظمیں خصوصاً سرائیکی واریں وچ نظر آندے  
 - جیویں جوم۔ ی۔ قیصرانی، عمر کمال خان آتے شوکت مغل دیں کتابیں سرائیکی آتے  
 ملتان دی واریں وچ نظر دے۔

اللہ چا چھڑاوے شملہ شیر جوان کول

کتاب ”سرائیکی ثقافت“ وچ پتہ نہیں ایں اہم پہلو کول کیوں نظر انداز کیتا  
 مئے۔ نہج پوری دنیا تک وستی دی شکل اختیار کریندی ویندی ہے آتے ترقی یافتہ ملکیں  
 دی ثقافت چھوٹے ملکیں دی ثقافت تے اثر انداز تھیندی پئی ہے۔ ایں طرح  
 سرائیکی ثقافت تے یورپی آتے خصوصاً انگریزی ثقافت دا بھر پور اثر پندا پئے۔  
 مناسب ہوندا اگر انہیں اثرات دا کتاب وچ جائزہ گھدا ویندا۔

ہک وسیب دے لوکیں دی حیاتی دار تک ڈھنگ دارناں ثقافت ہوندے۔  
 جینکوں وٹ گن سٹائن ”فارم آف لائف“ آہرے۔ ایہ فارم آف لائف سماجی تبدیلی  
 نال تبدیل تھیندی رہ ویندی ہے۔ ایندا مظاہرہ قبائلی، جاگیر دارانہ آتے سرمایہ دارانہ  
 سماج دے آج آج مظاہرین وچ پڑھاوٹھ سگدے۔

پاکستان وچ قبائلی آتے جاگیر دارانہ سماج خُٹ بھج دا شکار ہے۔ ات  
 واسطے انہیں سماجیں نال وابستہ ثقافت وی بھج خُٹ دا شکار ہے آتے انہیں دا کجھ حصہ  
 مردہ ثقافت (Dead Culture) وچ آندے۔ جیرھا ساڈے وڈو ڈیریں دے  
 نال متعلق ہا۔ ساڈے نال نہیں۔ مثلاً آج دے ہال ڈاں (ڈیں) دی بجائے کرکٹ  
 کھیڈن۔ آتے رات کول نانی اماں کنوں قصہ سُٹن دی بجائے ٹی وی ڈرامہ ڈھن۔  
 ہنن وڈے سکی روٹیں دا بھت کھاوٹن دی بجائے آکس کریم کھندن۔ عوام ہنن رات  
 کول پھسکیں یا دیریں تے بہ تے حقہ پیوٹن دی بجائے سینما ہال یا ہولیس وچ وٹ  
 تے وقت گزریندن آتے سگریٹ پھکیندن۔ میڈے خیال وچ اتلا اہم کتاب وچ

انہیں تبدیل میں داجائزہ گھنٹی وی ضروری ہے۔ مگر یہ کتاب زیادہ تر ”مردہ ثقافت“ کو پیش کرنا تاہم محدود رہ گئی ہے۔ سرائیکی ثقافت کے اسلام دے اثرات جاننے سنبھالنے ہیں۔ اس واسطے کتاب دے منڈھ وچ انہیں اثرات کو ثابت کرنا دی ضرورت نہ ہئی۔ بلکہ اہم گلہ ایہ ہئی جو ایہ ڈسایا ونچے ہا جو ثقافت وچ کیوں تبدیلی آندی ہے۔ یا وقت نال نال ادا پٹا روپ کیوں وٹھدی ہے۔ ایہ ڈساون ضروری ہے جو موجودہ سرائیکی ثقافت کیرھے دور دی نمائندہ ہے۔ سرائیکی وسیب دی نویں ثقافت جیرھی تبدیل تھیدے ہوئے سماج دی وجہ نال خود کج، بحرانی مرحلے وچ داخل ہے۔ دا تجزیہ کریندیں ہوئیں قاری دی ایس تفکلی کوں دور کرنا ضروری ہے۔

بہر حال ”سرائیکی ثقافت“ سرائیکی ادب وچ لہٹے موضوع تے پہلی تفصیلی کتاب ہے۔ اس واسطے ایہ اہم تے مفید ہے۔ تاہم ایس کتاب وانواں ایڈیشن موجودہ جدید سرائیکی ثقافت کوں وی ضرور حصہ ڈیلاے۔

## ”مختصر تاریخ زبان و ادب: سرائیکی“ دے بارے کجھ گالھیں

”مختصر تاریخ زبان و ادب..... سرائیکی“ ڈاکٹر سجاد حیدر پرویز وی اردو وچ لکھی ہوئی کتاب ہے جیہدہ پہلا ایڈیشن 2009ء وچ چھپیا۔ جیرھا ایڈیشن میڈے سامنے ہے۔ ایہ ڈوجھا ایڈیشن ہے آتے 2012ء وچ چھپے۔ اس کونوں پہلے دا کب بیا ایڈیشن وی میڈے آگوں ہے۔ جیرھا پہلی دفعہ 2001ء وچ چھپیا آتے ایہداناں ”سرائیکی زبان و ادب کی مختصر تاریخ“ ہے۔ اس نویں ایڈیشن وچ کجھ اضافے وی دن۔ جیویں جو صحافت بارے کجھ تفصیلی حصہ ہے۔ اس کتاب کون مقتدرہ قومی زبان اسلام آباد چھاپے۔

ڈاکٹر سجاد حیدر پرویز داناں سرائیکی زبان و ادب وچ بہوں اچا ہے۔ انھیں دی ایہ کتاب نا صرف سرائیکی زبان ادب دے طالب علمیں واسطے رہنمائی دا کم ڈیندی ہے بلکہ محققین آتے سکالرز دیاں وی علمی ادبی ضرورتاں پوریاں کریندی ہے۔ بیچ سو پینتری محسن دی ایہ کتاب بیچ حصیں وچ تقسیم ہے۔ جیہدے وچ سرائیکی زبان، اوندے رسم الخط، لغت نویسی، شاعری (ساریاں اصناف) افسانہ، ناول، سفرنامہ، انشائیہ، خاکہ، مکتوب نگاری، آپ جیتی، سیرت نگاری، داراں، منظوم داستاناں ہالیں تے خواتین دا ادب، شخصیات نگاری، تاریخ ثقافت، ادبی تاریخاں، تنقید، تراجم، طنز مزاح آتے صحافت وغیرہ بارے لکھیا گئے۔ آخر وچ کتابیات دے عنوان تے کتابیں، رسالیں، اخباریں، یونیورسٹیں وچ لکھیں ہوئیں مقالیں دی کجھ تفصیلی تہہ دی ہے۔

کتاب وچ ہر موضوع تے کافی مواد ڈتا مئے (توڑے جو کجھ چک دی مئے) مختلف عنوانات دے تلے اوں موضوع تے چھپیں کتابیں دی جاہ جاہ تے لمبی لمبی فہرست دی ڈتی مئی ہے۔ جیڑی معلومات وچ ودھارا کریندی ہے۔ کتاب وچ بعض لکھاریں بارے نسبتاً زیادہ مواد ڈتا مئے اُتے بعض کوں نظر انداز کر ڈتا مئے۔ ظاہر ہے ایہ مصنف دیں کجھ اہٹی ترجیحات دا نتیجہ ہن۔

کتاب لپٹے تمام تر خوبیوں دے نال کجھ کمیں دا شکار وی ہے اُتے شاید اسلئے لپے مگر مختصر کم وچ ایہ کیاں رہ ویندیاں ہوں۔ چونکہ کوئی ادبی تاریخ کڈاہیں وی مکمل نہیں تھی سگدی۔ بلکہ ہر ویلھے اوندے وچ ترمیم تنسیخ دی لوڑ پوندی ہے۔ ات واسطے میڈے خیال مطابق ایں کتاب دے لگے ایڈیشن وچ ایہ کیاں دور کیتیاں وین۔ توڑے جو ایں قسم دیاں چھوٹیاں موٹیاں کیاں بے شمار ہن۔ جنھیں دا ذکر ایں مختصر تبصرے وچ ممکن کاسی۔ ات واسطے صرف کجھ ڈا اشارے کہتے ویندن۔

1: سرائیکی رسم الخط دے طے کرکے بارے جیڑیاں کوششاں تھیں یاں رہیں انھیں دا ذکر کریندیں ہوئیں صفحہ 33-34 تے مصنف چوتھی کوشش مولانا عزیز الرحمن بہاولپوری وی دیوان فرید وی ترتیب ڈیوٹ دے ویلے دی بیان کیتی ہے۔ اُتے پنجویں کوشش 1979ء دے کل پاکستان سرائیکی کمیٹی وی ڈسائی ہے جینکوں انھیں تقریباً آخری تے کامیاب قرار ڈتا۔ حالانکہ ایہ ہوں متنازعہ ہئی۔ ایندے وچ پہلے کونوں متفقہ ”ن“ کوں ہٹاتے کہیں خصوصی وجہ تے پنجابی دا ”ن“ اپٹایا گیا اُتے ایندے اُتے اختلاف کھڑا تھی گیا۔ راقم الحروف، دانشاد کلاں نجوی، سراج الدین سانول تے کئی نہیں پنجابی ”ن“ کوں قبول کرن کونوں انکار کر ڈتے۔ جیندے نتیجے وچ 1982ء وچ ہک ہی رسم الخط کمیٹی پٹھی۔ جنھیں سرائیکی ”ن“ کوں بحال کیا۔ ایندی پوری

تفصیل ماہنامہ ”سرائیکی ادب ملتان“ دے شمارہ مارچ 1982ء وچ موجود ہے۔ نہ چائے مصنف اوکوں کیوں نظر انداز کر ڈتے۔ حالانکہ قارئین کوں ایں صورت حال کنوں آگاہ کرن ضروری ہا۔ اینویں 1979ء آتے 1982ء دیں رسم الخط کمیٹیں کنوں پہلے سرائیکی رسم الخط کوں طے کرن واسطے ہک بی ڈوجھی کوشش تاریخی سرائیکی ادبی کانفرنس ملتان (ترائے روزہ) دے دوران سرائیکی رسم الخط کمیٹی کیتی۔ جیندے وچ راقم الحروف دے علاوہ مہمان سرائیکی لکھاری ڈاکٹر مہر عبدالحق، پروفیسر رشاد کلانچوی، مولانا نور احمد خان فریدی، میر حسان الحمیدی، پروفیسر عطا محمد حامی، ظفر مرزا (ڈیرہ اسماعیل خان) وغیرہ شامل ہن آتے ایندی صدارت سیٹھ عبد الرحمن کیتی۔ ایں کمیٹی دی کارکردگی بارے میڈا کتابچہ ”سرائیکی رسم الخط کی مختصر تاریخ“ ہے جیندے وچ تفصیلی طور تے صورت حال دا ذکر موجود ہے۔ ایندے علاوہ میڈی بی تفصیلی رپورٹ ماہنامہ سرائیکی ادب ملتان دے شمارے اپریل 1975ء وچ دی چھپی ہوئی ہے۔ پروفیسر شوکت مغل ایچی کتاب ”سرائیکی دیاں خاص آوازاں دی کہانی“ وچ ایں رسم الخط کمیٹی تے اوندے فیصلے دی تفصیل دی ڈتی ہے۔ نہ چائے اوکوں نظر انداز کرن دی مصنف دی کیا ترجیح ہئی۔ حالانکہ مصنف کوں انھیں ساریں جگہاں دا علم ہا۔

2: اینویں ہک ہی حیرت انگیز گالھ ایہ ہے جو کتاب دے صفحے 77 تے لکھیا ہویا ہے ”محمد حسین شاد کے بعد ان کی نظموں کا مجموعہ ترتیب دے کر شائع کیا گیا۔ اگرچہ اس نے اپنے شہر کے تذکرہ نگار کئی جام پوری نے ”سرائیکی شاعری“ میں ان کو نظیر مان کر میر کا سا برتاؤ کیا ہے۔

ایندے بارے حقیقت ایہ ہے جو کتاب ”سرائیکی شاعری“ وچ نہ اٹھی کوئی کالج موجود ہے اے نہ محمد حسین شاد تے اوندی کتاب دا ذکر ملدے۔ محمد حسین شاد دا ہجام پور ناں وی کوئی تعلق نہ ہا۔ اور رسول پور دا باشندہ ہا۔ اے اوندی مجموعہ کلام ”بیٹ وی بسک“ انھیں دے نواسے بشیر بلوچ ترتیب ڈے تے اسڈے ادارے سرائیکی پبلی کیشنز رسول پور توں اگست 1993ء وچ شائع کیا۔ جیندے وچ محمد حسین شاد بارے صفحہ میڈا وی موجود ہے۔ نہ چائے کتاب بارے تفصیل کوں نظر انداز کرتے ہک من گھڑت کالج کئی جام پوری دی کتاب ”سرائیکی شاعری“ دے ذمہ لاڈ یون وچ کیا مصلحت ہوی۔

3: سرائیکی وچ غزل دے باب تلے غزل گو شاعریں دا ذکر کریندیں ہونیں صفحہ 127 تے رفعت عباس بارے لکھدن ”رفعت عباس کا مجموعہ ”پڑھیاں اے بھل“ 1984ء میں اور ”جمہوری جھمڑے“ 1989ء میں سامنے آتے ہیں۔ ایں فقرے کونوں ظاہر تھیدے جو ”جمہوری جھمڑے“ غزلیں دا مجموعہ ہے۔ حالانکہ او غزلیں دا مجموعہ کائی۔

4: اکثر جہیں تے ایہ محسوس تھیدے جو مختلف کتابیں کونوں مواد گھن تے ہائی کتاب وچ شامل کر ڈتا ہئے۔ اے اپنے طور تے تحقیق نہیں کیتی گئی۔ صفحہ 293 تے چراغ اعوانی دی جائے پیدائش وستی میاں صاحب موضع کھیری لکھیا ہویا ہے۔ سب کونوں پہلے ایہ غلطی کئی جام پوری کیتی اے بعد دے لکھاری اینکوں نقل کریندے ائے۔ چراغ اعوانی دی جاہ پیدائش ”درگڑی“ ہے اے درگڑی دے گستان وچ اوندی ازاروی ہے۔ جیندی میں خود زیارت کیتم (ایندی تفصیل میڈی کتاب ”یکھے“ وچ موجود ہے) قصبہ درگڑی تحصیل جام پور ضلع راجن پور وچ حاجی پور اے بھکر پور دے پچاھی پاسوں

سلیمان پہاڑ دے تقریباً دامن وچ موجود ہے۔ مصنف این بارے کوئی تحقیق نہیں کیتی۔

5: اینویں کئی ہنصیں جاہیں تے کہیں شعبہ دی تفصیل ڈیندیں ہونیں مصنف کنوں چک تھی ہے۔ تراجم دے سلسلے وچ کئی تراجم نظر انداز تھیں۔ خاکہ نگاری وچ اسماعیل احمدائی دا مشہور خاکہ میڈا کھلواں سنگتی (شائع شدہ کتاب لڑی سوچاں جام پور) رہ گئے۔ صحافت والے حصے وچ ہفت روزہ ”بلال“ دیرہ غازی خان دا ذکر کائنی جیندے وچ سرانیکی کالم چھپدے ریہے آتے ایہ دیرہ غازی خان دے ہفت روزہ ”غرب“ کنوں ہوں پڑکاتے مشہور تاریخی اخبار ہا۔ اینویں تنقید دے سلسلے وچ وی رقم الحروف دیں ڈو کتابیں ”نتارے“ آتے ”نیکھے“ دا ذکر موجود کائنی حالانکہ او ایں کتاب دے موجودہ ایڈیشن کنوں ہوں پہلے چھپ چکیاں ہن۔ (میں اہٹیں کتابیں دے ذکر کرکں بارے معذرت خواہ ہاں۔ صرف ریکارڈ دی درستی واسطے ضروری ہن)

6: جیویں جو میں آتے عرض کیتم۔ مختلف کتابیں کنوں مواد گھن تے ہو بہو لکھ ڈتا گئے آتے زیادہ تر فہرست سازی کیتی گئی ہے۔ لپٹے طور تے کہیں ضروری جاہ تے وی تحقیق نہیں کیتی گئی۔ بعض جاہیں تے نقل کرتے صرف لکھاری دامن پیدائش یا سن وفات لکھ ڈتا گئے۔ جیویں عبدالکلیم اوجوی دا صرف سن پیدائش 1161ء ہجری لکھ ڈتا گئے۔ آتے اوندی تاریخ وفات بارے کوئی تحقیق نہیں کیتی گئی۔ بعض جاہیں تے نقل کرتے سن ہجری لکھ ڈتے، گھنن آتے بعض جاہیں تے عیسوی جتھوں قاری کنفیوز تھی سکدے مناسب ہوندا جو تھوڑی جہیں محنت کرتے تقویم دی کہیں کتاب توں ہجری نال عیسوی سن دی لکھ ڈتا دیندا۔ کیوں جو ہجرت دا قاری عام طور تے عیسوی سن دے حوالے نال مانوس ہے۔



7: بعض جاہیں تے کتابیں دے ناں وی درست کائیں۔ مثال دے طور تے صفحہ 379 تے عصمت اللہ شاہ وی کتاب داناں ”سوجھل“ لکھیا گئے حالانکہ ایہ ”سوجھل قصبے“ ہے۔

8: کتاب دی ترتیب وچ یکسانیت کائیں۔ کتاب داڈ وچ حصہ شاعری بارے ہے آتے ترتیجا نثر بارے ہے۔ چوتھے حصے وچ سیرت نگاری ہے۔ آتے اول حصہ وچ داراں آتے منظوم داستان وی درج کیتیاں، مگھیں۔ حالانکہ انھیں دا تعلق حصہ شاعری نال ہے۔ منظوم داستانیں وچ سیف الملوک بارے ذکر کریندے ہوئیں قاسم علی شاہ وی معروف سیف الملوک کوں نظر انداز کر ڈتا گئے۔ حالانکہ لطف علی دے سیفل نامہ مرتب محمد صادق رائی پوری دے ڈاکٹر نبی بخش بلوچ دے لکھینے ہوئے پیش لفظ وچ اوہدی تفصیل تے نمونہ موجود ہے۔

کتاب وچ آٹھجیاں چھوٹیاں موٹیاں غلطیاں بے شمار دہن۔ ایندے علاوہ کتاب وچ مصنف دیاں لپٹے ہمعصر بارے ذاتی ترجیحات وی موجود دہن۔ جنتاں انھیں کوں ہک غیر جانبدار مصنف دا کردار ادا کر ٹا چاہیدا ہے۔ تاہم ایہ کتاب سرائیکی زبان و ادب بارے اوٹنی نوعیت دی پہلی تے اہم کتاب ہے۔ لپٹے وقت دے حوالے نال حیدری ہوں ضرورت ہئی۔ میڈا خیال ہے ایہ کتاب ہوں دیر تائیں اوٹنی ضرورت پوری کریندی رہسی اگر ایکنوں غیر جانبداری نال لکھ تے درستیاں کیتیاں وئجن۔

## سرائیکی وسیب وچ صلواتاں آتے ہدے

سرائیکی وسیب جیرھا دادی سندھ وچ مرکزی حیثیت رکھدے لپٹے دیو مالائی عہد وچ دراوڑیں دے بعد آریائی دیو مالائی تصور نال وابستہ ریہے۔ اوں دہلھے ہر مفروضہ سماوی قوت دا کوئی دیوتا یا دیوی ہوندی ہئی انسانی بیماریاں کوں لوک انھیں دیویں روپوتا کیں دی ناراضگی واسبب سمجھدے ہن۔ ات واسطے اوں عہد وچ کوئی سائنسی طریقہ علاج نہ ہونک دے سبب دیوتا کیں دی خوشامد کوں بیماری دامنوٹر علاج سمجھیا ویندا ہا۔

اس کتاب ”سرائیکی وسیب وچ صلواتیں آتے ہدیں نال دوا داروں دی روایت“ وچوں مثال گھنیں ہوئیں۔ چچک، سورخ، ہیر، کیکڑا، جھیں بیماریاں دا تعلق سینتار مانا ماتا دیوی نال ہا۔ جینکوں سرائیکی وچ مائی رائی دی آکھیا ویندے۔ اس بیماری دا علاج کجھ عرصہ پہلے تا کیں ہک لوک گیت قسم دے منتر نال کیتا ویندا ہا۔ جینکوں ”سولہرا“ آکھیا ویندے۔ ”سولہرا“ مریض ہال دے اہوں میوزیکل انداز وچ ”گٹ“ دا منگر وچا کے گایا ویندا ہا جیندے وچ سینتار دیوی خوشامد ہوندی ہئی جواو بخار دی تہس کوں گھٹ کرے۔

تختیں والا آویں میڈے دیرھے  
 پھللیں دے سہرے کوں تاں ڈی پیدی ہار  
 جگ کوں تاں ٹھاری، میں نیکاری کوں ٹھار  
 ٹھار گھر وچیں، نہال کیتی وچیں

## تو ہمیں ٹھنڈا ٹھنڈا

دیو مالائی عہد دے انہیں سنتریں دا ثبوت اساکوں ویدیں وچ وی لہندے  
 مختلف بیماریاں دے علاوہ عشقِ محبت بارے وی کئی سنتر ”اتھروید“ وچ درج ہن۔ علی  
 عباس جلال پوری اپنی کتاب ”رسوم اقوام“ وچ محبت بارے ہک سنتر دارود ترجمہ  
 پیش کیجے ”میری زبان کے سرے پر شہد ہو، مری باتوں میں شہد کی منہاس ہوتا کہ  
 میری پریمیکا مجھ پر فدا ہو جائے اور اُس کا بدن میرے قابو میں آجائے۔“

صلواتیں آتے ہدیں کوں عام طور تے ترے حصیں وچ وٹیا و پٹ سکدے۔  
 1: ہد ایا کڑا ڈیون (مندرن) یعنی بیماری کوں روکن آتے اوکوں اگوتے و دھن  
 کنوں تھلن۔ جیویں ڈھانڈیں کوں ڈھن

2: صلوات یا سنتر: بیماری کوں ختم کرن۔ جیویں نایگ دی صلوات (اتھان)  
 دلچسپ گالھ ایہ ہے ججا تھیں صلواتیں نال حکیمانہ علاج وی ڈیا و بندے (

3: چھنڈے ڈیون۔ عام طور تے بیماری رسورخ وغیرہ وی خیر آون دے ستویں  
 ڈیہ بعد بیمار وے مندے سامنے پروٹ رکھ تے اوندے وچوں پائی تے لے  
 کھیر وے چھنڈے ڈتے ویندن۔ ایہ سوٹ بیماری کنوں شفاء آتے و لا تحفظ  
 واسطے ہوندے۔

صلواتیں آتے ہدیں دی حقیقت دراصل کجھ مقدس کتابیں دیاں آیات یا  
 اشلوک دے علاوہ بعض خود ساختہ فقرے وی ہوندن جیویں بعض بیماریاں واسطے  
 قرآن مقدس دیاں آیات آتے اتھروید دے اشلوک نال من گھڑت سولہڑے۔

صلواتیں یا ہدیں دا کوئی نہ کوئی مذہبی حوالہ انہیں کوں مقدس بنا ڈیندے  
 آتے لوکیں دا انہیں آتے یقین قائم تھی ویندے جیر حاصلواتیں تے ہدیں دے اثر  
 لیوں نفسیاتی کم ڈیندے (ویسے مریض کنوں صلوات ہدے تے یقین کرن دا مطالبہ

دی کیٹا ویندے) ایہ صلواتاں یا ہدے بعض اوقات ایسی ظاہری شکل دے حوالے نال پڑ اسرار آتے حیران کن وی ہوندن آتے ایں پڑ اسراریت دی وجہ کنوں او بیمار دے داخلی احساس کوں متحرک کریدن۔ ایتھاں ہک تعویذ ڈیکھو۔ ایہ عام طور تے محبت دی کامیابی واسطے استعمال تھیندے۔ ایندے وقت پڑ اسراریت ایہ ہے جو ایندا ہر پاسوں مجموعہ پندرہاں ہندے۔

6	1	8
7	5	3
2	9	4

اینویں بیارکت واسطے تعویذ وی ہے۔ جیندا ہر پاسوں مجموعہ تیسرے دے اعداد

دے مجموعے ست سو چھیاسی دے برابر ہے۔

263	258	265
264	262	260
259	266	261

ایہ پڑ اسراریت دی کئی طرح دی ہوندی ہے۔ انسانی فہم توں بالا بے معنی الفاظ یا اجنبی زبان دے لفظ وی بعض اوقات پڑ اسراریت پیدا کریدن۔ کیوں جو معنی یا تفہیم پڑ اسراریت کوں ختم کر ڈیندی ہے۔ ایت واسطے بے معنویت یا لفظیں دی اجنبیت وی لوکیں تے نفسیاتی حوالے نال جادو دا گون اثر کریندی ہے۔ ہک حاملہ تربیت دے وقت کتوں پہلے ہال دے ڈھنوں کوں پچاواں واسطے ایہ منتر بے معنی لفظیں دے مجموعے دی مثال ہے۔

پار سمندروں کی پھلیاں  
چڑھ وے راجہ بھوج

ایڑھ پڑھ چڑنگ مڑنگ  
کچھ برالی اوٹو چھوٹو دے بگل گھوٹو  
لام لچھن ترورزی

ابتدائی طور تے ایہ صلواتاں تے ہدے صرف منتر تے ہدے ہوندے ہن۔  
- جیرھے ہندی (پوربی) یا پڑائی سرائیکی وچ ہن۔ لیکن سرائیکی وسیب وچ مسلمانیں  
دے آون نال عربی تے قول فارسی دے اثر دی وجہ کنوں کچھ صلواتاں تریں پکایاں آتے  
انھیں تے مذہبی اعتقاد وی قائم تھی پکایا۔ قول کچھ منتر سحر بی فارسی دی ملاوٹ نال چوں  
چوں دامریہ بیٹھے، آتے ایں طرح انھیں دی پڑا سرائیت ہی وی دودھ گئی۔

ڈیس پیر استاد دے نال ہدھاں

انگریز داسر دار ہدھاں

جن ہدھاں، بھوت ہدھاں

ساری ذات دیہہ پریں دی ہدھاں

بہہ کے پیر استاد دے ہتھوں

کلام وی خدا دا

ڈیس استاد دا

آواز ای اس اڈا

لہہ مائی دس، اچھ تمہار جگہ نہیں، حکم سوئے حضرت پیر دادم دھگیر دا

کڑا ای پیر سلطانی سیدی احمد کیر دا

لب ای لال بیگی پشماں دی

صلواتیں یا ہدیں دا بنیادی اثر نفسیاتی ہوندے۔ چونکہ بعض بیماریاں بذات

خود نفسیاتی ہوندیں۔ ات واسطے انھیں صلواتیں یا ہدیں نال ابتدائی حد تا کمیں

علاج (نفسیاتی اثر) تھی سبکدے لیکن جیرھیاں بیماریاں کہیں اعضا دی خرابی یا نقص دی وجہ کنوں ہوندن آتے اوندی وجہ کنوں دردھیںدے تاں صلوات یا ہمدے نال درددا اثر تاں عارضی طور تے ختم تھی سبکدے لیکن بیماری ختم نہیں تھیندی۔ جیویں درددا کوئی انجکشن دردکوں عارضی طور تے ختم کر ڈیندے لیکن بیماری دا علاج کرکٹا ہوندے۔ چھوٹے لاء میکوں ہٹوں وچ دردیند اہا میں صلوات رکھو آندا ہم۔ درد ختم تھی ویندا ہا۔ لیکن جیرھلے گھر بچد اہم تاں درددا شروع تھی ویندا ہا۔ جے تاں ہٹوں دا امر لگانہ کھٹا۔ درد کنوں جان نہ چھٹی۔

اصل وچ کوئی دوائی بیماری دے خاتے لیوں انسان دے اندر موجود قافی نظام کوں مدد ڈیندی ہے۔ اینویں صلوات رہد اوی انسان وچ موجود اعتماد کوں سہارا ڈیندے۔ آتے نفسیاتی طور تے کجھ دیر یا عرصے واسطے شفا دا احساس تھیندے لیکن ایہ صلواتاں یا ہمدے کہیں اٹیجھی بیماری دا مستقل علاج نہیں ہوندے۔ جیرھی انسان دے کہیں اعضا کوں بیکار کر ڈیندی ہے جیویں تپ وق یا کینسر وغیرہ۔

اساں آپ با بعد نوآبادیاتی دور وچ چیندے رہندے ہیوں ایں دور دی سب کنوں وڈی خصوصیت ایہ ہے جو اح ماضی دیاں مظلوم تے محکوم تو ماں آزادی دے بعد اٹھی اصل دی گول پھول وچ ہن۔ سیں طارق اسماعیل احمدانی دی ایہ کتاب وسیب دے ماضی دی تاریخ دا ایں حوالے نال تک جائزہ ہے جو اتھوں دے لوکیں پسماندہ آتے غیر سائنسی دور وچ اپٹے آپ کوں بیماریں کنوں کیویں بچایا۔ آتے سوڑخ، چچک تے ہر اگیلا دے بھانہز وچوں اپٹے پالیں کوں کیویں کڈھیا۔ ایندے نال ایہ اساڈے ماضی دے کلچر دا تک پہلو دی ہے۔ جیندے وچ لوک زندگی گزریندے ہن۔ ویسے وی لوک ہمیشہ اپٹے کلچر نال جیندے رہندن۔ اپٹے ماضی آتے اوں دور دے کلچر کوں سمجھن آتے محفوظ کرن واسطے ایہ صلواتاں آتے ہمدے کھٹے کرن ضروری ہن

لیکن انھیں کون کٹھا کرکے ڈال دیا یہ مطلب کاسئیں جو انھیں کون ڈل راج کجا ونچے۔ دیسے دی اہم انھیں دار و راج ہولے ہولے گھسے اویندے لیکن چیرھے کجھ لوک ایہ صلواتاں تے ہدے جاہن انھیں اینکوں ذریعہ روزگار بنا گھسے۔ ات واسطے انھیں کون ہوں گھٹ سکھلیدن۔ طارق اسماعیل احمدائی جیویں ایہ صلواتاں تے ہدے کٹھے کیتین اوہوں اوکھا کم ہا۔ لیکن ایں کنوں وی زیادہ اوکھا کم انھیں دی تعریف، توجیح، تقسیم اتے علمی جائزہ ہا۔ طارق صاحب ایہ کم وی نال نال کیسے۔ مثال دے طور تے انھیں ہندی رپورٹی اتے سرائیکی ہدی نال عربی فارسی تے زبیاں ملیاں صلواتاں تے ہدے دی کٹھے کیتین۔ اتے انھیں دے پڑھن والیں دی وسب وچ اہمیت، دی واضح کیتی ہے۔ اتے اوہدے مختلف طریقہ کار مثلاً ڈس ڈیون، لب ڈیون، صلواتاں یاد کراون وغیرہ بارے دی معلومات فراہم کیتین۔ ایں طرح انھیں اپنے موضوع دے ہر پہلو دا احاطہ کیسے اتے قاری واسطے کوئی تفصیلی بحث رکھی۔

طارق صاحب خصوصی طور تے صلواتاں تے ہدیں وی لسانی اہمیت کون، وی اپنا موضوع بنائے۔ اگرچہ لسانیات نال ہک حد تا کی تعلق ہووے دے باوجود میں کڈا ہیں ایں سلسلے وچ نہ سوچیا ہا مگر طارق صاحب میکوں ایں کم دی اہمیت دا احساس ڈیوائے۔ صلواتاں اتے ہدیں دا ایہ جائزہ کافی تفصیلی ہے۔ انھیں ایں جائزے وچ محاوریں دے درتاوے تے وی روشنی سٹی ہے اتے ایہدیاں مثالاں وی پیش کیتین۔ ایہدے علاوہ استعارے، ابلاغ، ابہام، تکرار لفظی سوچیا نہ پن اتے لسانی آہنگ تے دی شونیں نال گلہ کیتی ہے۔ ایں طرح ایہ جتھاں ہک لسانی جائزہ ہے۔ اکتھاں او ادبی جائزہ وی ہن چکے۔ ایہ یقیناً پنے طور تے ہک انج لسانی، ادبی تے علمی کم ہے۔

اگرچہ ایں موضوع تے میں کڈا ہیں کم نہ کیجا ہا۔ لیکن طارق صاحب دیرینہ دوستانہ تعلق دی وجہ کنوں اپنے کم بارے میکوں آگاہ کریندے رہیے۔ ایہ کم

کہیں عشق آتے جذبے دے بغیر کھل نہ تھی سہکد اہا۔ ایسے واسطے ڈر ڈر لگا ہا۔ ہک  
ہک بندے دی منت سماجت کر ٹی ہی۔ میں طارق صاحب واسطے ہک موکل  
(جینکوں میڈے نال نظر یاتی دوستی واد دعویٰ وی ہا) کنوں کجھ صلواتاں تے ہدے  
مکھئے لیکن اوں صاف انکار کر ڈتا آتے آکھنئیں جو ایں طرح صلواتاں دا اثر گھٹ  
دیندے۔ آتے تھوں وی میکوں ایں کم دی مشکل دا احساس تھا جیو طارق صاحب  
کوں کیا کیا پاڑ ویٹھے پے گئے ہوں۔ یقیناً مصنف اپنا ایہ کم تحقیق دے سارے  
تقاضیں کوں پورا کرتے کھل کیجے۔ آتے سرائیکی زبان وچ ایہ اوٹھی نوعیت دا پہلا کم  
ہے۔ اٹھے محنت طلب آتے تاریخی کم واسطے طارق اسماعیل احمد اٹھی صاحب  
اساڈے شکر پے دے مستحق ہن۔



## وادئی پنجنند وچ صحافت تے تبصرہ

علامہ محمد اعظم سعیدی داناں سُجھاں دا متھاج کائنی۔ اوسرائیکی آتے اُردو وچ تقریباً دو بیہ علمی، تحقیقی آتے تخلیقی کتابیں تے رسالیں دے معنف دین۔ علامہ صاحب سرائیکی زبان دی ترقی، سرائیکی قومی شعور دے ارتقاء آتے روشن خیالی دی ترویج وچ اہم کردار ادا کریندے دین۔ ”وادئی پنجنند اچ صحافت“ ناں دی کتاب انھیں دے ایں سلسلے دی ہک کڑی ہے۔

علامہ اعظم سعیدی دا دھرتی تے زبان نال پیار انھیں دے ایں قول دے لفظ لفظ کنوں ظاہر ہے جو اگر میں سرائیکی وچ نہ لکھاں تاں ضمیر میگوں ملامت کریندے۔

وادئی پنجنند سرائیکی علاقے دا پُرانا ناں ہے۔ پنجاب دا لفظ دی پنجنند کنوں کھتے آتے لفظ پنجاب کون سب کنوں پہلے امیر خسرو نے شہزادہ محمد بلبن دی شہادت آتے لکھینے ہوئے لپٹے ہک سرے وچ درتینے۔ لفظ پنجنند سرائیکی علاقے لیوں گزشتہ کچھ عرصے تائیں درتیندا رہیے۔ سرائیکی زبان دے مشہور عالم آتے محبت سید علی ملتانئی 1950ء کون کراچی وچوں سرائیکی رسالہ کڈھیا تاں اودنا ناں ”پنجنند“ ای رکھیا۔ ات واسطے سعیدی صاحب سرائیکی علاقے لیوں ”پنجنند“ دے ناں دا احیاء کرتے سویشی کوشش کیتی ہے۔

کتاب ”وادئی پنجنند اچ صحافت“ لپٹے موضوع تے سرائیکی اچ سب کنوں پہلی کتاب ہے۔ ات واسطے ایہدی اہمیت پہلی کتاب ہوون دی حیثیت نال وی بھری

ہے آتے آگوں تے ایس موضوع تے لکھن والیں لیوں رہنمادی ہوسی لیکن سب کچھ ایہو کچھ نہیں بلکہ حقیقت ایہ ہے جو ایہ کتاب ہوں تحقیق آتے محنت نال لکھی گئی ہے آتے وادی ہنجد وچ صحافت دے منڈھ کنوں گھن کراہیں ہن تائیں دے کم کوں پورے تسلسل نال بیان کریندی ہے۔

ایہ کتاب اپنے موضوع نال متعلق ہون دے علاوہ وادی ہنجد دی تاریخ دے بعض لکھنے ہوئے پہلوئیں کوں وی نشا بر کریندی ہے۔ مثال دے طور تے ملتان دے آخری حریت پسند صوبہ دار دیوان مولی راج دی انگریزیں دے خلاف جدوجہد دے کئی پہلو اسٹاڈے سامنے عیاں کریندی ہے۔ جیرھے اوں دور دے اخبار دی زینت بیٹھے ہن لیکن ہن اسان کنوں اوڈھرتھی گھین۔ ایندے نال ایہ کتاب اسان کوں یوں سارے آٹھے محبت سرائیکی صحافیں دیں کوششیں کنوں وی سونہاں کریندی ہے جیرھے اہٹی ماہ پولی دی ترقی لیوں ہتھ نال رسالے لکھ لکھ تے کڈھدے رہیں۔ ایندے علاوہ مختلف رسالیں نال سرائیکی علماء علم دی چیرھی خدمت کریندے رہیں انھیں تے وی ایہ کتاب سو جھلا پیندی ہے۔

ایہ کتاب اسان کوں خوب فرید بارے ڈ سیندی ہے جو اوکتلا روشن خیال صوفی ہن تے اوں وقت دے تازہ ترین رجحانات تے وی نظر رکھدے ہن آتے انھیں دی اہمیت تے نواب آف بہاول پور صادق محمد خان رابع بہاول پور وچ پریس لوایا آتے ”صادق الاخبار“ دے ناں نال ہفت روزہ دا اجرا کیتا۔

ایہو آتے آٹھے یوں سارے بے معلومات افزا تاریخی پہلو ایس کتاب دے ذریعے اسٹاڈے سامنے آئیں۔ جیرھے اسٹاڈی علمی آتے ادبی تاریخ دا حصہ ہن توں رہ گھین۔ ات واسطے ایہ کتاب صرف وادی ہنجد وچ صحافت دی تاریخ نہیں بلکہ اسٹاڈے قومی شعور دے ارتقاء دی تاریخ داروٹن باب وی ہے۔ ات لیوں ایس

کتاب دی اہمیت ڈوری تھی ویندی ہے۔ حیدرے لیاں علامہ صاحب اسان سب لوکیں دے شکرے دے مستحق بن۔

دیباچے کنوں ظاہر تھیندے جو این کتاب دے لکھن دے زمانے وچ مصنف ہوں سارے خاندانی پریشانیں دا شکار بن حیدرے وچ کنوں شاید وادی پنجند وچوں نکلن والے کئی رسالیں دا ذکر کر چک ہئے (یا شاید کہیں وچ کنوں چھوڑ ڈتا ہئے) مثلاً سرائیکی بہاول پور، ماہنامہ سرائیکی ادب ملتان، سانجھ تو نہ ”سوچاں“ رسول پوری آتے کئی ہے (پرچول۔ ویب وغیرہ) ایندی کمی او کتاب دی اگلی اشاعت وچ یا ویندی ڈو جھی جلد وچ ایہ کمی پوری کرین۔

کتاب دی کتابت توڑے جو سوہنی ہے مگر پروف ریڈنگ ڈ پوری توجہ نہیں ڈتی گئی۔ حیدرے وچ کنوں کچھ کیاں رہ گھین۔ مثال دے طور تے کتاب دے صفحہ نمبر 66 سطر نمبر 7 کنوں سطر نمبر 12 تائیں دے اندراج دی کوئی خاص لوڑ نہ ہئی۔ اینویں صفحہ نمبر 92 تے پارہویں آتے اُدھ تیرہویں سطر ڈو جھی دفعہ لکھی گئی ہے۔ کتابت دیاں کچھ بیاں غلطیاں وی ہن مثلاً رسالہ ”ذیرہ غازی خان رپورٹرز“ دے ایڈیٹراں دوست محمد لکھیا ہئے۔ جیر حاصل وچ دوست محمد جانا ہے۔ دوست محمد جانا دے ہڈھے وچ راقم کوں انھیں دی ملاقات دا موقع ملیا ہا۔ انھیں دی لمبی چٹی ڈاڑھی میکوں خاص طور تے یاد ہے۔ او کہیں خاص سلسلے وچ گھوڑے تے چڑھ تے رسول پور آئے ہن۔ انھیں دا پتر عزیز محمد جانا راقم دے ہائی سکول جام پور دے استاد ہن آتے بقید حیات ہن۔

دوست محمد جانا رسول پور کنوں پنج میل پو آدھ تے آبادستی ڈھورہ جانا دے رہن والے ہن۔ (سرائیکی زبان دی مشہور مثنوی ”سسی پنوں“ دے مصنف منشی برأت علی وی این ڈھورہ جانا دے رہن والے ہن آتے اتھاڈاں لہڑا کرائیں فیروزہ

درج و پچھٹے ہن)۔

انیس دیرہ غازی خان وچوں سب کنوں پہلے نکلن والے لغت روزہ ”سفینہ“ دے ایڈیٹر داناں غلام حسین ظاہر لکھیا گئے۔ حالانکہ انھیں داناں غلام حسین زائر ہے۔ زائر صاحب جیندے دن پئے۔ آتے راقم دے مہربان بزرگیں وچوں دن۔

آخر وچ میں ایشی طرفوں اتلا گزارش کریاں جو دیرہ غازی خان دی صحافت وچ لغت روزہ ”جلال“ دیاں صحافتی آتے سراںکی خدمتاں سب کنوں ڈھیر دن ایندا ذکر ہوں تھوڑا ہے۔ جڈاں جو کئی پنھیں اخباریں دا ذکر نسبتاً وضاحت نال کیا گئے۔

کتاب دے منڈھ ”پراڈ“ وچ علامہ سہیں کئی پنھیں معلومات مثلاً جام بھل وڈا اکھا دی حکومت، رگب وید دا وچ وچ لکھیا و پنھیں آتے ہولی دی رسم دا ہرند کنوں شروع تھیون دا ذکر کیجے۔ جنھیں کنوں میڈے علم وچ دو حارا تھئے۔ لیکن اگر نٹ نوٹ وچ انھیں دا حوالہ ڈے ڈتا ویندا تاں مستند کالم ہوئی۔

مجموعی طور تے ”وادی پنھیں اراج صحافت“ کب اہم تے تاریخی کتاب ہے جینکوں سراںکی لٹریچر وچ بہترین اضافہ بنیا ویسی آتے ہمیشہ رہنمائی دا کم ڈیسی۔

## گم شدہ باب تائیں رسائی

خواجہ فرید لپٹے ذاتی کمالات اے سرائیکی شاعری دے حوالے نال ہمیشاں شہرت دے آسمان تے رہین۔ لیکن ایندے باوجود ایں ہمہ صفت صوتی وی ذاتی زندگی اے بعض تصنیفاں ناصرف عام لوکیں بلکہ لکھاریں دی نظریں کتوں وی لگیاں رہین۔

ہک صدی بعد ڈوانجھیاں شخصیات اساڈے سامنے آئیں جیں اپنٹے پُر خلوص جذبے اے خلوص نال فریدیات وچ ہک انقلاب برپا کر ڈتے اے اوڈو شخصیات محترم سجادہ نشین دربار فرید حضرت خواجہ معین الدین محبوب صاحب اے انھیں دے ساتھی مشہور دانشور، اہل قلم اے ماہر فریدیات سیں مجاہد جتوئی صاحب ہن۔ جیں ناصرف خواجہ فرید میوزیم دی بنیاد رکھتے پوری دنیا کوں حیران کر ڈتے بلکہ فریدیات تے کم کرن والیں واسطے تحقیق دے نوں ذروی کھول پڑن۔

سیں مجاہد جتوئی خواجہ فرید تے لپٹے بے شمار مضمونیں، کئی مختلف کتابچیں اے مشہور کتابیں ”اطوار فرید“، ”راہ تحقیقی سلک فریدی“ اے ”آہ ہتم جیدیں کئے“ وچ ناصرف خواجہ فرید دی حیاتی دے بعض لکھیے ہوئے گوشیں تے سو جھلا پاتے بلکہ انھیں دے کلام دی تفہیم وچ وی نوں امکانات دا اضافہ کیتے۔

سیں مجاہد جتوئی انھک جذبے، خلوص، محبت اے فریدیات دے متوالیں واسطے ہک نوں جہان دی دریافت دے اسباب پیدا کیتن۔ جیرھا ہوں چرگاں کم ہے۔

میں پچھلے کئی ڈیڑھ برسوں میں کئی قصے فرید وچ سب سے سجادہ نشین دی مہمان نوازی آتے تھے کئی لطف اندوز تھے اور یہاں۔ آتے تھے مجاہد جتوئی دی مہمان نوازی وچ خوب فرید میوزیم آتے لائبریری وچوں اپنے کم واسطے بے پناہ مواد دی کٹھا کریندا پیاں۔ لیکن ایندے نال مجاہد جتوئی دے علمی شب وروز واسطے ہک گواہ دی حیثیت وی اختیار کریندا وینداں جو کیوں اوں ساری ساری رات جاگ کر اچیں اہٹی کتاب حیات المحبوب (مناقب محبوبیہ) آتے مقدمہ فرید (در بار فریدی دی موقوفہ جائیداد آتے حکمہ اوقاف دی لٹ پٹ دی کہانی) کوں کمپوز کراتے اشاعت واسطے تیار کر گھدا۔ بلاشبہ چڈاں ایہ کتاباں چھپ تے آؤسن تاں کئی حوالیں نال فریدیات دے نظر انداز تھئے ہونے گوشے دا زالہ کرین۔

”حیات المحبوب“ (مناقب محبوبیہ) دے ٹریس کڈھن دے بعد سب مجاہد جتوئی اوندی کمپوزنگ واپروف تھیا ہویا نسخہ میڈی ذاتی درخواست تے میڈی لائبریری واسطے عنایت کیا۔ جیرہا میں کئی پتھک وچ تہہ تے پڑھ گھدا۔

”مناقب محبوبیہ“ (حیدرآبرجمہ تھیا ہویا ناں سب مجاہد جتوئی ”حیات المحبوب“ جو یز کہتے) خوب فرید دی ابتدائی کتابیں وچوں ہک ہے۔ جیرہا میں اپنے والد محترم حضرت خواجہ خدا بخش صاحب دے مناقب بارے تحریر کہتے ہے لیکن ایں کتاب کوں بعض وجوہات دی بناتے منظرتوں ہٹاؤ تاہم کیوں جو ایندے وچ خاندان فرید بارے کچھ اچھیں سچائیں آتے تاریخی واقعات کوں بیان کیا گیا ہا جیرہے کچھ لوکیں واسطے پسندیدہ نہ من آتے ول ایں تصنیف داسرے کوں انکار کر ڈتا گیا۔ سب مجاہد جتوئی ابتداء وچ ایں کتاب دی حقیقت جانن واسطے پرائیں قلمی نسخیں دی تلاش داکم شروع کیا آتے ایں طرح ڈاہ اچھے مختلف قلمی نسخے ہول گھدے جنھیں وچوں بعض ناصر قدیم ترین ہن بلکہ انھیں وچوں ہک ناں خود

خوب فریدوے پڑ حضرت نازک کریم سہیں دے دستخطیں نال مزین ہے۔

انہیں نا قابل تردید شہادتیں کوں کٹھا کرن دے بعد سہیں مجاہد جتوئی ایس تاریخی دستاویز کوں لکھاریں دے نال نال عام پڑھن والیں لوکیں تاکیں پچاؤن واسطے ایندرا اردو وچ ترجمہ کر ڈتے۔ میڈے نزدیک سہیں مجاہد جتوئی دا ایہ بک اچھا علمی کارنامہ ہے جیرہا فریدیات دے موضوع اتے تاریخ وچ نا صرف کئی اُلھے ہوئے سوالیں کوں حل کر لیں بلکہ تحقیق دے نویں دروازے وی کھلیں۔ ایہ دے علاوہ خاندان فرید بارے تاریخ دے بک گم تھے باب تاکیں رسائی واکم دی ڈیسی۔

ترجمہ عام فہم اردو وچ ہوں رواں ہے اتے قاری واسطے کہیں وی پیچیدگی دا مسئلہ پیدا نہیں کریندا۔ ایہ دے علاوہ سہیں مجاہد جتوئی اہم نکلتیں تے حاشیے لکھ کراچیں کتاب دی اہمیت کوں ڈوڑا کر ڈتے۔ عرق ریزی نال کیٹا ہویا ایہ کم قارئین دیاں کئی شکلیاں نکا ڈیسی۔

## ادبی تنقید اُتے پس ساختیات

متن توں باہر کجھ کاسئی۔ (ڈاک دریدا)

رو ساختیات ادبی تنقید کوں ہک نواں رُخ ڈتے اُتے تخلیقی عمل نال جوڑ ڈتے۔ تنقید وی اگرچہ ڈوجھے ادبی تخلیقی عمل دا گوں ہک تخلیقی عمل ہے۔ لیکن ماضی کوں ہنن تائیں کجھ لوکئیں کوں تنقید دے تخلیقی عمل ہوون تے شبہ ہے۔

کہیں ادبی تخلیق دا تجزیہ کرن واسطے نقاد کوں پہلے اوں عمل وچوں خود کوں گزارنا ہوندے بلکہ تخلیق کار دے تصور خیال نال اپنے تصور تے خیال کوں جوڑنا پوندے۔ ایں عمل دے دوران جبر حلقے نقاد قاری کہیں فن پارے غزل، نظم، افسانے، پینٹنگ وغیرہ دا جائزہ گھنڈے تاں اووندے روایتی مفہوم کوں ہٹ تے جبرہا فن کار اووندے اندر پاتا ہوندے۔ اپنے تخیل نال ہک نواں مفہوم دریافت کریندے یا نواں آئیڈیا گولیدے۔ ایں طرح او تخلیق کار دے خیال، آئیڈیا حتیٰ کہ زبان تے لفظ کوں Deconstruct کریندے۔ اُتے ایں سارا عمل بذات خود ہک تخلیقی عمل ہوندے۔

اُتے ایں طور تے تنقید وی ہک تخلیق بن ویندی ہے۔ تاہم تنقیدی تحریر وچ زبان دا ورتاوا اُتے لکھاری دا اسلوب وی جدید تے تخلیقی ہوون ضروری ہے۔ ایں طرح تخلیقی عمل صرف نوں خیال یا آئیڈیا تائیں محدود نہیں رہندا بلکہ ہک لفظ دے کہیں ہک مفہوم کوں اہوں تے فرویندے۔

فن پارے وچ جیویں Beauty ہوندی ہے۔ اینویں تنقید دے دوران نوں خیال اُتے لفظیں دے نوں مفہوم وچ وی ہک وزڈم ہوندے جبرہا کہیں تخلیق دے ظاہری حسن دی بجائے اوکوں نوں داخلی حسن نال مالا مال کریندے۔ اُتے ایں طور تنقید وی تخلیقی حسن نال مالا مال تھی ویندی ہے۔



بلاشبہ تنقید عام طور سے کہیں تخلیقی عمل کنوں زیادہ پیچیدہ، تکلیف دہ آتے  
 شاید اذیت ناک عمل ہے۔ کیوں جو تنقید دے دوران نقاد کنوں عام طور سے کافی علم  
 ہون ضروری ہے (جیڑاں جو عام تخلیق کار واسطے ایہ اطلاع ضروری کائی) آتے اوں  
 تخلیق دے بارے وی کافی معلومات ہووئیاں چاہیداں ہن۔ آتے متن دے  
 تجزیے وی تنقیدی صلاحیت وی ہووئی چاہیدی ہے۔

روساختیات دے حوالے نال تنقید ہک نواں رخ اختیار کیجے آتے ایس طور  
 تے تنقید تخلیق دے زمرے وچ زیادہ وضاحت نال اسٹڈے سامنے آئی ہے کیوں جو  
 روساختیات دے حوالے نال نویں مفہوم اسٹڈے سامنے آئدن۔ جبر سے تنقید کوں  
 زیادہ معتبر آتے تخلیقی بیٹھدن۔

روساختیات (Post Structuralism) اپٹے نظریے آتے فکر دے  
 حوالے نال باقاعدہ طور تے ہک طریق کار دی شکل وچ اگر چہ پچھلی صدی دے نصف  
 آخر وچ اسٹڈے سامنے آئی ہے۔ مگر حقیقت ایہ ہے جو ماضی وچ ایہی ایسی نظریاتی  
 فکری شناخت دے برخلاف عملی طور تے ورثیدی رہ گئی ہے آتے پراٹے زمانے  
 دے بعض نقاد ایس حوالے نال تنقید لکھدے رہن مگر نہی تنقید دی ایہ شکل واضح طور  
 تے ساڈے سامنے آئی ہے۔

پس ساختیات ادبی تنقید دے نویں ذروا کیتن۔ ایندے مطابق ہک فن پارہ  
 متعدد مفہوم دا حامل تھی سگدے آتے ایس طرحاں اسان مصنف دے مفہوم دے  
 پابند نہ رہندے۔ ایہا ”مصنف دی موت“ ہے۔ ایندے علاوہ پس ساختیات آج  
 دے کثیر ثقافتی دور دی ترجمان ہے جتھاں مختلف ثقافتاں کٹھے موجود ہن اُتھاں فن پارہ  
 وی مختلف مفہوم دا حامل ہے۔ پس ساختیات دا سب کنوں اہم نظریہ ایہ ہے جو تنقید  
 دی ہک تخلیقی عمل ہے۔

## حملہ آوریں دی فکر دے سرائیکی ادب تے منفی اثرات

سرائیکی وسیب دی لمبی تاریخ وچ مختلف حملہ آور اقوام آئیں۔ انہیں نا صرف سرائیکی دھرتی تے قبضہ کیا بلکہ انہوں دے وسائل لئیے، لڑیاں حکومتاں بٹائیاں آتے انہوں دے لوکیں دی فکر تے نظریات کوں وی تبدیل کرن دی کوشش کیتی آتے انہوں دے مقامی لوکیں کوں اپنئے تصورات مطابق ڈھالن تے وی زور پڑتا۔

وادی سندھ وچ وڑق دے بعد آریاء انہوں دے لوکیں کوں انہوں بھجایا۔ انہیں دی مدافعت تے کاوڑ دا اظہار کیا، درادڑیں کوں بھینے، کالے، لگ لگ تے حملہ کرن والے قرار پڑتا۔ آریادی طرفوں بھجائے ہوئے دریائے سندھ دے پیٹ وچ رہن والے لوک آخر پسماندہ، غریب تے محنت کش بن گئے۔ جنہیں کوں اسان خود اصل مرتبہ (بطور مدافعت کار) پڑیوں دی بجائے کھیل (کول) تے کٹائے قرار پڑتا۔ آتے ایں طور ہنٹی ذات دی خود نفی کیتی۔ ایں وقت دے مہان آتے کانٹس شاعر اشولال دے کلام دے وچ وی ایہ اثرات وڑ گئے۔

سا کوں برچھ نچاؤن پڑیو

سے وریاں دی دھاڑن وچ

سا پڑ اندر سوئی کھا، گئی

سا پڑے پاہروں

دھیل دے کنڈے توں گھن کے

کالی کٹ تائیں

جیریں پندھ وچھا گئی

اساں رچھ نچاواں واسے لکھر دیکھیل

اساں مہاٹے

دریا ساڈے پیو، تے

پڑیاں ساڈیاں مانواں

تین سا نچھہ سہا لے

اساں وت دی

آہٹی آئی دی سنگ سنگ وچ

ساکوں ساڈی کھگی، بروہی، تھل دمان

تے پھاں دے وچ رہن ڈیو

ساکوں رچھ نچاواں ڈیو

ساکوں پڑیاں پچن پچن تے

دھپ وچ جھٹکے پاواں ڈیو

بھانویں موسم

ساڈے تن تے نیل نہ کچے

بھانویں کچے

اساں خوش نہیں

آہٹی کھگی واس دُعا وچ

رام کرے نہیں مُر لی وچ

موہن دھرتی ویزھے دے

رادھا نچے

ساڈے اندر ساڈے ہاہر

صدیں دے عذاب وادردناک اظہار میں نظم وچ موجود ہے۔ اہشی بے  
توقیری دھرتی دے اہوٹن تے خود دے بے وقعت تھیون تے بصورت مجبوری اہشی  
حالت تے قاعمت تے ول آسن تے خوشحالی دی دُعا دی موجود ہے۔

ایہا صورت حال اہح تا میں ڈوہڑے داراج ہن ہئی:

ہیڈی یاد وقتے شک کوئی نی اسماں آپ وفا دے قابل نی  
ناں سینے سانہہ کے رکھ ساکوں ہیڈی شوخ ادا دے قابل نی  
اسماں کسلے کو جھے کجڑے ہئیں ہیڈی یار رضا دے قابل نی  
ہر وقت دُعا تے حرج کریں اسماں لوک دعا دے قابل نی

آریا میں دے آون دے بعد اُپٹے ہم مشرب ایرانی، ترک حکمرانیں وی  
اساڈی ذات دی باقاعدہ نگری طور تے نفی کیتی۔ ایران تے افغانستان دی طرفوں  
آون والے صوفیاء کرام دے کلام وچ انسانی ذات دی نفی ایندی ہک مثال ہے۔  
حالانکہ اُتھوں دے مقامی صوفی انسانی ذات دے اثبات دا ذکر کیتا۔ سچل سرست  
دے کلام وچ ایندیا بار بار اظہار موجود ہے:

چھوڑ گمان گدائی والا      شملہ چا پدھ شاعی دا

نفی سچل اثبات کریندا      ڈیکھو سیر سپاہی دا

او رکتلا ڈینہ غلامی وچ      وت سارا زور سلامی وچ

کیوں آپ گھوٹی خالی وچ

وت سولی سر سلاون کیا      وت آپ کوں آپ اگھاون کیا

عشق ہو کر نوبت ماریں      لپٹا بر صبح سنبھاریں  
یا نہپ والی گالھ و ساریں  
سروے وال مناون کیا      وت آپ تے آپ کھلاون کیا  
ایسویں خواجہ فرید دے کلام وچ انسانی ذات دی تلاش تائیں رسای انسانی  
عظمت دی بکول ہے۔

فاش فرید ایہ وعظ سٹا توں      عالم جاہل شاہ گدا کون  
جے کوئی چاہے فقر فنا کون      لپٹے آپ کون بکولے  
فارسی زبان دے سرکاری شاعریں فنا دے لفظ کنوں انسانی ذات دی نفی  
مراد گھن گھدی۔ حالانکہ ایس کنوں مراد گوڑی آنا دی نفی ہئی۔ چل سرمست ہوں واضح  
انداز وچ آہدن:

چل صبر اٹھاہیں کرنا      منٹا نام وڈائی دا  
انسانی ذات دی نفی دا بیہرہ تصور ایرانی تصوف آتے اوندے سرکاری  
درہاری شاعریں پیش کیا (آتے چل سرمست، خواجہ فرید تے اردو وچ اقبال جیدی  
نفی کیتی) او بدستور سرائیکی ادب وچ ناصر جاری رہیا۔ بلکہ اٹھوں دے ہوں  
سارے صوفیا تے مریدین دے مزاج دا حصہ بن گیا۔

ستم نظر نفی ایہ تھی جو مغل حکمرانیں دے بعد انگریز اٹھاں آہئے۔ انھیں وی  
سابق حکمرانیں دا گلوں اٹھی حکومت کون پنہ کرنا واسطے اٹھوں دے لوکیں دی ذات دی  
نفی کیتی۔ او انگریز حکمران ہندوستانیں کون نفرت دی نگاہ نال ڈہدے ہن۔ سرولم ہنر

A comparative dictionary of (1840ء-1900ء) اٹھی کتاب

the Non-Aryan languages of India and South Asia

لکھدے۔ ”ایہ لوک (ہندوستانی) انتہائی مستقم ہن۔ سفید جھوٹ پورن دے عادی ہن۔

انہجائی چالاک بن۔ اپنے نال تھیون والیس زیادتس کون کڈا ہیں نہیں و سریندے۔ ایہ کچھ آسانی نال آکھی و مٹ سبھی ہے جو ایہ لوک ہندوستان دے سب کنوں کوڑے، آتے دھوکے باز بن۔“

ایرانیں، مغلیں آتے انگریزیں تے انھیں دی فکر دے شارمین ہندوستانیں سمیت سرائیکی وسیب دے لوکیں دا جیرھا تصور اُبھاریا اوکوں ہوں ساریں لکھاریں قبول کر گھدا (توڑے جو بعض دانشوریں کون ایذا احساس ہا آتے انھیں اوں تصور کوں ردوی کیجا۔ مگر عام رویہ اوہو دا اوہو پیسے) آتے لپٹے تحریریں وچ پیش کرن شروع کر ڈتا۔

انگریزیں نا صرف اساڈے لوکیں کوں جذباتی، ڈ بروک تے لالچی آکھیا بلکہ اہوں دے ادب کوں وی ناکارہ قرار ڈتا آتے سرائیکی زبان تے لوکیں کوں مختلف نانویں تے حصیں وچ وٹ ڈتا۔ اُردو نال وی ایہا صورت حال ہئی۔ ایں سلسلے وچ شمس الرحمن فاروقی اُبدن:

”..... اُردو والوں کو یہ بار دکرانا کہ تمہارا ادب ناکارہ، زوال یافتہ، کمزور، اخلاقی اور عملی اعتبار سے دیوالیہ ہے۔ انگریزوں کے تہذیبی اور تعلیمی ایجنڈے میں سرفہرست تھا۔ اس ایجنڈے کو وہ اتنی کامیابی سے عمل میں لائے کہ ہم لوگوں نے خود ہی اپنی تہذیبی میراث کو اپنے لئے شرم و افسوس کہنا شروع کر دیا۔“

ایہا صورت حال سرائیکی ادب وچ جاہ جاہ تے ملدی ہے۔ اسان خود کوں نمائے، کندور لے آتے خوشامدی ظاہر کرن شروع کر ڈتا۔ جیدے وچ اہٹی ذات دی تفحیک، اہٹی غلامی کوں قبول کر گھنن، اپنے پالیں دی بجائے حکمرانیں دے پالیں دی خیر منگن تے لپٹے واسطے خیرات منگن دے نال سب دی خیر منگن دی پُرانی مگر نامقبول دُعا وی شامل تھی گئی۔ ایہ اثر وی سرائیکی دے بک وڈے شاعر عزیز شاہد

دے کلام وچ ایس وڑ آئے:

اساں نمائے تے کنڈوراٹے

اساڈی قیمت اساڈی خواہش

اساڈیں خواہش ہمیش ہر کہیں دی

خیر ہووے

کوئی اہنجھاسا نجھاسلوک ہووے

نہ کہیں دا کہیں نال او میر ہووے

نہ کوئی رے او پروریں تے نہ کہیں دے وطنیں تے غیر ہووے

اساں نمائے تے کنڈوراٹے

اساڈیاں نسلاں دی کنڈوراٹیاں

اساڈے ہال دی سوچ ”سندھڑی“

جیڈے ”بلاول“ دی خیر ہووے

ایہ ری صوفیانہ خواہش تے دعا جیرھی کڈا ہیں قبول نہیں تھئی اتے نہ حکمران

طبقے ایس طبقاتی سماج وچ کڈا ہیں اساڈی حالت بدلن دا سوچئے۔ ات واسطے

ضروری ہے جو اساں حملہ آوریں دے ڈتے ہوئے ایس تصور کوں بدلوں اتے کچل

سرست تے خواجہ فرید واگھوں اپنی ذات دا اثبات کروں کیوں جو اساں کیکھل تے

کٹاٹے کئے نئے۔ ایذا احساس اساڈے کجھ دانشوریں کوں دی ہے۔ جو حکمرانیں

اسا کوں ”راش“ آہدے رہ گئیں۔ خالد اقبال دے کلام دا یک بند ملاحظہ ہووے:

بر چھیاں، نیزے

ڈنڈ کلیدے

گھوڑے اتے بہہ کے آئے من

ساڈی چاندی بھٹلیں والی

دھرتی اُتے

راہزن اُلٹا ساکوں

”راخس“ سڈن

ایہ قسم دا شعور حاصل کرن دے بعد اگرچہ سرائیکی شاعری وچ ایس صورت  
حال کوں بدلن دی خواہش موجود ہے۔ تاہم اتھاں ایہ اثر بدستور موجود ہے۔ جو اسان  
تے ساڈے وڈ وڈیرے کسبل، گلاٹے، کمی تے چوڑھے منن۔ ایہ ہک بے آزاد  
شاعر عاشق بزدار دے کلام وچ ڈیکھو:

اٹھی جاٹ سچاٹ دے رستے زلدیں زلدیں

جوہگی بن کے

لپٹے شجرے

شہر ڈراور، اُچ رائی دے

کر دیں بھر دیں کندھیں دے ایریں وچ بولن

اٹھی ماضی دی عظمت تے شان دے قہے

گھارا، سندھ تے کنٹھے، کنٹھے

کھنڈے پھیریں دے وچ پاتن

اُچ تے

اتھاں ٹیل بارا، ما جھے دسدے

ساڈی بھونیں تے بھک پے لہندن

جے کراساں اٹھی عظمت نہ سلھلیوں

لپٹے شجرے گم کر ڈیوں



تاں

ساڈے چائے اساں وانگو  
صدیں تائیں  
کیہل، کٹائے، کی، چوڑھے  
پکھی واس فقیر سڈہین

غیر ملکی حملہ آوریں دا اساڈے بارے بیانہ سرائیکی شاعری دے علاوہ  
سرائیکی تثر وچ دی موجود ہے، اساڈے افسانیں تے ناولیں وچ کئی جاہیں تے اٹھے  
کردار ملدین۔ جیرھے حملہ آوریں دے اساڈے بارے تصور دے مطابق ہن۔  
سرائیکی ناول ”بہشتی“ دا کردار انگریزیں دا خوشامدی ہے۔ ”سردار دی خوشی دی آنت  
نہ ہئی کیوں جو انگریز دی چا پلوسی وچ اوکوں مزہ آیتے ہن او انویں زمین توں اُتے  
ڈوفٹ ٹردا ہئی“ (صفحہ 57) ایں ناول دے لکھے صفحے 58 تے انگریزیں وچ  
اساڈی بے وفائی دا تصور موجود ہے ”جولی ول اصرار کیتا ڈیکھو لچپانی اودھر کا لوگ  
وعدہ پورا نہیں کرتا“ اساڈے افسانیں وچ اساڈے کردار حریص ہن۔ کتاب ”پیت  
پریت“ دے افسانے ”من دا کھوٹ“ دے ہک حریص کردار بارے صفحہ 52 تے ہے  
”تعریف و احرم اوندی چنگائی کوں کھاوٹ پنے گیا۔ حالانکہ او انسانیت دی ہوں  
گھٹیا شکل آلے پاسے دیندا پیا ہئی۔“ اٹھتھیاں ہوں ساریاں مثالاں جاہ جاہ تے  
ہن۔ سوال ایہ ہے جو کیا ہزاریں سالیں دی غلامی اسا کوں ایویں بناڈتے یا اساں  
حملہ آوریں دا اپنے بارے منفی تصور قبول کر گھدے۔ میڈا جواب ایہ ہے جو اسا کوں  
اپنے تحریریں وچ ایہ تصور رکھنے۔ اگر عملاً کوئی اٹھجا کردار ہے تاں اوندی نفی کرٹی  
ہے تے اہٹی ذات دا اثبات کرٹے۔ آتے ایہا اساڈے مستقبل دی ضمانت ہے۔

## آخر لفظ: سرائیکی ادب دی تحلیل نفسی

شاعریں جے فلسفیں میں کون پہلے لاشعور دریافت کر کھدا۔ میں لاشعور  
دے مطالعے واسطی طریقہ کارور یافت کیجے۔ (سگنڈ فرائیڈ)

تہاڑے واسطے شخصیت ایہ چالھ حیرانی دا باعث ہو دے جو ادب دی تحلیل  
نفسی کیا ہوندی ہے۔ نفسیاتی تنقید دا مکتب فکر تے ادب دی تحلیل نفسی پڑ و مختلف شعبیں  
وہن۔ ادب یا فن دی تحلیل نفسی دا ہک طریقہ ایہ ہے جو اوندے خالق دی تحلیل نفسی  
کرتے فن پارے کون سمجھیا ونجے جویں جو فرائیڈ مونالیزا دی پینٹنگ بارے کیجے یا  
ڈال ہک مصنف دیں تحریریں دے حوالے نال مصنف کون سمجھیا ونجے جویں جو  
فرائیڈے آتے ایڈر دوستوفسکی بارے کیجے۔ مگر کہیں زبان دے مجموعی ادب دی تحلیل  
نفسی کیا ہوندی ہے آتے اوندے وچ لکھاریں یا پوری قومیت دیاں خواہشاں تے  
احساسات کیویں اہشی شکل بٹھیندین۔ ایہ سوال ایں مضمون وچ میڈے سامنے ہے۔  
عام طور تے میں کہیں ادبی فن پارے بارے ایہ تصور رکھداں جو اوندی اہشی  
آزاد حیثیت ہوندی ہے مگر ایہ چالھ وی طے ہے جو معنی دی تلاش وچ لفظ جبر حطے معنی  
دے حوالے نال اپٹے رویے تبدیل کر بدن تاں اوندے پچھوں کئی سماجی تے نفسیاتی  
حقیقتاں پوشیدہ ہوندن۔ ات واسطے معنی دی تلاش وچ اکثر اوقات انھیں کون سامنے  
رکھتا ہوندے ڈال بعض دفعہ تحلیل نفسی دا سہارا گھٹا پوندے۔ ایں حوالے نال میڈی  
کتاب ”نارے“ دا مضمون ”داستان سیف الملوک دا نفسیاتی پس منظر“ تہاڑے  
مطالعے وچ ریہا ہوی۔

میڈا خیال ہے جو کہیں سرائیکی ادبی فن پارے دے آزادانہ تجزیے دے

دوران معنی دی تلاش وچ تحلیل نفسی کوں اسٹڈے ٹھادیں اٹلا اہمیت ٹھیں ڈی ہٹلا  
ڈیون مناسب ہئی۔

تحلیل نفسی وچ آزاد تلازمہ دے طریقہ کار وچ ماہر نفسیات مریض کوں  
مسلل آلویدے تاکہ اوندی گفتگو وچوں اوادوں اُلجھن یا خواہش کوں دریافت کرے  
جیہدی وجہ کوں مریض کہیں ہتھی اُلجھن دا شکار ہے۔ ایہ نفسیاتی اُلجھن کہیں شخص وچ  
ماضی وچ تھیون والے کہیں واقعے دی وجہ کوں پیدا تھی سگدی ہے۔ (بعض اوقات  
ایہ صورت حال ماضی بجید وچ دی تھی سگدی ہے) ماہر نفسیات دے اکوں مریض دی  
ایہ گفتگو ہک قسم دی خود کلامی ہوندی ہے جیہدے وچوں سب کچھ نثار تھی سگدے۔  
میں کہیں تخلیق کار کوں کوئی نفسیاتی مریض ٹھیں سمجھدا تاہم تحلیل نفسی دے تنقیدی  
نظریے دے مطابق ادبی فن پارہ کہیں تخلیق کار دا خواب ہے آتے خود کلامی وچ  
آندے کیوں جو او آدمی شکل وچ خود کوں مصنف کوں لکھویدے۔ اسان اٹھھے فن  
پاریں وچ خالق دیاں پوشیدہ خواہشاں، مسترد حسرتاں، محرمیاں، عذاب آتے ٹھیں  
قسم دے خوف دریافت کر سگدوں۔ تحلیل نفسی ساکوں فن پارے دے خالق دے  
لا شعوری محرکات دا عمل ڈیہدی ہے۔ میڈا خیال ہے جو ہک فن پارہ خالق دی صرف  
آہٹی ذات تائیں محدود ٹھیں ہوند بلکہ اوکوں اوندی قومیت دے مزاج دے حوالے  
نال وی ڈی ٹھادہ ٹھیں سگدے۔ ایں طور تے صدیں وچ تخلیق تھئے ہوئے فن پاریں دی  
مجموعی تحلیل نفسی وی کیتی وچ سگدی ہے۔

فرائیڈ دے نظریات جدید دینا تے ہوں اثر کیہتے (توٹیس جو شعور، لا شعور  
تے تحت الشعوری تقسیم فقط مفروضہ ہے لیکن ایندا استعمال مختلف ماہرین نفسیات تے  
محققین وسیع پیمانے تے کیہتے۔) مغربی مصوری وچ سُر یلزم دی تحریک دا محرک فرائیڈ  
دا نظریہ تحلیل نفسی ہا۔ ایندیاں پاڑاں ہک اشہنی آرٹ تحریک ڈاڈا (Dada) وچ دکن

سریسٹ فنکار تے ادیب خواب دی کیفیت کوں اپٹے فن وچ پیش کریدن تے اپٹے فن کوں لاشعوری محرکات دے ذریعے تخلیق کرن دی کوشش کریدن۔ انہیں دے خیال وچ فن شعوری کم ہون دی بجائے ہک لاشعوری عمل ہے۔ سریسٹ تحریک دا مئی فیسنوفر انیسویں شاعر آندرے برٹین 1924ء وچ لکھیاتے ایندے اُتے لوی آرگان تے پال ایلیورڈ جہیں شاعریں دستخط کیجے۔ سربیلزم دی تحریک مصوری وچ ہوں کامیاب جی۔ سریسٹ مصوریں مصوری کوں شعوری عمل دی بجائے لاشعور کوں ایند اذریو قرار ڈتاتے مغربی مصوری کوں ہک نویں جہت نال متعارف کر دایا۔ مشہور سریسٹ مصوریں وچ پین و اسلو اور ڈالی، اٹلی دا جور جیو ڈی شریکو، چلی دا رابرٹو اپچ آرین، پین دا جوآن میرو، پنجم دارینی مارگری تے فرانس دا آندرے مین شامل ہن۔ ڈالی کوں سربیلزم دا معیاری مصور سمجھا وچ سبکدے۔ اوندی تصویر Persistence of Memory مغربی مصوری دا شہکار ہے۔ اوں نہ صرف فرائیڈ دیں کتابیں کوں فکری تحریک گھدی بلکہ اوندے نال مبلد ادوی رہ گیا۔ اوں فرانسوی ادیب تے فلم ساز ژاں کوکتو دے قول فن شعور تے لاشعور دا ملاپ ہے، دی اپٹے فن دے ذریعے تصدیق کیتی۔ ڈالی دی تصویر اپریشن آف فیس اینڈ فروٹ ڈش آن اے بیچ، کوکتو دے نظریے دا اثبات کریدی ہے۔ ایں تصویر کوں ڈیکھوں تاں ایندے وچ ساکوں کئی شبہاں نظر دین۔ ظاہری طور تے کھائیں پئی ہوئی زسی ساکوں ناگ وی جا پدی ہے۔ کھائیں کوئی چہرہ وی مبلدے لیکن دل اے مھلیں دی نوکری نظر آندی ہے وغیرہ وغیرہ۔ ایہ نظریہ جو ادب ہک شعوری عمل ہے جدید دور دی پیداوار ہے۔ میڈیا خیال رہ گئے لوک ادب دی تخلیق لاشعوری عمل ہا۔ ساڈے پیشہ ور ادیب ادب کوں چٹک شعوری عمل سمجھن لیکن میڈیا خیال ہے ادوانٹی لاشعوری محرکات کوں چھپھانیں مٹھو اسبکدے۔ ڈالی دیاں تصویراں میکوں ایں سانگے بھاندین جو

ادب ثابت کہتے فنن وادب دے ذرائع (Sources) بیک وقت لاشعور تے شعور  
دہن۔ اشوالال چھیڑو ہتھ نہ مرنلی وچ لکھیے او شاعری کوں ہک شعوری کم سمجھدے۔  
میڈے نیڑے ادب دی تخلیق دا ہک وڈا Source ساڈیاں لاشعوری قوتیاں دہن  
انہیں کوں عیاں کیتھیں بغیر اسان ادب دے حقیقی مفہوم تک نہی پہنچ سکدے۔

مگر سرائیکی ادب دی تنقید وچ تحلیل نفسی دا اطلاق نہیں کیتا گیا بعض اوقات  
کہیں فن پارے دے رجائی عناصر جینکوں اسان امید دے حوالے نال ڈہدوں او  
صرف اسانیاں خواہشاں ہوندین بلکہ ڈو جھے لفظیں وچ عذائیں کنوں نکلیں دے  
خواب ہوندن۔ خواجہ فرید دی شاعری وچ المیہ عناصر جبرھے سستی یا ہنسی ذات دے  
حوالے نال دہن او اپنے ماضی دے وسیع تناظر وچ سرائیکی وسیب وچ تھیون والے  
قلم دے دماغ وچ پوشیدہ ڈکھ دا اظہار دہن۔ اینویں سرائیکی قومیت وچ مرثیہ تے  
نوحہ دی مقبولیت بانواسطہ طور تے اپنے وسیب دے عذائیں دا علامتی اظہار دہن۔ خواجہ  
فرید دی شاعری وچ رجائی عناصر کوں اسان سرائیکی قومیت دین محرومیں تے خواہیں  
دے حوالے نال ڈکھ سکدوں جیدے وچ لے چنڈے آتے تھل مارو دے اذیت  
ناک پندھ کوں لکھلے وچ طے کرن دی خواہش دا اظہار ملدے:

تھل مارو دا پیڑا سارا  
تھیسیم ہک ہلانگ

بعض جہیں تے اگرچہ انہیں خواہیں دا حوالہ ذاتی پس منظر وچ وی ہے لیکن  
کیا کوئی شخص جبرھاس سرائیکی وسیب دی تاریخ کنوں واقف ہے آریا کیں کنوں گھن تے  
ہنوں تائیں دے حملہ آوریں آتے طبقاتی سماج دے عذائیں کوں سمجھ سکدے جتھاں جو  
اتھوں دی ہک ماہ لپٹے ہال دی پیدائش دی خوشی دے دوران ہال دی آئندہ حیاتی وچ  
آون والے ڈکھیں کنوں لرزہ برآمدام ہے:

جڈاں جاہم پا کر جھولی  
کر دین ڈٹی ماء لولی

انھیں عذابیں وچ وی ہک فرد یا قومیت دی ایہ خواہش لگی رہندی ہے جو  
آخر چچکاں وقت آوسی۔ اساں این خواہش وچ ہوں سارا اٹھجا اوب تخلیق  
کریندوں چیرہا رجاتی ہوندے۔ اساڈے بے شمار افسانیں دا انجام رجاتی ہے۔  
مثالاں بے شمار ہن۔ تاں حفیظ خان دے افسانے ”ویندی رت دی شام“ آتے  
باسط بھٹی دے افسانے ”سوجھلا“ کوں ڈیکھنوں۔ اساڈی شاعری وی این حوالے نال  
بھری پئی ہے۔ سحر سیال آہدی ہے:

ساڈے دیزھے چڑیاں ۛ لیاں  
اساں ۛ ہے تاکڑیاں کھولیاں

ایہا صورت حال اساڈے لوک قصیں وچ وی ہے۔ بلکہ بعض لوک  
قصیں (چیرھے ملک ملک مشہور ہن) وچ ایہ انسانی خواہشات کتھائیں واضح تے  
کتھائیں علامتی شکل وچ ظاہر تھیں یاں رہندین۔ ایندی سب کنوں چنگی مثال دنیا  
بھر وچ مشہور فرضی داستان سیف الملوک ہے۔ جیدے وچ پری (انسانی کس  
کوں مجسم شکل وچ ڈیکھن وی خواہش) آتے اوندے آتے فتح پاوٹ (بدیع البانو  
نال سیف الملوک دی شادی) انسانی خواہشات دیاں فرضی تعبیراں ہن۔ سرائیکی  
ثقافت دے رنگ وچ ڈھلی ہوئی این داستان دے علاوہ اساڈیں انھیں لوک  
کہانیاں وچ وی اساڈیاں خواہشاں تے خواب نشاہر ہن۔ جام جو نادرے قصبے وچ  
ہک پے نال انسانی نجات، جبر دے خلاف مزاحمت آتے ظلم آتے فتح حاصل کرن دا  
انسانی خواب این قصبے دا حاصل ہے۔

اجتماعی طور تے بعض وڈے سرائیکی شاعریں دی شاعری وی حتمیل نفسی کیفیت

وہ مجھے تاں عام طور تے اوند ا پورا مزاج سراہیکی قومیت دے مزاج دے کم از کم کہیں نہ کہیں خواب کوں ضرور نشاہر کریندے۔ سراہیکی وسیب دا خصوصی جغرافیہ میدانی علاقے دی ہموار سطح، پانی دی فراوانی، پیداوار دا تسلسل، خوشحالی سراہیکی قومیت دا پُراہن مزاج تے ماحول ہمیشہ حملہ آوریں کوں ایں دھرتی دی دولت لٹھن تے اکسایا۔ جیندی وجدناں ایتھاں مسلسل قلام تھیا۔ نتیجتاً ہزاریں سالیں کنوں ایتھے اہیں سراہیکی قومیت دے مزاج وچ ڈکھ، اُداسی اُتے خوف دی کیفیت پیدا کر ڈتی جیرھی ساڈے ادب وچ ذل و ذل نشاہر ہے۔ ایہ کیفیت ایتھاں واضح ہے۔

خدا کرے کوئی پال رووے  
شخصن ساہیں دا ڈر وٹھے

پوری عمر دی مایوسی صدیں دی مایوسی دی نشانی ہے۔ خواجہ فرید دے ایں بند

وچ عمر بھردی مایوسی دا اظہار ایں سلسلے دے:

گزری فرید آخر عمر، آئی نہ دلبر دی خبر

دھواڑاں جنگل جھریں بحر، تک تک رہاں راہیں ہوں

سراہیکی وسیب تے مسلسل حملہ آوریں کنوں نجات دی خواہش اُتے پُراہن سیاسی دھرتی دی خواہش سراہیکی شاعریں وچ سوہنے ماضی دے خواب کوں پیدا کیتا اُتے ایں خواب ناہنجیا دی صورت اختیار کر گھدی۔ ایہا وجہ ہے جو سراہیکی وسیب وچ نویں سماجی حالات دی تبدیلی ہوں ساریں لکھاریں کوں مایوسی کر ڈتا۔ نویں حالات کوں قبول کر ڈی بجائے ماضی پرستی اُنھیں دیں حقیقتات دا حصہ بن گئی اُتے تبدیلی اُنھیں کوں ڈرا کلا منظر لگی۔ ایں مقام تے تحلیل نفسی دی اہمیت ساڈے اکوں واضح تھیندی ہے تے پتہ چلے لا شعوری محرکات کیوں ادب وچ ناہنجیا کوں جنم ڈتے۔ اشوالال ہک استہجا شاعر ہے مستقبل وچ جیندی شاعری اپنھے داخلی جذبے، حسن تے متاثر کن آہنگ

نال جمیدی رہی۔ لیکن اوندی شاعری وچ ناسمجیا دے اثرات ہوں واضح ہن۔  
 رفعت عباس دی ہمیشہ تابندہ رہن والی کتاب ”پڑچھیاں آتے محل“ وچ  
 ناسمجیا عیاں ہے۔

سرائیکی شاعری نال سرائیکی نثر وچ وی ایہدے اثرات کافی گہرے ہن۔  
 سرائیکی افسانیاں وچ ایشھے کئی منظر موجود ہن۔ باسط بھٹی دا افسانہ ”وگا وچھانورا“  
 آتے مرتضیٰ زاہد دے ”پہل دی کہانی“ وچ قدیم متھ دے نال ناسمجیا دے اثرات  
 موجود ہن۔ مزار خان دے افسانے ”پاٹی نال کہانی“ آتے انھیں دے سفر نامے  
 ”ککھ دی کہانی“ وچ وی ایہدے اثرات لہدن۔ تاہم کاشف بلوچ دا ناول پھوگ  
 ہک استغھا پلاٹ پیش کریندے جمیدے وچ واقعات زلزلہ ویدن تے خواب دی  
 واہند وچ غیر عقلیت تے بے معنویت دا عنصر نمایاں تھیندے۔ ہک عظیم ناول ہک عظیم  
 خواب ہوندے۔

فن پارے دے متن دی آزاد حیثیت نال تجزیے وچ تحلیل نفسی وی مدد کر  
 سگدی ہے۔ ایس کتاب دے سارے مضمون گویا کہیں سطح تے لپٹے لپٹے حوالے نال  
 سرائیکی ادب دی تحلیل نفسی دے پراجیکٹ دا حصہ ہن۔ توڑے جو کہیں مضمون دا کہیں  
 نظریے دے حوالے نال جائزہ ای کیوں نہ ہو دے۔ میں ایس کتاب وچ تنقید نگاری  
 دے دوران سرائیکی ادیبیں تے شاعریں دی لکھتیں دے تجزیے کرتے سرائیکی قوم  
 دی سائیکی کول پینٹ کرن دی کوشش کیتی ہے۔ سرائیکی شاعریں تے ادیبیں دیاں  
 لکھتاں انھیں دے خواب ہن توڑے جو انقلاب پسند شاعر خورشید بخاری، غیور  
 بخاری، جہانگیر مخلص، نذیر فیض یا قوم پرست شاعر عاشق بزداری کیوں نہ ہو دے یا  
 ذول رومان پسند شاعر عزیز شاہد ہی ہو دے۔ لکھاریں دے ایہ خواب جنھیں وچ  
 کھائیں علامتی معانی موجود ہن تے کھائیں انھیں دیں مادی یا جنسی خواہشیں دا



بر ملا اظہار ہے۔ اس کتاب دا مقصد سرائیکی ادب دی تحلیل نفسی ہے جیر می ایہ واضح کریدی ہے جو ادب کہیں قوم دی مجموعی نفسیات کوں کجھن وچ مدد کریدے۔ کیوں جو میڈے خیال وچ ادب قوم دا مزاج بلکہ لاشعور ہونے جیڑی تشکیل تہذیب یافتہ انسان دیں تا آسودہ خواہشیں تے محرومیں کیتی ہے تے نقاد واکم تخلیق کار دی سائیکو پتھالوجی کرن ہے۔ میں اونٹی گالھ کوں ہوں درگھیر پگیاں اس سائے میں مناسب سمجھداں قاری تے کہیں ادب پارے دی تحلیل نفسی دا طریقہ کار واضح کرن کیتے ہک بکی جہیں نظم دی تحلیل نفسی کرکراہیں اوندے معنی تک رسائی کر پڑکھاواں۔

ہار سنگھار آجایا کیتم

ڈھول نہ ڈلیا پاروں

میڈے تن تے وسدا ساواں

جوں توے تے کٹیاں

بے پرداہ وے درشن سائے

کوٹھے تے چڑھ کھڑیاں

آنکھیں رستہ بیٹیاں

پاراشولال دے نزدیک ہک علامت ہے۔ جیڑے بارے ایہ خیال ہے جو اوسوہا ہے۔ اٹھیاں ساریاں خوشیاں من۔ اٹھیاں محبوب رہندن۔ جیڑے انتظار رہندے تے اوں تاں رسائی؛ خوشحالی، امن تے خوشیاں تاں رسائی ہے۔ اس نظم کوں عشق مجازی دے حوالے نال interpret کیا دہج سگدے لیکن اٹھوں دی خشک سر زمین دے رہن والیں واسطے ساواں ہک خوشخبری ہے محبوب دے انتظار وچ ساواں دیاں شاندار کڑیاں وی عذاب ہن ویندین۔ اشولال دی ایہ نظم ہک بر ملا تے علامتی اظہار ہے جیڑے وچ بیک وقت ڈوہیں خواب تے حقیقت ہک تھی

ویدن۔

توڑے جو فرائیڈ دا تحلیل نفسی دا نظریہ نیراتی لوکیں دیں چنی اُجھنیں  
 واسطے تھراپی ہئی لیکن ایندے مضمرات تے استعمال ہوں ہن۔ نقادیں ادب پاریں  
 دی تحلیل نفسی کرتے ادب دے معنی تلاش کیتے۔ میں سمجھاں ادب دی تخلیق دے  
 ذریعے شعور تے لاشعور ڈوہیں ہن۔ ایں کتاب وچ شامل سرائیکی لکھاریں دیں  
 لکھتیں وچ میں شعوری تے لاشعوری محرکات کوں ٹریس کرتے مسلسل معنی دی بکول  
 وچ سرگرداں رہیاں جیڑھاں ہک نقاد دا بنیادی کم ہے۔ تاہم میں تحلیل نفسی کوں روایتی  
 معنی وچ نہیں گھدا بلکہ مختلف فکری زاویں نال کم گھدیں ہونیں سرائیکی ادب دیں  
 شعوری تے لاشعوری ذرائع دی نشاندہی کیتی ہے۔

\*\*\*\*\*